

Namo tassa bhagavato arahato sammāsambuddhassa

Anudīpanīpāṭha

1. Cittasaṅghaanudīpanā

Anantaññāṇaṃ natvāna, lokālokakaraṃ jinaṃ;
Karissāmi paramattha-dīpaniyā nudīpaniṃ.

[Tattha, lokālokakaranti dasasahassilokadhātuyam catussaccadhammadesanālokakāraṃ. Paramatthadīpanīti ettha attho duvidho padhānatthoca pariyāyatthoca. Tattha padhānattho paramatthonāma, padhānatthotica padavākyānaṃ mukhyattho ujukattho. Pariyāyatthopi koci, yuttarūpo attho paramattho yeva. Paramatthamdīpetipakāsetītiparamatthadīpanī]. Tampara matthadīpaniṃkarontoācariyo pathamaṃtāva buddhassabhagavato paṇāmaṃkaroti “udayāyassā”tiādīnā.

Tattha “udayā”ti udayatouggamanato. “Yassā”ti yassa sabbaññubuddhamahāsūrasa. “Ekassā”ti aduṭṭiyassa, asadi sassavā. “Saddhammaraṃsijālino”ti etthasaddhammotisatthusa sanadhammovuccati. Tathaca caturāsītisahassadhammakhandhasaṅkhāto desanāsaddhammoidhādhippeto. Saddhammasaṅkhātaraṃsijālaṃassa atthīti saddhammaraṃsijālī. Tassasaddhammaraṃsijālino. “Pabujjhimsū”ti vikasiṃsu, catussaccaññāṇavikāsaṃtāññāṇasamphullaṃ pāpuṇiṃsu. “Janambujā”ti janasaṅkhātāmbujā. Tatthajanānāma idhabodhaneyyasattā adhippetā, yesabbaññudesanaṃ sutvā catussacca dhammaṃ bujjhissanti. Ambujātipadumā. “Jātikkhettamahāsareti” jātikkhetta saṅkhāte janambujamahāsare. Tattha jātikkhettam nāmadahasahassa cakkavālaṃ, yaṃ ekaṃ buddhakkhattanti vuccati. Yattha ca mahābodhisattānaṃ buddhabhāvattāya pathamamahābhīnīhārakālādīsū ekappahārenapathavikampaṇādīnipavattanti. Yatthacavasantādevabrahmāno buddhāparisāhonti. Jātikkhettamahāsareyassa ekassa saddhammaraṃsijālino mahāsūrasa udayā tasmīṃ jātikkhette mahāsare janambujāpabujjhimsūtiyojanā.

“Tam mahāsūra”nti sabbaññubuddhamahāsūriyamaṇḍalaṃ. Janambuja santānesupavattam mahantaṃ mohatamaṃnūdati apaneti, saddhammaraṃsijālaṃ vissajjanto antaradhāpetīti mahāmohatamonudo. Tam “mahāmohatamonudaṃ”.

Evam buddhassapaṇāmaṃ katvā attanā icchitam paṇāmappayojanaṃ pariṇāmento “sañjāta”ntiādīmāha. “Somahāsūromayhaṃ hadaye sañjātam tamokhandhaṃ panūdata”ntiyojanā. Tattha “sañjāta”nti suṭṭhujātam, anamataggesaṃsāre daḷhaṃ pavattanti attho. “Tamokhandha”nti mahāmohatamokhandhaṃ. Sabbakilesatamokhandhaṃ vā. Antarāyakarāni upavīlakopaghātakakammāni pi tamokhandhe saṅgahitāni eva. Tathā rogādayo antarāya dhammāpi tamojātikāvatamotamaparāyanotiādīsū. “Panūdata”nti panūdatu, apanetu, antaradhāpetu.

Evam sappayojanaṃ paṇāmaṃ katvā idāni sanidānaṃ ganthappaṭiññaṃ karonto “porāṇakehi”tiādīmāha. Tattha nidānaṃ nāma ganthappaṭiññāya āsannaṅkāraṇaṃ. Katadhampanatanti, sārattābhīmānīnaṃ yācanaṅcasāṅghassavipulattatā ca.

Tattha dvīhi gāthāhi sakāraṇaṃ yācanaṃ dasseti. Puna dvīhi gāthāhi saupamaṃvipulattatamdasseti. “Tasmā”tiādīnā ganthappakāra ganthaguṇehi sahanthappaṭiññaṃ dasseti. Tattha ādigāthāyaṃ “abhidhammatthasaṅgahe porāṇakehi viññūhi vaṇṇitā bahūvaṇṇanā idhalokamhidissanti”ti yojanā. “Vaṇṇanā”ti porāṇaṭikāyo vuccanti. Evaṅcasati kasmā abhinavaṃ vaṇṇanaṃ yācantīti. “Ye sārattābhīmānino, te tāhibahūhi porāṇavaṇṇanāhituṭṭhiṃ navindanti. Tasmā tam yācantī”tiyojanā. Etena appasārattā eva tāporāṇavaṇṇanāyotipi dīpetiyeva. Tattha “tuṭṭhi”nti santuṭṭhiṃ. Navindantiapaṭilabhanti. “Ye”tiyejanā.

Sāratthameva abhimānenti, visesena nandantisīlenāti sārattābhīmānino. Tenavindantītipurimenasambandho. Puna “te” ti tāhi tuṭṭhiṃ avindantā tejanā. “Ma” nti attānaṃ niddisati. “Saṅgammā” ti samāgantvā. Yasmā paramatthassadīpanaṃ yācanti, tasmā imissāṭīkāya “paramatthadīpanī” ti nāmaṃpi siddhaṃhoti. “Mahaṇṇave” ti mahāsamudde. “Ratanānī” ti suvaṇṇarajatādīni ratanāni. “Uddharitvā” ti uddhaṃ āharitvā. “Yathicchakaṃvī” tiyathicchitaṃpi. Yattakaṃ icchanti, tattakaṃvīti adhippāyo. “Dajjeyyūṃ” ti dadeyyūṃ. Kāmaṃ dadantūti attho. Eyyādivacanānaṃ anumati atthepavattanato. “Navatthabbāvaūnatā” ti mahaṇṇaveratanānaṃ ūnatāhānītā navatthabbāva. Kasmā, aparimāṇa ratanādhiṭṭhānattā mahāsamuddassa. Yato so sāgaroti vuccati, sānaṃdhanaratanānaṃ gehagabbhasadisattāsāgaroti hissa attho.

“Tathevetthā” ti etasmiṃ abhidhammattha saṅgahetatheva. “Vīpulatthā” ti mahantā atthā. “Ratanūpamā” ti mahaṇṇave ratanasadisā. “Satakkhattuṃpī” ti anekasatavāraṃpi. “Vaṇṇeyyūṃ” ti kāmaṃvaṇṇentu. “Pariyādinnā” ti parito anavasesato ādinnā gahitā. Parikkhīṇāti vuttaṃ hoti. “Nahessare” ti nahessanti nabhavissanti. “Tasmā” ti yasmāca yācanti, yasmāca pariyādinnānahessanti, tasmā. “Tāsuvāṇṇanāsū” ti tāsū porāṇaṭīkāsu. “Vaṇṇana” nti abhinavavaṇṇanaṃ, abhinavaṭīkaṃkarissanti sambandho. Kīdisaṃvaṇṇanaṃ karissatīti āha “nānāsārattha sampuṇṇa” ntiādi. Tattha “uttānapadabyañjana” nti uttānapadañca uttānavākyañca. “Nātisānkhepavittāra” nti nātisānkhepaṃnātivittārañca. Mandā buddhi yesaṃ te mandabuddhino. “Mandā” ti mudukā. “Buddhī” ti ñāṇaṃ. Mandabuddhino sotujane pabodheti vikāseti, ñāṇa vikāsaṃpāpetīti mandabuddhippabodhanā. “Karissa” nti karissāmi. “Ta” nti taṃvaṇṇanaṃ. “Paramatthesupāṭavattāhinosuṇantū” ti yojanā. Paṭunobhāvopāṭavaṃ. Paṭunoti byattassapaṇḍitassa. Pāṭavena attho yesaṃ te pāṭavattāhino. Itisaddo parisamāpanajotako. So hi ganthārabbhavidhānassa idhāparisamāpanaṃ pariniṭṭhānaṃ ñāpetuṃ ganthārabbhavākyaassapariyante yojito. Avayava vākyaṃ piyojīyatiyeva. Esanayosabbattha.

Ganthārabbhagāthāvaṇṇanāniṭṭhitā.

1. Evaṃ ganthārabbhavidhānaṃ katvā idāni ādigāthāya sambandhaṃ dassento “abhidhammatthasaṅgaha” ntiādimāha. Sambandhanti kāraṇapphalasaṃyogaṃ. Tattha gāthāpavattanaṃ kāraṇaṃ nāma. Pañcapiṇḍattha dassanaṃ phalaṃ nāma. Kāraṇapphalasaṃyogo sambandhonāma. “Sappayojane” ti phalappayojanasahite. Ganthena abhidhātābbo kathetabboti ganthābhidheyyo. Nipatassa kammaṃ nipaccaṃ. Nipacca kiriyā, nipaccākāro, nipaccakārasakaraṇanti samāso. “Sā” ti ratanattayavandanā. Dassitātisambandho. “Abhihitā” ti kathitā. Pakāsītāti vuttaṃ hoti. “Padhānatthabhūtā” ti adhippetatthabhūtāti adhippāyo. Duvidhohi atthovacanaṃ ca abhidhānatthoca. Tattha gacchatīti gato, purisoti vuttegacchati padena vutto yokoci gacchanto vacanaṃnāma. Purisoti padenadassito padhānattho adhippetattho abhidheyyattho nāmāti. “Abhidhammatthā” ti.

Tattha vuttābhidhammatthā, catudhā paramatthato;
Cittaṃ cetasiṃ rūpaṃ, nibbānamiti sabbathā. ti

Evaṃ vuttā abhidhammatthā. Evaṃ vuttattāyevaca tecattāro abhidhammatthā eva idhāpadhānatthabhūtāti ca, - padhānatthāeva idhāganthābhidheyya bhāvena adhippetāti caviññāyatīti adhippāyo.

Kecipānavadeyyūṃ, teabhidhammatthā saṅgahappakaraṇaṃ pattā visuṃ saṅgahatthānāmabhavyeyyūṃ, naabhidhammatthā nāma. Idha ca saṅgahatthā eva abhidheyyabhāvena adhippetāti vuttaṃ abhidheyyo abhidhammattha saṅgahappadenāti. Vuccate. Teabhidhammatthā saṅgahappakaraṇaṃ pattāpi abhidhammatthā evanāma honti, na visuṃ saṅgahatthānāma. Tattha vuttābhidhammatthātihi vuttaṃ, natuvuttaṃ tattha vuttāsaṅgahatthāti. Evañcasati saṅgahitabhāvamattaṃ visiṭṭhaṃ hoti. Tadeva idha abhidheyyo nāma siyāti vuttaṃ “saṅgahitabhāvopi abhidheyyo yevā” tiādi. Tattha “saṅgahitabhāvo” ticittasaṅgaho, cetasiṃsaṅgahotīdinā saṅgahaṇakiriyā. Sā saṅgahitehi dhammehi aññā nahoti. Tesvevadhammesusaṅgayatīti vuttaṃ “saṅgahitabhāvopi abhidheyyo yevā” ti. Kiñcāpītehi aññānahoti, te sveva saṅgayhati. Sāpāna ganthassapadhānattho nahoti. Idha ca padhānatthova

adhippetoti vuttaṃ “taṃnasundara”nti. Kasmā nasundaranti āha “nahiso”tiādiṃ. Etthacahisaddo imassa vākyassahetuvākyabhāvaṃ joteti. Esanayoparatthapi. “Itopattāya cā”tiādi gantha garudosavivajjanam. Tattha “imassasaṅgahassā”ti imassaabhidhammatthasaṅgahassa. “Dutiyā”tidutiyāṭīkā. “Dvepī”ti dvepiṭīkāyo. “Visuddhimaggamahāṭīkā”ti ācariyadhammapālattherena katāparamatthamañjūsānāmaṭīkā. Sā brammaratṭhe tiriyaṃabbatavāsina therenakatam cūḷaṭīkam upādāya mahāṭīkāti pākaṭā. Taṃsandhāyetam vuttaṃ.

Ganthappakāroca pakāravantehi dhammehi sahevasijjhāti, vinā nasijjhāti adhippāyena “soabhidhammatthapadenā”ti vuttaṃ. Kāmañca so tehi sahevasijjhāti, vinānasijjhāti. Abhidhammatthapadam pana saṅgahaṇakiriyāpakāraṃna vadatīti vuttaṃ “taṃ nasundara”nti. Duvidham nāmaṃ anvatthanāmaṃ ruḷināmanti. Tattha, atthānugataṃ nāmaṃ anvatthanāmaṃ, yathā sukhitasajanassa sukhotināmaṃ. Attharahitam āropitam nāmaṃ ruḷināmaṃ, yathā dukkhitassajanassa sukhoti nāmaṃ. Idha pana anvatthanā mantidassetum “atthānugatā”tiādi vuttaṃ. Tattha “atthānugatā”ti sakatthānugatā. Saddappavattinimittānugatāti vuttaṃ hoti. “Ganthasamaññā”ti ganthasammuti. Ganthassanāmanti vuttaṃ hoti. Saṅgahaganthonāma pāḷiyamtattha tattha vipakīṇedhamme ekattha sabhāgarāsikaraṇavasena pavatto gantho. Taṃ uggaṇhanto appakena ganthenabahukedhammesukhenajānāti. “Taduggahapariṇipucchādivasenā”ti tassauggahoca pariṇipucchācāti dvando. Ādisaddena dhāraṇādīni saṅgaṇhāti. Tattha pāṭhassavācuggatakaraṇam uggaṇhāma. Uggahi tassapāṭhassa atthaggahaṇam pariṇipucchānāma. “Anāyāsato”ti niddukkheṇa. “Laddhabbaṃphalānuphala”nti sambandho. Sarūpato avabujjhanam sarūpāvabodho. Ādisaddena lakkhaṇāvabodho rasāva bodhotiādiṃ saṅgaṇhāti. Anupādāparinibbānam anto pariyoṣānam yassāti anupādāparinibbānantam. Tattha “anupādāparinibbāna”nti taṇhādīṭṭhīhi khandhesu anupādāyaparinibbānam. Anupādisesa parinibbānanti vuttaṃ hoti. “Phalānuphala”nti phalañceva anuphalañca. Tattha “phala”nti mūlapphalam. “Anuphala”nti paramparapphalam. Payojētīti “payojanam”. Payojētīti niyojeti. Kiṃ niyojeti. Phalatthikamjanam. Kattha niyojeti. Phalanibbattakekamme. Kimatthāya niyojeti. Tassakammassa karaṇatthāyāti. Phalānubhavanatthāya tatthatattha phalānubhavanakiccesu payujjīyatīti payojananti pivadanti. “Sāmatthiyato”ti vacanasāmatthiyato. Kiṃ vacanasāmatthiyanti. Kāraṇavacanam phalaṃpidīpeti. Phalavacanam kāraṇampidīpeti. Yathātam asukasmim ratṭhe sammādevo vuṭṭhoti vutte tam ratṭhaṃsu bhikkhanti viññāyati. Asukaratṭham subhikkhantivutte tasmim ratṭhe sammādevo vuṭṭhoti viññāyatīti. Payojanam pana abhidhammattha saddena dassetabbaṃ natthi, saṅgahavacanasāmatthiyeneva siddham hotīti adhippāyena “saṅgahasaddenā”ti vuttaṃ. Sāmatthiyadassane pana suṭṭhu pariṇipucchavacanam icchitabbaṃ hoti. Itarathā aniṭṭhatthappasaṅgopi siyāti imamatham dassetum “taṃ na sundara”nti vatvā “nahī”tiādinā hetuvākyena tadattham sādheti.

2. Evaṃ sappayojane pañcapiṇḍattheti ettha pañcapiṇḍatthe dassetvā idāni tesampañcannam piṇḍatthānam visumvisum pañcappayojanāni dassento “tatthā”tiādimāha. “Tatthā”ti tesupañcasu piṇḍatthesu. Nasaṅkhyātabbanti asaṅkhyeyyam. Saṅkhātumaṣakkuṇeyyanti attho. Napametabbanti appameyyam. Pametum asakkuṇeyyanti attho. Evaṃ kiccapaccayānam katthaci sakkattha dīpanam hoti. Sakavacanam pāḷivacanena sādhetum “yathāhā”ti pucchitvā pāḷigātham āhari. Tattha “yathāhā”ti katham āha iccevattho. Anantare vuttassa atthassa sādhakam vacanam katham pāḷiyam āha, katham aṭṭhakathāyam āha, katham ṭīkāyam āhāti evam yathāraham attho veditabbo. “Tetādisenibbute akutobhaye pūjayato”ti yojanā. Tattha “te”ti buddha buddha sāvake. “Tādise”ti tathā rūpesī lakkhandhādiguṇa sampanne. “Nibbute”ti kilesa nibbānena nibbute. Natthi kutoci hetuto bhayam yesam te akuto bhayā. Anāgāmi khīṇāsavā. “Bhaya”nti cittutrāsabhayam. “Pūjayato”ti pūjentassa. “Tam payojana”ntitassāratanattaya vandanāya payojanam. “Saṅgahakārā”ti buddhaghosatherādayo pacchima aṭṭhakathākārā vuccanti. Tehi porāṇaṭṭhakathāsu tattha tattha vipakīṇepakīṇakavinicchayeyuttatṭhānesu saṅgahetvā abhinava aṭṭhakathāyo karonti. Tasmā sabbāabhinavaaṭṭhakathāyo saṅgahā nāma honti. Te ca ācariyā saṅgahakārā nāma. Tena vuttaṃ “saṅgahakārāti buddhaghosa. Pe... vuccantī”ti. Te antarāya nīvaraṇameva icchantīti katham viññāyatīti ce. Tesam vacanena viññāyatīti dassetum saṅgahakāra gātham āhari. “Ratanattayekatassa etassanipaccakārassa ānubhāvena antarāye asesatososetvāti yojanā. “Hī”ti nīpakahetu jotako. “Vutta”nti aṭṭhasāliniyam vuttaṃ.

3. “Kathañcahotī”ti sambandho. Iti ayam pucchā. “Vuccate”ti visajjanā kathīyate. “Hī”tivitthārajotako. “Vandanā kiriyābhiniṭṭhādako puññappavāho”ti sambandho. “Aneka...pe...vāre”ti accanta saṃyogathe upayoga vacanaṃ. “Puññābhisando”ti puññābhisoto, puññappavāhoti tasseva vevacanaṃ. “So ca puññātissayo hotī”ti sambandho. Kasmā so puññā tissayo hotīti. Khetta sampattiyā ca ajjhāsaya sampattiyā ca hotīti dassetuṃ “anuttaresū”tiādimāha. Saṃvaḍḍhitthāti saṃvaḍḍhito. Puññābhisando. Saṃvaḍḍhitassabhāvo saṃvaḍḍhitattam. Sugandhehivīya suparisuddhamvattham paribhāvīyitthāti paribhāvito. Puññābhisandoyeva. Paribhāvītassa bhāvo paribhāvītattam. Ubhayatthāpi hetu atthe nissakkavacanaṃ. “Mahājutiko”ti mahātejo. “Mahapphalo”ti mūlapphalena mahapphalo. “Mahānisamso”ti ānisamsapphalena mahānisamso. Ānisamsapphalanti ca paramparā phalaṃ vuccati. Aññaṃ puññaṃ atikkamanto sayati pavattatīti atissayo. Puññañca taṃ atissayocāti puññātissayo. Atissayapuññaṃ, adhika puññanti attho. “So anubalaṃ deti, okāsalābham karotī”ti sambandho. Kathañca anubalaṃ deti, kathañca okāsalābham karotīti āha “sayam payoga sampattibhāveṭṭhatvā”tiādim. Tattha payogasampattināma atīti puññakammānaṃ balavataraṃ upatthambhakakammaṃ hoti. “Bahiddhā”ti bahiddhasantānato. “Vipattipaccaye sampattipaccaye”ti yojetabbaṃ. Tattha, vipattipaccayānāma-rājatovā coratovā-tiādinā āgatā dukkhuppattipaccayā. Sampattipaccayānāma kāyacittānaṃ sappāya paccayā. Cattāro paccayā ca upatthākakulāni ca ārakkha devatādayo ca sukhuppatti paccayā. Tehi paccayehi pāmojjā bahu lassa therassa santāne rattidivam pītipassaddhisukhasamādhīnaṃ pavattiyā ajjhatabhūtā utucittāhārā ca atī pañītā honti. Tehi samuṭṭhitā sarīraṭṭhakadhātuyo ca atīpañītā eva hutvā upabrūhanti. Tattha sarīraṭṭhakadhātuyo nāma pathavi ādayo vātapittasemhādayoca. “Anubalaṃdetī”tiabhinavaṃthāmbalaṃ pavatteti. “Puññantarassā”ti pavattivipākajanakassa bahuvidhassa puñña kamma. “Athā”ti tasmīṃ kāleti attho. “Balavabalavantiyo hutvā”ti pakati balato atibalavantiyo hutvā. “Tasmīṃ therasantāne”ti sambandho. “Iṭṭhapphalaghanapūrite”ti iṭṭhapphalabhūtānaṃ rūpasantatīnaṃ ghanena pūrite. “Okāso nāma natthī”ti patiṭṭhānokāso nāma natthī. “Itī”ti tasmā. “Dūrato apanītāneva hontī”ti sambandho. Iṭṭhapphalasantānaṃ vibādanti nīvārentīti iṭṭhapphalasantānavibādhanāni upapīlakūpaghātakakammāni. Aniṭṭhapphala santāna janakāni, akusala janaka kammāni, apuñña kammānīti tānitividhāni akusalakammāni dūrato apanītāneva hontī, tesam vipākassa anokāsakaraṇenāti adhippāyo. Tenāha “nahī”tiādim. “Tato”ti tasmā apuñña kammānaṃ dūrato apanītattā. Abhivādetabbānaṃ mātāpitu samaṇabrāhmaṇādīnaṃ abhivādanakammegarūṃkaraṇaṃ abhivādana sīlaṃ nāma. Taṃ assa atthīti abhivādanasīlī. Guṇavuddhavayavuddhe apacetī attānaṃ nīcavutti karaṇena pūjetīsīlenāti vuddhāpacāyī. Ubhayatthāpisampadāna vacanaṃ. Evantiādinī gamana vacanaṃ. Nīgamanti ca nīṭṭhaṅgamaṃ. Tasmātiādi laddhaguṇa vacanaṃ. Laddhaguṇoti ca taṃtaṃpasaṅga visodhanaṃ paripuññaṃ katvā laddhavisuddho attho vuccati. Tathā vacana sāmattiyena laddho atthantaropi ayamidha adhippeto. “Nakevalañca therasseva anantarāyena parisamāpanattham hotī”ti yojanā. “Sotūnañcagahaṇa kicca sampajjanattha”ntisambandho. Suṇantīti sotāro. Tesam. “Gaṇhantāna”nti uggaṇhantānaṃ. “Vandanāsiddhiyā”tira tanattayevandanā puññassasiddhito. Javanavinicchaye yasmā antarāya nīvāraṇaṃnāma diṭṭhadhamme icchitabbaṃ phalaṃ hoti. Diṭṭha dhammo ca pathama javanassa vipākakkhettaṃ. Tasmā upatthambhana kiccaṃ patvāpi pathama javana cetanā eva idhāpariyattāti adhippāyena “diṭṭhadhammavedanīyabhūtā”ti vuttaṃ. Sā pana pathama javana cetanā upatthambhana kiccaṃ patvāpi sabbadubbala evasiyā. Kasmā, aladdhāsevanattā. Sesa cetanāyo eva balavatiyo siyūṃ. Kasmā, laddhā sevanattāti daṭṭhabbaṃ. “Sattajavanapakkhe adhippetattā upaladdhabattā taṃ nasundara”nti sambandho. “Itī”ti vākyaparisamāpanaṃ. “Yathā appamattakaṃ hoti. Evamevaṃ appamattakaṃ hotī”ti yojetabbaṃ. “Tathāhī”ti tato evāti attho. Paṭṭhānepi=kabaḷīkāroāhāro imassakāyassa āhāra paccayenapaccayo=tivibhatto. Itarathā ‘kabaḷīkāro āhāro āhārasamuṭṭhānānaṃ rūpānaṃ āhārapaccayena paccayo’ti vibhatto siyāti. “Adhunāvā”ti imasmīṃ bhava eva. Evaṃ vandanāyapayojanaṃ dīpetvā idāni sesānaṃ piṇḍatthānaṃ payojanaṃ dīpetuṃ “yasmāpanā”tiādi vuttaṃ. Tattha, “ādītovidītesatī”tiādimhi-bhāsissaṃ abhidhammattha saṅgaha-nti padaṃ sutvā viññātesatī, “ussāhojāyati”. Imam uggaṇhetvā sudullabhe abhidhammatthe ca anāyāsena jānissāma, tammūlakassa ca anupādā parinibbānantassa payojanassabhāgino bhavissāmāti cittuppāda sambhavatoti adhippāyo.

Piṇḍatthānudīpanā nīṭṭhitā.

4. Padatthe. “Bujjhī”ti aññāsi. “Etthā”ti etasmīṃ pade. Ca saddo vākyārambha jotako. Vākyā

rambhoti ca mūlavākye yaṃ yaṃ vattabbaṃ avuttaṃ, tassa tassa kathanatthāya anuvākyassa ārambho. Bujjhanakiriyāvuccatiñāṇaṃ. Kathaṃpanaaviparītatthe pavatto sammāsaddo asesa byāpanaṃ dīpetīti pucchāya purimatthame vabyatirekato ca anvayato ca puna vitthārento “tathāhī” tiādīmāha. Tattha, “tathāhī” ti tassa vacanassa ayaṃ vitthāroti joteti. “Aviparīta” nti kiriyāvisesana padametaṃ. “Attano visaye evā” ti attano ñāṇavisaye eva tesam visayocāti sambandho. Yasmā ekopi dhammo kāladesasantānādibhedena ananta bhedo hoti. Tasmā padesañāṇikā paccekabuddhādayo ekadhammaṃpi sabbākārato jānitum na sakkonti. Tenāha “tehi” tiādiṃ. Tattha “sabbākārato” ti sabhāvato, hetuto, paccayato, phalato, nissandato, kālato, desatotiādīnā ākārena. “Yatthā” ti yasmim avisayedhamme. “Te viparītaṃ bujheyuyum, so avisayo nāmadhammonatthī” tiyojanā. Taṃ vitthārento “tehi” tiādīmāha. Tattha, “tiyaddhagate” ti tīṣukālesu gate pavatte. “Addhāmuttake” ti kālattayavimuttake. “Hatthamaṇikeviyā” ti hattha tale ṭhapitamaṇiratanāniviya. “Sabbe dhammā” tiādi pālisādhakaṃ. Tattha, “āpāta” nti abhimukhaṃ patanaṃ. Ābādhantipi pātho, ottharivā upaṭṭhānanti attho. “Sabbaññumahābhavaṅga” nti sabbesaṃsabbāññubuddhānaṃ pacchimabhava paṭisandhito paṭṭhāya pavattaṃ aṭṭhasu mahāvīpākesu pathamamahāvīpākaṃ bhavaṅga cittaṃ. “Tatthā” ti tasmim mahābhavaṅge. “Niccakālaṃ upaṭṭhānanti” ti sabbakālaṃ upaṭṭhānākāra pattā hutvā tiṭṭhanti. Kasmā, kassaci āvaraṇassa abhāvato. Idampīhi ekaṃ upaṭṭhānaṃ nāmāti. “Āvajjanāyā” ti manodvārāvajjana cittaṃ. Dhammā mahantā. Bhavaṅgaṃ parittakaṃ. Tasmā parittakaṃ bhavaṅgaṃ ekakkhaṇe mahantānaṃ dhammānaṃ napahotīti codakassa adhippāyo. “Nacodetabbameta” nti etaṃ ṭhānaṃ nacodetabbam. “Paramukkaṃsapattāna” nti ettha “ukkaṃso” ti accuggamo accuttaro. Paramo ukkaṃso paramukkaṃsotiviggaho.

Evam sammāsaddassa atthaṃ vicāretvā idāni saṃsaddassa atthaṃ vicārento “saṃsaddopana” tiādīmāha. Tattha, “upasaggo” ti upasaggapadaṃ. “Paṭivedhadhammesū” ti paṭiccasamuppādādīnaṃ paṭivijjhanaññāṇesu. Natthi ācariyo etassāti anācariyo. Samāsante kakārena saha anācariyako. Anācariyakassa bhāvo anācariyakatā. Taṃ anācariyakataṃ. Tatīyā ruppasamāpatti nāma ākiñcaññāyatanajjhānaṃ. Taṃ bhagavā ālārassa santike uggaṇhāti. Catutthārūppasamāpatti nāma nevasaññā nāsaññāyatanajjhānaṃ. Taṃ udakassasantike uggaṇhātīti vuttaṃ “ālārudakamūlikā” ti. “Analaṅkaritvā” ti āvajjanasamāpajjanādivasena analaṅkaritvā. Anāsevītvāti vuttaṃ hoti. “Chadditattā” ti etāsamaṃpattiyonālaṃ bodhāya, atha kho yāvadeva tatīya catutthārūppabhavappaṭilābhāya saṃvattantīti evam ādīnavaṃ disvā chadditattā. “Bujjhanakiriyāyā” ti paṭivedhaññāṇassa. “Kuto paṭivedhadhammā” ti tā kuto paṭivedhadhammā hontī. Paṭivedhadhammā eva ca buddhabhāvāyapadaṭṭhānāhontīti adhippāyo.

Pāḷiyam. “Pubbe ananussutesudhammesū” ti imasmim bhava ito pubbe kassacisantike ananussute sucatussacca dhammesu. “Abhisambujjhī” tipade abhisambodhisāṅkhātaṃ arahattamaggaññāṇaṃ vuttaṃ. Tadeva ñāṇaṃ sabbaññūtaññāṇassa padaṭṭhānaṃ hoti. Tappaccayā tadanantarā evasabbāññūtaññāṇaṃ pātubbhavatīti vuttaṃ “tattha ca sabbaññūtaṃ pāpuṇātī” ti. “Tadanantarā” ti ca arahatta maggavīthiyāca catunnaṃ paccavekkhana vārānañca anantare kāleti attho. “Nimittatthe” ti nimitta hetvatthe. “Bhumma” nti aṭṭhakathāsuāgataṃ sattamīvibhattiyānāmaṃ. Tāsu hi paccattavacanaṃ, upayogavacanaṃ, karaṇa vacanaṃ, sampadāna vacanaṃ, nissakkavacanaṃ, sāmīvacanaṃ, summavacanaṃti evam anukkamena sattannaṃ vibhattīnaṃ nāmāni āgatānīti.

“Dasabalaññāṇesu” ti ṭhānāṭhāna kosallaññāṇādīsu dasa ñāṇabalesu. “Vasibhāva” nti ettha attano vasaṃ vattetaṃ samatthāṭā saṅkhātosatti viseso vasonāma. Vaso etassa atthīti vasīvasigaṇehītiādīsuvīya. Vasino bhāvo vasibhāvo. Taṃ vasibhāvanti attho. Tenāha “vasibhāva” nti issarabhāvanti. Katthaci pana “vasī” ti itthilīṅgapadaṃpi dissati=tatrimā pañcavasiyo āvajjanavasīsamaṃpajjanavasī=tiādīsu.

Sammāsambuddhapada.

5. Atulapade. Anekehiṅgaṇapadehi pavattitāvandanā “anekagaṇapadavisayānāma”. “Itikimduṭṭiyenā” ti itī tasmā duṭṭiyena atulapadena kiṃ payojanaṃ atthīti attho. “Nana samatthā” ti nasamatthā na hotīti yojanā. Samatthā evāti adhippāyo. “Mattakārino” ti pamāṇakārino. “Thero ca

tesaṃ aññataro”, tasmā mattaṃ na karoti, dutiyaṃ atula padaṃ āharīti adhippāyo. “Apicā”ti kiñci vattabbaṃ atthīti attho. “Nakevalaṃ vandanāya antarāyanivāraṇameva icchi tabbaṃ hoti”ti yojanā. “Vandanāya”ti vandanāhetu. Sopi paññāpāṭavādi attho. “Ganthapārisuddhiyā”ti ganthadosānāma padadosa vākyadosa atthadosādayo atthi. Tehi dosehi imassa ganthassa pārisuddhiyā. Kathaṃ pana vandanāya paññāpāṭavādi atthosambhavatīti vuttaṃ “anussatiṭṭhānesū”tiādi. Anussatiṭṭhānāni nāma buddha dhamma saṅghasilādīni. Cittasamādhānaṃ āvahaṭīti cittasamādhānāvaho. “Tikkhāsūrāhutvāvahatī”ti gambhīresu attha byañjana padesu amandā vissatṭhā hutvā vahati. “Tadatthāyapī”ti paññāpāṭavādi atthāyapī. Guṇanāmapadānaṃ guṇatthoṇānaviggaha vākyesu pākaṭo, siddhapadesu apākaṭo. Tasmā tāni viggahatthaṃ ajānantānaṃ santike nāma mattāni sampajjantīti vuttaṃ “yathāvutta vacanattayogepe...pe... pavattattā”ti. “Sabhāvaniruttiṃ jānantāna”nti māgadha bhāsaṃ jānantānaṃ. Māgadhabhāsāhi mūlabhāsāti ca ariyabhāsāti ca māgadhabhāsāti ca pālibhāsāti ca dhammaniruttīti ca sabhāvaniruttīti ca vuccati. “Bhāvattasūñña”nti ettha guṇanāmānaṃ guṇattho bhāvattō nāma. So evasakatthoti ca vacanattōti ca viggahattōti ca vuccati. Kiriyanāmādisūpi esevanayo. “Satthū”ti satthuno. “Samaññāmatā”nti nāmasaññāmatāṃ bhavituṃ nārahati. Tathāhi anāthapiṇḍikoseṭṭhi rājagahaṃ anupatto buddho loke uppannoti sutvā udānaṃ udānesi=ghosopi kho esodullabho lokasmiṃ yadidaṃ buddho=ti. Tasmā buddhoti nāmaṃpi loke mahantaṃ sudullabhaṃguṇapadaṃ hoti. Sammāsambuddha nāmevattabbamevanatthīti. “Sabhāvaniruttiṃ ajānantānaṃ pana padasahassaṃ vuccamānaṃpi”ti tiṭṭhatu ekaṃ atulapadaṃ, padasahassaṃpi vuccamānaṃ satthusamaññāmatameva sampajjati. Tādisāhi janā idaṃ loke mahantaṃ guṇapadantipi najānanti. Bhāvattāṃ kiṃjānissanti.

“Atulo”ti aññena so asadisoti vā, añño vātena sadisotassanattītivā, - dvidhāpiattholabbhati. Sādhakagāthāyaṃ “paṭipuggalo”ti yugaggāhīpuggalo. Kiñcāpi makkhali pūraṇādayo viṣuṃviṣuṃ - ahaṃ sabbaññū sabbadassāvī - tica, ahaṃ sammāsambuddho-tica paṭijānantā yugaggāhino hutvā vicaranti. Dhammato pana sineru pabbata rājassa santike sakkhara kathalāniviyasampajjantīti. “Anacchariya”nti natāva accharitabbaṃ hotīti attho. “Buddhabhūtassā”ti buddhabhāvaṃ bhūtassapattassa. “Yaṃ buddha bhūtassa atulattaṃ, etaṃ anacchariya”nti yojanā. Yadi cetāṃ anacchariyaṃ hoti, katamaṃ pana tāva acchariyaṃ bhavatīti āha “sapatijātassā”tiādiṃ. Tattha “sapatijātassā”ti ajjevajātassapi assa bhagavato. Kathaṃ atulatā paññāyatīti āha “tadhā”tiādiṃ. “Ekaṅgaṇāni”ti ekatalāni. Tadhāhi bodhisattassapuññānubhāvena atimahanto obhāso pātubbhavati. = Uḷāro obhāso pāturahosi atikkammadevānaṃ devānubhāva=ntiṃ vuttaṃ. Tena obhāsena pharitā sabbe pathavi pabbatādayo jātiphalikkhandhāviya suppasannā honti. Dasahassa cakkavālāni ekatalaṃ hutvā paññāyanti. Tena vuttaṃ “anekāni cakkavālasahassāni ekaṅgaṇāni ahesu”nti. “Paramāya pūjāyati thutimaṅgalavacanapūjāya. “Lokassā”ti sabba sattalokato. Evaṃ acchambhi vācaṃ nicchāresi dhammatāya saṅcoditattāti adhippāyo. Tattha “acchambhivāca”nti viśāradavācaṃ. Āsabiṃ vācantipi pāṭho. Uttamavācanti attho. “Nicchāresi”ti udāharati. Idampi anacchariyaṃ, aññaṃ pitato acchariyataraṃ atthīti dassetuṃ “yadāpanā”tiādi āraddhaṃ. Pāramitā guṇehi tena sadiso kocinattheva thapetvā añña ca mahābodhi satteti adhippāyo. “Assā”ti tena sadisassa. “Natthibhāvo dīpetabbo”ti sambandho. “Dīpetabbo”ti buddhavaṃsapālito āharitvā dīpetabbo. “Kutosāvakabodhisattānaṃ satasahassaṃ sakkhissatī”ti yojanā. Pāramiyo pakārenavicinanti etenāti pāramipavicayo. Nānaṃ. Taṃpanaññaṃ mahābodhisattānaṃ eva uppannaṃ nahoti. Paccekabodhisatta sāvakabodhisattānaṃpi uppannameva. Tadeva ca sabbesaṃpi bodhisattānaṃ niyatabyākaraṇappaṭilābhe padhānakāraṇanti dassetuṃ “sāvakabodhisattāpī”tiādi vuttaṃ. Tattha bodhivuccativimokkhaññānaṃ. Ariyamaggassetāṃ nāmaṃ. Bodhimhisajanti laggantīti bodhisattā. “Lagganti”ti tappaṭilābhatthāya niyata cittā hontīti attho. Bodhi atthāya paṭipannā sattā bodhisattātipi yujjati. Buddha suññepiloke kammassakatāññaṃ ṭhatvā vaṭṭadukkhato mokkhadhammapariyesino sattāti vuttaṃ hoti. “Sambhāra dhamme”ti dasavidhe pārami dhamme. Vaṭṭaṃ anusaranti anugacchantīti vaṭṭānusārino. Pathaviyaṃ paṃsucunṇāni viya pakatiyā vaputhubhūtajānāti puthujjanā. Mahantāputhujjanāti mahāputhujjanā. Vaṭṭānusārino ca te mahāputhujjanācāti samāso. Tesaṃ bhāvoti viggaho. Ayaṃ bhāvoyeva tesaṃ bhūmīti ca vuccati. Atthato pana mokkhadhammanirapekkhatā eva. Acchandikatātipi vuccati. “Okkantā”ti pavitṭhā. Tayoniyatā, bodhisattaniyato ca cūlasotāpannaniyato ca ariya sotāpannaniyato ca. Tattha bodhisattaniyato bodhisambhārabalena siddho. Cūlasotāpanna niyato paccayākāranubodhaññābalena. Ariyasotāpanna niyato sotāpatti maggaññāna balena. Tesu

bodhisattaniyato idha adhippetoti vuttam “ekena pariyāyena” tiādi. Vattabbamevanatthitesam dvinnam bodhisattānam pārami pavicayaññāna sampattiya vinā niyatabyākaraṇa lābhā saṅkāya eva abhāvato adhippāyo.

Padasiddhivicāreyaṃ vuttam vibhāvanīyaṃ=tulāyasamītotulyo. Tulyo eva tuloyakāra lopavasena=ti. Tamsandhāya “ya kārassavāvasenā” ti vuttam. Yañcavuttam tattheva=athavāsamītatthe akārapaccayavasena tulāyasamītotulo=ti. Tam sandhāya “akārassavāvasenā” ti vuttam. Tattha “tulāyā” ti loke dhāraṇatūlāsadisāya paññāyāti attho. “Samīto” ti samaṃ kato. Nahi tulasaddo bhavituṃ nayutto. Yutto evāti adhippāyo. Kathaṃ viññāyatīti āha “tulayitu” ntiādim. Tatthahi “tulayituṃ asakkuṇeyyo” tivacanena tassakammasāadhanattamdasseti. “Kammasāadhanenevā” ti pubbe-tulayitabbo aññena saha pamitabboti tuloti evaṃ idhavuttena kamma sādhanā vacanatteneva. “Tadatthasiddhito” ti tassa vibhāvanīyaṃ vuttassa duvidhassa atthassa siddhito. “Tato” ti tulasaddato. Cintāya kiṃ payojanam atthi. Natthiyevāti adhippāyo. Vadati sīlenāti vattā. Vādī puggalo. Vattuno icchāvatticchā. Vuttam icchāvatticchātipivadanti. Vatticcham anugato sammuti saṅketavohāra siddhattāti samāso. “Eta” nti etaṃ dvidhāsiddhavacanam. “Ce” ti cevadeyya. “Nā” ti nayuttam. “Yathāsuta” nti tula iti sutam. “Yutta” nti yathāsuta niyāmeneva yuttam vajjetvā. “Assutassā” ti dhāraṇatūlāpariyāyassa itthiliṅgatūlāsaddassa. Tato yevayakāra yuttassatulyasaddassa ca assutassa. Itthiliṅgesati, tatopi eko akāroti katvā samītatthe duṭṭyo taddhita akāropi assutoyevanāmahoti. “Parikappanāya” ti parikappetvā kathanāya. Payojanābhāvato na yuttantisambandho. Atulapadam.

6. Evaṃ dvinnam padānam padattha samvaṇṇanam katvā idāni tesamyeva atthuddhārasamvaṇṇanam karonto “imehi panā” tiādimāha. Tattha “sampadā” ti sampattiyo. “Bodhisambhārasambharaṇam nāma” samatiṃ sapāramīnam paripūraṇam. “Mahāvajiraññāna” nti bhagavato āsavakkhayaññānampi vuccati. Tassa pubbabhāge buddhabhāvattāya anupadadhammavipassanāvasena chatṭimsa koṭi satasahassa saṅkhānam devasikam vaḷaṅjanakapphalasamāpattīnam pubbabhāga vipassanāññānampi mahāvajiraññānanti vuccati. Sabbampetaṃ mahāṭikāyaṃ vuttam. “Mahābodhiyā” ti sabbaññu buddhānam abhisambodhi saṅkhātassa aggamaggaññānaṃ. Pahiyanti pahātābbā dhammā etenāti pahānam. Pajahanti pahātābbedhammeetēnātivā pahānanti katvā tam aggamaggaññānampitaṃ vipassanāññānampi pahānanti vuccatīti iminā adhippāyena “pahānasampadāyaṃ vā sā saṅgahitā” ti vuttam. Pañcasīlāni. Pāṇātipātassa pahānaṃsīlam, veramaṇisīlam, cetasikaṃsīlam, samvarosīlam, avītikamosilantiādisuviya etthahi pahānasīlam nāma yathā vuttena atthena veramaṇisīlamevāti yujjati. Pahānam nāma kocidhammo nahotīti adhippāye pana satipahāna sīsena pahānasādhakam tadevaññānavayam upacārenapahānanti gahetabbaṃ. Itarathā pahānasampadā nāma asārā aphaḷāti āpajjeyyāti. Paccekabuddha buddhasāvaka kilese pajahantāpi vāsanāya saha appajahanato citta santāne mohavāsanāya vijjāmānattā sabbaññu bhāvaṃ nagacchanti. Tasmā yathātesam kilesappahānam pahānasampadā nāma nahoti. Natathāsabbaññubuddhānanti āha “sahavāsanāyā” tiādim. Vibhāvanīyaṃñānasampadā pathamaṃ vuttā. Tato pahāna sampadā. Ṭikāyaṃ pana pahānasampadā pathamaṃ vuttā. Tato adhigama sampadānāma vuttā. Tato ñānasampadā. Pahānasampadāyañca aggamaggaññānam dassitam. Adhigama sampadāti ca sabbaññutaññānappaṭilābhho vutto. Ñānasampadāyampāna tehi dvīhi ñānehi avasesānidāsabalaññānādinisabbaññānānidassitāni. Idhapi ṭikānāyameva sambhāvento “pahānasampadāyevapanā” tiādimāha. “Sabbaññutaññānappaṭāṭhāna” nti sabbaññutaññānassapadaṭṭhānam, āsanna kāraṇam. “Na hi maggaññānato aññā pahānasampadānāma atthi”. Paramatthato natthīti adhippāyo. Idañca visuddhimagge=pahānanti koci dhammonāma natthi aññātra vuttappakāraṇam pāṇātipātādīnam anuppādamattato=ti āgatattā vuttam. Pahāyakkadhammasamādānena pana pahātābba dhammānam anuppādo nāma ekopaṇīta dhammohoti. Ekaṃ santi padaṃ hoti. Tathāhi vuttam paṭisambhidā magge=uppādo bhayaṃ, anuppādo khemanti santipade ñānam. Pavatti bhayaṃ, appavatti khemanti santipadeñāna=nti. Tadaṅgappahānam panatadaṅganuppādo nāma. Vikkhambhanappahānam vikkhambhana anuppādo nāma. Samucchedappahānam samuccheda anuppādo nāmāti vattabbaṃ. Idha pana anuppāda sampāpakaṃ vipassanā ñānañca maggaññānañca upacārena pahānanti adhippetam. Kasmā, upariñāna sampadādīnam paccayattāti daṭṭhabbaṃ. “Sampadāsāṅkaro” ti sampadāsambhedo, sampadāsammiṃso. “Nāyāgata” nti yuttito āgatam. “Sīlādiguṇehī” ti sīla samādhī paññā vimutti

vimuttiññānadassana guṇehi. “Iddhidhammehī”ti iddhividhābhiññādīhi iddhiguṇehi. “Lakkhaṇānubyañjanappaṭimaṇḍitassā”ti dvattimsa mahāpurisalakkhaṇehi ca asīti khuddakalakkhaṇehi ca paṭimaṇḍitassa. “Āsayo”ti citta santāne adhisayito icchāviseso. “Ajjhāsayaṣṣā”ti alobhajjhāsayaḍikassaajjhāsayaṣṣā. “Uḷārata”ti paṇītatā. “Hitajjhāsayaṭā”ti hitakāmatā. Aparipāka gatindriyānaṃ sattānaṃ indriyaparipākakālāgamanañca ettha vattabbaṃ. “Abhiññātāna”nti atipākāṭānaṃ. “Dvepahānasampadā”ti dvepahāna sampadā ñānasampadā. Sammāsambuddhapade. “Sāmaṃ saccāni abhisambujjhī”ti ettha abhisambodhisankhātaṃ aggamaggaññānaṃ gahitaṃ. Tañca pahānakiccappadhānaṃ hoti. “Tattha ca sabbaññutaṃ patto”ti ettha sabbaññutaññānaṃ. “Balesu ca vasibhāva”nti ettha dasabalaññāṇāni gahitāni. Tena vuttaṃ “dve...pe... sammāsambuddhapadenavibhāvitā”ti.

Sampadāniṭṭhitā.

7. Sasaddhammagāṇuttamapade. Yathā=sasaṅghaṃlokanāyakaṃ namassissaṃ=ti etthasahasaddassa samavāyatthattā ahaṃlokanāyakañca saṅghañca namassissanti evaṃ samavāyattho viññāyati. Tathā idhapi sammāsambuddhañcasaddhammañca gaṇuttamañca abhivādiyāmīti evaṃ kiriyāsamavāyattho sahasaddena dīpitoti dassetuṃ “dūratohaṃ...pe... evamidaṃ daṭṭhabba”nti vuttaṃ. “Ida”nti sasaddhammagāṇuttamapadaṃ. Ettha ca “samavāyo”ti dvinnaṃ tiṇṇaṃ bahūnaṃ vā atthānaṃ ekasmiṃ dabbeva guṇevākiriyaṃ avāsamaṃ avecca ayaṇṇapavattanaṃ samavāyo. Paccānutaṃ paccānumodaṇādiṭṭhānesu=ahaṃ pubbedānaṃ nadadissaṃ, sīlaṃ narakkhissaṃ. - Anekajāti saṃsāraṃ sandhāvissa=ntiādinā atītepi kāle anāgatavacanaṃ payujjatīti āha “namassissa”nti namassimti. “Guṇībhūtāna”nti samāsapade visesanabhūtānaṃ, appadhānabhūtānanti attho. Abbhūta tabbhāvecāyaṃ ikāro. Yathā, kāko setī bhavati, bako kaṇhībhavatīti. Ettha ca “setī bhavati”ti asetapubbo setobhavati. “Kaṇhībhavati”ti akaṇhapubbo kaṇhobhavati attho. Tathā idhapi. Buddhaṃ dhammañca saṅghañcavanditvā-tiādisu visuṃvisuṃ padhānattā agūṇabhūtāpi dhammasaṅghā idhasamāsapade aññapadatthasagaṇabhūtāhonti. Ayaṃ abbhūtatabbhāvatho nāma. “Abhivāditabhāvo”ti vutte tapaccayassa bahulaṃ atītakālavisayattā pubbeganthārambhakāle dhamma saṅghānaṃpi therassa vandanāsiddhi dassitā hoti. “Abhivādetabba bhāvo”ti vuttepana tabbapaccayassakālasāmaññavisayattāna tathā dassitā hoti. Dānaṃ dātabbaṃ, sīlaṃ rakkhitabbantiādisu viya dhammasaṅghānāmasabbakālaṃpi abhivādetabbāti. Evaṃ dhammasaṅghānaṃ sabbakālaṃpi abhivādanārahaguṇo eva dassitoti imamatthaṃ dassetuṃ “tatthā”tiādi vuttaṃ. Tattha, “abhivādāna”nti idaṃ kiriyāsamavāyadassanato vuttaṃ. Kālavisesaṃ pana nadīpetiyeva. “Attano nidassanena”ti saputtadāro āgatoti attanā nīharitvā dassitena payogena. Sohi payogo kiriyā samavāyasseva. Naguṇasamavāyassāti. Ettha ca therassa vandanāvacane thero imehi yevapadehi ratanattayaṃtīhidvāre hivandatīti gahetvā “abhivādiyā”ti ettha abhivādiyadhīti ca atthaṃ nīharanti. Appadhāna kiriyāpade pana tadattha nīharaṇaṃ asambhāvento “apicā”tiādimāha. Tattha “apicā”ti kiñci vattabbaṃ atthīti atthajotane ayaṃ nipātasamudayo. “Ganthappaṭiññāyā”ti ganthappaṭiññāvacanena. “Sahaghaṭetvā”ti ekato sambandhitvā.

Vacanatthe. Sadhano puriso, dhanavāpuriso-ti ādayo samāsataddhitasaddā yebhūyena atissayattha dīpakā honti. Nahi appakena dhanena tathā voharanti. Tasmā idhāpi tathā rūpaṃ atissayatthaṃ dassetuṃ “attanānimmitena...pe... saraṇabhūtenā”ti vuttaṃ. Tattha, “attanānimmitenā”ti attanā uppāditena. “Nahī”tiādinā tadatthameva byatirekato vivarati. Tattha, “paranimmitenā”ti buddhanimmitenāti adhippāyo. “Tathā thomana”nti sasaddhamma gaṇuttamanti thomanaṃ. “Idampī”ti dutīyattha sampiṇḍane ayaṃpikāro. Nakevalaṃ purimapaḍadavayameva satthu asādhāraṇaguṇapadaṃ hoti. Atha kho idampi padaṃ satthu paccekabuddhādīhi asādhāraṇa padamevahotīti yojanā.

Dhammavacanatthe. “Dhāretī”ti vahati. Gāthāyaṃ “rakkhati”ti apāyādidukkhatōrakkhati. “Yesa”nti kilesānaṃ. “Imasmiṃ atthe”ti kilesasamucchindanasankhāte dhāraṇatthe. “Nibbānañcanipariyāyato dhammo nāmā”ti kasmā vuttaṃ, nanu nissaraṇappahānameva nibbānassa kiccaṃ, idaṃca samucchadappahānanti codanaṃ pariharanto “ariyamaggāhī”tiādimāha. “Nibbānena saheva hutvā”ti ārammaṇādhīpatibhūtaṃ ārammaṇū panissayabhūtañca nibbānaṃ attano paṭiṭṭhaṃ katvāti adhippāyo. Apica, samucchediti ca nissaraṇanti ca atthato samānagatikāṃ

hoti. Tasmā nissaraṇaṃpi mukhyadhāraṇa mevāti daṭṭhabbaṃ. Nissaraṇamevavā padhānadhāraṇanti piyujjatiyeva. “Dhāraṇūpāyoyevahoti”. Namukhyadhāraṇaṃ. Kasmā, samuccheda kiccābhāvato. “Etepañca pariyāyadhammāyeva”. Kasmā, nibbānassaviyamaggānaṃ samuccheda kicce asahāyattāti. Ettha ca “sāmaññapphalānī”ti samaṇassa bhāvo sāmaññaṃ. Ariyamaggassetam nāmaṃ. Sāmaññassaphalaṃ sāmaññapphalaṃ. Dutīyavikappe akicca paccayabhūtāpi kecikitakapaccayā kammaṭṭhegatā kiccappaccayānaṃpi atthaṃ dīpeti. Yathā, diṭṭhaṃ, suttaṃ, mutaṃ, viññātanti vuttaṃ “dhāraṇāraho”ti. “Yathā vutta dhammā yevā”ti pañcamukhyadhammā, pañcapariyāyadhammāyeva. “Kecī”ti cattāro maggā. Puna “kecī”ti nibbānameva. Bahuvacana sotepatitattā ettha bahuvacanaṃ ruḷaṃ. Puna “kecī”ti cattāro sāmaññapphala dhammā. “Kecī”ti pariyatti dhammo. Etthāpi bahuvacanaṃ sotapatitameva. “Dhārenta”nti dhārentaṃ puggalaṃ. Tatīya vikappe “apatamānaṃ vahanti”ti apatamānaṃ katvā vahanti. Catuttha vikappe “etthā”ti etasmiṃ dhamme. Dhammovadīpaṃ etesanti dhammadīpā. Dhammova paṭisaraṇaṃ etesanti dhammapaṭisaraṇā. Dhammadīpā bhikkhave bhavatha dhammapaṭisaraṇā, anaññappaṭisaraṇā tihī vuttaṃ. Laddhā patiṭṭhā etesanti laddhappatiṭṭhā. Yujjatiyeva. Dhammadīpapāṭhānulomattāti adhippāyo. Dhammavicāraṇāyaṃ, codakopaṭipatti dhammaṃ dasavidha dhammato aññaṃmaññaṃ māno “kasmā”tiādinaṃ codeti. So pana paṭipatti dhammo tato aññaṃ hoti, tattheva antogadhoti dassento “sopana”tiādimāha. “Maggassa pubbhāgappaṭipadā hoti”ti yathā ambarukkho ambapupphaambapphalassa patiṭṭhā bhāvena pubbhāga nissayo hoti. Kasmā, itoyevatassa pupphapphalassa jātattā etthevasaṃ vaḍḍhitattā ca. Tathā paṭipatti dhammopi ariyamaggapphalassapatiṭṭhābhāvena pubbhāgūpanissayappaṭipadāhoti. Kasmā, itoyeva tassajātattā etthevasaṃ vaḍḍhitattā ca. Vuttañhetam mahāvagga saṃyutte. Seyyathāpi bhikkhave yekeci mebiḷḷagāmaḷḷagāmaḷḷavuddhiṃ viruḷiṃ vepullaṃ āpajanti. Sabbete pathaviṃ nissāya pathaviṃ patiṭṭhāya. Evameva kho bhikkhave bhikkhusīlaṃ nissāya sīlepatiṭṭhāya ariyaṃ aṭṭhaṅgikaṃ maggaṃ bhāvento vuddhiṃ viruḷiṃ vepullaṃ pāpuṇāti dhammesūti. “Pubbacetanāvīyadāne”ti yathā tividhaṃ puññaṃ, dānamayaṃ puññaṃ sīlamayaṃ puññaṃ bhāvanāmayam puññanti vutte dānavatthu pariyesanato paṭṭhāya dānaṃ ārabbhavavattā sabbā pubbhāga cetanā dānavacane saṅgahitā dānantveva saṅkhyamgatā. Evaṃ so paṭipatti dhammo ariya maggavacane evasaṅgahito, ariyamaggo tveva saṅkhyam gatoti vuttaṃ hoti.

Imasmiṃ dhammasaṃsandane aparaṃpi vattabbaṃ vadanto “apicā”tiādimāha. Tattha “yadaggenā”ti yena kārāṇakoṭṭhāsena dhāraṇūpāyotiādinaṃ kārāṇabhāgenāti attho. Vandanaṃ araha tīti vandaneyyo. Tasmīṃ vandaneyye. “Puthujjanakalyāṇako”ti ettha tividho kalyāṇako vinayakalyāṇako suttantakalyāṇako abhidhammakalyāṇakoti. Tattha vinaye paññattāya kalyāṇappaṭipattiyā samannāgato bhikkhu vinayakalyāṇako nāma. So idha bhikkhu pātimokkha saṃvarasaṃvuto viharati ācāra gocara sampanno, aṇumattesu vajjesu bhayadassāvī samādāya sikkhati sikkhāpadesūti ettha veditabbo. Tattha vinaye paññattākalyāṇappaṭipattidividhā, ādi brahmacariyakasīlaṃ abhisamacārikasīlanti. Tattha, ubhatovibhaṅgapariyāpannaṃ sīlaṃ ādibrahmacariyakaṃ nāma. Khandhakapariyāpannaṃ sīlaṃ abhisamacārikaṃ nāma.

Suttantesu vuttāya kalyāṇappaṭipattiyā samannāgato gahaṭṭho vā pabbajito vā suttanta kalyāṇako nāma. So catūhi bhikkhave dhammehi samannāgato ariyasāvako sabbam duggatibhayaṃ samatikkanto hoti. Katamehi catūhi. Idha bhikkhave ariyasāvako buddhe aveccappasādena samannāgato hoti iti piso bhagavā...pe... satthādevamanussānaṃ, buddho, bhagavāti. Dhamme aveccappasādena samannāgato hoti svākkhāto bhagavatā dhammo...pe... paccattaṃ veditabbo viññūhīti. Saṅghe aveccappasādena samannāgato hoti suppaṭipanno bhagavato sāvakaṃgaho...pe... anuttaraṃ puññakkhettaṃ lokassāti. Ariyakantehi sīlehi samannāgato hotīti ettha veditabbo. Tattha buddhe aveccappasādo nāma arahaṃ, sammāsambuddho, tiādikānaṃ guṇapadānaṃ attha jānanaññaṇena yutto pasādo. Ariyehikāmīyanti icchīyanti ariyakantāni. Suparisuddhassa ājīvaṭṭhamakasīlassetaṃ nāmaṃ. Cattārimāni bhikkhave sotāpattiyāṅgāni. Katamāni cattāri. Sappurisasamsevo, saddhammassavanaṃ, yoniso manasikāro, dhammānu dhammapaṭipattītiādīni bahūni suttantāni idha vattabbāni.

Abhidhamme vā suttantesu vā vuttāya kalyāṇappaṭipattiyā samannāgatogahaṭṭho vā pabbajito vā abhidhammakalyāṇako nāma. So idha sutavā ariyasāvako ariyānaṃ dassāvī ariya dhammassakovido ariyadhammesu vinīto. So rūpaṃ attato na samanupassatīti ettha veditabbo.

dasavaggasaṅgho, vīsativaggasaṅgho, atirekavīsativaggasaṅgho, catuvaggakaraṇīyaṃ kammaṃ, pañcavaggakaraṇīyaṃ kammantiādinā pasiddho pākaṭo. Dakkhiṇā vuccati kammañca kammaphalañca saddahitvā āyatīṃ vipākapphalappaṭi lābhatthāya dinnam dānakammaṃ dakkhanti vaḍḍhanti sattā etāyāti katvā. Tamdakkhiṇam paṭiggaṇhitum arahatīti dakkhiṇeyyo. “Arahatī”ti ca anuttara puññakkhetta visesattādāyakena icchita patthitassa āyatīṃ phalassa suṭṭhusampādanavasena dāyakassa ca avirādhanato asaṅkhyeyyāppameyyavaḍḍhi āvahanato ca paṭiggaṇhitum arahati. Evarūpaṃhidānam nāma ulāradānam hoti. Tam yesudussīlesudiyati. Tesam khetta duṭṭhattā dāyakena icchitapatthitam phalam na sampādeti. Nippalam vā hoti. Appappalam vā. Evamsati, te dāyakañca virādheti nāma. Puññapphalāni ca vināsenti nāma. Sayañca tamdānam paṭiggahaṇato vā paribhogato vā saddhādeyyam vinipātanato vā duggati bhāgino honti. Tasmāte evarūpaṃ dānam paṭiggaṇhitum nārahantīti. “Upasampadākammaṃ sammuti nāmā”ti ekena pariyāyena sammuti kammaṃ nāma. Tañhi kammaṃtera sasusammuti kammesunāgataṃ. Nānti catuttha kammavācā saṅkhātāya pana saṅghasammutiya siddhattā tena pariyāyena sammuti kammanti vuccatīti. “Upasampannabhūmiṃ patvā”ti upasampannabhūmi saṅkhātam upariṭhānantaram patvā. Tathā hi vuttam vinaye bhikkhu vibhaṅge. Nānti catutthena kammaena akuppena ṭhānārahenaṭi. Tattha, “ṭhānārahenaṭi”ti upasampanna bhūmisāṅkhātam ṭhānantaram pāpetum arahenaṭi attho. “Upasampannabhūmī”ti ca upasampanna sīlam vuccati. “Vinayakammesu pasiddho”ti. Suṇātumebhante saṅgho tiādīsu pākaṭo. Apica “sammuti saṅgho”ti, devasaṅghāsamāgatātiādīsu viya bahūnam samūhanatthena lokasammutiya siddhosāṅgho sammuti saṅghotipi yujjati. “Ariyapuggalasamūho”ti puthujjanakalyāṇako bhikkhu pubbe vuttanayena sotāpatti maggaṭṭhe saṅgahitoti, tena saha aṭṭhavidho ariya puggalasamūho. “Sammuti saṅghe antogadhoyevā”ti etena dakkhiṇeyyasaṅgho nāma viṣum navattabbo. Tasmīñca navattabbe sati, sammuti saṅghotipi vattabba kiccam natthi. Bhagavato sāvakaṅgho tveva vattabham hotīti dasseti. Saccametam. Idha pana saṅghavacanena āgataṭṭhānassa duvidhattā saṅghassa duvidhatā vuttā. Tattha sammuti saṅghassa āgataṭṭhānam vinayakammesūti vuttameva. Idāni ariyasaṅghassa āgataṭṭhānam dassento “tathāpi”tiādīmāha. Tattha saraṇa gamana...pe... anussatiṭṭhānesu upasampannabhūto bhikkhusaṅghova gahetabbo. Dakkhiṇāvisuddhiṭṭhāne pana puggalikadānesu catūhi sotāpattiyaṅgehi samannāgato upāsakopi sāmaṇeropi yujjati. Saṅghika dānesu pana bhikkhusaṅghova. “Tathā tathā samvaṇṇetvā”ti āhuneyyo, pāhuneyyo, dakkhiṇeyyo, añjalikaraṇīyyo, anuttaram puññakkhettaṃ lokassā, tiādināsutṭhu thometvā. So dakkhiṇeyya saṅgho. “Puthujjana saṅgho”ti idaṃ ariya saṅghena vinākevalam puthujjanasaṅgham sandhāya vuttam. Ettha ca saṅgha vacanena saṅgha pariyāpanno ekopi bhikkhu gahetabbo. So sace puthujjano hoti, anuttaram puññakkhettaṃ nahoti. Yadi ariya puggalo hoti, anuttaram puññakkhettaṃ hoti.

Dakkhiṇavibhaṅgasutte saṅghikadāne bhavissanti kho panānanda gotrabhuno kāsāvakaṅṭhā dussīlā pāpadhammā. Tesampi saṅgham uddissa dānam dassanti. Tadāpananda saṅghagataṃ dakkhiṇam asaṅkhyeyyam appameyyanti vadāmīti vuttattā saṅghikaṭṭhānam patvā koci bhikkhu dakkhiṇeyya saṅghe asaṅgahitoti natthīti daṭṭhabbo.

Khettaṃ dūsentīti khettauṭṭhāni. Tiṇāni. Khettauṭṭhā kilesā. Vuttañhidhammapade.

Tiṇadosāni khetāni, rāgadosā ayampajā;
Tasmāhi vītarāgesu, dinnam hoti mahapphalam.

Tiṇadosāni khetāni, dosadosā ayampajā;
Tasmāhi vītadosesu, dinnam hoti mahapphalam.
Tiṇadosāni khetāni, mohadosā ayampajā;
Tasmāhi vītamohesu, dinnam hoti mahapphalanti.

Idha pana sātissayato khettauṭṭhe kilese dassetum “sakkāyadiṭṭhivicikicchānusayāna”nti vuttam. “Sabbhāvā”ti santassa vijjāmanassabhāvo sabbhāvotiviggaho. “Assā”ti puthujjana saṅghassa. “Saddhammapade vuttanayenā”ti apicayadaggenāti vuttanayena.

Sasaddhammagāṇuttamapadatthānudīpanī niṭṭhitā.

8. “Abhivādiyā”ti sukhīhohisappurisāti evaṃ abhivadāpetvā. Abhivādanañca nāma vandanāmevāti vuttaṃ “vanditvā”ti. Vandantohi vandaneyye vuddhe tathā vadāpeti nāma. Tathā vadanañca vandaneyyānaṃvuddhānaṃ vattaṃ. “Paccupaṭṭhāpetvā”ti paṭimukhaṃ upaṭṭhāpetvā. “Tividhā”ti dvāra bhedena tividhā. “Vandaneyyāna”nti buddhādīnaṃ. “Nipajjanto”ti nipatanto. “Avandiyesū”ti bhikkhūhi avandītabbe sunavakatarādīsu. “Guṇapadānī”ti guṇadīpakāni arahaṃ sammāsambuddhotīdīpadāni. Etthacakāyenavandatītiādi upacāra vacanaṃ hoti. Yathā cakkhunā rūpaṃ passatīti. Tathāhi vuttaṃ aṭṭhakathāsu cakkhunā rūpaṃ disvāti karaṇavasena cakkhūti laddhavohārena rūpadassana samatthena cakkhu viññāṇena rūpaṃ disvā. Porāṇā panāhu cakkhu rūpaṃ na passati, acittattā. Cittaṃ na passati, acakkhuttā. Dvārāmmaṇa saṅghaṭṭane pana sati cakkhu pasādavatthu kenacittena passati. Īdisī panesā kathā dhanunā vijjhatītiādisu viya sasambhāra kathānāma hoti. Tasmā cakkhunā rūpaṃ disvāti cakkhu viññāṇena rūpaṃ disvāti ayamevettha atthoti. Etthahi “kāyena”ti kāya viññattisaṅkhātaṃ dvāra rūpaṃ karaṇaṃ hoti. Tasmā cakkhunāti vacane upacāra vacane sati kāyenaṃ upacāra vacananti viññāyati. Tathā cakkhunāti pade cakkhuvīññāṇenāti atthe sati kāyenaṃ padepi kāyakammenāti attho viññāyati. Vācāya vandati, manasāvandatī,ti padesupi esanayo. Evañca sati, kāya kammenavandāmi, vacīkammena vandāmi, manokammena vandāmi, tīhi kammehi vandāmīti idameva mukhyavacananti siddhaṃ hoti. Sabbamidam indriya saṃvarasīlaṭṭhāne aṭṭhakathāsu āgatattā vuttaṃ. Cakkhunāti idam pana mukhya karaṇa vacanameva sambhavati. Kasmā, cakkhussa dassanasāṅkhātassa cakkhuvīññāṇassa vatthu purejātindriyapaccayavisesattā. Sotena saddaṃsutvātīdīsipi esanayo.

Kāyenaṃ vandati, vācāyavandatī,ti ettha taṃkāyavacīviññāṇāti rūpa dvayaṃ kiñcāpi saḥajāta cetanā kammena jātaṃ hoti. Na taṃ cetanākammaṃ viññāṇāti dvayena jātaṃ. Evaṃ santepi taṃ rūpa dvayaṃ tassācetanāya kāyavandanākamma, vacīvandanākamma siddhiyā upanissaya paccayaviseso hoti. Yathātaṃ mārito jāto putto vuddhi patto taṃ taṃ kammesu mātuyā bala vūpanissayo hoti. Evañca katvā taṃ rūpadvayaṃ abhidhamme dvārārūpanti vuttaṃ. Tasmā ‘kāyena, vācāya,ti idampi mukhya karaṇa vacanamevāti daṭṭhabbaṃ. Kāyenaṃ pana kāyakammenāti atthe sati, tassakammasa vandanākiriya saha abhedo āpajjati ce. Nāpajjati. Kasmā cetanāhaṃ bhikkhave kammaṃ vadāmi, cetayitvā kammaṃ karoti ‘kāyena, vācāya, manasāti imasmim sutte yathāhi “cetayitvā”ti purimacetanāhi ceta yitvā. “Kammaṃ karoti”ti pacchimaṃ sanniṭṭhāpana cetanā kammaṃ karotīti attho. Tathā idhapi purimacchimacetanā sambhavatoti. Ettha hi “kāyakammenā”ti purimacetanā kammaṃ gayhati. “Vandatī”ti pacchima sanniṭṭhāpanacetanākammani.

9. “Racayanto”ti vidahanto. “Racayissatī”ti apaccakkhe atīte anāgatavacanaṃ. “Potthakāruḷha”nti potthaka pattesulikanavasena āruḷhaṃ.

10. Abhidhammatthapade. “Abhidhamme”ti abhidhammappakaraṇe. “Ettha, etenā”ti vacanehi saṅghasaddassa ekasesavidhānaṃpi viññāyati. “Aññāpāḷidvayaṃ vuccati”. Kasmātaṃ pāḷidvayaṃ abhidhammo nāmāti vuttaṃ “tañcā”tiādi. “Yathāpavatte”ti attano paccayānurūpaṃ pavatte. “Paramatthadhamme evā”ti dve me bhikkhave puggalā, tayomebhikkhave puggalātiādinā paññattivohārena pavattāpi desanā paramattha dhammehi vinā napavattati. Paramattha dhammānaṃ nānattavaseneva puggalānaṃ nānattasambhavato. Tasmā paramatthadhamme eva dīpeti. Na āṇāvidhānaṃ dīpeti. “Dvīsudhammesū”ti niddhāraṇe bhummavacanaṃ. “Yoitarato”ti niddhāraṇīyaṃ. “Yo”ti yo dhammo. “Itarato”ti itara dhammato suttanta dhammato. “Evañca katvā”ti iminākāraṇenāti attho. Aṭṭhakathāsu vuttanti sambandho. Desetabbappakāraṇaṃ anavasesavibhattivaseṇa atirekatā, suddha dhammādhīṭṭhāna desanā pavattivaseṇa visesatā yojetabbā. “Yato”ti yasmā anavasesavibhattito, ativithāradesanābhāvatoti vuttaṃ hoti. Kasmā devesu eva desentīti āha “na hi manussā”tiādiṃ. Tattha “na hi manussā paṭiggahetuṃ sakkontī”ti sambandho. “Pavattanayogya”nti pavattanatthāya pahontaṃ. “Kathāmagga”nti desanākathāpabandhaṃ. “Ekamātikānu bandhā”ti kusalā dhammā akusalā dhammātiādikam ekam abhidhamma mātikam anugatā. “Tassā”ti abhidhammasa. Atireka visesatanti sambandho. “Tatthā”ti tissaṃ aṭṭhasālīniyaṃ. Ādimhiyevatattha kenatthena abhidhammo, dhammātireka dhammavisesatthe nā-ti vatvā tadatthaṃ vitthārento suttañhi patvā pañcakkhandhā ekadeseneva vibhattā, nanippadesena. Abhidhammaṃ patvā pana nippadesatova vibhattā-ti vuttaṃ. Tenāha “dhammanāmikāna”ntiādiṃ. “Dhammo panā”ti pāḷidvayaṃ māha. “Evaṃ santepī”ti aṭṭhasālīniyaṃ evaṃ vicāritepisati. “Sabbajetthako”ti tiṇṇaṃ piṭākānaṃ majjhesabbajetthako. Kasmā sabbajetthako

siyāti āha “vinayaṃ vivaṇṇentassahī” tiādiṃ. Tattha “vivaṇṇentassā” ti garahantassa. Carati pavattatīti cakkam. Lokasmiṃ kenaci samaṇena vā brāhmaṇena vā devena vā mārena vā brahmunā vā paṭinivattitum asakkuṇeyyaṃ āṇāvīdhānaṃ āṇācakkam nāma. Tathā asakkuṇeyyaṃ desanā vidhānaṃ dhammacakkam nāma. Tattha, yo pana bhikkhu methunaṃ dhammaṃ paṭisevati, pārājiko hoti asaṃvāso-tiādinā nayena pavattaṃ āṇāvīdhānaṃ āṇācakkam nāma. Cattārimāni bhikkhave ariyasaccāni-tiādikam desanāvīdhānaṃ dhammacakkam nāma. Tadubhayampi koci bhinditum pārājikam vā bhikkhum apārājikam kātum catussaccam vā dhammaṃ asaccam kātum nasakkoti. Atha kho karontoyeva devadattoviya āpāyiko hoti. Pārājikoca bhikkhu attānaṃ suddham akaronto apāyagāmīyeva hoti. Evaṃ sabbesu vinaya sikkhāpadesu. Evaṃ kenaci paṭinivattitum asakkuṇeyyattā tadubhayampi appaṭivattiyam cakkam nāma hoti. “Vinayo nāma sāsanassa mūla” nti vinaye ṭhite bhikkhusaṅgho paññāyati. Bhikkhu saṅghe paññāyante tivīdhopisaddhammopaññāyati, tivīdhampi satthusāsanam tiṭṭhati. Evaṃ vinayo tivīdhassasāsanassa mūlam hotīti. Kathaṅcapariyattisaddhamme paññāyante tivīdhampi sāsanam tiṭṭhatīti. Vuccate. Tattha sāsanam tiṭṭhatīti kittakamkālam tiṭṭhatīti. Pañcavassasahassāni tiṭṭhatīti porāṇaṭṭhakathāsukathayimsu. Micchāvādinopanavadanti vinaye cūlavaggebhikkhunikkhandhake sace ānanda mamasāsanemātugāmo pabbajjam nalabheyya. Vassasahassam saddhammo tiṭṭheyya. Idāni mātugāmassa pabbajjā anuññātā gotamiyā punappunam āyācanam upādāya. Pañcevadāni ānanda vassasatāni saddhammoṭṭhassatīti vuttam. Tasmā buddhasāsanam pañcavassasatāni eva tiṭṭhati. Tatoparam ekadivasampi na tiṭṭhati. Idāni sāsanappaṭi rūpakamattam hotīti. Tam tesam micchā vacanamattam. “Pañcevavassasatāni” ti idam pana sannitṭhāna vacanam nahoti. Mātugāmānam ādīnava dīpanamattavacanam. So ca ādīnavo aṭṭhagarudhamme saṅghapetvā sathārā eva paṭibāhito. Puna “vassasahassa” nti idamevasannitṭhāna vacanam jātanti. Etthapikecivadanti vassasahassameva sāsanam tiṭṭhati, tatoparam ekadivasa mattampi na tiṭṭhati, antaradhāyati. Tadā sīmāyopi asīmā honti. Pacchātāsu upasampādītāpi anupasampannā honti. Idāni sāsanappaṭi rūpakamattam hotīti. Idampi tesam atthaṅcakāraṇaṅca adisvā ajānitvā vuttattā micchā vacanamattam hoti. Ayaṃ panettha attho. “Vassasahassam saddhammo tiṭṭheyyā” ti vassasahassameva saddhammo aparihāyamāno tiṭṭheyya. Tatoparam pana na tiṭṭheyya, anukkamena parihāyamāno gaccheyyāti. Katham pana aparihāyamāno tiṭṭhati, kathaṅca parihāyamāno gacchatīti. Vuccate. Pañcasāṅghā veditabbā. Yesu saṅghe susaddhammo tiṭṭhati. Katame pañca. Khīṇāsavaṅgho, anāgāmisāṅgho, sakadāgāmisāṅgho, sotāpannasāṅgho, puthujjanakalyāṇakasāṅgho,ti. Tattha, vassasahassabbhantare sabbepañcasāṅghā paññāyanti. Evaṃ vassasahassam saddhammo aparihāyamāno tiṭṭhati. Tatoparam khīṇāsavaṅgho na paññāyati. Sesāni cattārivassasahassāni anukkamena sesānam catunnam saṅghānam khettāni jātāni. Evaṃ tatoparam parihāyamāno gacchatīti ayamettha attho. Kāraṇam vuccate. “Saddhammo tiṭṭheyyā” ti ettha tivīdho saddhammo ‘pariyattisaddhammo, paṭipattisaddhammo, paṭivedhasaddhammo,ti. So eva tivīdham sāsananti ca vuccati. Tattha, pariyatti saddhammo nāma sātṭhakathānitṭhipiṭakāni. Soca etarahi paripuṇṇo tiṭṭhati. Katham pariyatti sāsanam paṭirūpakamattam bhavēyya. Bhikkhū ca pariyattikammikā aneka satasahassamattā paññāyanti. Kathaṅcidaṃ sāsanam tatoparam ekadivasampi na tiṭṭheyya. Te ca bhikkhū sīlappaṭipattiyam ṭhitā aneka satasahassamattā etarahi sandhissanti. Kathaṅca paṭipatti sāsanam tatoparam na tiṭṭheyya. Pariyattiyāca paṭipattiyāca tiṭṭhamānāyapaṭivedhasaddhammopi na tiṭṭhatīti na vattabbo. Yathāhi-eko dhanasetṭhi nāma atthi. So puttadhītu paramparānam atthāya mahantāratananidhāyo bhūmiyam bahūsutṭhānesu nidahitvā ṭhapitā honti. Potthakesu ca tesam pavattim paripuṇṇam likhitvā ṭhabeti. Tattha nimīsu ca potthakesu ca akkharesu ca dharantesu tenidhāyo nassanti antaradhāyantīti na vattabbāyeva. Evamidam sāsanam daṭṭhabbam. Tatthahi nidhānamnidhānabhūmisadisam tepiṭakam buddhavadanam, dhanaratanasadisāni dhammaratanāni. Yathā ca setṭhivamsejāto balasampanno puriso potthakam passitvā sutṭhu khaṇanto tāniratanāni labhissatiyeva. Evamidhampi balasampanno bhikkhu desanādhammaṃ sutvā sutṭhu paṭipajjanto tānidhammaratanāni labhissatiyeva. Labhamāne ca satī, katham tānidhammaratanāni antarahitāni. Sīmānaṅca pavattivānivatti vā āṇācakkasseva visayo hoti. Na dhammacakkassa. Yaṅca vuttam-pañcevavassasatānisaddhammo ṭhassatīti ca, - vassasahassam saddhammo tiṭṭheyyāti ca. Idaṅca vacanam dhammacakkameva hoti, na āṇācakkam. Baddhasīmāyo ca nivattamānā dvīhi kāraṇehi nivattanti antaradhāyanti. Āṇācakkabhūtāya kammavācāya samūhananena vā, sāsanassa vā antaradhānena. Tattha vassasahassapariyante kammavācāya samūhananaṅca natthi. Sāsanantaradhānaṅca nāma anāgate dhātuparinibbānena paricchinnam hoti. Dhātuparinibbānehi jāte sabbam āṇācakkam vīgataṃ hoti, antaradhāyati. Dhammacakkam pana devalokesu yāvānāgatabuddhakālāpi pavattissatiyeva ālavakapucchāgāthāyo

viya. Apicayo vo ānanda mayā dhammo ca vinayo ca desito paññatto. So vo mamaccayena satthā-ti vuttam. Socati piṭakabhūto dhammavinayo satthā etarahi tividhampi sāsanaṃ lokassa dīpento pakāsento tiṭṭhati. Yatobuddhabhāsikānaṃ devamanussānaṃ nānā bāhirakehi janehi asādhāraṇo mahanto ñāṇaloko etarahi vijjotamāno pavattati. Tehi sabbaññutaññāṇena desitāni etarahidharmānāni caturāsīti dhammakhandha sahasāni sutvā anamataggesaṃsāre anantāsu lokadhātūsu sabbaṃlokattayappavattiṅca, sabbaṃdhammappavattiṅca, sabbaññutaññāṇānugatikena sutamayaññāṇena jānanti. Āyatiṅca saggatthāya ca maggaphalanibbānatthāya ca nānāpuññakiriyavattūni ārabhanti, pabbajanti. Pariyattiṃ pariyāpuṇanti. Paṭipattiṃ pūrenti. Bhāvanābhāventi. Idaṃ sabbaṃ sāsanaṃ paṭipajjanato. Imāya ca paṭipattiyā āyatim saggamaggaphala nibbānappaṭilābhāya saṃvattanikattāti. Ettāvataṃ sabbaṃ micchāvādīnaṃ micchāvacaṇaṃ vidhamitaṃviddhamṣitaṃ hotīti.

Paṇāmagāthāvaṇṇanā.

11. Dutīyagāthāvaṇṇanāyaṃ. “Ādigāthāyā”ti pathamagāthāvākyena. “Taṃ taṃ payojanasahite”ti tenatenapayojanena sahite. “Pañca atthe”ti pañcapiṇḍatthe. “Teabhidhammatthe”ti abhidhammatthapade dīpīte teabhidhammatthe. “Tatthā”ti tissaṃ dutīyagāthāyaṃ. “Natu vutta”nti napanapakaraṇaṃpi pubbevuttaṃ hoti. Abhidhammatthā kutopubbevuttā hontīti yojanā. Evaṃtīsu atthavikappesu pathamassa kālavirodhaṃ dassetvā idāni dutīya tatīyānaṃ saddatovirodhaṃ vattum “nacā”tiādimāha. Tattha “ādimhi yevā”ti etena yadākādāci paccāmasanaṃ appadhānanti dasseti. “Appadhānapadānī”ti abhidhammatthasaṅgahanti imasmiṃ ekasmiṃ samāsapade purimāni visesana padāni. Tattha sabbathāpi vuttāti yojite sati, tasmim abhidhammatthasaṅgahappakaraṇe tasmim abhidhammattha padevā sabbathā mayā vuttāti attho hoti. So na yujjati. Tasmim abhidhamme buddhena bhagavatā sabbathā vuttāti attho yujjati. Appadhānapadaṃ paccāmasatīti dosopana āpajjateva. Tenāha “evañhisatī”tiādim. Tattha, “evañhisatī”ti aṭṭhasāliniyaṃ viya idha abhidhammatthasaṅgahapadaṃ paccāmasante sati. Hisaddo phala vākyajotako. Laddhaguṇajotakotipi yujjati. “Paṭikkhittā hoti” tasmim abhidhammatthasaṅgahapade mayā sabbathā vuttāti atthassa sambhavato. Na kevalaṃ so eva doso āpajjati. Aparopidoso atthīti dassetuṃ “sāhī”tiādimāha. Dhātukathāyaṃ vuttenasaṅgahāsaṅgahādippakārenātiyojanā.

12. Paramatthapadavaṇṇanāyaṃ. Visesanapadaṃ nāma katthaci bhūtakathanatthāyavā payujjati kaṇhokāko, setobako,ti. Katthaci aññanivattanatthāya vā payujjati nīlopaṭo, nīlampuppha, ntī. Idha pana añña nivattanatthāyāti dassetuṃ “duvidhānihisaccānī”tiādimāha. Paññāpiyatīti paññanti. Paññāpanaṅca nāma samaggānaṃ janānaṃ vohārena ca sampaṭicchana cāti dvīhi aṅgehi sijjhatīti āha “tecamahājanā”tiādim. “Tasmāte sammuti saccanti vuccantī”ti sambandho. “Sammatattā”ti voharittāceva sampaṭicchitattā ca. “Vacīsaccaviratisaccāna”nti ettha vacīsaccaṃ nāma musāvādarahitaṃ saccavacaṇaṃ. Viratisaccaṃ nāma sammāvācāvīrati. Sāhi musāvādādīhi vacīduccaritehi viramaṇamattena vacīsaccanti vuccati. “Vatthubhūtattā”ti adhiṭṭhānabhūtattā. Sammutisaccanti vuccantī, sammatattā sammuti ca, sā saccānaṃ vatthubhūtattā saccañcāti katvā. Sammutiyā siddhaṃ saccaṃ sammutisaccantipi yujjati. “Sammāpaṭipajjantā”ti pāṇo nahantabbo, sabbesattā averā hontūtiādinā sammāpaṭipajjantā. “Sabbalokiyasampattiyo”ti dānasīlādīnaṃ puññakiriyavattūnaṃ phalavipākabhūtā sabbalokiyasampattiyo. Sabbe “bodhisambhāradhamme”ti dānapāramisīlapāramiādikepāramidhamme. “Ārādhentī”ti sampādentī. “Micchāpaṭipajjantā”ti duccharita durājīvamicchājīvādīnaṃ vasena micchāpaṭipajjantā. “Evaṃ mahantaṃ sammuti sacca”nti etena ahaṃ paramattha saccamevagaṇhāmīti sammuti saccaṃ nabhinditabbaṃ. Bhindantohi sabbasampattīhi paribāhiro assāti dasseti. Kathaṅca taṃ bhindatīti. Satto nāma natthi. Sattassa bhavatosānkanti nāma natthi. Bhavanibbattaṃ kusalākusalakammaṃ nāma natthīti gaṇhanto ucchedadiṭṭhiyaṃ tiṭṭhati. Sabbasampattīhi paribāhiro hoti. Apāya pūraṃ bhavatīti. “Vijjāmanantveva gaṇhāpetī”ti saññā cittadiṭṭhi vipallāsānaṃ vatthubhāvena gaṇhāpeti. Tenāha “sakkāyadiṭṭhī”tiādim. “Evaṃ viparītañhi sammutisacca”nti etenasammuti saccamevadaḥaṃ gaṇhētva paramattha saccaṃ nabhinditabbaṃ. Bhindantohi tāhi diṭṭhīhi namuccati. Kathaṅca taṃ bhindati. Khandhe vā khandhamuttakevā attajīve gaṇhētva teca attajīvā parammaraṇā ucchijjantīti gaṇhanto ucchedadiṭṭhiyaṃ tiṭṭhati. Te ca attajīvā bhavābhavesusassatā hutvā bhavatobhavaṃ

saṃsaranti sandhāvanti gaṇhantosassataditṭhiyaṃ tiṭṭhati. “Navisaṃvādentī”ti viparītaṃ nāpādentī. “Taṃ panā”ti sabhāvasaccaṃ pana. Anubhavanabhedamattaṃ upādāyeva vedanā sukhāti vuttā. Sabbākārato sukhabhūtattā vedanā sukhāti vuttā nahoti. “Sabbāpivedanā dukkhā evā”ti padhānattho. Tattha anubhavanabhedo tividho. Sātato vā anubhavanam, assātato vā, majjhataṃ vā. “Dukkhā evā”ti bhayaṭṭhena dukkhā eva. Bhayaṭṭhena ca saṃsāra bhayadassīhibhāyitabbaṭṭhena. Sukho vipāko yesaṃ te sukhavipākā. Tebhūmakakusalā. “Kusalasammata”ti etena sabhāvasaccepi etevohārā lokasammuti nissitāti dīpeti. “Sāsavata”ti āsavehi sahitabhāvo. “Saṃkilesi katā”ti saṃkilesa dhammehi saṃyuttabhāvo. Oghehi ca yogehi ca upādānehi ca pattabbabhāvo “oghanīyayoganiya upādāniyatā”. Adhikā attā ajjhata. Bahiddhārukherūpadhammārukkhassa attānāma saraṭṭhena. Sākhāyaṃ rūpadhammā sākhāya attānāma saraṭṭhena. Sattasantānapariyāpanā pana rūpārūpadhammā taṇhāpariggaha dalhaṭṭhena tato bahiddhā attato adhikā attāti atthena ajjhataṭṭhi lokasammuti hoti. Tenāha “ajjhataṭṭhikañcā”tiādiṃ. Dukkhanirodha maggabhāvo ca, iti idaṃ catukkaṃ ariyasaccaṃ nāmāti yojanā. “Idamevā”ti idaṃ catukkameva. “Acalamāna”nti etena ariyasaddassa atthaṃ dīpeti. Tebhūmaka dhammānaṃ sukhatā nāma calā hoti. Kasmā, anicca dhammata. Te dhammesukhāti gahetvā attano ajjhataṅgaṃ karontā acireneva dukkhaṃ pāpuṇanti. Te dhamme dukkhāti nātvā tehivimuttā puna dukkhaṃ pāpuṇanti natthi. Esanayo sesariyasaccesu. “Tesū”tiādimhi duvidhānihi saccānīti vuttesu dvīsu saccesu. “Tena vutta”ntiādi laddhaguṇavacanāṃ. “Yo vinā aññāpadesenā”ti ettha aññāpadeso nāma aṭṭhadhamma samodhānaṃ nissāya ghaṭasaṅghānaṃ paññāyati, paṭasaṅghānaṃ paññāyati, taṃ saṅghānaṃ attano sabhāvena vinā aññāpadesena siddhaṃ hoti. Yāpanacintana kiriyā nāma atthi. Yaṃ cittanti vuccati. Sā aññāpadesena siddhā na hoti. Attano sabhāvenesiddhā. Esanayo phusanakiriyā, vedayitakiriyā, dīsūti. Imamatthaṃ dassetuṃ “yovinā aññāpadesenā”tiādimāha. “Cittenaparikkappetvā”ti manoviññāna cittaṃ avijjamaṇaṃ saṅghānaṃ vijjamaṇaṃ katvā. “Saviggahaṃ katvā”ti sarīraṃ katvā. Vatthu dabbasahitaṃ katvāti vuttaṃ hoti. “Cittamayocittanimmito”ti supinante diṭṭharūpāni viya cittenapakato cittaṃ nimmito. Kasmā sabhāvasiddho paramattho nāmāti āha “sohi”tiādiṃ. “Santi”ti etena asadhātu vasena atthoti siddhaṃ vuttaṃ. Saddābuddhīhi araṇīyato upagantabbato atthotipivadanti. “Itarato”ti parikkappasiddhato. “Paramo”ti adhiko. Tenāha “ukkamaṃ sagato”ti. Etena paramasaddassa adhikattaṃ vadati. Idāni tassa uttamattaṃ dassetuṃ “apicā”tiādivuttaṃ. Tattha, imasmiṃ buddhasāsane pañcasāsana kiccāni mahantāni abhiññeyyānaṃ dhammānaṃ abhijānaṃ. Pariññeyyānaṃ parijānaṃ. Pahātabbānaṃ pahānaṃ. Sacchi kātabbānaṃ sacchikaraṇaṃ. Bhāvetabbānaṃ bhāvanāti. Tattha sabbepi paramattha dhammā abhiññeyyā nāma. Dukkha saccadhammā pariññeyyā nāma. Samudaya saccadhammā pahātabbā nāma. Sāmaññapphalāni ca nibbānañca sacchikātabbā nāma. Maggasaccadhammā bhāvetabbā nāma. Tesu dhammesu tesāṃ kiccānaṃ siddhiyā imasmiṃ sāsane sāsanaṃ kiccānaṃ siddhaṃ hoti. Niṭṭhānaṃ gacchati. Te ca dhammā eva rūpānaṃ sāsana kiccānaṃ avirādhakattā avisaṃvādakattā uttamattaṃ paramatthā nāma hontīti imamatthaṃ dassetuṃ “apicā”tiādimāha. Tattha “ye”tiyejanā. “Aya”nti ayaṃ dhammo. “Tassā”ti tassa abhiññeyyassa, tassapariññeyyassa, tassapahātabbassa, tassasacchikā tabbassa tassabhāvetabbassāti sambandho. Paramatthavaṇṇanā niṭṭhitā.

“Taṃ nasundara”nti byañjanato nasundaraṃ. Nakevalaṃ byañjanatoyeva nasundaraṃ, atthatopi nasundarameva. Catusacca dhammāhi paccekabuddhaññāṇassapi gocarā honti. Pañcañeyya dhammā pana sabbaññūtaññāṇasseva. Tattha catusacca dhammā nāma paramattha dhammā eva. Pañcañeyyadhammā pana sabba paññattiyā saha sabbaparamattha dhammā. Sabbaññūbuddhānaṃ catusaccābhi sambodho dhamma paññattiyā saha sijjhati. Paccekabuddhānaṃ catusacca sambodho dhammapaññattiyā saha nasijjhati. Tasmā te sayāṃ paṭividdhaṃ catusacca dhammaṃ nāma paññattim nīharitvā paresaṃ desetum na sakkonti. Tesāṃ catusaccasambodho mūgassa supinadassanaṃ viya hotīti aṭṭhakathāsu vuttaṃ. Tasmā paññattiyā saha pañca ñeyya dhammā eva sabbaññūtaññāṇassa gocarāti sakkāvattanti.

Paramatthapadaṇṇanā niṭṭhitā.

13. Cittavacanatthe. Nahi sā ārammaṇavinā labbhati. Cintetīti vutte kiṃ cinteti, ārammaṇaṃ cintetīti evaṃ ārammaṇabhūtena kammaṇapadena vinā asambhavato. Tasmā idha cintanāti daṭṭhabbā, tasmā assa nāmaṃ siddhanti daṭṭhabbanti sambandho. Sutamayaññānaṃ, cintāmayaññāna, nti ettha ārammaṇassa bhūtasabhāva cintāpi atthi, sāpaññāevāti taṃ nivattetuṃ “ārammaṇa...pe...

nūpaladdhiyevā”ti vuttaṃ. Cittaṃ, mano, mānasam, viññāṇa, nti sabbaṃ cittassa nāmaṃ. Ārammaṇa paccayappaṭibaddhaṃ hoti. Na aññapaccayappaṭibaddhaṃ. Na ca aññapaccayena laddhaṃ nāmaṃ. Evarūpassa ārammaṇa vijānana saṅkhātassa atthantarassabodhakaṃ nahotīti dassetuṃ “santesu cā”tiādivuttaṃ. “Etenā”ti idaṃ kattuno kiriyāsādhane atissayūpakāraṃ karaṇa sādhanam vadatīti dassetuṃ “tañhi”tiādivuttaṃ. “Cintanamatta”nti ettha mattasaddo visesanivatti atthoti, tena nivattitaṃ atthaṃ dasseti “sabbepiḥ”tiādinā. “Viggaho vā”ti sarīraṃ vā. Paccayena āyattā paccayāyattā. “Āyattā”ti sambandhā. Vattanaṃ vutti. Uppajjanaṃ vā ṭhiti vā. Paccayāyattā vutti etesanti “paccayāyatta vuttino”. “Thāmenā”tiādi aññamaññavevacanāni. “Ekaṃ bhāvasādhanaṃ padhānato labbhati”ti idaṃ dhammānaṃ taṃ taṃ kiriyā mattabhāvaṃ sandhāya vuttaṃ. Kiriyā mattabhūtāpi pana te dhammāsayaṃ nānāpaccayā vatthāyaṃ ṭhitā vā honti nānāpaccayuppannavatthāyaṃ ṭhitā vā. Tasmā paramattha padesupī yathārahaṃ tadaññāsādhanaṃ paṭilābho avārito hoti. Itarathā hetu paccayo, ārammaṇa paccayo, sahaṃjātapaccayo, nissayapaccayotiādisu kathaṃ bhāvasādhanaṃ yuttaṃ siyāti. “Padhānato”ti mukhyato. “Abhedassa cintanassabhedakaraṇa”nti idaṃ cintetīti cittantikataṃ kattusādhanaṃ sandhāya vuttaṃ. “Silāputtakassā”ti bhesajjamūlānaṃ pisanasilāpotakassa. Tassa sarīraṃ nāma visuṃ aṅgaṃ natthi. Abhinnaṃpi bhinnaṃ katvā vuccati “silāputtakasarīra”nti. Idaṃ abhedassabhedakaraṇaṃ nāma abhūtarūpaṃ hoti. Payojane sati vattabbaṃ, asati na vattabbanti āha “tathākaraṇaṃcā”tiādiṃ. Tattha “paraparikkappitassā”ti parehi aññatitthā cariyehi paricintitassa. “Satihi...pe... kappanāyā”ti sace attā atthi, attā cinteti, tasmā attā cittonāmātiādi vattabbaṃ. Na vattabbaṃ cintetīti cittanti, cittassa kiriyā mattattā. Na pana attādiko kattā nāma atthi. Tasmā kiriyā mattameva kattāraṃ katvā “cintetīti citta”nti vuttaṃ. Tena viññāyatiloke attādikokattā nāma natthīti. Idaṃ abhedassabheda parikkappanāya payojananti vuttaṃ hoti. “Attappadhāno”ti kiriyāsādhane bahūnaṃkārakānaṃ majjhe sayampadhāno sayamjetthako hutvā. “Taṃkattubhāva”nti lokesiddhaṃ kattubhāvaṃ. “Puna karaṇabhāva”nti puna loka siddhaṃ karaṇabhāvaṃ. Evaṃ cittassa vacanattaṃ dassetvā idāni tassa abhidhānatthaṃ dassento “apicetthā”tiādimāha. Yathayidaṃ ye ime tiracchānagatā paṇā cittāvicittā. Evaṃ cittaṃ vicittaṃ yaṃ aññaṃ atthi, taṃ aññaṃ ekanikāyaṃpi nasamanupassāmī-ti yojanā. “Nikāya”nti sattaṃjātisamū haṃ. “Nissakke karaṇavacana”nti vibhattāpādānatthe karaṇavacanaṃ. Etena tato caraṇato cittatoti atthaṃ vadati. Gāthāyaṃ. “Taṃ taṃ sabhāvo”ti vijānanaphusanādiko sabhāvo, aggissaṇhoviya. “Kiccasampattiyoraso”ti tena tena dhammena karaṇakiccaṃ, taṃ kiccaṃ katvā laddho sampattiguṇo ca. Aggissa vatthumhi paripācanakiccaṃ viya, obhāsanaguṇoviya ca. “Gayhākāro”ti ñāṇena gahetabbo tassa tassa dhammassa dhajabhūto ākāro. Sampatti rasoyeva vuccati. “Phalaṃvāpī”ti kāriyapphalaṃ vāpi, aggissa dhūmoviya. “Āsannakāraṇa”nti attano anantare phalanibbattaṃ karaṇaṃ, aggissa aggikāraka puriso viya. “Ala”nti samatthā. “Vibuddhino”ti visesabuddhi sampannassa paṇḍitassa. “Pubbaṅgamarasa”nti ārammaṇaggahaṇe padhānarasa kiccaṃ. “Sandhāna paccupaṭṭhāna”nti nirantarappavattākārapaccupaṭṭhānaṃ. “Nāma rūpapadaṭṭhāna”nti phassādīnaṃca vatthu rūpañcacittassapadaṭṭhānaṃ.

Cittavaṇṇanā niṭṭhitā.

14. “Cetasi bhava”nti cittasmiṃ pātubhūtaṃ. “Etena siddhā hontī”ti sambandho. “Sā eva phassādīnaṃ jāti. Yācittassajarā, sā eva phassādīnaṃjarā”tiādinā yojetabbaṃ. “Ekavaṇṭūpani bandhānī”ti ekena vaṇṭadaṇḍakena upanibandhāni. “Ekajātiyādi upanibandhā”ti ekajātikathā divasena upanibandhā. “Ce”ti cevadeyya. “Nā”ti na vattabbaṃ. Gāthāyaṃ. “Dhammā”ti nāmakkhandha dhammā. “Manasā evā”ti kattubhūtena manena eva. “Pakatā”ti pavattitā. “Nimmitā”ti nipphādītā. “Cittakiriyā bhūtā evā”ti ārammaṇaṃ vijānantaṃ cittaṃ phusanākāraṃ janetvā vijānāti. So phusanākāro phassoti vuccati. Avasesā pana sabbepi cetasikadhammā phassaṃ paṭicca uppajjanti. Phasso hetu phasso paccayo vedanākkhandhassa upādāya. Saññākkhandhassa. Saṅkhārakkhandhassa upādāyāti hi vuttaṃ. Evaṃ santepi cittaṃmūlakattā cittanissitattā ca tepidhammā cittakiri yābhūtā eva hontīti. “Etenā”ti etenagāthāpadena. Vibhāvanīyaṃ pana ekālambaṇatā mattena vibhāveti. Paripuṇṇāni ce tasikaṅgāni upari therena sayameva vakkhamānattāti adhippāyo. Idha pana padatthavibhāvanaṭṭhānattā paripuṇṇehi aṅgehi vibhāvetuṃ vaṭṭatīti āha “taṃ nasundara”nti. “Vatthumhi”ti paṭakoṭṭhakādīmi. “Nānācittakammānī”ti hatthi assarūpādīni. Vijānanamattaṃ cittaṃ, kusalanti vā akusalanti vā vattabbaṃ natthi. Nānācetasike hi yuttattā eva tathā vattabbaṃ hoti. Vuttaṃhetuṃ bhagavatā. Pabhassaramidaṃ bhikkhave cittaṃ. Tañca kho āgantukehi upakkilesehi upakkiliṭṭhanti. Tenāha “udakaṃ viyacitta”ntiādiṃ.

Cetasikavaṇṇanā niṭṭhitā.

15. Ruppattīti padaṃ kattarivāhetukammanivāsiddhaṃ. Ruppanañcavikārāpatti evāti dassetuṃ “sītuṇhādīhī”tiādi vuttaṃ. Tattha “visamappavattivasenā”ti dhātūnaṃ visamappavattivasena. Dhātukkho bhavasenāti vuttaṃ hoti, “kenaruppati”ti ettha “kenā”ti hetu athevā hetu kattarivā karaṇavacanāṃ daṭṭhabbaṃ. Tathā sītenātiādīsūpi. Daṃsamakasā nāma sūcimukhā khuddakamakkhikāceva mahanta makkhikā ca. Vātā nāma puratthimavātādayo. Ātapo nāma sūriyātapo. Sarīṃsapānāma ahi vicchika satapadikādayo. Tesāṃ samphassehipi ruppatti. Maraṇaṃ vā gacchati, maraṇa mattaṃ vā dukkhaṃ. “Ye dhammā”ti dvādasavidhā sappatigharūpadhammā. “Aññesa”nti soḷasannaṃ appatigharūpānañca arūpadhammānañca. “Tesū”ti niddhāraṇebhummaṃ. Idāni pāḷiyā saddhiṃ mukhyaruppanaṃ saṃsando “samāgamo cā”tiādimāha. Samāgamo ca nāma aññamaññābhiggaṭṭanaṃ vuccatīti sambandho. Āpātāgamañca ārammaṇakaraṇaṃca ṭhapetvāti yojanā. “Mahābhūtānameva vā”ti āpodhātu vajjitānaṃ tiṇṇaṃ mahābhūtānameva vā. “Vikāraṃ āpajjati”ti vatvā tamevatthaṃ vivaranto “yasmīṃ khaṇe”tiādimāha. “Sayampi vikārāpattā hontī”ti temahābhūtāsāyampi pakatiṃ vijahitvā omattādhimattabhāvaṃ pāpuṇantīti attho. “Omattādhimattarūpasantatīnañcā”ti paramparato uppajjamānā rūpasantatiyo sandhāya vuttaṃ. Evaṃ pāḷinayena vipattivasena ruppanaṃ vatvā idāni vipatti vā hotu, sampatti vā. Purimāpacchi masantatīnaṃ visadisappavattibhūto vikāropi ekena pariyāyena ruppanaṃnāmāti katvā puna taṃ ruppanaṃ dassento “apicetthā”tiādimāha. “Ghaṭṭanavasena ruppana dhammāna mevā”ti āpātāgamañdivasena ruppanadhammehivinaṃ abhiggaṭṭanavasena ruppana sabhāvānaṃ rūpadhammānameva siddhanti pucchā. “Saviggahā hontī”ti dabba saṅghānākārasahitā hontī. Kasmā, oḷārikasabhāvattā. Bahūnañcarūpakalāpānaṃ ekakkhaṇe ekābaddhabhāvenapavattattā. Arūpadhammāhi saṅhasukhumasabhāvā ca hontī. Sace anekasatasahassānīpi ekato pavatteyyuṃ. Dabbasaṅghānabhāvaṃ nagamissantiyeva. Ekasmiñca sattasantāne ekakkhaṇe eka kalāpova pavattati. Kasmā, anantara paccayūpanibandhena pavattattā. Tasmāte saviggahāna hontī. Rūpadhammā pana oḷārika sabhāvā ca hontī. Bahūnaṃ sannicayesati dabbasaṅghānatthāya saṃvattanti. Ekakkhaṇe ca bahukalāpāpi ekābaddhāhutvā pavattanti. Tasmā tesaviggahāhontīti.

“Sītādiggaḥaṇasāmatthiyenā”ti sītenāpi ruppatti, uṇhenāpi ruppattītiādinā lokassa paccakkhato pākaṭassa sītādivacanassasāmatthiyena. Tañhi vacanaṃ lokassa apākaṭaṃ arūpadhammānaṃ ruppanaṃ idhanādhippetanti dīpetīti adhippāyo. “Vohāro nāmā”ti nāmasaññā nāmāti vuttaṃ hoti. “Lokopacārenā”ti bahujanassa upacārena vohārena kathanena. “Pākaṭa nimittavasenevā”ti pākaṭassa saddappavattinimittassa vaseneva. “Sītādiggaḥaṇena vināpī”ti pisaddena sītādiggaḥaṇasāmatthiyenāpīti dīpeti. Evaṃ santēpi pāḷisādhakaṃ nāma na sakkāsabbattha laddhuṃ. Pākaṭanimitta vacanaṃ sabbattha sādharmaṇanti daṭṭhabbaṃ. “Tappasaṅganivattī”ti tassa arūpadhammānaṃ rūpatāpasāṅgassa nivattī. “Iddhivikubbanāvasappavattā”ti ettha iddhivikubbanāmaiddhiyānānappakāramāpanaṃ. “Rūpatā siddhī”ti rūpanti nāma saññāsiddhi. “Idaṃ panā”ti idaṃ rūpaṃ pana. “Anuggahānaṃ sītādīnaṃ vasenā”ti kiñcāpipāḷiyāṃ sītādivacanāṃ upaghātākānaṃ sītādīnaṃ vasena vuttaṃ. Teca brahmaloke natthī. Anuggāhakā eva atthi. Tesāṃvasenāti adhippāyo. “Pāḷiyāṃ niddiṭṭhānī”ti sañjānātīti kho bhikkhave tasmā saññāti vuccati. Kiñca sañjānāti. Nīlaṃpi sañjānāti, pītaṃpi sañjānāti-tiādinā ca, vijānātīti kho bhikkhave tasmā viññānanti vuccati. Kiñca vijānāti. Madhuraṃpi vijānāti, ambilaṃpi vijānāti-tiādinā ca-pāḷiyāṃ niddiṭṭhānī.

Rūpapadavaṇṇanā niṭṭhitā.

16. Nibbānapade. “Khandhāvā”ti bhavāntare apāyādīsū bhavissamānā khandhāvā. Na hi atīta dhammā, nibbāyanti nāma, satte pīletvā niruddhattāti adhippāyo. Paccuppannā ca dhammā etarāhi pīlenti, avassaṃ uppajjamānā anāgatadhammā ca anāgate pīlessanti, kathaṃ te nibbāyanti nāmāti āha “paccuppannesu...pe... vattabbameva natthī”ti. “Visayebhumma”nti visayādhārebhummaṃ. Visayādhāro nāmamanussābhūmiyaṃ gacchantītiādīsū viya mukhyādhāro nahoti. Tena pana vinā aññattha taṃ kiriyāṃ kātuṃ nasakkoti. Tasmā ādhārabhāvena parikappito ādhāroti dassetuṃ “yathāākāse”tiādivuttaṃ. Yathā sakuṇānaṃ pakkhana kiriyā nāma ākāsena vinā aññattha nasijjhati. Tathā vaṭṭadukkhadhammānaṃ nibbuti kiriyāpi nibbānena vinā aññattha nasijjhatīti dassetuṃ “yehite”tiādimāha. Tattha “ye”ti yetividhavaṭṭadukkhāsantāpadhammā. Hisaddonipāto. Tesaddo

vacanālaṅkāro. “Tabbinimutta”nti nibbānavinimuttaṃ. Nibbutiṭhānaṃ nāma natthi. Tasmā nibbānaṃ tesam nibbuti kiriyāya visayā dhārohotīti adhippāyo. Yathā ayaṃ padīpo nibbāyati. Tathādhīrā nibbantīti yojanā. “Taṃ taṃ kilesānaṃ vā”ti te saṃtesaṃkilesānaṃ vā. “Khandhānaṃ vā”ti anāgatabhavesu khandhānaṃ vā. “Punaappaṭisandhikabhāva”nti santānassa puna paṭisandhānābhāvaṃ pāpuṇanti ariyā janā. Yathā magge karaṇavacanaṃ dissati addhā imāyapaṭipattiyā jarāmarāṇamhā parimuccissāmītiādīsu. Na tathā nibbāneti āha “maggeviyā”tiādiṃ. Nibbānepanabhummavacanaṃeva dissati yatthanāmañcarūpañca. Asesaṃ uparujjhātītiādīsu. Tasmā nibbāne karaṇa vacanaṃ na dissati, karaṇa lakkhaṇasseva abhāvatoti dassetuṃ “na ca nibbāna”ntiādi vuttaṃ. Karaṇa lakkhaṇaṃ nāmakattuno sahakārī paccayabhāvo. Nanu anupādisesāya nibbānadhātuyā nibbāyantīti dissatīti. Saccaṃ, tattha pana viśesane karaṇa vacanaṃ. Na karaṇakārake. Tañhi saupādisesanibbānadhātuyānivattanatthaṃ vuttanti.

Nibbānapadavaṇṇanā.

Dutīyagāthāvaṇṇanā niṭṭhitā.

18. Kāmāvacarapade. “Kāmīyati”ti icchīyati. Nimitassādavatthu majjhimaṭṭhakathāyaṃ āgataṃ. “Tekāmīyanti”ti te avīcinirayādayo icchīyanti. “Tattha uppannānampi”ti avīcinirayādīsu uppannānampi sattānaṃ. “Bhavanikanti nāma hotī”ti bhavasāṅkhātaṃ attano khandhaṃ etaṃ mama, esohamasmi, esome attāti gaṇhantī taṇhā bhavanikanti nāma. Sā nerayikasattānampi atthiyeva. “Kāme avacarati”ti kāmepariyāpannaṃ hoti. Kāme antogadhaṃ hoti. Rūpārūpabhūmīsu uppannampi rūpārūpasāṅkhyāṃ nagacchati. Kāmasāṅkhyameva gacchati. Kāmagaṇanamevagacchatīti attho. “Tīsubhavesu uppannānipī”ti kāmārūpārūpasattasantānesu uppannānipi na tatrapariyāpannāneva hontī. Tatra apariyāpannāneva hontīti adhippāyo. “Kāmāvacaratāpattidoso”ti kāmāvacara dhammāti vattabbatā pattidoso. “Rūpāvacaratādimuttidoso”ti ime rūpāvacara dhammā na hontī, arūpāvacara dhammā na hontī, lokuttara dhammā na hontīti evaṃ vattabbatāpatti dosoti vuttaṃ hoti. Esanayo “rūpārūpāvacaratāpatti doso kāmāvacaratāmutti doso” tipadesu. Avacarasaddassa uppannatthe gahitepi etedosā nāpajjanti. Kasmā, loke yebhūyanayatabbahulanayānampi sabbhāvāti imamattaṃ vadanto “nanuyebhūyya vuttivasenapī”tiādimāha. Tattha “kesaṅcī”ti kesaṅci puggalānaṃ vā dhammānaṃ vā. Yathāmigaluddako gāme carantopi vane caraṇabahulattā vanacarakoti nāmaṃ labhati. Rājahatthī aññattha carantopi saṅgāme caraṇabahulattā saṅgāmāvacaroti nāmaṃ labhati. Ayaṃ yebhūyanayo nāma. Yasmiṃ vane ambarukkhāpi atthi, aññarukkhāpi atthi. Ambarukkhabahulattā pana taṃ vanaṃ ambavananti nāmaṃ labhati. Evaṃ simbalivanādīsu. Ayaṃ tabbahulanayo. Idha pana bhūmiyo tabbahulanayena kāmārūpārūpa nāmaṃ labhanti, dhammā yebhūyanayena kāmāvacarādi nāmaṃ labhantīti. Evaṃ gahite sati, te dosānā pajjantīti imamattaṃ dassetuṃ “tasmā idhapi...pe... dosotī”tiāha. “Nā”ti na kocidoso natthi. Atthi evāti adhippāyo. “Tasmāssā”ti ettha “assā”ti avacarasaddassa. “Tathā atthaṃ aggahetvā”ti uppajjanatthaṃ aggahetvā. “Pariggāhīniyā kāmataṇhāya kato”ti tathā pariggāhīniyā kāmataṇhāya gocaravisayattāyatanhāya katonāma hoti. Etena kāmētīti kāmo, kāmataṇhā. Avacarati etthāti avacaraṃ. Kāmassa avacaranti kāmāvacaraṃ. Kāma taṇhāya gocaravisayattā kāmāvacaranti ayamatthopi sījhati.

Rūpeavacarati rūpāvacaraṃ. “Rūpe”ti soḷasavidhāyarūpabhūmiyā. “Avacarati”ti tattha pariyāpannabhāvena pavattati. Arūpe avacarati arūpāvacaraṃ. “Arūpe”ti catubbidhāya arūpabhūmiyā. “Avacarati”ti tattha pariyāpannabhāvena pavattatīti imamattaṃ vadati “rūpārūpāvacaṇesupi ayaṃnayo netabbo”ti. Rūpe bhavo rūpaṃ. Rūpataṇhā. Arūpe bhavo arūpaṃ, arūpataṇhā. Rūpassa avacaraṃ rūpāvacaraṃ. Arūpassa avacaraṃ arūpāvacaranti imamattaṃ dīpeti “tesu panā”tiādinā. “Atrā”ti imasmiṃ ṭhāne. Yadipe lobho, rāgo, kāmo, taṇhā, tisabbampetaṃ lobhassavevacanaṃ hoti. Rūparāgo arūparāgoti pana viśuṃ vibhattatā idha kāmāsaddena taṃ daññolobho gayhati. “Sabbopi lobho”ti etenasassatuccheda diṭṭhisahagatopi saṅgahitoti daṭṭhabbaṃ.

19. “Rūpārūpasaddā tāsū bhūmīsu niruḷhā”ti animittā hutvā niruḷhāti adhippāyo. Idāni sanimittaṃ nayaṃ vadati “apicā”tiādinā. “Nissayopacāro”ti ṭhānūpacāro, yathā sabbogāmo āgoti. “Nissito pacāro”ti ṭhānyūpacāro. Yathā dhajā āgacchantīti. “Yaṃ etasmiṃ antare”ti ye etasmiṃ

antare khandhadhātu āyatanā. Yaṃ rūpaṃ, yā vedanā, yāsaññā, ye saṅkhārā, yaṃviññāṇanti yojanā. “Suvisada”nti yebhūyyādi nayehi anākulattāsuvisuddhaṃ. “Kiṃ vikkhepenā”ti cittavikkhepena kiṃ payojananti attho.

20. “Lujjanappalujjanatthenā”ti bhijjanappabhijjanatthena. “Yatthā”ti yasmim tebhūmake dhammasamūhe. “Nivisati”ti niccaṃ visati, upagacchati. “Tassā”ti micchāggāhassa. “Tesa”nti lokuttara dhammānaṃ. “Yesa”nti lokiya dhammānaṃ. “Lujjana”nti khaṇikabhaṅgena bhijjanaṃ. “Palujjana”nti saṅghānabhedena santaticchedena nānappakārato bhijjanaṃ. Nibbānaṃ pana idha na labbhati cittasaṅgahādhikārattāti adhippāyo. So ca apariyāpanabhāvo, viṣuṃ ekācatutthī avatthā bhūmināmāti yojanā.

Catubbhūmivibhāgavaṇṇanā niṭṭhitā.

21. “Hīna”nti saddhāsatiādīhi sobhaṇadhammehi ayuttattāhīnaṃ. “Sabbahīna”nti lobhādīhi pāpadhammehi yuttattā sabba cittehi hīnatarāṃ. “Tadattho”ti uparimānaṃ cittānaṃ sobhaṇasaññākaraṇasukhattho. “Ādito”tiādīmihi. “Vīthicittavaseṇāti etaṃ mama, esohamasmi, esome attāti evaṃ pavattassa bhavanikanti javanavīthicittassa vasena. Evañcasati, kiṃ kāraṇaṃ lobhamūlacittassapathamaṃ vacaneti āha “akusalesu panā”tiādīmi. “Dvīhivaṭṭamūlehi”ti lobhamohasaṅkhātehi dvīhi vaṭṭamūlehi.

22. “Siniddhacitta”nti sātavedanāyuttattālūkhacittaṃ na hotīti adhippāyo. Sumanassabhāvoti vutte kāyikasukhavedanāyapi pasaṅgo siyāti vuttaṃ “mānasika...pe... nāma”nti. “Sumanābhīdhānassā”ti sumananāmassa. “Pavattinimitta”nti pavattiyā āsanna kāraṇaṃ. Kathaṃ pana bhāvo pavattinimittaṃ nāmahotīti āha “bhavanti...pe... katvā”ti. Nimitte bhummaṃ. Tathāhi bhāvo nāma saddappavattinimittanti vuttaṃ. Idāni nimitta lakkhaṇaṃ dassento “yathāhi”tiādīmi. “Tatthā”ti tasmim payoge. “Danta nimitta”nti dantakāraṇā. “Taṃ vedanā nimitta”nti taṃ vedanākāraṇā. Ettha siyā, “etasminti nimitte bhumma”nti vuttaṃ, nimittañca nāma akāraṇaṃ asādhanaṃ, taṃ kathaṃ sādhanaviggāhe yujjati. Adhikāraṇa sādhanānurūpattā saddappavattinimittassāti datṭhabbaṃ. Etenāti ca etasmāti ca hetu atthe ubhayavacananti vadanti. Āsannahetu nāmasādhana rūpo bhavati tesam adhippāyo. Suṭṭhu karoti, pakatipaccayena anipphannaṃ kammaṃ attano balena nipphādetīti saṅkhāro. “Pubbābhisaṅkhāro”ti pubbabhāge abhisaṅkhāro. Payojeti niyojeti payogo. Upeti phalasaṅkhāto attho etenāti upāyo. “Āṇattiyāvā”ti pesanāyāvā. “Ajjesanena vā”ti āyācanena vā. “Tajjetvā vā”ti bhayaṃ dassetvā vā. “Taṃ taṃ upāyaṃ pare ācikkha”nti. Kathaṃ ācikkhanti āha “akāraṇe”tiādīmi. “Tasmim tasmim kamme payojetītikatvā idha saṅkhāro nāmā”ti yojanā. “Paccaya gaṇo”ti pakatipaccayagaṇo. “Tenā”ti saṅkhārena. “Sādhāraṇo”ti kusalākusalābyākātānaṃ sādharāṇo. “Duvidhena saṅkhārenā”ti payogena vā upāyena vā. “Yo pana tenasahito”tiādīnā pubbevuttamevatthaṃ pakārantarenapākaṭaṃ kātuṃ “sopana yadā”tiādī vuttaṃ. “Iti”tiādī laddhagaṇa vacanaṃ. “Paccayagaṇassevanāma”nti paccayagaṇasseva viśesa nāmanti vuttaṃ hoti. Uppannatthe ikapaccayoti kathaṃ viññāyatīti āha “yasmim samaye”tiādīmi. “Pāliya”nti dhammasaṅgaṇipāliyaṃ. “Asallakkhetvā”ti acintetvā iccevattho. Sabbametam nayujjatiyeva. Kasmā, pāliatṭhakathāhi asaṃsandanaṭṭā, atthayuttibyañjanayuttīnañca avisadattāti adhippāyo. “Ta”nti cittaṃ. “Etenā”ti pubbappayogena. “Yathāvuttanayenā”ti tikkhabhāvasaṅkhātamaṇḍanavisesena. “So panā”ti pubbappayogo pana. “Iti”ti tasmā. “Taṃ nibbattito”ti tena pubbappayogena nibbattito. “Virajjhivā”ti ayuttapakkepativā. Etenapaṭikkhittā hotīti sambandho. Gāthāyaṃ. “Cittasambhavī”ti cittasmim sambhūto. Viśeso saṅkhāro nāmāti yojanā. Salomako, sapakkhakotyādīsuviyāti vuttaṃ. Sāsavā dhammā, sārammaṇā dhammāyādīsuviyāti pana vutte yuttatarāṃ. “Pāliatṭhakathā siddha”nti pāliatṭhakathāto siddhaṃ. Apicayatthavisuddhimaggādīsū asāṅkhāraṃ cittaṃ, sasāṅkhāraṃ cittanti āgataṃ. Tattha ayaṃ pacchimanayo yutto. Upāyasamuṭṭhitassa anekasatasambhavato “idañca nayadassanamevā”ti vuttaṃ. “Udāsīnabhāvenā”ti majjhatabhāvena. “Yato”ti yasmā. Vikārapatto hoti. Tato adhimattapassanaṃ viññāyatīti yojanā.

23. Idāni sahaṅgatavacana sampayuttavacanāni vicārento “etthacā”tiādīmarabhi. “Na pana te bhedavantā hotīti”ti kasmā vuttaṃ. Na nu tepicakkhu samphasso, sotasamphasso, tiādīnā ca, kāmavitakko, byāpādavitakko, tiādīnā ca, dukkhe aññāṇaṃ, dukkhasamudaye aññāṇa, ntiādīnāca

bhedavantā hontīti. Saccam. Te pana bheda imaṃ cittaṃ bhinnaṃ na karonti. Tasmā te bhedavantāna hontīti vuttā. Na ca tesam ayaṃ vikappo atthīti sambandho. “Imasmiṃ citte”ti lobhamūlacitte. “Katthaci”ti kismiñci citte. Yevāpanāti vutte sudhammesu āgatāniyevāpanakāni. “Aññehi”ti dosamūlamohamūlehi. Nanutānipi idha gahetabbānīti sambandho. “Nā”ti na gahetabbāni. Kasmāti āha “tesuhi”tiādiṃ. Tepi idha nagahetabbā siyuṃ. Na pana na gahetabbā. Kasmā, vedanāya ca sayam bhedavantattā, diṭṭhisankhārānañca vikappasabbhāvāti adhippāyo.

24. “Somanassassakāraṇa”nti somanassuppattiyā kāraṇaṃ. Somanassuppattiyā kāraṇe vutte taṃ sahaḡata cittuppattiyāpikāraṇaṃ siddhaṃ hotīti katvā tameva vuttanti daṭṭhabbaṃ. Tenāha “somanassappaṭisandhikohī”tiādiṃ. Hīnena vā...pe... ārammaṇena samāyogo, tena samāyuttassāpi cittaṃ uppajjamānantiādinā vattabbaṃ. Tathā byasanamuttīyaṃpi. Upekkhākāraṇe “byasanamuttī”ti idaṃ domanassappasaṅgaparihāravacanāṃ. Ajjhāsayaovuccati ajjhāvuttaṃ gehaṃ. Diṭṭhisankhāto ajjhāsayaoyassāti diṭṭhajjhāsayo. Tassa bhāvo diṭṭhajjhāsayatā. “Ayoniso ummujjana”nti anupāyato ābhujanaṃ, manasikaraṇaṃ. “Cintā pasutavasena”ti gambhīresu dhammesu cintāpasavanavasena, vīmaṃsā vaḍḍhanavasena. “Diṭṭhakāraṇamevā”ti diṭṭhaṃ kāraṇappaṭirūpakameva. Tenāha “sāratosaccato ummujjana”nti. “Tabbiparītenā”ti tato viparītena. Adiṭṭhajjhāsayatā, diṭṭhivipannaṃpuggalaparivajjanatā, saddhammasavanatā, sammāvitakkabahulatā, yoniso ummujjanañca diṭṭhivippayogakāraṇanti vattabbaṃ.

“Imesaṃ pana cittānaṃ uppattividhānaṃ visuddhimaggegahetabba”nti visuddhi maggekhandha niddesato gahetabbaṃ. Vuttañhitattha. Yadā hinatthikāmesu ādīnavotiādināyena micchādiṭṭhiṃ purekkhitvā haṭṭhatutṭho kāmevā paribhuñjati, diṭṭhamāṅgalādīni vā sāratopacceti sabhāva tikkhena anussāhitenacittena. Tadā pathamaṃ akusala cittaṃ uppajjati. Yadā mandena samussāhitenā cittena, tadāduṭṭiyaṃ. Yadā micchā diṭṭhiṃ apurekkhitvā kevalaṃ haṭṭhatutṭho methunaṃ vā sevati, para sampattiṃ vā abhijjhāyati, parabhaṇḍaṃ vā harati sabhāvatikkheneva anussāhitenā cittena. Tadā tatīyaṃ. Yadā mandena samussāhitenacittena, tadā catutthaṃ. Yadā pana kāmānaṃ vā asampattiṃ āgamma aññesaṃ vā somanassahetūnaṃ abhāvena catūsūpi vikappesu somanassarahitāhonti, tadāsesāni cattāri upekkhāsahagatāni uppajjantīti.

Lobhamūlacittavaṇṇanā niṭṭhitā.

25. Dosamūlacitte. “Virūpa”nti duṭṭhaṃ, luddaṃ. Dummanassa bhāvoti vutte kāyikadukkhavedanāyapi pasaṅgo siyāti vuttaṃ “mānasika...pe... nāma”nti. Paṭihaññati bādhati. “Santatte”ti santāpīte.

26. “Bhedakaro”ti aññamaññavisesakaro. “Bhedakarāna hontī”ti imassa cittassa aññamaññavisesakarāna hontī. Domanassaggahaṇaṃ pasaṅganivattanatthaṃ gahitanti yojanā. Pasaṅgoti canānappaḡarato sajjanaṃ lagganaṃ. Kathaṃ pasaṅgoti āha “yadāhi”tiādiṃ. “Tuṭṭhiṃ pavedentī”ti tuṭṭhāmayāṃ imesaṃ maraṇenātiādi cikkhanti. Evaṃ sahaḡatappasaṅgaṃ nivattetvā sampayuttappasaṅgaṃ nivattetuṃ “paṭighaggahaṇaṃpi”tiādi vuttaṃ. Tiracchānagatapāṇavadhe apuññaṃ nāma natthi. Ādikappato paṭṭhāya manussānaṃ yathākāma paribhogatthāya lokissariyenaṭṭhāyāyānā nimmitattāti adhippāyo. “Vissaṭṭhā”ti anāsankā. “Aññevā”ti aññe vā jane. Vimati eva vematikaṃ. Vematikaṃ jātaṃ yesaṃ te vematikajātā. Purimacittassalobhasahagatabhāvo imāniatṭhapi lobhasahagatacittānīnāmāti iminā cūḷanīgamane neva siddhoviṃyāti yojanā. Cūḷanīgamanena paṭighasampayutta bhāvesiddhe domanassasahagatabhāvopi tenasiddho yevāti katvā “tesaṃ gahaṇaṃ”ti vuttaṃ. “Tesa”nti donassapaṭighānaṃ. Imasmiṃ citte issāmacchariyakukkucānicathinamidhāni ca aniyatayogīni ca hontī yevāpanakāni ca. Tenāha “purimacitte”tiādiṃ. Domanassaṃ imasmiṃ citte atthi, aññacittesu natthi, tasmā asādhāraṇa dhammo nāma. Anaññasādhāraṇa dhammotipi vuccati. “Yathātaṃ”ti taṃ nidassanaṃ tadudāharaṇaṃ yathā katamanti attho. “Upalakkhetī”ti saññāpeti. Ātapaṃtāyatirakkhatīti ātapattaṃ. Setacchattaṃ. Laddhaṃ ātapattaṃ yenāti laddhātapatto. Rājakumāro. So ātapattaṃ laddhoti vutte sabbaṃ rājasampattiṃ laddhoti viññāyati. Tasmā idaṃ upalakkhaṇa vacanaṃ jātanti daṭṭhabbaṃ. “Ubhinna”nti dvinnaṃ domanassa paṭighānaṃ. Pubbe domanassasahagatanti vatvā nīgamane paṭighasampayuttacittānīti vuttattā “imassa...pe... siddhito”ti vuttaṃ.

27. “Aniṭṭhalokadhammehī”ti alābho ca, ayasoca, nindāca, dukkhañcāti catūhi aniṭṭhalokadhammehi. “Taṃ kutettha labbhā”ti ahaṃ alābhādīhi māsamāgacchīti patthentassapi kutomeetthalokeyaṃ patthanā pūraṇaṃ sabbakālaṃ labbhāti attho. “Labbhā”ti ca kammaṭṭhadīpakāṃ paṭipadikapadaṃ. Imesaṃ uppattividhānaṃ visuddhimagge saṅkhepatova vuttaṃ tassa paṇāti pātādīsu tikkhamandappavattikāle pavattiveditabbāti.

Dosamūlacittavaṇṇanā niṭṭhitā.

28. Mohamūlacitte. “Mūlantaravirahenā”ti aññamūlavirahena. Saṃsappatīti saṃsappamānā. Evaṃ nu kho, aññathānu khoti evaṃ dvidhā erayati kampaṭīti attho. Vikkhipatīti vikkhipamānaṃ. “Niyamanattha”nti idaṃ vicikicchāsampayuttaṃ nāmāti niyamanatthaṃ. Idañhi paṭighasampayuttaṃ viya nigamanena siddhaṃ na hoti. “Idha laddhokāsaṃ hutvā”ti mūlantara virahattā eva idhaladdhokāsaṃ hutvā. Pakati sabhāvabhūtaṃ, iti tasmā natthīti yojanā. “Anosakkamāna”nti pacchato anivattamānaṃ. “Asaṃsīdamāna”nti heṭṭhato apatamānaṃ. Ubhayena abbochinnanti vuttaṃ hoti. “Atisammulhatāyā”ti mūlantara virahena mohena atisammulhatāyā. “Aticañcalatāyā”ti saṃsappamānavikkhipamānehivicikicchuddhaccehi aticañcalatāyā. “Sabbathāpī”ti sabbesupi ārammaṇesu. Aṭṭhakathāyaṃ saṅkhāra bhedenā avijjāya duvidhabhāvova vutto. Kathaṃ vutto. Avijjā appaṭipatti micchā paṭipattito duvidhā tathā sasaṅkhā rāsaṅkhāratoti vutto. “Tividhabhāvovā”ti imasmim cittaesaṅkhāravimuttāya avijjāya saddhim tividhabhāvova. Imesaṃ dvinnaṃ cittānaṃ uppattividhānaṃ visuddhimaggesaṅkhepatovavuttaṃ tassaasanniṭṭhānavikkhepakāle pavatti veditabbāti.

29. “Sabbathāpī”ti nipātasamudāyo vā hotu aññamaññavevacano vā, viṣuṃ nipātovāti evaṃ sabbappakāratopi. Akusalapade akāro viruddhattho. Yathā amitto, asuro, tidassetuṃ “akusalānī”tiādīmāha. “Paṭiviruddhabhāvo”ti mohādīhi akusalehi viruddhabhāvo. Bhāvanamñārahantīti “abhāvanārahā”. Kathaṃ pana bhāvanamñārahantīti āha “punappuna”ntiādīm. “Niyāmaṃ okkamantāpī”ti pañcānantariya kammabhāvena niyatamicchādīṭṭhibhāvena ca niyāmaṃ okkamantāpī. Apāyaṃ bhajantīti apāyabhāgino. Kammakārakā. Tesāṃ bhāvo. Tāya. “Vaṭṭasotaniyate”ti saṃsāraṅgaṃ sotasmim niyate. “Thiratarapattā”ti samādhivasena thiratarabhāvaṃ pattā. Idāni tamevatthaṃ pakārantarena vibhāvetuṃ “apicā”tiādīmāha. “Siyu”nti padaṃ dhātupaccayehi siddhaṃ nipphannaṃ padaṃ nāma nahoti. Kasmā, idhaparikkappaṭṭhassa asambhavato. Nipātapadaṃ hoti. Kasmā, anekatthātā sambhavato. Idha pana bhavanti saddena samānattho. Tenāha “nipātapadaṃ idha daṭṭhabba”nti.

Akusalavaṇṇanā.

30. Ahetukacitte. “Sabbanihīna”nti sabbacittehi hīnaṃ. Puna “sabbanihīna”nti sabbāhetukehi hīnaṃ. “Ta”nti akusala vipākaṃ.

31. Suttapāḷiyaṃ, “kaṭṭha”nti sukkhadāruṃ. “Sakalika”nti chinditaphālitaṃ kaṭṭhakkaṇḍakaṃ. “Thusa”nti vīhisuṅkaṃ. “Saṅkāra”nti kacavaraṃ. Cakkhuñcarūpe ca paṭicca yaṃviññānaṃ uppajjati. Taṃ cakkhuvīññānantveva vuccatītiādīnā yojetabbāṃ. Tattha “rūpe”ti rūpārammaṇāna. “Sadde”tiādīsipi esanayo. Ettha ca viññānāni ekavatthu nissitāni honti. Tasmā vatthu dvāresu ekavacanaṃ vuttaṃ. Ārammaṇāni pana ekaviññānenāpi bahūni gahitāni. Tasmā ārammaṇesu bahuvacanaṃ. “Dukkhayatī”ti dukkhaṃ karoti. Nāmadhātu padañhetā. Yathā attānaṃ sukheti vīṇetīti saddavidū. Dhātupāthesu pana sukhadukkhatakkiriyāyaṃti vuttaṃ. Takkiriyāti ca sukhakiriyā dukkha kiriyāti attho. Sātakkiriyā assātakkiriyāti vuttaṃ hoti. Ca saddo okāsatthoti katvā “dukkaraṃ okāsadāna”nti vuttaṃ.

32. “Cakkhussa asamhinnatā”ti cakkhupasādarūpassa abhinnatā. Tasmīñhi bhinnesati andhassa cakkhussa rūpāninupaṭṭhahantīti. “Sotassaasamhinnatā”tiādīsipi esanayo. “Ālokaśānissayappaṭilābho”ti cakkhu ca ālokesatī kiccaṅkāri hoti. Asatī nahotī. Tathā rūpañca. Tasmā āloko tesāṃ visayavisayībhāvūpagamane sañissayo hoti. Tassa ālokaśānissayassa paṭilābho. Esanayo ākāśasañissayādīsū. Imesaṃ aṅgānaṃ yutti dīpanā uparirūpasaṅgahe āgamissati. “Aṭṭhakathāya”nti aṭṭhasālīniyaṃ. Tattha “tasmim pana āpātaṃ āgacchantepi ālokaśānissaye asatī

cakkhuvīññāṇaṃ nuppajjati”ti vacanaṃ asambhāvento “taṃ vinā ālokenā”tiādimāha. “Abhāvadassana para”nti abhāvadassanappadhānaṃ.

33. Vipākavacanatthe. Vipaccatīti vipākaṃ. Vipaccatīti ca vipakkabhāvaṃ āpajjati. Pubbe katakammaṃ idāni nibbattiṃ pāpuṇātīti vuttaṃ hoti. Idāni tadatthaṃ pākaṃ karonto “ayañca attho”tiādimāha. Aṭṭhakathāyaṃ āyūhana samaṅgitāpi āgatā. Idha panasā cetanā samaṅgitāya saṅgahitāti katvā “catasso samaṅgithā”ti vuttaṃ. Samaṅgitāti ca sampannatā. “Taṃ taṃ kammāyūhana kāle”ti pāṇāti pātādikassa tabbiraṃāṇādikassa ca tassa tassa duccharitasucaritakammaṃ āyūhanakāle. Samuccinānakāleti attho. “Sabbaso abhāvaṃ patvāna nirujjhati”ti yathā abyākata dhammānirujjhamānā sabbaso abhāvaṃ patvā nirujjhanti. Tathā nanirujjhantīti adhippāyo. “Sabbākāra paripūra”nti pāṇātipātaṃ karontassa kammānu rūpābahūkāya vacīmano vikārā sandissanti. Esanayo adinnādānādīsu. Evarūpehi sabbehi ākāra vikārehi paripūraṃ. “Nidahitvā vā”ti saṅṭhapetvā eva. “Yaṃsandhāyā”ti yaṃkiriyaṃvisesanidhānaṃ sandhāya.

Gāthāyaṃ. “Sajjū”ti imasmiṃ divase. “Khīraṃ vauccatī”ti yathā khīraṃ nāma imasmiṃ divase muccatī. Pakatiṃ jahati. Vipariṇāmaṃ gacchati. Na tathā pāpaṃ kataṃ kammanti yojanā. Kathaṃ pana hotīti āha “dahantaṃ bālaṃvetī”ti. “Bhasmāchannovapāvako”ti chārikā channoviya aggī. “So panā”ti kiriyā viseso pana. “Visuṃ eko paramattha dhammotipi saṅkhyāṃ na gacchati”ti visuṃ sampayutta dhamma bhāvena saṅkhyāṃ na gacchati adhippāyo. So hi kammappaccayadhammā paramattha dhammo na hotīti na vattabbo. Tenāha “anusayadhātuyo viyā”ti. “So”ti kiriyāviseso. “Ta”nti kammaṃ vā, kammanimittaṃ vā, gatinimittaṃ vā. “Tadā okāsaṃ labhati”ti vipaccanattāya okāsaṃ labhati. Okāsaṃ labhitvā paccupaṭṭhātīti adhippāyo. “Tatthā”ti tāsu ca tūsusamaṅgitāsu. “Iti”ti laddhaguṇavacanaṃ. “Evañca katvā”tiādi puna laddhaguṇavacanaṃ. “Pāḷiya”nti dhammasaṅgaṇi pāḷiyaṃ. “Kammasantānato”ti arūpasantānaṃ eva vuccatī. “Ye panā”ti ganthakārā pana. “Tesa”nti ganthakārānaṃ. Āpajjati sambandho. Tesāṃ vādeti vā yojetabbaṃ. Yañcaupamaṃ dassenti yojanā. “Tatthā”ti tasmīṃ vacane. Na ca na labhanti yojanā. “Tadā”ti tasmīṃ pariṇatakāle. “Nāḷa”nti pupphaphalānaṃ daṇḍakaṃ.

34. “Sambhavo”ti pasaṅgakāraṇaṃ. Abhivisesena caraṇaṃ pavattanaṃ abhicāro. Visesa vutti. Na abhicāro byabhicāro. Sāmañña vutti. Pakkhantarena sādharmaṇatāti vuttaṃ hoti. Pakkhantarena sādharmaṇatā nāmapakkhantarassa nānappakārato sajjanameva lagganamevāti vuttaṃ byabhicārassāti pasaṅgassa iccevatthoti. Etthacātiādinā sambhavabyabhicārānaṃ abhāvameva vadati. Akusalahetūhi ca sahetukatā sambhavo natthīti sambandho. “Tesa”nti akusalavipākānaṃ. “Abyabhicāro yevā”ti byabhicārarahitoyeva.

35. “Pañcadvāre uppanna”nti pañcadvāravikāraṃ paṭicca uppannattā vuttaṃ. Tenāha “tañhi”tiādim. Esanayo manodvārāvajjanepi.

Yadi hi ayamatthosiyā, evañcasati, ayamattho āpajjati sambandho. “Tesa”nti vīthiccitānaṃ. Uppādasaddoniyatapullīngoti katvā “tikāsu pana...pe... niddiṭṭhaṃ” siyāti vuttaṃ. “Vuttanayenā”ti sampayuttahetuvirahatoti vuttanayena. Vipaccana kiccaṃ nāma vipākānaṃ kiccaṃ. Vipākuppādanakiccaṃ nāma kusalākusalānaṃ kiccaṃ. “Taṃ taṃ kiriyā mattabhūtāni”ti āvajjana kiriyā hasanakiriyā mattabhūtāni. Paṭisandhibhavaṅgacuticittāni nāma kevalaṃ kammavegukkhittabhāvenasantānepatitamattā dubbala kiccāni honti. Pañca viññāṇāni ca asārānaṃ abalānaṃ pasādavatthūnaṃ nissāya uppannattā dubbalavatthukāni honti. Sampaṭicchanādīni ca pañcaviññāṇānubandha mattattā dubbala kiccaṭṭhānāni honti. Tasmā tāni sabbāni attano ussāhenavinā kevalaṃ vipaccanamattena pavattanti. “Vipākasantānato”ti pañcadvārāvajjanañca manodvārāvajjanañca bhavaṅgavipākasantānato laddhapaccayaṃ hoti. Voṭṭhabbanāṃ pañcaviññāṇādi vipākasantānato laddhapaccayaṃ. “Itarāni panā”ti hasituppādacitta mahākiriyaṃcittādi. “Niranusayasantāne”ti anusayarahite khīṇāsavasantāne. “Ussāharahitāni evā”ti yathā rukkhānaṃ vātapupphāni nāma atthi. Tāni phaluppādakasineharahitattā phalāni na uppādentī. Tathā tāni ca vipākuppādakatanḥāsineharahitattā ussāhabyāpāra rahitāni eva.

36. Vedanāvicāraṇāyaṃ. “Picuṇḍakānaṃ viyā”ti dvinnaṃ kappāsapicuṇḍakānaṃ aññaṃaññaṃsaṅghaṭṭanaṃ viya upādārūpānañca aññaṃaññaṃsaṅghaṭṭanaṃ dubbalamevāti yojanā.

“Tesam ārammaṇabhūtāna”nti tiṇṇaṃ mahābhūtānaṃ. “Kāyanissayabhūtesū”ti kāyanissayamahābhūtesu. “Tehī”ti pañcaviññāṇehi. “Purimacittenā”ti sampañcchanacittato. “Ta”nti akusalavipākasantīraṇaṃ. Paṭighena vinā nappavattati. Kasmā nappavattatīti āha “ekantākusalabhūtenā”tiādiṃ. “Abyākatesu asambhavato”ti abyākata cītesu yujjītuṃ asambhavato. Kammānubhāvato ca muñcivā yathāpurimaṃ vipākasantānaṃ kammānubhāvena pavattaṃ hoti. Tathā appavattitvāti adhippāyo. “Kenacī”ti kenaci cītena. “Visadisacittasantāna parāvattaṇavasena”ti purimenavipāka citta santānena visadisam kusalādi javana cīttasantānaṃ parato āvaṭṭā pana vasena. Tathāhidaṃ cīttadvayaṃ pāliyaṃ āvaṭṭanā, anvāvaṭṭanā, ābhogo, samannāhāroti niddiṭṭhaṃ. “Sabbathāpī”ti iṭṭhārammaṇepi aniṭṭhārammaṇepi. “Attano pacchā pavattassa cīttassa vasenā”ti attano pacchā pavattaṃ cīttaṃ paṭicca na vattabboti adhippāyo. “Attano paccayehi eva so sakkā vattu”nti attano paccayesu balavantesu sati, balavā hoti. Dubbalesu sati, dubbalo hotīti sakkāvattunti adhippāyo. “Visadisa cīttasantāna”nti voṭṭhabbanakiriya cīttasantānaṃ.

37. Saṅkhāra vicāraṇāyaṃ “vipākuddhāre”ti aṭṭhasāliniyaṃ vipākuddhāra kathāyaṃ. “Ubhayakammenapī”ti sasaṅkhārika kammenapi, asaṅkhārika kammenapi. “Therenā”ti mahādattattherena. “Tadubhayabhāvābhāvo”ti sasaṅkhārika asaṅkhārikabhāvānaṃ abhāvo. “Tānipi hi aparibyattakiccāniyevā”ti ettha āvajjana dvayaṃ javanānaṃ purecārika kiccattā aparibyattakiccaṃ hotu. Hasituppādacīttaṃ pana javanakiccattā kathaṃ aparibyattakiccaṃ bhavēyyāti. Tampi sabbaññutaññāṇādīnaṃ anucārikamattattā aparibyattakiccaṃ nāma hotīti. “Aṭṭhamahāvīpākesu viya vattabbo”ti mahāvīpākānaṃ sasaṅkhārikā saṅkhārikabhāvo purimabhāve maraṇāsannakāle ārammaṇānaṃ payogena saha vā vinā vā upaṭṭhānaṃ paṭicca vutto, tathā vattabboti adhippāyo.

38. “Dubbala kammanibbatesū”ti paṭisandhi bhavaṅga cutikiccāni sandhāya vuttaṃ. “Dubbala vatthu kiccaṭṭhānesū”ti cakkhādivatthukesu āvajjanādi dubbalakicca dubbalaṭṭhānikesu. “Tatthā”tiādinā tadattaṃ vivarati. Tattha “vikkhepayutta”nti vikkhepakiccena uddhaccenayuttaṃ hutvā. “Kappaṭṭhitikaṃ” nāma saṅghabhedakammaṃ. Chasuvatthu rūpesu hadayavatthumeva suvaṇṇarajataṃ viya sāravatthu hoti. Itarāni phalīkāni viya pasādamattattā asārāni hontīti vuttaṃ “cakkhādīsū dubbala vatthūsū”ti. Dassanādīni ca kiccāni javana kiccassa purecarattā khuddakiccāni hontī. Tenāha “dassanādīsū”tiādiṃ.

39. Idha dīpaniyaṃ iccevantī padaṃ aṭṭhārasātīpadassavisesananti katvā “sabbathāpīti padassa...pe... veditabbo”ti vuttaṃ. Vibhāvanīyaṃ pana taṃ sabbathāpīti padassa visesananti katvā “sabbathā pītikusalākusalavīpākakiriya bhedenā”ti vuttaṃ.

Ahetukacittavaṇṇanā niṭṭhitā.

40. Sobhaṇacītesu. Avuttāpi siddhā hoti. Yathā aṭṭhacīttāni lokuttarānīti ca vutte avuttepisijjhanti sesacīttāni lokiyānīti ca sauttarānīti cāti adhippāyo. “Attasamaṅgīno”ti attanā pāpakammaṃ samannāgate. “Anicchante yevā”ti sacēpi avīcīnimittassādavattu viya keci icchantu. Ajānantānaṃ pana icchā appamaṇanti adhippāyo. “Sobhagga pattiyā”ti ettha subhagassa bhāvo sobhagganti viggaho. Subhagassāti ca susirikassa.

41. “Yāthāvato”ti yathā sabhāvato. Ettha siyā jānātīti nāṇanti vuttaṃ, kiṃ sabbaṃ nāṇaṃ yāthāvato jānātīti. Kiñcetha. Yadi sabbaṃ nāṇaṃ yāthāvato jānāti. Evaṃ sati, nāṇena cītentānaṃ ajānaṃ nāma natthi, virajjanaṃ nāma natthīti āpajjati. Atha sabbaṃ nāṇaṃ yāthāvato na jānāti, katthaci jānāti, katthaci na jānāti. Evañcasati, yattha jānāti, tattheva taṃ nāṇaṃ hoti. Yattha na jānāti, tattha taṃ nāṇameva na hotīti āpajjatīti. Vuccate. Nāṇena cītesāmiṭī cītentānaṃpi yattha yattha yāthāvato jānaṃ na hoti, tattha tattha nāṇa vippayutta cīttaṃ hoti. Nāṇappaṭi rūpakā ca dhammā atthi cīttāna vitakko ca, vicāro ca, diṭṭhi ca. Etehi cītentāpi ahaṃ nāṇena cītemīti maññanti. “Deyya dhammapaṭiggāhaka sampattī”ti deyyadhamma vatthu sampattī, paṭiggāhaka puggala sampattī. “Abyāpajjalokūpapattitā”ti ettha abyāpajjaloko nāma kāyīkadukkha cetāsika dukkha rahito uparidevaloko vā brahmaloko vā. Upapajjanaṃ upapattī. Paṭisandhivasena upagamananti attho. Abyāpajjalokaṃ upapattī yassa so abyāpajja lokūpapattī. Tassa bhāvoti viggaho. “Kilesa

dūratā’’ti samāpatti balena vā, aññatarappaṭipattiyā vā, vikkhambhita kilesatā vā, ariyamaggena samucchinna kilesatā vā.

Tesaṃ uppatti vidhānaṃ visuddhi magge khandhaniddese evaṃ vuttaṃ. Yadāhi deyyadhamma paṭiggāhakādi sampattiṃ aññaṃ vā somanassahetuṃ āgamma haṭṭhatuṭṭho atthidinnantiādinayappavattaṃ sammādiṭṭhiṃ purekkhitvā asaṃsīdanto anussāhitoparehi dānādīni puññāni karoti, tadāssa somanassasahagataṃ ñāṇa sampayuttaṃ cittaṃ asaṅkhāraṃ hoti. Yadā pana vuttanayena haṭṭhatuṭṭho sammādiṭṭhiṃ purekkhitvā amutta cā gatādivasena saṃsīdamāno vā parehi vā ussāhito karoti, tadāssa tadeva cittaṃ asaṅkhāraṃ hoti. Imasmiñhi atthe saṅkhāroti etaṃ attano vā paresaṃ vā vasena pavattassa pubbappayogassādhivacanaṃ. Yadā pana ñāti janassa paṭipatti dassanena jātaparicayābālādārakā bhikkhū disvā somanassa jātasahasā kiñci deva hatthagataṃ dadanti vā vandanti vā, tadā taṭīyaṃ cittaṃ uppajjati. Yadā pana dethavandathāti ñātihi ussāhitā evaṃ paṭipajjanti, tadā catutthaṃ cittaṃ uppajjati. Yadā pana deyyadhamma paṭiggāhakādīnaṃ asampattiṃ aññesaṃ vā somanassahetūnaṃ abhāvaṃ āgamma catūsipi vikappesu somanassarahitā honti. Tadā sesāni cattāri upekkhāsahagatāni uppajjantīti.

42. Aṭṭhapīti ettha pisaddena imāni cittāni na kevalaṃ aṭṭheva honti. Atha kho tato bahūnipi bahutarānipi hontīti imaṃ sampiṇḍanatthaṃ dīpetīti dassetuṃ ‘‘tenā’’tiādivuttaṃ. Dasasu puññakiriyāvattāhūsu diṭṭhuju kammaṃ nāma ñāṇa kiccaṃ. Taṃ kathaṃ ñāṇa vippayutta cittehi karontīti. Vuccate. Ñāṇa sampayutta cittehi diṭṭhiṃ ujumkarontā tesaṃ antarantārā ñāṇasote patitavasena ñāṇavippayutta cittehi karontiyeva. Sabbesattā kammassakātiādinā, buddho sobhagavā, svākkhāto so dhammo, suppaṭipanno so saṅgho, tiādinā cāti daṭṭhabbaṃ. Tenāha ‘‘imāni aṭṭha cittāni’’tiādiṃ. Tattha dasapuññakiriyāvattāhūni nāma ‘dānaṃ, sīlaṃ, bhāvanā, apacāyanaṃ, veyyāvaccamaṃ, pattidānaṃ, pattānumodanaṃ, dhammassavanā, dhammadesanā, diṭṭhuju kammaṃ, Tehi guṇitāni vaḍḍhitāni. Tāni ca aṭṭhachasu ārammaṇesu uppajjanti. Tīṇi ca kammāni karontā te heva aṭṭhahi karontī. Tāniyeva ca sabbāni atthi hīnāni, atthi majjhimāni, atthi paṇītāni. Tasmā puna anukkamena ārammaṇādīhi vaḍḍhanaṃ karoti. Tattha ‘‘tāni ṭhapetabbāni’’ti sambandho. ‘‘Suddhikāni’’ti adhipatīhi amissitāni. ‘‘Iti katvā’’ti iti manasi karitvā. Tathā ñāṇavippayuttāni dvesahassāni sataṃ saṭṭhi ca hontīti yojanā. ‘‘Vīmaṃsāvajjitehi’’ti vīmaṃsādhipati vajjitehi. ‘‘Tathāguṇitāni’’ti sabbāni puññakiriyādīhi samaṃ guṇitāni. ‘‘Kosallenā’’ti kosallasāṅkhātena. ‘‘Nānavajjanavīthiya’’nti ñāṇavippayutta vīthīhi visuṃ bhūtāya āvajjanāya yutta vīthiyaṃ. ‘‘Tenevā’’ti vīmaṃsādhipatibhūtena teneva upanissayaññāṇena. Evaṃ santepi na sakkābhavitunti sambandho.

43. Vacanatthe ‘‘rujjanaṭṭhena’’ti tudanaṭṭhena. ‘‘Ahitatṭhena’’ti hitaviruddhaṭṭhena. ‘‘Anipuṇaṭṭhena’’ti asaṅhā sukhumatṭhena. ‘‘Aniṭṭhavipākaṭṭhena’’ti aniṭṭhaṃ vipākaṃ etesanti aniṭṭha vipākāni. Tesaṃ bhāvo aniṭṭha vipākaṭṭho. Tena aniṭṭha vipākaṭṭhena. ‘‘Tappaṭi pakkhattā’’ti rāgādīhi paṭipakkhattā. Evaṃ pariyāyattha saṅkhātaṃ abhidhānatthaṃ dassetvā idāni aṭṭhakathāsu āgataṃ vacanatthaṃ dasseti kucchitetiādinā. Tattha ‘‘kucchite’’ti jegucchitabbe, nindi tabbe vā. Cālenī tadaṅgappahānavasena, kampaṇī vikkhambhanappahānavasena, viddhamṣenti samucchadappahānavasena. ‘‘Tanukaraṇaṭṭhena’’ti sallikhanaṭṭhena. ‘‘Antakaraṇaṭṭhena’’ti pariyoṣānakaraṇaṭṭhena. ‘‘Api cā’’tiādi dīpanīnayadassanaṃ. ‘‘Kosalla sambhūtaṭṭhena’’ti mahāaṭṭhakathānayo. Tattha, kusalassa paṇḍitassa bhāvo ekāsallaṃ. Ñāṇaṃ. Tena sambhūtaṃ sañjātaṃ kosalla sambhūtaṃ tiviggaho.

44. ‘‘Balavakammenā’’ti tihetu kukkaṭṭha kammena. ‘‘Dubbala kammena’’ti tihetukomakena vā dvihetuka kusala kammena vā. ‘‘Kehici ācariyehi’’ti moravāpi vāsī mahādattattheraṃ sandhāya vuttaṃ. ‘‘Saṅgahakārenā’’ti bhaddanta buddhaghosattherena. ‘‘Sannihita paccayavasena’’ti āsanne saṅghitapaccaya vasena. Paccuppanna paccayavasenevāti vuttaṃ hoti. Upaṭṭhitāni kammādīni ārammaṇāni. Pavattāni mahāvīpākāni. ‘‘Avīpāka sabhāvato’’ti avīpaccanasabhāvato. Avīpākuppādanasabhāvatoṭi vuttaṃ hoti. ‘‘Aṭṭhakathāya’’nti dhammasaṅgaṇiṭṭhakathāyaṃ. ‘‘Idhā’’ti mahāvīpākacitte. ‘‘Tathā appavattiyā cā’’ti dānādivasena appavattito ca.

45. Mahākiriyacitte. ‘‘Upaṭṭhi’’ti vīthisaṅgahe tadā rammaṇa niyame. ‘‘Sayamevā’’ti anuruddhatthereneva. ‘‘Vakkhatī’’ti vuccissatī. ‘‘Yathāraha’’nti khīṇāsavasantāne uppannānaṃ

mahākiriyaṇaṃ arahānurūpaṃ. Bhūtakathana visesanaṃ tena nivattetabbassa atthassa abhāvāti adhippāyo. “Taṃ”ti sahetukaggahaṇaṃ. “Byavacchedakavisesana”nti ahetuka vipākakiriya cittānañca sabbhāvātappasaṅgassa avacchedakaṃ visesanaṃ. “Yathā sakkhara kathalikampi macchagumbaṃpi tiṭṭhantaṃpi carantaṃpi passaṭi”ti vacane sakkhara kathalikaṃ tiṭṭhantaṃ, macchagumbaṃ tiṭṭhantaṃpi carantaṃpi passaṭiṭi evaṃ yathā lābha yojanā hoti. Tathā idha pīti.

46. “Yadida”nti yā ayaṃ dīpana samatthata, “idaṃ sāmattiya”nti yojanā. Ayaṃ samattha bhāvoti attho. Bhedavacane codanāyāti sambandho. Racanāgāthāyaṃ. “Etāni”ti sobhaṇa kāmāvacara cittāni. “Puñña pāpa kriyābheda”ti puñña pāpa kriyābhedenā.

47. Katame dhammā kāmāvacarā. Heṭṭhato avīcinirayaṃ pariyantaṃ karitvā uparito paranimmita vasavattideve anto karitvāti evaṃ pāliyaṃ niddiṭṭhattā idhakāmasaddena saḥokāsākāmaḥūmi vuccatīti āha “kāme kāmabhūmiya”nti. Pariyāpannāti pāṭhaseso. “Kriyā cā”ti ettha ca saddo pana saddattho. Iti saddo iccevaṃ saddattho. Etena paṭisiddhāti sambandho. “Idhā”ti imasmiṃ cittasaṅgahe. “Tassā”ti sabbathāsaddassa. Bhavo nāma indriya baddhasantānagato dhamma samūho vuccati. Idha pana kāmāvacarā dhammāti pade kāmasaddo. So ca pathavi pabbatādīhi saddhiṃ sabbaṃ kāmabhūmiṃ vadatīti vuttaṃ “bhūmipariyāyo cā”tiādi. “Indriyānindriyabaddha dhamma samūho”ti indriyabaddha dhamma samūho sattasantānāgato, anindriyabaddha dhamma samūho pathavi pabbatādi gato. Tattha jīvitindriyena anābaddho anāyatto anindriyabaddhoti.

Itikāmacittasaṅgahadīpaniyānanudīpanā niṭṭhitā.

48. Rūpāvacaracitte. “Samuditenā”ti pañcaṅga samuditenā. Pañcannaṃ aṅgānaṃ ekato sāmaggibhūtenāti attho. Pañcannañhi ekato sāmaggiyaṃ satiyeva appanā hoti, no asati. Sāmaggiyanti ca suṭṭhu balavatāya samaggabhāveti attho. “Paṭipajjitabbattā”ti pattabbattā. Jhānaṃ duvidhaṃ ārammaṇūpanijjhānañca lakkhaṇū panijjhānañcāti āha “kasiṇādikassā”tiādiṃ. Idha pana ārammaṇūpanijjhānaṃ adhippettaṃ. Upanijjhānanti ca kasiṇa nimittādikāṃ ārammaṇaṃ cetasā upagantvānijjhānaṃ olokanaṃ. Jhānasaddassajhāpanatthopi sambhavatīti vuttaṃ “paccanīka dhammānañca jhāpanato”ti. Agginā viya kaṭṭhānaṃ kilesānaṃ dayhanatoti attho. Ekaggatā eva sātissaya yuttā appanāpattakāleti adhippāyo. Pubbabhāge pana pathamajjhāne vitakkassa balavabhāvo icchitabbo. “Sāhi”tiādinā tadatthaṃ vivarati. Sāhi ekaggatāti ca vuccatīti sambandho. Eko attāsabhāvo assāti ekattaṃ. Ekattaṃ ārammaṇamassāti ekattā rammaṇā. Ekaggatā. Tassa bhāvoti viggaho.

Aggasaddo koṭi attho. Koṭṭhāsaṭṭhovā. “Tathā pavattane”ti cittassa ekaggabhāvena pavattiyāṃ. “Ādhippaccaṅgaṇayogenā”ti adhipatibhāvagaṇayogena. Indriyapaccayaṭṭagaṇayogenāti vuttaṃ hoti. Sāyeva ekaggatā ekaggatā, samādhī,ti ca vuccatīti sambandho. “Samādhī”ti padassa-saṃ-ādhī-ti-vā, samaādhī-ti-vā, dvidhā padacchedo. Tattha saṃupasaggo sammāsaddattho. Samasaddo pana dhammena samena rajjaṃ kāretītiādisu viya nāmikasaddoti dvidhā vikappaṃ dassento “sāyeva citta”ntiādimāha. Sāyeva cittaṃ-sammā ca ādhiyatīti samādhī, sāyeva cittaṃ-samañca ādhiyatīti samādhīti dvidhā vikappo. Tattha sammā cāti sundarena. Ādhiyatīti ādahati. Ādahanañca ṭhapanamevāti vuttaṃ “ṭhapatī”ti. Samañcāti avisamañca. “Tatthevā”ti tasmīṃ ārammaṇe eva. “Līnuddhaccābhāvā pādanenā”ti līnassa ca uddhaccassa ca abhāvo līnuddhaccābhāvo. Tassa āpādanaṃ āpajjāpananti viggaho. Vividhena cittassa saṃharaṇaṃ visāhāro. Na visāhāro avisāhāro. Sāyeva ca niddiṭṭhā. Iti evaṃ imesu dvīsu atthesu ekaggatā eva sātissayayuttāti yojetabbāṃ. Evaṃ pana sati, ekaggatā eva jhānanti vattabbā, na vitakkādayoti codanaṃ pariharanto “vitakkādayopanā”tiādimāha. Apisaddo sampiṇḍanatto. Panasaddo pakkhantaratto. Tassā ekaggatāya. “Sā tissaya”nti atissayena saha. “Osakkitu”nti saṃsīdituṃ. “Naṃ”ti cittaṃ. “Samsappitu”nti evaṃ nu kho aññathānu khoti dvidhā cañcalituṃ. “Ukkaṇṭhitu”nti aññābhīmukhī bhavituṃ. Āramitunti vuttaṃ hoti. Laddhaṃ sātāṃ yenāti laddhassātāṃ. “Sātāṃ”ti sārattaṃ. “Upabrūhitāṃ”ti bhusaṃvaḍḍhitāṃ. “Santa sabhāvattā”ti upasanta sabhāvattā. “Tathā anuggahitā”ti ārammaṇābhīmukhakarāṇādivasena anugga hitā. Samādhissa kāmācchandanīvaraṇappaṭipakkhattā “sayāṃ...pe... nīvāretvā”ti vuttaṃ. “Niccamaṇṭhatvā”ti appanākkiccamāha.

Evam upanijjhānattham dassetvā jhāpanattham dassento “tesu cā”tiādimāha. “Tappaccanīkā”ti tesam jhānaṅga dhammānaṃ paccanīkā paṭipakkhā. “Manasmiṃ pī”ti manodvārepi. Pageva kāyavacīdvāresūti evam sambhāvanattho cettha pisaddo. Apisaddopi yujjati. “Jhāpitā nāma hontī”ti jhānaṅga dhammaggīhi daḍḍhānāma hontī. “Evam santepi tesam samudāye eva jhāna vohāro siddho”ti yojanā. “Dhamma sāmaggipadhāna”nti jhānaṭṭhāne jhānaṅga dhammānaṃ maggaṭṭhāne maggaṅga dhammānaṃ bodhiṭṭhāne bojjaṅga dhammānaṃ samaggabhāvappadhānaṃ.

Evam saṅgahakārānaṃ matiyā jhānaṃ vatvā idāni aparesānaṃ matiyā taṃ dassetuṃ “apare”tiādimāha. Apare pana vadantīti sambandho. Tattha “yathā sakaṃkiccāni”ti sassa idaṃ sakaṃ. Sassāti attano. Idanti santakaṃ. Yāniyāni attano santakānīti attho. “Itī”ti tasmā. “Paṭṭhāne jhānapaccayaṃ patvā...pe... sādhentiyeva”. Vuttañhi tattha. Jhānapaccayoti jhānaṅgāni jhānasampayuttakānaṃ dhammānaṃ taṃ samuṭṭhānānaṃ rūpānaṃ jhānapaccayena paccayo. Maggapaccayoti maggaṅgāni maggasampayuttakānaṃ dhammānaṃ taṃ samuṭṭhānānaṃ rūpānaṃ maggapaccayena paccayoti. “Pañcasamuditādīni”ti pañcasamūha dasasamūhāni. “Pathamajjhānādībhāvassevacā”ti pathamajjhānādi nāmalābhassevacāti adhippāyo. “Jhānabhāvassā”ti jhānanāmalābhassa. “Tathāvidhakkiccvisesābhāvā”ti tathāvidhānaṃ ārammaṇābhiniropanādīnaṃ kicca visesānaṃ abhāvato.

49. “Ettha siyā”ti etasmiṃ ṭhāne pucchāsīyā. “Aṅga bhedo”ti pathamajjhāne pañca aṅgāni, dutīyajjhāne cattāri aṅgāni tiādiko aṅgabhedo. “Puggalajjhāsāyena”ti puggalassa icchāvisesena. Iti ayaṃ visajjanā. “So”ti so puggalo. “Hī”ti vitthāra jotako. Vitakko sahāyo yassāti vitakkasahāyo. “Vitakke nibbindati”ti oḷārikovatāyaṃ vitakko, nīvaraṇānaṃ āsanne ṭhitoti evaṃ vitakke ādīnavam disvā nibbindati. Tassa ajjhāsāyoti sambandho. Vitakkaṃ virājeti vigameti atikkamāpetīti vitakkavirāgo. Vitakkavirāgo ca so bhāvanā cāti samāso. “Uttaruttarajjhānādihigamane”ti uttari uttarijjhānapaṭilābhe. Ajjhāsāya balena pādakajjhānasadisam na hotīti sambandho. Cetopaṇidhi ijjhatīti sambandho. “Visuddhattā”ti sīlavissuddhattā.

50. Saṅkhāra bhedavicāraṇāyaṃ. “Saṅkhāra bhedo na vutto”ti pathamajjhāna kusala cittaṃ asaṅkhārikamekaṃ, asaṅkhārikamekantiādīnā na vuttoti adhippāyo. “So”ti saṅkhāra bhedo. “Siddhattā”ti saṅkhāra bhedassa siddhattā. Kathaṃ siddhoti āha “tathāhī”tiādimi. Sukhā paṭipadā yesaṃ tāni sukhappaṭipadāni. Tesam bhāvoti viggaho. “Yo”ti yogīpuggalo. “Ādito”tiādimhi. “Vikkhambhento”ti vimocento viyogaṃ karonto. Dukkheṇa vikkhambhetīti sambandho. “Kāmādīnavadassanādīnā”ti aṅgārakāsū pamākāmābahudukkhābahupāyāsā, ādīnavo etthabhiyyotiādīnā kāmesuādīnavam disvā. Ādisaddena vitakkādīsu ādīnavadassanaṃ saṅgayhati. “Tenevā”ti kāmādīnavadassanādīnā eva. Ettha abhiññābhedenā saṅkhāra bhedo na vattabbo, paṭipadā bhedenēva vattabboti dassetuṃ “khippābhīññajjhānānaṃpī”tiādi vuttaṃ. Tattha, abhiññānaṃ abhiññā. Khippāsīghā abhiññā yesaṃ tāni khippābhīññāni. Dandhā asīghā abhiññā yesaṃ tāni dandhābhīññāni. Jhānāni. “Yadi eva”nti evaṃ paṭipadā bhedenā saṅkhāra bhedo yadi siyāti attho. “Vaḷaṅjanakāle”ti samāpatti samāpajjanakāle. Paṭibandhakā nāma antarāyikā. “Sannihitāsannihitavasena”ti āsanne saṅghitāsāṅghitavasena. Suddhaṃ vipassanāyānaṃ yesaṃ te suddhavipassanāyānikā. “Suddhaṃ”ti samathajjhānena asammissaṃ. “Satthēna hanitvā”ti pare na satthēna hananato chindanato. “Sahasā”ti sīghatarena. “Marantānaṃ uppannaṃ”ti maraṇāsannakāle uppannaṃti adhippāyo. Anāgāmino hi suddha vipassanāyānikāpi samānā samādhismim paripūrakārino nāma hontī. Icchante susati kiñci nimittaṃ ārabhamanasikāra mattenapi jhānaṃ ijjhati. Tenāha “taṃpi maggāsiddhagatika”nti. “Rūpībrahmaloke”ti idaṃ aṭṭhannaṃ samāpattīnaṃpi tattha pākātikabhāvaṃ sandhāya vuttaṃ. Arūpī brahmaloke pana ekā eva samāpatti pākātikāsambhavati. Upapattisiddhajjhānānaṃ bhavantare sannihita paccayabhedenā saṅkhāra bhedo vutto, so kathaṃ paccetabboti āha “ekasmiṃ bhavepi...pe... yuttāni hontī”ti. Ekasmiṃ bhavesabbappathamaṃ laddhakāle saṅkhāra bhedassa āsannattā vaḷaṅjanakālepi so eva saṅkhāra bhedo siyāti āsaṅkāsambhavato idaṃ vuttaṃ. Tena bhavantare upapatti siddhajjhānānaṃ sannihita paccayabhedenā saṅkhārabhede vattabbameva natthīti dasseti. Idāni tāni magga siddhajjhāna upapatti siddhajjhānāni sannihitapaccayaṃ anapekkhitvā maggakkhaṇa upapattikkhaṇesu siddhakāle jhānuppatti paṭipadāya eva sabbaso abhāvaṃ gahetvā aparaṃ vikappaṃ dassetuṃ “jhānuppatti paṭipadā rahitattā vā”tiādi vuttaṃ. Evam mahaggatajjhānānaṃ

atthakathāvasena siddham saṅkhāra bhedaṃ vatvā idāni pāḷivasenāpi so siddho yevāti dassetuṃ “apicā”tiādi āradhamaṃ. Dukkappaṭipadāpubbakānaṃ dvinnamaṃ dandhābhīññakhippābhīññasamādhīnaṃ. “Ettāvata”ti etaṃ parimāṇaṃ assāti ettāvaṃ. Ettāvantena. Ettha siyā, kasmā idha saṅkhārabhedo na vuttotiādinā vacanakkamena siddho hotīti sambandho. Sesamaṃ suviññeyyaṃ.

51. Vibhāvanipāṭhe. Parikkammaṃ nāma pathavī, pathavī, āpo, āpo-tiādikamaṃ, rūpaṃ aniccaṃ, rūpaṃ dukkamaṃ, rūpaṃ anattā-tiādikañcabhāvanāparikkammaṃ adhiḱāro nāma pubbabhavēkatabhāvanākkammaṃ. Pubbabhavējhānamaggaphalānipatthetvā kataṃ dānasīlādi puññakammaṃ. “Idaṃ tāvanayujjati”ti ettha tāvasaddo vattabbantarāpekkhane nipāto. Tena aparaṃpi vattabbaṃ atthīti dīpeti. Pubbābhisaṅkhāro duvidho pakati pubbābhisaṅkhāro, payogapubbābhisaṅkhāro. Tattha parikkamma pubbābhisaṅkhāro pakati pubbābhisaṅkhāro nāma, ayaṃ pakati paccayagaṇo eva. Pubbe vutto pubbappayogo payogapubbābhisaṅkhāro nāma. So eva idhāhippetoti dassetuṃ “nahī”tiādimāha. “Antamaso”ti antima paricchēdena. “Ālopabhikkhā” nāma ekā lopabhikkhā. So parikkamasāṅkhātapubbābhisaṅkhāro. Jhānāni ca sabbāni uppannāni nāma natthīti sambandho. “Iti”ti tasmā. “So”ti bhāvanābhisaṅkhāro. “Tesamaṃ”ti sabbesaṃpi jhānānaṃ. Na hi lokiyajjhānāni nāma...pe... atthi, imesamaṃ sattānaṃ sabbakappesupi kappavināsakāle jhānāni bhāvetvā brahmaloka parāyanatā sabbhāvāti adhippāyo. “Pubbe samathakammesu katādhikārassā”ti āsannabhavēkatādhikāraṃ sandhāya vuttaṃ. Dūrabhave pana samathakammesu akatādhikāro nāma koci natthīti. “Evamevā”ti evamaṃ eva. Vipākajjhānesu saṅkhāra bhedassa pubba kammavasena vattabbatā “kusala kriyajjhānesū”ti vuttaṃ. “Athavātiādikō pacchima vikappo nāma” athavā pubbābhisaṅkhāreneva uppajjamānassa nakadāci asaṅkhārikabhāvo sambhavatīti asaṅkhārikanti ca, byabhicārābhāvato sasaṅkhārikanti ca na vuttanti ayaṃ vikappo. Tattha asaṅkhārikanti ca na vuttanti sambandho. “Byabhicārā bhāvato”ti asaṅkhārikabhāvena pasaṅgābhāvato. Sasaṅkhārikanti ca na vuttaṃ. Yadi vucceyya. Nirattha kamevatamaṃbhavēyya. Kasmā, sambhava byabhicārānaṃ abhāvato. Sambhave byabhicāre ca. Visesaṃ sātthakamaṃ siyāti hi vuttaṃ. Na ca niratthakavacanaṃ paṇḍitā vadanti. Kasmā, apaṇḍitalakkhaṇattā. Sati pana sambhave ca byabhicāre ca, tathā sakkā vuttaṃ. Kasmā, sātthakattā. Sātthakameva paṇḍitā vadanti. Kasmā, paṇḍita lakkhaṇattāti adhippāyo.

52. Paṭipadā abhiññāvavattāhe. “Nimittuppādato”ti paṭibhāganimitassa uppādato. Sukhāpana paṭipadā, pacchādandamaṃ vā khippaṃ vā uppannaṃ jhānaṃ sukhappaṭipadaṃ nāma karotīti yojanā. “Pubbabhavē”ti āsanne pubbabhavē. Antarāyikadhammā nāma ‘kilesantarāyiko ca, kammantarāyiko ca, vipākantarāyiko ca, paññatti vītikkamantarāyiko ca, ariyūpavādanantarāyiko ca. Tattha tisso niyatamicchādīṭṭhiyokilesantarāyiko nāma. Pañcānantariya kammāni kammantarāyiko nāma. Ahetuka dvihetukappaṭisandhivipākā vipākantarāyiko nāma. Bhikkhu bhāveṭṭitānaṃ vinaya paññattimaṃ vītikkamitvā akatappaṭikamma vītikkamo paññattivītikkamantarāyiko nāma. Paṭikkammepanakate antarāyiko na hoti. Ariyapuggalānaṃ jātiādihi upavāditvā akkositvā akatappaṭikammaṃ akkosanaṃ ariyūpavādanantarāyiko nāma. Idhapi paṭikkamme kate antarāyiko na hoti. Sesesu tīsu paṭikkammaṃ nāma natthi. Ime dhammā imasmiṃ bhavē jhānamaggānaṃ antarāyaṃ karontīti antarāyikā nāma. Tehi vimutto antarāyika dhamma vimutto nāma. “Kalyāṇappaṭipattiyamaṃ ṭhito”ti sīlavissuddhi ādikāya kalyāṇappaṭipattiyamaṃ paripūraṇa vasena ṭhito. “Chinnapalibodho”ti āvāsapalibodhādīni dasavidhāni palibodhakammāni chinditvā ṭhito. “Pahitatto”ti, yantaṃ purisathāmena purisaparakkamena pattabbaṃ, na taṃ apatvā vīriyassa saṅghānaṃ bhavissatīti evamaṃ pavattena sammappadhāna vīriyena samannāgato. So hi pahito pesito anapekkhito attabhāvo anenāti pahitattoti vuccati. “Nasampajjatīti natthi”. Sace pañcapadhāniyaṅgasamannāgato hotīti adhippāyo. Pañcapadhāniyaṅgāni nāma saddhāsampannatā, asāṭṭheyyamaṃ, ārogyamaṃ, alīnavīriyatā, pañnavantatā,ti.

52. Vipākajjhāne. “Mudubhūtaṃ”ti bhāvanā balaparittattāmandabhūtaṃ. Mandabhūtatā ca dubbalaṃ. “Nānā kiccaṭṭhānesu cā”ti dassanasavanādīsu. “Hīnesupi attabhāvesū”ti ahetuka dvihetukapuggalesupi. “Asadisampī”ti tihetukukkaṭṭhamaṃ kammaṃ ahetukavipākampi janētītiādinā asadisampi vipākamaṃ janeti. “Bhavaṅgaṭṭhānesu yevā”ti ettha bhavaṅga saddena paṭisandhīṭṭhāna cutiṭṭhānāni saṅgayhanti. “Kusalasadisamevā”ti pathamajjhānakusalaṃ pathamajjhāna vipākameva janeti, dutīyajjhāna kusalaṃ dutīyajjhāna vipākameva janētītiādinā kusala sadisameva vipākamaṃ janeti. “Kusalameva...pe... kriyajjhānaṃ nāma hoti” abhedū pacārenāti

adhippāyo. Bhedampi abhedam katvā upacāro vohāro abhedū pacāro.

54. Saṅgahagāthā vaṇṇanāyaṃ. Jhānānaṃ bhedo jhānabhedo. Atthato pana jhānehi sampayogabhedo jhānabhedoti vutto hotīti āha ‘‘jhānehi sampayogabhedenā’’ti. Pathamajjhānikaṃ cittantiādinā yojetabbam. ‘‘Tamevā’’ti rūpāvacara mānasameva. Vibhāvaniyaṃ pana upariṣaṅgahagāthāyaṃ jhānaṅga yogabhedenā, katvekekantu pañcadhāti vacanaṃ disvā idha jhāna bhedenāti jhānaṅgehi sampayogabhedenāti vuttaṃ. Evaṃ santepi idha jhānabhedassa viṣuṃ adhippetattā ‘‘aññohi jhānabhedo’’tiādi vuttaṃ.

Rūpāvacaracittadīpaniyāanudīpanā niṭṭhitā.

55. Arūpacittadīpaniyaṃ. ‘‘Bhuso’’ti atirekataraṃ. ‘‘Sarūpato’’ti paramattha sabhāvato. Natthi jaṭā etthāti ajaṭo. Ajaṭo ākāsoṭi ajaṭākāso. ‘‘Paricchinnākāso’’ti dvāracchiddavātapānacchiddādiko ākāso, yattha ākāso kasiṇa nimittaṃ uggaṇhanti. Kasiṇa nimittaṃ ugghāṭetvā laddho ākāso kasiṇugghāṭimākāso, kasiṇaṃ ugghāṭena nibbato kasiṇugghāṭimoti katvā. Rūpakalāpānaṃ paricchadamattabhūto ākāso rūpaparicchadākāso. ‘‘Anantabhāvena pharīyati’’ti caturaṅgulamattopiso ananta nāmaṃ katvā bhāvanāmanasikārena pharīyati. ‘‘Devānaṃ adhiṭṭhānavatthū’’ti mahiddhikānaṃ gāmanagara devānaṃ balippaṭṭiggahaṇaṭṭhānaṃ vuccati, yattha manussā samaye kula devatānaṃ balim abhiharanti. ‘‘Balim’’ti pūjanīya vatthu vuccati. ‘‘Tasmim’’ti kasiṇugghāṭimākāse. ‘‘Tadevā’’ti taṃ ārammaṇameva. Kusalajjhānaṃ samāpannassavā, vipākajjhānena upapannassavā, kriyajjhānena diṭṭhadhamma sukha vihārissavā, tiyojetabbam. Anantanti vuccati, yathāpathavīkasiṇe pavattanato jhānaṃ pathavīkasiṇanti vuccatīti. ‘‘Ekadese’’ti uppādevā ṭhitiyaṃ vā bhaṅgevā. Antarahitattā anantanti vuccati. ‘‘Ananta saññite’’ti ananta nāmake. ‘‘Anantanti bhāvanāya pavattattā’’ti idaṃ pathamā ruppaviññānaṃ anantanti evaṃ pubbhāga bhāvanāya pavattattā. ‘‘Attano pharaṇākāra vasenā’’ti pubbhāgabhāvanaṃ anapekkhitvāti adhippāyo. ‘‘Nirutti nayanā’’ti sakatthe yapaccayaṃ katvā nakārassalopena. ‘‘Pāliya nasameti’’ti vibhaṅga pāliyanasameti. ‘‘Anantaṃ pharati’’ti anantaṃ anantanti pharati. ‘‘Pathamā ruppaviññāṇabhāvo’’ti tassa abhāva paññattimattaṃ. ‘‘Nevatthi’’ti natthi. ‘‘Assā’’ti catutthā ruppajjhānaṃ. Athavātiādisu ‘‘paṭusaññā kiccassā’’ti byattasaññā kiccassa. ‘‘Saṅkhārāvasesa sukhumabhāvena vijjamaṇattā’’ti imassa atthaṃ vibhāvento ‘‘etthacā’’tiādimāha. ‘‘Muddhabhūtaṃ’’ti matthakapattaṃ. ‘‘Desanāsīsamattaṃ’’ti rājā āgacchatītiādisu viya padhāna kathāmantanti vuttaṃ hoti. ‘‘Tassevā’’ti pathamā ruppaviññāṇasseva. Kusalabhūtaṃ pathamā ruppaviññāṇaṃ puthujjanānaṃca sekkhānaṃca kusalahūtassa dutiyāruruppaviññāṇassa ārammaṇaṃ hoti. Arahā pana tividho. Tattha, ekopathamā ruppethavā arahattaṃ patvā pathamāruruppaṃ asamāpajjitvāva dutiyā ruppaṃ uppādeti. Tassa kusalahūtassa pathamā ruppaṃ kriyabhūtassa dutiyā ruppassa ārammaṇaṃ. Ekopathamā ruppethavā arahattaṃ patvā puna tameva pathamā ruppaṃ samāpajjitvā dutiyā ruppaṃ uppādeti. Eko dutiyā ruppethavā arahattaṃ gacchati. Tesam dvinnam kriyabhūtaṃ pathamā ruppaviññāṇaṃ kriyabhūtasseva dutiyāruruppassa ārammaṇaṃ. Tenāha ‘‘viññāṇaṃ nāmā’’tiādim.

Arūpacittānudīpanā.

57. Lokuttaracitte. ‘‘Jalappavāho’’ti udakadhārāsaṅghāṭo. ‘‘Pabhavato’’tiādipavattiṭṭhānato. ‘‘Yathāhā’’ti kathaṃ pāliyaṃ āha. ‘‘Seyyathida’’nti so katamo. ‘‘Ayaṃ pi’’ti ayaṃ ariyamaggopi. Ekacittakkhaṇiko ariyamaggo, kathaṃ yāva anupādisesa nibbānadhātuyāsavati sandatīti āha ‘‘ānubhāvappharaṇavasenā’’ti. Pāliyaṃ gaṅgādīni pañcannaṃ mahānadīnaṃ nāmāni. ‘‘Samudda ninnā’’ti mahāsamuddābhimukhaṃ ninnā namitā. ‘‘Poṇā’’ti anupatitā. ‘‘Pabbhārā’’ti adhovāhitā. ‘‘Kilesānaṃ’’ti anupagamane kammapaḍaṃ. Pāliyaṃ ‘‘ghaṭo’’ti udaka puṇṇaghaṭo. ‘‘Nikujjo’’ti adhomukhaṃ ṭhapīto. ‘‘Nopaccāva mati’’ti puna nogilatī. ‘‘Na puneti’’ti na puna eti nupagacchati ariyasāvako. ‘‘Na pacceti’’ti na paṭi eti. Tadattaṃ vadati ‘‘na paccāgacchati’’ti. Evaṃ taṃ anivattagamaṇaṃ pālisādhakehi dīpetvā idāni yuttisādhakehi pakāsetuṃ ‘‘yathā cā’’tiādimāha. ‘‘Yato’’ti yaṃ kāraṇā. ‘‘Te’’ti puthujjanā. ‘‘Dussilā’’ti nissilā. ‘‘Ummattakā’’ti pittumattakā. ‘‘Khitta cittā’’ti chaṭṭitapakati cittāyakkhumattakā. ‘‘Duppaññā’’ti nippaññā. ‘‘Eḷamūgā’’ti duppaññatāya eva paggharitalāla mukha mūgā. ‘‘Tasmim magge evā’’ti aṭṭhaṅgīke ariyamagge eva. So pana maggo pathama maggo, dutiya maggo, tatiya maggo, catuttha maggo,ti catubbidho hoti.

“Ādito pajjanam”ti catūsu maggesu ādimhi pathama maggasotassa pajjanam gamanam. Paṭilābhoti vuttam hoti. “Sotāpattiyā”ti sotassa āpajjanena. “Adhigammamāno”ti paṭilabbhamāno. Sabbe bodhipakkhiya dhammā anivatta gatiyā pavattamānā sototi vuccantīti sambandho. Sambodhi vuccati catūsu maggesu ñānam. Uparisambodhi eva parāyanam yesam te uparisambodhi parāyanā. Parāyananti ca paṭisaraṇam. Katham sotāpatti vacanam maggena samānādhikaraṇam hotīti vuttam “pathama magga saṅkhātāya sotāpattiyā”tiādi. “Maggetī”ti gavesati. Mārenta gamanoniruttinayena maggoti sijjhatīti vuttam “kilese mārento gacchatīti maggo”ti.

58. Sakadāgāmi magge. “Sakiṃ āgacchatī”ti itogantvā puna idha āgacchatīti attho. “Sīlenā”ti pakatisabhāvena. Kāmalokaṃ āgacchanti etehīti kāmalokāgamanā. Kilesā. Tesam sabbhāvena vijjamānabhāvena. Pāliyaṃ “ekaccassa puggalassā”ti kattu atthesānivacanam. Ekaccena puggalena appahīnā nīti sambandho. “Sahabyatam”ti sahāyabhāvam. “Āgāmīhotī”ti vatvā tamevattham vadati “āgantvā itthatta”nti. Āgacchati sīlenāti āgantvā. Ittham bhāvo itthattam. Imam kāmattabhāvam āgantvā, tasmā āgāmī nāma hotīti yojanā. “Ayañca attho”ti paṭisandhivasena sakiṃ imam lokaṃ āgacchatītiādikō attho. “Kilesa gativasenā”ti kāmalokā gamana kilesa gativasena. Maggasahāyena jhānena vikkhambhitā kilesā maggena samucchinna gatikā honti. Ayaṃ maggasahāyōjhānānubhāvo nāma. Tenāha “na hī”tiādiṃ. “Devalokato”ti ettha brahmalokopi saṅgahito. Pacchimasmiṃ pana atthe satīti yojanā. Āgamanasīlo āgantvā. Na āgantvā anāgantvā. “Tenā”ti anāgamanena. “Nānatthā sambhavato”ti dvīsu itthattasaddesu ekasmiṃ imam kāmāvacara lokanti ekasmiṃ imam manussa lokanti evam nānatthānam asambhavato. Pāliyaṃ “sabyā bajjho”ti cetodukkha saṅkhātena cetasikarogā bādhenā sahito. Tenāha “tehi paṭighānusayassā”tiādiṃ. Tattha “te”ti puthujjana sotāpanna sakadāgāmīno. Sabyā bajjhānāmāti sambandho. “Pacchimassa vākyassā”ti āgantvā itthattam sotāpanna sakadāgāmīno tena daṭṭhabbāti vākyassa. “Dvīsu sakadāgāmīsū”ti āgantvā itthattanti vuttatā tena atthena sakadāgāmīnāmakesu dvīsu sotāpanna sakadāgāmīsū. “Purimassā”ti sotāpannassa. “Anañña sādharāṇe nevā”ti dutīya phalaṭṭhādīhi asāmaññeneva. Brahmalokeṭṭhitānam sotāpannānam sattakkhattu parama tādi bhāvo natthi viya dutīya phalaṭṭhānam sakadāgāmi bhāvopi natthi. Tenāha “pathama dutīya phalaṭṭhāpī”tiādiṃ. “Tasmā”tiādi laddhaguṇavacanam. “Iti katvā”ti iminā kāraṇena. “Heṭṭhū parūpapattivasenā”ti uparito āgantvā heṭṭhūpapatti ca, heṭṭhato āgantvā uparūpapatti cāti evam heṭṭhūparūpapattivasena. “Evañca katvā”tiādi dutīya laddha guṇavacanam. “Pañcannaṃ idha niṭṭhā”ti pañcannaṃ puggalānam idha kāmaloke niṭṭhā anupādisesa nibbānapattīti vuttam hoti. “So panā”ti sakadāgāmi puggalo pana. Yesam pana aṭṭhakathā cariyānam attho, tesam attheso sakadāgāmi puggalo pañcavidhova vutto, na chaṭṭho puggaloti yojanā. Yesam pana imam lokanti attho, tesam atthe chaṭṭhōpi labbhatīti dassetuṃ “mahāparinibbāna...pe... āgato yevā”ti vuttam. Tattha “sakiṃ āgamaṇaṭṭhena āgato yevā”ti sakiṃ āgamaṇaṭṭhena sakadāgāmīsū āgatoyeva. Sabbaññu buddhāpi pathama phalaṭṭha bhūtā sattakkhattu paramatāyaṃ saṅghitā viyāti yojanā. Ettha ca “sattakkhattuparamatāyaṃ”ti sattakkhattu paramabhāve. Idañca nidassana vacanamattam. Sabbaññu buddhāpi dutīya phalaṭṭhabhūtā sakiṃ āgamaṇappakatiyaṃ saṅghitāyeva honti. Kasmā, tasmim khāṇe tam sabhāvānati vattanatoti adhippāyo. Sabbopi so chabbīdho puggalo idha...pe... daṭṭhabbo. Etena yaṃ vuttam vibhāvanīyaṃ pañcasu sakadāgāmīsū pañcamakova idhādhippetoti. Tam paṭikkhattam hoti. Kasmā, pañcamako eva idha sakadāgāmipade adhippetesati itare cattāro kattha adhippetā siyuntī vattabbatā. Janakabhūto samāno. “Ñāyāgatā evā”ti yuttito paramparāgatā eva. Tenāha “yathā”tiādiṃ. “Aviruddho”ti ñāyena aviruddho.

59. Orambhāgo nāma heṭṭhābhāgo kāmaloko. Orambhāgāya saṃvattantīti orambhāgiyāni kāmarāga byāpāda saṃyojanādīni. “So”ti anāgāmi puggalo.

60. Mahapphalaṃ karonti sīlenāti mahapphala kārino. Tesam bhāvo “mahapphala kāritā”. Sīlādi guṇo. “Arahatī”ti paṭiggahituṃ arahatī. “Arahatō”ti arahantassa. “Nibbānaṃ”ti nirutti. Viggaha vākyanti vuttam hoti. Suddhikasūññatāya tathā na vacittāni, suññatappaṭipadāya tathā na vacittānītiādinā yojetabbam. Tattha “suddhika suññatāyā”ti suddhikasūññatavāre. “Sūññatappaṭipadāyā”ti suññatappaṭipadāvāre. “Sacca satipaṭṭhāna vibhaṅgesu panā”ti sacca vibhaṅga satipaṭṭhāna vibhaṅgesu pana, sabbam citta vaḍḍhanam pālī aṭṭhakathāsu desanāvāre vicāretvā veditabbam.

61. Phalacitte. Sotāpattiyā adhigataṃ phalaṃ sotāpatti phalaṃ. Tattha “adhigataṃ”ti paṭiladdhaṃ. Aṭṭhaṅgika phalaṃ sandhāya “tena sampayutta”nti vuttaṃ. “Niruttī”ti viggaho.

62. Tanubhūtepi kātuṃ na sakkoti, kuto samucchindituṃ. “Tānī”ti indriyāni. “Paṭū nī”titikkhāni. “So”ti catuttha maggo. “Tā cā”ti rūparāga, arūparāga, māna, uddhacca, avijjādayo ca. “Aññe cā”ti tehi dasahi saṃyojanehi aññe ahirikānottappādike, sabbepe pāpa dhamme ca.

63. Kiriya citta vicāraṇāyaṃ. Na gahitaṃ iti ayaṃ pucchā. Abhāvā iti ayaṃ visajjanātiādinā yojetabbaṃ. “Assā”ti kiriyaṇuttarassa. “Niranusayasantānepī”ti anusaya rahite arahanta santānepi. “Itī”ti vākya parisamāpanamattaṃ. “Vuccate”ti visajjanā kathīyate. Puna anuppajjanaṃ anuppādo. Anuppādo dhammo sabhāvo yesaṃ te anuppāda dhammā. Tesāṃ bhāvoti viggaho. Vipākañca janetīti sambandho. Kathaṃ janetīti āha “kusala...pe... katvā”ti. Tattha, “katvā”ti sādhetvā. Sacepi kareyyāti yojanā. “Kocī”ti abyatto koci ariyasāvako. Tadā phala cittameva pavatteyyāti sambandho. “Paṭibāhituṃ asakkuṇeyyo”ti appaṭibāhiyo ānubhāvo assāti samāso.

64. “Ādi anta padesve vā”tiādimhi dvādasā kusalanīti ca, ante kriya cittāni vīsattīti ca padesu. Rūpe pariyā pannāni cittāni. Arūpe pariyā pannāni cittāni. “Pathamāya bhūmiyā pattiyā”ti pathamabhūmiṃ pāpuṇituṃ. “Sāmañña phalaṃ adhippetanti vuttaṃ” aṭṭhasāliniyaṃ. Atthato pana dhamma visesoti sambandho. Magga phala nibbāna saṅkhāto dhamma viseso lokuttarabhūmi nāmāti yojanā. Avatthā bhūmi eva nippariyāyabhūmi. Kasmā, avatthā vantānaṃ dhammānaṃ sarūpato laddhattā. Itarā okāsabhūmi nippariyāya bhūmi na hoti. Kasmā, paññattiyā missakattā. “Dhammānaṃ taṃ taṃ avatthā visesavaseneva siddhā”ti etena avatthā bhūmi eva padhāna bhūmīti dasseti. Kāmataṅhāya visayabhūto oḷārikākāro kāmāvacaratā nāma. Bhavataṅhāya visayabhūto majjhimākāro rūpārūpāvacaratā nāma. Tasaṃ taṅhānaṃ avisayabhūto saṅha sukhumākāro lokuttaratā nāma. Hīnānaṃ akusala kammānaṃ vasena hīnā apāyabhūmiyo. Pañītānaṃ kusala kammānaṃ vasena pañītā sugati bhūmiyo. Tattha ca nānā akusala kammānaṃ vā nānā kusala kammānaṃ vā oḷārika sukhumatā vasena nānā duggati bhūmiyo nānā sugati bhūmiyo ca siddhā hontīti imamattaṃ dassetuṃ “api cā”tiādimāha.

65. Gāthāya pubbaddhaṃ nāma-ittha mekūna navuti, ppabhedam pana mānasanti pādadvayaṃ. Aparaddhaṃ nāma ekavīsasataṃvātha, vibhajanti vicakkhaṇāti pādadvayaṃ. Taṃ iminā na sameti. Kathaṃ na sameti. Iminā vacanena sakalampi gāthaṃ ekūna navutippabhedam mānasam ekavīsa sataṃ katvā vibhajantī-ti evaṃ ekavākyaṃ katvā yojanaṃ nāpeti. “Pathamajjhāna sadisaṭṭhenā”ti lokiya pathamajjhāna sadisaṭṭhena. Yaṃ caturaṅgikaṃ, taṃ sayameva dutiyajjhānanti siddham. Yaṃ tiyaṅgikaṃ, taṃ sayameva tatīyajjhānanti siddham. Yaṃ duvaṅgikaṃ, taṃ sayameva catutthajjhānanti siddham. Yaṃ puna duvaṅgikaṃ, taṃ sayameva pañcamajjhānanti siddham. “Evaṃ vutta”nti vibhāvaniyaṃ jhānaṅgavasena pathamajjhāna sadisattā pathamajjhānañcāti evaṃ vuttaṃ. Vitakkādi aṅgapātubhāvena pañcadhā vibhajantīti sambandho. Na itarāni lokiyajjhānāni sātissayato jhānāni nāma siyuṃ. Kasmāti āha “tāni hī”tiādim. Tattha “tānī”ti lokiyajjhānāni. “Upeccā”ti upagantvā. “Jhāpentī”ti dahanti. Pakatiyā eva siddho hoti, na pādakajjhānādivasena siddho. “Kicca”nti pañcaṅgika bhāvatthāya kattabba kiccaṃ. “Tena paccaya visesenā”ti pādakajjhānādinā paccaya visesena. “Tasmiṃ”ti paccaya visese. Yathālokiyajjhānesu upacārabhūtā bhāvanā kāci vitakka virāga bhāvanā nāma hoti...pe... kāci rūpa virāga bhāvanā nāma. Asaññi gāmīnaṃ pana saññā virāga bhāvanā nāma hoti. Evamevanti yojanā. “Sā”ti upacāra bhāvanā. “Upekkhā sahatam vā”ti ettha vā saddena rūpasamatikkamaṃ vā saññā samatikkamaṃ vāti avuttaṃ vikappeti. Ādikammikakāle evaṃ hotu, vasibhūtakāle pana kathanti āha “jhānesū”tiādim. Nānāsattiyuttā hotīti vatvā nānāsattiyō dasseti “kācī”tiādinā. Yā upacāra bhāvanā. “Vitakkaṃ virājetuṃ”ti vitakkaṃ vigametūṃ. Attano jhānaṃ avitakkaṃ kātunti vuttaṃ hoti. Tenāha “atikkāmetuṃ”ti. Sā upacāra bhāvanā. Sesāsupi upacāra bhāvanāsu.

66. (Ka) “sā vipassanā”ti vuṭṭhānagāmini vipassanā. “Vipassanā pākatikā evā”tikāci virāga bhāvanā nāma na hotīti adhippāyo. “Niyāmetuṃ”ti avitakkameva hotūti vadamānā viya vavatthapetuṃ. “Adhippāyo”ti pādakavāditttherassa adhippāyo. “Sammasīyatī”ti idaṃ jhānaṃ aniccaṃ khayatthēna, dukkhaṃ bhayatthēna, anattā asārakatthēnāti sammasīyati samanupassīyati. Taṃ aṭṭhakathāya na sameti. Vuttañhi tattha. Yato yato samāpattito vuṭṭhāya ye ye samāpatti

dhamme sammāsītīvā maggo nibbattito hoti. Taṃ taṃ samāpatti sadiso va hoti. Sammasitasamāpatti sadisoti atthoti. Ettha hi “yato yato samāpattito vuṭṭhāyā”ti etena pādakajjhānaṃ kathitaṃ hoti. “Pādakajjhāne sati”ti etena ayaṃ vādopi pādakajjhānena vinā nasijjhatīti dasseti. “Vipassanāpi...pe... pattā hoti”ti etena imasmim vādepi vipassanā niyāmo icchitabboti dasseti. Tenāha “yathālokiyajjhānesū”tiādim. Kāmañcetta...pe... avirodho vutto viya dissati. Kathaṃ. Pañcamajjhānato vuṭṭhāya hi pathamajjhānādīni sammasato uppannamaggo pathamattheravādena pañcamajjhāniko, dutīya vādena pathamādijjhāniko āpajjatīti dvepi vādā virujjhanti. Tatīya vādena panettha yaṃ icchati, taṃ jhāniko hotīti te ca vādā na virujjhanti, ajjhāsayo ca sātthako hotīti evaṃ aviruddho vutto hotīti. Ettha pana yaṃ icchati, taṃ jhāniko hoti. Icchāya pana asati, virodhoyeva. Tenāha “ime pana vādā...Pe... Virodho pariharitum”ti. Pāliyaṃ “ajjhataṃ suññataṃ manasi karoti”ti ajjhattasantānetam taṃ jhānañca jhānasahagatañca khandha pañcakaṃ nicca sukha attā jīvato suññataṃ manasi karoti. “Na pakkhandati”ti na pavisati. “Sannisādetabbaṃ”ti sannisinnam kātabbam. “Ekodikātabbaṃ”ti ekamukham kātabbam. “Samādahātabbaṃ”ti suṭṭhu ṭhapetabbam. “Nissāyā”ti pādakaṃ katvāti adhippāyo.

67. (Ka) vādavacāraṇāyaṃ. Upacāra bhāvanā eva uparijjhāne jhānaṅgaṃ niyāmetīti vuttaṃ. Heṭṭhā pana ajjhāsayo eva uparijjhāne jhānaṅgaṃ niyāmetīti vuttaṃ. Tattha “ajjhāsayo evā”ti eva saddena pādakajjhānaṃ nivatteti. “Idha upacāra bhāvanā evā”ti eva saddena ajjhāsayaṃ nivatteti. Etesu hi dvīsu saha bhāvīsu upacāra bhāvanā eva padhānaṃ hoti. Ajjhāsayo pana tassa nānā sattiyogaṃ sādheti. “Ajjhāsaya sāmāññaṃ sañṭhātī”ti magge yaṃ laddhabbaṃ hoti, taṃ labbhatu, mayhaṃ viseso natthīti evaṃ ajjhāsaya sāmāññaṃ sañṭhātī. “Tasmi”nti ajjhāsaya visese. “So”ti ajjhāsaya viseso. Kasmā yuttanti āha “icchi ticchita...pe... nibbattanaṃ”ti. “Sabbajjhānesu ciñṇavasibhūtānaṃ”ti idaṃ samāpajjananti ca nibbattananti ca pada dvaye sambandha vacanaṃ. “Vipassanā visesatthāya evā”ti vuṭṭhāna gāmini vipassanā visesatthāya eva. Yasmā pana aṭṭhasu samāpattīsu ekekāya samāpattiyā vuṭṭhāya vuṭṭhita samāpatti dhamma sammasanaṃ āgataṃ, na pana aññajjhāna sammasanaṃ. Tasmā pādakajjhānameva pamāṇanti yojanā. Pālipadesu “gahapati”ti ālapana vacanaṃ. “Vivicevā”ti viviccitvā eva. Vivitto vigato hutvā eva. “Upasampajjā”ti suṭṭhu sampāpuṇivā. “Iti paṭisañcikkhati”ti evaṃ paccavekkhati. “Abhisañcetaṃ”nti susaṃ sampiṇḍitaṃ, saṃvidahitaṃ. “Tattha ṭhito”ti tasmiṃ pathamajjhāne aparihīno hutvā ṭhito. “Mettāceto vimutti”ti mettājhānasankhātā cetovimutti, aññattha alagganavasena cittassa pavatti. Tathā karuṇā cetovimutti. Muditā cetovimutti. “Vivekaja”nti kāyaviveka cittavivekānaṃ vasena jātaṃ. “Pīti sukhaṃ”ti pītiyā ca sukheṇa ca sampannaṃ. Athavā, vivekehi jātāni pīti sukhāni assāti vivekajaṃ pīti sukhaṃ. Majjhe niggahitāgamo. Rūpameva rūpagataṃ, vedanā eva vedanā gatantiādinā samāso. Gatasaddo ca padapūraṇamatte daṭṭhabbo. “Teneva dhamma rāgena tāyadhammanandiyā”ti vipassanāni kantimāha. Sahatthe ca karaṇa vacanaṃ. Opaṭīko hotīti sambandho. “Tattha parinibbāyī”ti brahmaloke avassaṃ parinibbāya na dhammo. Tenāha “anāvatti dhammo tasmā lokā”ti. “Pādakajjhānameva pamāṇa”nti pādakajjhānameva maggejhānaṅgaṃ niyāmessati, na sammasitajjhānanti adhippāyo. “Pādakaṃ akatvā”ti āsanne asamāpajjitvāti vuttaṃ hoti. “Yaṃ yaṃ jhānaṃ icchantī”ti magge icchanti.

66. (Kha) “tathā vidho”ti tathā pakāro. Āsanne vuṭṭhitasseva jhānassa. “Cittasantānaṃ visesetum”ti sace pādakajjhānaṃ pathamajjhānaṃ hoti, tato paraṃ pavattaṃ cittasantānaṃ vitakke ninnam hoti, vitakke pakkhandati. Atha pādakajjhānaṃ dutīyajjhānaṃ hoti. Tato paraṃ pavattaṃ cittasantānaṃ vicāre ninnam hoti, vicāre pakkhandatītiādinā nayena cittasantānaṃ visesetum. “Yaṃ tattha vuttaṃ”ti yaṃ vibhāvanīyaṃ vuttaṃ.

Vedanā vicāraṇāyaṃ. “Na siddho”ti siddho na hoti. “Aññathā”ti aññena pakārena. Gahite satīti yojanā. Pādakajjhānādīnaṃ vasena siddhoti gahite satīti vuttaṃ hoti. “Yāya kāya ci vedanāya yuttā hutvā”ti somanassa vedanāya vāyuttā hutvā upekkhā vedanāya vā yuttā hutvā. “Tehi niyamitāya ekekāya magga vedanāyā”ti pādakajjhānādīhi niyamitāya magge somanassa vedanāya eva vāsaddhiṃ ghaṭṭiyeyya magge upekkhā vedanāya eva vāti attho. Vedanā nāma ekaṃ jhānaṅgaṃ hoti. Tasmā maggejhānaṅga niyame siddhe magge vedanā niyamopi siddho. Tāni pana pādakajjhānādīni majjhe vuṭṭhāna gāmini vipassanāyaṃ nakiñciniyāmenti. Evañca sati, pādakajjhānādīhi niyamitāya magge ekekāya vedanāya saddhiṃ dve dve vipassanā vedanāyo ghaṭṭiyeyyūṃ. Magge somanassa vedanāya vā saddhiṃ dve vipassanā vedanāyo ghaṭṭiyeyyūṃ. Magge

upekkhā vedanāya vā saddhiṃ dve vipassanā vedanāyo ghaṭṭiyeyyūṃti vuttaṃ hoti. Evañcasati ekavīthiyaṃ javanāni bhinna vedanāni siyuṃ. Tañca na yujjati. Tasmā magge vedanā niyamo pādakajjhānādi niyamena siddho na hoti, vipassanā niyameneva siddhoti adhippāyo. Tāni pana pādakajjhānādīni majjhe vuṭṭhāna gāmini vipassanāyaṃ na kiñci na niyāmenti. Vedanaṃ niyāmenti yevāti dassetuṃ “tampi na yujjati”ti vatvā “pādakajjhānādīnaṃ vasenevā”tiādimāha. “Cha nekkhammassitā upekkhā”ti ekāva catutthajjhānu pekkhā chasu ārammaṇesu somanassāni pajahitvā pavattattā cha nekkhammassitā upekkhā nāma hoti. “Cha nekkhammassitāni somanassāni”ti ekam vapathamajjhāna somanassaṃ chasu ārammaṇesu cha gehassitāni pajahitvā pavattattā cha nekkhammassitāni somanassāni nāma honti. Aṭṭhakathāyañca vuttanti sambandho. “Pathamādīni ca tīṇi jhānāni”ti catukkanaye tīṇi somanassa jhānāni pādakāni katvā. “Suddhasaṅkhāre ca pādakekavā”ti ārammaṇa bhāvena pādakekavāti adhippāyo. Ayañca pādakajjhānādīnaṃ vasena vuṭṭhāna gāmini vipassanāyañca magge ca vedanā pariṇāmo aṭṭhasāliniyampi vitthārato vutto. “Amānusī ratī hoti”ti manussānaṃ gehassitaratiṃ atikkamma ṭhitattā amānusī nāma rati hoti. “Sammadhammaṃ vipassato”ti sammā anicca lakkhaṇa dhammaṃ passantassa bhikkhunoti sambandho.

67. (Kha) “jhānaṅgayogabhedenā”ti vuttaṃ, jhānayogabhedo pana adhippeto. “Pañca vidhejhāna koṭṭhāse”ti pañcaka nayavasena vuttaṃ. Idha citta bhedassa adhippetattā jhānabhedeti ca jhānanti ca vuttepi cittameva adhippetanti daṭṭhabbaṃ.

Gāthāyojanāsu. “Aparāpi yojanā vuttā”ti athavā rūpāvacaraṃ cittaṃ anuttarañca pathamādijjhāna bhedena yathā gayhati, tathā āruppañcāpi pañcamejhāne gayhatīti evaṃ aparāpi yojanā vuttā. “Paṭhitattā”ti uccāritattā. Antimagāthā vaṇṇanāyaṃ. “Yathā”ti yena pakārena. “Taṃ saṅgahaṃ”ti eka vīsasatasāṅgahaṃ. Bujjhantīti budhā. “Āhā”ti ca “āhū”ti ca vattamānakālepi icchanti saddavidūti vuttaṃ “kathenti vā”ti. Idañca vacanaṃ pubbe “itthamekūna navuti...pe... vibhajanti vicakkhaṇā”ti gāthāya nigamananti nāpanatthaṃ “vibhajanti vicakkhaṇā”ti vuttaṃ hoti”ti vuttaṃ.

Itiparamatthadīpaniyānāmaṭṭikāyaanudīpaniyaṃ

Cittasaṅgahassaanudīpanā niṭṭhitā.

2. Cetasikaṅgahaanudīpanā

68. Evaṃ citta saṅgahassa dīpaniṃ katvā cetasika saṅgahassa dīpaniṃ karonto pathamaṃ pubbāparānu sandhiñca ādigāthāya payojana sambandhañca dassetuṃ “evaṃ”tiādi māradhdo. Tattha “anupatta”ntiādimhi cittaṃ cetasikaṃ rūpaṃ, nibbānamitisabbathāti evaṃ anukkamo vutto. Tena anukkamena anupattaṃ. Hetu visesanañcetam. Yasmā cittasaṅgahānantaraṃ cetasika saṅgaho anupatto, tasmā idāni taṃ saṅgahaṃ karotīti dīpeti. Cattāri sampayoga lakkhaṇāni ‘ekuppādatā, eka nirodhatā, ekā rammaṇatā, eka vatthukatā,ti. “Cetasi yuttā”ti cittasmiṃ niyuttā. Cittaṃ nissāya attano attano kiccesu ussukkaṃ āpannāti attho. “Cetasā vāyuttā”ti cittena vā sampayuttā. Cittena saha ekībhāvaṃ gatāti attho. “Sarūpadassana”nti saṅkhyāsarūpadassanaṃ. Siddhapadaṃ nāma pakati paccayehi nipphanna padaṃ. “Pubbantato”ti ekassasaṅkhata dhammassa pathama bhāgato. Uddham pajjanaṃ nāma katamanti āha “sarūpato pātubhavana”nti. Dhātu pāṭhesu-janipātubhāve-ti vuttattā āha “jātīti vuttaṃ hoti”ti. “Sarūpa vināso”ti sarūpato pātubhavantassa bhāvassa vināso antaradhānaṃ. “Evaṃ parattha pi”ti parasmīṃ ekālambaṇavatthukādīpadehi. “Eka cittassapi bahudevā”ti cakkhu viññānaṃ rūpaṃ passantaṃ ekameva rūpaṃ passatīti natthi. Anekāni evarūpāni ekato katvā passati. Sotaviññānādīsūpi eseva nayo. Evañca katvā pāliyaṃ. Cakkuñca paṭicca rūpe ca uppajjati cakkhu viññānaṃ. Sotañca paṭicca sadde ca uppajjati sotaviññānantiādinā vatthudvāresu ekavacanaṃ vatvā ārammaṇesu bahuvacanaṃ katanti. “Ekattaṃ upanetvā”ti cakkhu viññāne bahūnīpi rūpārammaṇāni rūpatā samaññena ekībhāvaṃ katvā ekaṃ ārammaṇantveva vuttanti adhippāyo. Saddārammaṇādīsūpi eseva nayo. Taṃ na sundaraṃ. Kasmā. Attha visesassa aviññāpanato. Kopanāyaṃ attha visesoti. Yācittassa jāti, sāyeva phassādīnantiādikō attho. Tenāha “atha kho”tiādim. Adhippetā ekuppādatā. Esa nayo eka nirodhatādīsu. “Mūlaṭṭikāya”nti

rūpakaṇḍamūlaṭīkāyaṃ. “Sahevā”ti ekato eva. “Uppādāpavattito”ti uppādassa ca jīraṇassa ca nirodhassa ca pavattito. “Uppādādayo”ti uppāda jīraṇa nirodhā. Jātijarāmarāṇānti vuttaṃ hoti. “Cetasikāmatā”ti cetasikā iti viññātā. “Bhāvappadhānaṃ”ti ekuppāda bhāvo ekuppādoti vutto. Tathā eka nirodhādīsu. Yathā idaṃpi saṅgheratanāṃ paṇīta-ntiādīsu ayaṃ ratana bhāvo paṇītoti hettha attho. “Ye”ti ye dhammā. “Sahajāta paccayuppanna rūpāni pi”ti sahajātapaccayato uppannāni rūpāni. Cetasikāni nāma siyunti sambandho. “Tadā yatta vuttitāyā”ti cittāyattavuttiyāya. “Cetoyuttāni”ti hetu visesaṇaṃ. Tadeva hetumanta visesananti ca hetu anto nītavisesananti ca hetu anto gadhavisesananti ca vadanti. “Tesa”nti cittassa sahajātapaccayuppannarūpānaṃ. “Nānubhontī”ti napāpuṇanti. “Na hi sakkā jānituṃ”ti etena bhūtakathana visesaṇāni etānīti dīpeti. Bhūtakathanāpi samānaṃ vatticchāvasena byavacchedakāpi sambhavati. “Vayopaññāyati”ti vināso pakāsati. “Ṭhitāyā”ti ṭiṭṭha mānāya vedanāya. Añño pakāro aññathā. Aññathā bhāvo aññathattaṃ. Jarāvasena pariṇāmoti vuttaṃ hoti. Yo pathavīdhātuyā uppādo, yā ṭhiti, yā abhinibbatti, yo pātubhāvo. Eso dukkhassa uppādo, eṣā rogānaṃ ṭhiti, eso jarāmarāṇassa pātubhāvoti yojanā. “Itarathā”ti ito aññathā gahite satīti attho. Ekasmiṃ rūpārūpakalāpe nānā dhammānaṃ vasena bahūsu uppādesu ca nirodhesu ca gahitesūti vuttaṃ hoti. “Vikārarūpānaṃ”ti viññatti dvaya lahutādittayānaṃ. Sabbāni upādārūpāni catunnaṃ mahābhūtānaṃ upādāya pavattattā mahābhūta gaṇanāya cattāri cattāri siyunti iminā adhippāyena “sabbesampi vā”tiādivuttaṃ. Sabbesampi vā cakkhādīnaṃ upādārūpānaṃ ekekasmiṃ kalāpe bahubhāvo vattabbo siyāti yojanā. Kasmā bahubhāvo vattabboti āha “catunnaṃ mahābhūtāna”ntiādiṃ.

Yadi evaṃ, ekasmiṃ cittuppāde lahutādīni ekekaṇi eva siyuṃ, atha kimatthaṃ dve dve katvā vuttānti āha “kāyalahutā citta lahutādayopana”tiādiṃ. “Imamatthaṃ asallakkhetvā”ti īdisaṃ vinicchayattaṃ acintetvāti adhippāyo. Vibhāvanipāṭhe “cittānuparivattino”ti etena cittaṃ uppajjitvā teneva cittaṃ sahanirujjhanavasena cittaṃ anuparivattissa. “Pasaṅgā”ti cetasikatā pasaṅgo. “Puretaramuppajjitvā”ti puretaraṃ ekena cittaṃ saha uppajjitvāti adhippāyo. “Cittasabhaṅgakkhaṇe”ti aññassa sattara sama cittassa bhaṅgakkhaṇe. Tathā rūpadhammānaṃ pasaṅgo na sakkā nīvāretuṃ tiyojanā. “Pasaṅgo”ti cetasikatā pasaṅgo. “Alamati papañcenā”ti abhidhamme vedanāttikeṭṭikāsu viya ati vitthārena niratthakaṃ hotīti attho. “Niratthakaṃ”ti vibhāvaniyaṃ papañco niratthako evāti adhippāyo.

69. Phassavacanatthe. “Phusatī”ti ārammaṇaṃ āhanati, saṅghaṭṭeti. Tañca saṅghaṭṭa naṃ nadosapaṭighassa viya ārammaṇassa vibādhanāṃ hoti, atha kho bhamarassa paduma pupphesu pupphara saggahaṇaṃ viya vijānana matte aṭhatvā ārammaṇa rasapātubhāvattaṃ yathārammaṇaṃ saṃhanana mevāti dassetuṃ “phusanañcethā”tiādimāha. “Āhaccā”ti āhanitvā sampāpuṇitvā. “Upahaccā”ti tasseva vevacanaṃ. Ayamatto kathaṃ pākāṭoti āha “yato”tiādiṃ. Tattha “yato”ti yaṃ kāraṇā. “Tadanubhavanti”ti taṃ ārammaṇa rasaṃ anubhavanti, vedanā pātubhavati, vedanā pātubhāvaṃ disvā ārammaṇapphusanaṃ nāṇe pākāṭaṃ hotīti adhippāyo. Svāyaṃ phusana lakkhaṇo, saṅghaṭṭanaraso, sannipātapaccupaṭṭhāno, āpātā gatavisaya padaṭṭhāno. Tattha sannipāto nāma tiṇṇaṃ tiṇṇaṃ dvārā rammaṇa viññāṇaṃ saṅgati samāgamo samodhānaṃ. Tathāhi vuttaṃ. Cakkhuñca paṭicca rūpe ca uppajjati cakkhu viññāṇaṃ, tiṇṇaṃ saṅgati phasso tiādi. “Saṅghaṭṭanaraso”ti ārammaṇe sammadeva ghaṭṭana kicco. Saṅghaṭṭana kiccattā eva tiṇṇaṃ sannipāto hutvā dhamma cintāññassa paṭimukhaṃ upaṭṭhāti pakāsati. “Sannipāta paccupaṭṭhāno”. Paccupaṭṭhānanti vā paññāṇaṃ vuccati dhajorathassa paññāṇanti ettha viya. Sannipātākāro paccupaṭṭhānaṃ yassāti sannipātapaccupaṭṭhāno. Vedanāpaccu paṭṭhāno vā. Dhūmoviya aggissa. Vedanāphalaṃ paccupaṭṭhānaṃ yassāti viggaho. Aṭṭhasāliniyaṃ pana kasmā panettha phasso pathamaṃ vutto tipucchitvā mahāaṭṭhakathā vādotāva dassito. Cittassa pathamābhiniṇipātattā. Ārammaṇasmiñhi cittassa pathamābhiniṇipāto hutvā phasso ārammaṇaṃ phusamāno uppajjati. Tasmā pathamaṃ vutto. Phassena phussitvā vedanāya vedayati. Saññāya sañjānāti. Cetanāya cetati. Tena vuttaṃ phuṭṭho bhikkhave vedeti, phuṭṭho sañjānāti, phuṭṭho cetetīti. Api ca ayaṃ phasso nāma yathāpāsādaṃ patvā thambho nāma sesadabba sambhāraṇaṃ balavapaccayo. Evameva sahajāta sampayutta dhammānaṃ balava paccayo hoti. Tasmā pathamaṃ vuttoti. Saṅghakāreṇa pana idaṃ pana akāraṇaṃ, ekakkhaṇasmiñhi uppanna dhammānaṃ ayaṃ pathamaṃ uppanno ayaṃ pacchāti idaṃ vattuṃ na labbhā. Balavapaccayabhāvepi phassassakāraṇaṃ na dissatīti evaṃ taṃ vādaṃ paṭikkhipetvā idaṃ vuttaṃ desanā vāreneva phasso pathamaṃ vuttoti. Tattha “desanāvāre nevā”ti

desanakkameneva, tato aññaṃ kāraṇaṃ natthīti adhippāyo. Tesu pana dvīsu vādesu mahāatthakathā vādo eva yutto. Yañhi tattha vuttaṃ cittassa pathamābhiniṇipāto hutvāti. Tattha pathamābhiniṇipātōti idaṃ kiccappadhānattā vuttaṃ. Na panaññehi cetasiṇehi vinā viṇṇaṃ pathamaṃ uppannattā. Yathā taṃ ye keci bhikkhave dhammā akusalā akusalabhāgiyā akusalapakkhikā. Sabbe te manopubbāṅgamā, mano tesam dhammānaṃ pathamaṃ uppajjati imasmim sutte kiccappadhānattā mano tesam dhammānaṃ pathamaṃ uppajjati vuttaṃ. Na pana sabbacetasiṇehi vinā viṇṇaṃ pathamaṃ uppannattāti daṭṭhabbaṃ. Balavapaccaya bhāvepi phassassakāraṇaṃ dissatiyeva. Phasso hetu phasso paccayo vedanākkhandhassa paññā panāya. Phasso hetu phasso paccayo saññākkhandhassa paññā nāya. Phasso hetu phasso paccayo saññākkhandhassa paññāpanāyāti hi vuttaṃ. Tasmā sabbesaṃ cetasiṇaṃ dhammānaṃ phassappadhānattā eva phassa balavapaccayattā eva ca phasso pathamaṃ vuttoti daṭṭhabbaṃ. Ettha ca cittaṃ ārammaṇa vijānanatthena phassādīnaṃ sabbacetasiṇa dhammānaṃ pubbaṅgamaṃ hoti, padhānaṃ, jeṭṭhakaṃ. Phasso pana ārammaṇa saṅghaṭṭanātthena sabbesaṃ cetasiṇa dhammānaṃ pubbaṅgamo hoti, padhāno, jeṭṭhakoti ayaṃ dvinnaṃ visesoti. Ettha codako phusanaṃ nāma sappatigharūpanaṃ eva kiccanti maññaṃāno “nanucā”tiādīnaṃ codeti. “Nanucā”ti codedhīti dīpeti. “Appatighasabhāvā”ti hetuvisesanaṃ. “Kiñcī”ti kiñcivatthum. Ayaṃ pana phasso. “Cittassa vikārā pattim”ti calana kampana thambhana jeguccha bhaya tāsā chambhitattā divasena vikārā pajjanaṃ. “Vedanā visesuppattim”ti sukhavedanīyaṃ phassaṃ paṭicca sukhavedanā, dukkhavedanīyaṃ phassaṃ paṭicca dukkha vedanātiādīnaṃ nayena phassa visesānurūpaṃ vedanā visesuppattim sādheti. Ettha ca phusanaṃ nāma duvidhaṃ rūpapphusanaṃ, nāmapphusana, nti. Tattha rūpapphusanaṃ nāma phoṭṭhabba dhātūnaṃ kiccaṃ. Nāmapphusanaṃ duvidhaṃ phassapphusanaṃ, nāmapphusana, nti. Tattha nāmapphusanaṃ nāma nāmapphativedho. Api ca jhānamagga phala nibbānaṃ paṭilābhopi phusananti vuccati. Phusanti dhīrā nibbānaṃ. Yogakkhemaṃ anuttaraṃ. Phusāmi nekkhamaṃ sukhaṃ. Aputhujjana sevanti-ādīsu. Idaṃ upamā mattaṃ siyā, kassaci manda paññassāti adhippāyo. “Ida”nti kheluppāda vacanaṃ. Viññussa pana atipākaṭa phassa nidassanena appākaṭa phassa vibhāvanaṃ yuttameva. Tenāha “atipākaṭaya panā”tiādīma.

70. Vedanāvacaṇatthe. “Tamsamaṅgīpuggalānaṃ vā”ti vedanā samaṅgīpuggalānaṃ vā. “Sātaṃ vā”ti sādhusaṃ vā. “Assātaṃ vā”ti asādhusaṃ vā. “Kiṃ vedayati”ti katamaṃ vedayati. “Sukhampi vedayati”ti sukhampi vedanaṃ vedayati. Athavā “kiñcavedayati”ti kathañcavedayati. “Sukhampi vedayati”ti sukhaṃ hutvāpi vedayati. Sukha bhāvena vedayati vuttaṃ hoti. Evaṃ sesapadesupi. “Kiccantarabyāvaṭā”ti aññakiccabyāvaṭā. Adhipati bhāvo ādhipaccaṃ. Indriya kiccaṃ. “Evañca katvā”ti laddhaguṇavacanaṃ. Rājāraha bhojanaṃ rājaggabhojanaṃ. “Sūdasadisatā”ti raññobhattakārasadisatā. Tattha sūdo raññobhattaṃ pacanto rasajānanatthaṃ thokaṃ gahetvā jivhagge ṭhapetvā rasaṃ vīmaṃsati. Yathicchitaṃ pana bhuñjitum anissaro. Rājā eva yathicchitaṃ bhuñjitum issaro. Rājā viya vedanā. Sūdo viya sesacetasiṇa dhammā.

71. Saññāvacaṇatthe. “Sañjānāti”ti suṭṭhu jānāti. Suṭṭhujānanañca nāma na viññāssa viya vividhajānanaṃ hoti. Na ca paññāya viya yathābhūtajānanaṃ hoti. Atha kho bhūtaṃ vā hotu, abhūtaṃ vā. Yaṃ yaṃ cha hi viññāṇehi vijānāti, paññāya vā pajānāti. Tassa tassa pacchā appamussakaraṇa mevāti vuttaṃ “punajānanatthaṃ saññānaṃ karoti”ti. Tattha “saññāṇa”nti nimitta karaṇaṃ. Bhavantaraṃ patvāpi appamuṭṭhabhāvaṃ sādheti opapātika puggalānanti adhippāyo. Tehi purimaṃ attano bhavaṃ jānanti. Gabbhaseyyakāpi keci purimaṃ bhavaṃ jānanti, yejātissara puggalāti vuccanti. Tattha “appamuṭṭhabhāva”nti anaṭṭhabhāvaṃ. Micchābhiniṇesa saññā nāma anicce niccantiādippavattā saññā. “Bodhetu”nti bujjhāpetum. “Dārutacchakasadisāti ca vuttā”ti dārutacchako nāma kaṭṭhavaḍḍhakī. So kaṭṭhakkhandhesu nimittakārīhoti. Sutacchitachinditesu kaṭṭhesu nimittāni katvā ṭhapeti. Pacchātāni oloketvā kaṭṭhāni kamme upaneti. “Hatthi dassaka andhasadisā”ti ettha eko kira rājā kelippasuto hoti. So jaccandhānaṃṭhāne ekaṃ hatthim ānetvāṭhapento jaccandhe āha jānātha bho tumhe hatthinti. Te hatthim jānissāmāti parāmasitvā attano parāmasitaṃ taṃ taṃ aṅgamavahatthīti abhinivisanti. Daḷhaṃ sallakkhenti. Puna rājā te pucchi kīdiso bho hatthīti. Te rañño hatthisaṅṭhānaṃ ācikkhantā vivādaṃ āpajjanti. Ācikkhaneva raññohatthidassananti katvā te hatthidassaka andhāti vuccanti. “Upaṭṭhitavisayaggahaṇe”ti rattiyaṃ andhakāre rajjukkhandaṃ passantassa sappasaṅṭhānaṃ upaṭṭhāti. So upaṭṭhitaṃ saṅṭhānamattaṃ sappoti gaṇhāti. Evaṃ upaṭṭhitavisayaggahaṇaṃ hoti.

Migapotakānañca araññekhettaṃajjhepurisasaṅghānaṃ tiṇa rūpaṃ passantānaṃ purisasaṅghānaṃ upatthāti. Te upatthitaṃ saṅghānamattaṃ purisoti gaṇhitvā so amhe pahareyyāti palāyanti. Vuttā atthasāliniyaṃ.

72. Cetanāvacaṇatthe. Cetetīti cetaṇā. Cetanañcetta abhisandhānaṃ vā vuccati pakappanaṃ vā āyūhanaṃ vāti evaṃ tidhā atthavikkappaṃ dassetuṃ “sampayutta dhamme”tiādīmāha. Tattha “abhisandahatī”ti abhimukhaṃ sandahati, saṃyogaṃ karoti. Tenāha “punappunaṃ ghaṭetī”ti. “Ghaṭetī”ti sambandhati. “Pakappeti vāte”ti athavā te sampayutta dhamme pakārato kappeti, sajjeti. Tenāha “saṃvidahatī”ti. “Saṃvidahatī”ti tvaṃ phusanakiccaṃ karohi, tvaṃ vedayita kiccaṃ karohi, tvaṃ sañjānanakiccaṃ karohītiādīnā vadamānā viya saṃvidahati. “Āyūhativāte”ti athavā tesampayutta dhamme bhūso byūhayati, rāsīṃ karoti. Tenāha “ārammaṇe sampiṇḍetī”ti. “Samosarante”ti ekato osarante. Saṅgamante. “Sā”ti cetaṇā. “Tāyā”ti cetaṇāya. “Tasmiṃ”ti rūpādikevā ārammaṇe. Puññāpuñña kicceva. Pavattamānāya satiyā. Jeṭṭhasisso nāma bahūso sisseso jeṭṭhabhūto sisso. Tasmiṃ sajjhāyante sesā sabbe sajjhāyantiyeva. Tena so ubhayakicca sādhaṅko hoti. Evaṃ mahāvādḍhakīpi.

73. Ekaggatāvacaṇatthe. Ekattārammaṇaṃ nāma ekārammaṇassapi bahūso sabhāvesu ekasabhāvasaṅkhātāṃ ārammaṇaṃ. “Tasmiṃ” cittasmiṃ. “Nivāte”ti vātarahite padese. “Dīpaccīnaṃ”ti dīpajālānaṃ.

74. Jīvitindriyāvacaṇatthe. “Issarabhāvo vuccati” bhāvappadhāna nāyena adhippāyo. “Abhibhavivā”ti jīvana kicce attano vasaṃ vattāpetvāti vuttaṃ hoti. Citta santānaṃ jīvantaṃ hutvāti sambandho.

75. Manasīkārāvacaṇatthe. Samāsamañjhe sakārāgamo. Karadhātuyoge ikārāgamo ca datthabbo. Alutta sattamī padanthi keci. Evaṃ sati idighattaṃ nasijjhati. “Asuññaṃ”ti arittāṃ. “Paṭipādetī”ti paṭipajjanaṃ kiccāsādhanaṃ kārapeti. Atthato niyojete nāmāti āha “yojete”ti. “Idameva dvayaṃ”ti āvajjana dvayaṃ. “Taṃ”ti taṃ dvayaṃ. Upatthambhitaṃ hutvā ārammaṇe ninnāṃ karotīti sambandho. “Yoniso”ti upāyena hitasukha maggena. “Ayoniso”ti anupāyena ahita asukha maggena. “Samudāciṇṇaninnāniyāmitādīhī”ti ettha samudāciṇṇaṃ nāma āciṇṇa kammavasena suṭṭhu punappunaṃ ācaritaṃ. Ninnāṃ nāma idaṃ nāma passāmi, idaṃ nāma karissāmīti pubbe eva ajjhāsayena ninnāṃ. Niyāmitaṃ nāma idaṃ nāma kattabbaṃ, idaṃ nāma na kattabbaṃ, kattabbaṃ karomī, akattabbaṃ nakaromīti evaṃ niyāmitaṃ. “Asati kāraṇa visese”ti bhavaṅga cittaṃ vīthiccittupattiyā asati, vīthiccittāni ca kāyacittānaṃ akallādikevā adhimattassa ārammaṇantarassa upatthānevā asati. “Sādhāraṇā”ti ettha saṃsade bindu lopo, dīghattañcāti āha “samaṃ dhārentīti sādhāraṇā”ti.

76. Vitakkāvacaṇatthe. “Tathā tathā saṅkappetvā”ti kāmasaṅkappādīnaṃ nekkhammasaṅkappādīnañcavasena tena tena pakārena suṭṭhu cintevā. “Taṃ”ti ārammaṇaṃ. “Te”ti sampayutta dhamme. “Avitakkampi cittaṃ”ti pañcaviññāna cittañca dutiyā dījjhāna cittañca. “Apicā”ti kiñci vattabbaṃ atthīti attho. “Dutiyajjhānādīni cā”ti dutiyajjhāna cittādīni ca. “Upacāra bhāvanā vasenā”ti samudāciṇṇa vasibhūtāya upacāra bhāvanāya vasena. “Kiṃ vā etāyayuttiyā”ti savitakka cittasantānetiādīkāya yuttiyā kiṃ payojanaṃ atthīti attho. Kiñci payojanaṃ natthīti adhippāyo. Ārammaṇaṃ ārohatiyeva ārammaṇena avinābhāvavuttikattā. “Taṃ”ti cittaṃ. Niyāmako nāma nāvaṃ icchita disādesaniyojako. “Akusalaṃ patvā”ti vuttaṃ. Kusalaṃ patvā pana kathaṃti. Kusalaṃ patvāpi patirūpadesāvāsādivasena samudā ciṇṇa ninnādivasena ca laddha paccaye sati cittaṃ saddhāsati ādayopi ārammaṇa rūhane thāmagatā eva. Aladdha paccaye pana sati akusala bhāve thātva thāmagataṃ hoti. “Manasikāra vīriya satīnaṃ”ti bhāvanā balapattā nanti adhippāyo. Evaṃ pana sati, vitakkassa okāso natthīti. Atthi. Saṅkappana kicca visesattā. Tañhi kiccaṃ aññesaṃ asādhāraṇaṃ, vitakkasseva kiccanti dassento “vitakkopana”tiādīmāha. “Sārammaṇa sabhāvā”ti hetu visesanametāṃ. “Tathā vutto”ti vitakkoti vutto.

77. Vicārāvacaṇatthe. “Vicaratī”ti ekamekasmīṃ eva ārammaṇe vividhena carati, pavattati. Sabhāvākāro nāma nīlapītādīko agambhīro ārammaṇa sabhāvo ca ārammaṇassa nānā pavattākāro ca. “Anumajjanavasena”ti punappunaṃ majjanavasena sodhanavasena. Vitakko oḷāriko ca hotītiādīnā

yojetabbaṃ. “Oḷāriko”ti vicārato oḷāriko. Evaṃ sesapadesu. “Ghaṇḍābhighāto viyā”ti ghaṇḍābhighātena pathamuppannasaddo viyāti vadanti. Tathāhi vicāro ghaṇḍassa anuravo viya vuttoti. Daṇḍakena ghaṇḍassa abhighāta kiriyā vā ghaṇḍābhighāto. Tathāhi ārammaṇe cetaso pathamābhi nipāto vitakkoti ca, āhanana pariyāhanana rasoti ca vuttaṃ. “Ghaṇḍānuravo viyā”ti ghaṇḍassa anuravasaddo viya.

78. Adhimokkhavacanatthe. “Saṃsappanaṃ”ti anavatthānaṃ. “Pakkhato mucchanavasena”ti evaṃ nu khoti eko pakkho, nonu khoti dutiyo pakkho. Tādisamhā pakkhato mucchanavasena.

79. Vīriyavacanatthe. “Vīrassā”ti vissatṭhassa. So ca kāyavacīmano kammesu paccu paṭṭhitesu sītuṇhādi dukkha bhayato alīna vuttivasena pavattoti āha “kammāsūrassā”ti. Etena anottappiṃ nivatteti. Anottavvīhi pāpasūro, ayaṃ kamma sūroti. “Mahantaṃ pikamma”nti kusītassa mahantanti maññitaṃ kammaṃ. Evaṃ sesesu. “Appakato gaṇhātī”ti appakabhāvena gaṇhātī. Appakamevidanti maññatīti vuttaṃ hoti. “Atta kilamathaṃ”ti kāyacittakkhedāṃ. “Taṃ”ti vīriyaṃ. “Tathāpavattiyā”ti kammāsūrabhāvena pavattiyā. “Hetuce vā”ti etena bhāvasaddassa atthaṃ vadati. “Kāyacitta kiriyābhūtaṃ”ti etena kammāsaddassa atthaṃ. “Vidhinā”ti tassa pavattiyā pubbābhisaṅkhāra vidhānena. Tameva vidhānaṃ kammesu netabbattā nayoti ca, upetabbattā upāyoti ca vuccatīti āha “nayena upāyena”ti. Tameva vidhānaṃ dasseti “vīriyavato”tiādīnā. “Īrantī”ti erayanti. “Kicca sampattiyā”ti ārammaṇa vijānana phusanādi kicca sampatti atthāya. Byāvaṭāni kāyacittāni yesanti viggaho. “Byāvaṭāni”ti ussāhitāni. “Thūṇūpatthambhana sadisaṃ”ti jīṇassa gehassa apatanatthāya sārattambhena upatthambhanasadisāṃ. Upatthambhakatthambhasadisantipi vadanti. “Sabba sampattīnaṃ mūlaṃ”ti sabbāsaṃ lokiya sampattīnaṃ lokuttara sampattī nañca mūlaṃ. Kasmā, puññakamma sampattiyā ca pārami puññasampattiyā ca patiṭṭhānattā. Satihi puññakammāsampattiyā sabbā lokiya sampatti sijjhati. Sati ca pārami puñña sampattiyā sabbālokuttara sampatti sijjhatīti. Etena hīna vīriyo nāma sabba sampattito paribāhiyoti dīpeti.

80. Pītivacanatthe. “Pinayati”ti pineti, pinaṃ karotīti āha “tappeti”ti. Tosetīti attho. “Tuṭṭhiṃ”ti tusitaṃ, pahaṭṭhaṃ. “Suhitaṃ”ti sudhātaṃ, supuṇṇaṃ, vaddhitaṃ. Anekatthattā dhātūnaṃ “vaḍḍheti”ti vuttaṃ. “Pinanti”ti tappanti, jotanti, virocanti, divā tappatiādiccotiādīsu viya. Khuddikā pīti nāma lomahaṃsa na mattakārikā pīti. Khaṇikā pīti nāma khaṇe khaṇe vijjuppādasadisā pīti. Okkantikā pīti nāma sarīraṃ okkamitvā okkamitvābhijjanti pīti. Ubbegāpīti nāma kāyaṃ udaggaṃ katvā ākāse ullaṅghāpentī pīti. Pharaṇā pīti nāma kappāsavattiyaṃ pharaṇakatelaṃ viya sakalakāyaṃ pharaṇavasena pavattā pīti.

81. Chandavacanatthe. “Abhisandhī”ti abhilāso, abhikaṅkhaṇaṃ. “Kattusaddo”ti karadhātu vasena vuttaṃ. “Sabbakiriyā padāni”ti sabbāni tumicchattha kiriyā padāni. “Atthiko”ti asiddho hutvā sādhetuṃ icchito attho assāti atthiko. Icchantotipi vadanti. “Ārādhētukāmatā vasenā”ti sādhetu kāmatāvasena, sampādetu kāmatā vasena. Usuṃ saraṃ a santi khipantīti issāsā. Ikārassa ukāro. Dhanuggahā. “Yasena vā”ti parivārena vā, kitti saddena vā. “Sare”ti kaṇḍe. Vibhāvanipāṭhe nānāvāda sodhanatthaṃ ayañcātiādivuttaṃ. “Yadaggenā”ti yena kāraṇa koṭṭhāsena. Saṅgahitāti sambandho. “Vissajjitabba yuttakenā”ti vissajjitabba yogyena. “Tena atthiko yevā”ti paduddhāro. “So na yujjati”ti so attho na yujjati. “Khipita usūnaṃ”ti pubbabhāge khipita usūnaṃ. “Atthato panā”ti adhippāyatthato pana. “Hatthappasāraṇaṃ viyā”ti loke kiñci icchantassa janassa hatthappasāraṇaṃ viyāti adhippāyo. “Thāmapatto”ti adhipati bhāva pattoti vuttaṃ hoti. Tenāha “tathāhesā”tiādīṃ. “Taṇhāya hatthe ṭhitā”ti upacāra vacanametaṃ. Taṇhāya pariggahitāti vuttaṃ hoti. Nasakkhissantiyeva, no nasakkhissanti. Tasmā veditabbametaṃ chandoyeva taṇhāya balavataroti. Kasmā balavataroti. Ādīnavānisamāsa dassanaññānena yuttattāti.

82. “Pakiranti”ti pattharanti. “Samānā”ti sāvajjehi yuttā sāvajjā, anavajjehi yuttā anavajjāti evaṃ sadisā, sādharmaṇā.

Aññasamānarāsīmhanudīpanā niṭṭhitā.

83. Akusalarāsīmhi. “Muyhatī”ti ñātābbassañeyya dhammassa aññāna vasena sammuyhati, cīttassa andhabhāvo hoti. Caturāṅgatamo nāma ‘kāḷapakka cātuddasi divaso, aḍḍharatti samayo,

tibbavanasañño, bahalameghacchanno,ti ayaṃ caturaṅgataṃ. So cakkhussa andhabhāvaṃ karoti. Evaṃ tassa tamassa cakkhussa andhabhāvakaraṇaṃ viya. Nāṇagatiko hotīti daṭṭhabbo aṭṭhakathā nayena. Tameva aṭṭhakathā nayaṃ dassetuṃ “tathā hesā”tiādi vuttaṃ. Abhidhammaṭṭikāyaṃ pana micchā nāṇanti micchā vitakko adhippeto. So hi micchā sankappo hutvā nāṇappakāra cintā pavatti vasena nāṇagatiko hoti. Moho pana cittassa andhī bhūto, nānācintana kicca rahito, kathaṃ nāṇagatiko bhavyeyyāti tassa adhippāyo. “Pāpa kiriyāsū”ti duccharita kammesu. “Upāya cintāvasenā”ti katakammassa siddhatthāya satthāvudhādividhānesu nānūpāya cintāvasena. Appaṭi pajjanaṃ appaṭi patti. Nāṇa gatiṃ agamananti attho. Tenāha “aññānameva vuccatī”ti. “Nāṇagatikā”ti nāṇappavattiyā samānappavattikā. Lobho nāṇa gatiko māyāsāṭṭheyya kammesu vicittappavattikattā. Vicāro nāṇa gatiko. Tathāhi so jhānaṅgesu vicikicchāya paṭipakkhoti vutto. Cittassa nāṇa gati katā vicittatthavācakena cittasaddena siddho. Te ca dhammā sabba sattesu nāṇa gatikā na honti. Nānūpanissayaṃ labhitvā eva hontīti dassetuṃ “tehi”tiādimāha. Te sādhentīti sambandho. Pakatiyā viññujātikā nāma tihetukappaṭi sandhikā. Aññappaṭi sandhikāpi bodhisatta bhūmiyaṃ ṭhitā vā paññāpasuta bhavato āgatā vā. Sutapariyatti sampannā nāma dvihetukappaṭi sandhikāpi imasmīṃ bhava bahussuta sampannā ca pariyatti kamma sampannā ca.

84. Ahirikavacanatthe. “Na hiriyatī”ti nāma dhātu padametam. Harāyati lajjatīti hirī. Hare lajjāyaṃti dhātu. Na hirī ahirīti vacanattho. “Ruciṃ uppādetvā”ti gāmasū karassa gūtharāsi dassane viya cittarocana citta khamanaṃ uppādetvā. Attānaṃ pāpakamma līmpato cittassa alīnatā ajigucchanaṃ nāma. Attānaṃ asappurisa bhāvapattito cittassa alīnatā alajjā nāma.

85. Anottappavacanatthe. “Na bhāyatī”ti pāpakammaṃ bhayato na upaṭṭhāti. “Na utrasatī”ti pāpakamma hetu na kampaṭi. “Tāsū”ti pāpakiriyāsu. “Asārajjamānaṃ katvā”ti sūraṃ vissatṭhaṃ katvā. Asārajjamāna sūrabhāvo. Anuttāso nāma pāpakamma hetu cittassa akampanaṃ. Gāthāyaṃ. Ajigucchanasīlo puggalo ajegucchī. “Pāpā”ti pāpakammato. “Sūkaro”ti gāmasūkaro. So gūthato ajegucchī. Ahiriko pāpato ajegucchīti yojanā. Abhāyanasīlo abhīrū. “Salabho”ti paṭaṅgo. “Pāvakā”ti dīpajālamhā. Salabho pāvakamhā abhīrū viya anottavvī pāpato abhīrūti yojanā.

86. Uddhaccavacanatthe. “Uddharatī”ti ukkhipati. Ārammaṇasmīṃ na sanni sīdati. Vikkhipatīti vuttaṃ hoti. “Vaṭṭetvā”ti āvaṭṭetvā. “Vissatṭhageṇḍuko viyā”ti vissajjito sārageṇḍuko viya. “Dhajapaṭākā viyā”ti vāteritā dhajapaṭākā viya.

87. Lobhavacanatthe. “Lubbhatī”ti gijjhāti, abhikaṅkhati. Abhisajjanaṃ abhilaggaṇaṃ. Makkaṭaṃ ālimpati bandhati etenāti makkaṭā lepo. “Tatta kapāle”ti aggināsantatte ghaṭa kapāle. Telassa vatthamhi añjanaṃ abhilaggaṇaṃ telañjanaṃ. Rajjanaṃ paṭisajjanaṃ rāgo. Telañjana bhūto rāgo telañjana rāgo. Na kilesarāgo. Ratti divaṃ pavattanaṭṭhena taṇhā eva nadīsotasadisattā taṇhā nadī. “Sattānaṃ”ti puthujjana sattānaṃ. “Sukkhakatṭhasākhāpalāsatiṇakasaṭānī”ti sukkhakatṭhakasaṭānī, sukkhā sākḥā kasaṭānītiādinā yojetabbaṃ. Kasaṭa saddena asārabhāvaṃ dīpeti. “Nadī viyā”ti pabbateyyā nadī viya.

88. Diṭṭhivacanatthe. “Dassanaṃ”ti parikkappaṇā siddhesu micchā sabhāvesu viparīta dassanaṃ. Tenāha “dhammānaṃ”tiādiṃ. Tattha “dhammānaṃ”ti rūpārūpa dhammānaṃ, aniccatādi dhammānaṃ. “Yāthāva sabhāvesū”ti bhūtasabhāvesu. Bhūtasabhāvo hi yathā dhammaṃ avati rakkhatīti atthena yāthāvoti vuccati. Attānaṃ paṇḍitaṃ maññantīti paṇḍita mānino. Paṭivedhaññānaṃ nāma ariya maggaññānaṃ. Paramaṃ vajjanti daṭṭhabbā loke mahāsāvajjattṭhena taṃ sadisassa aññassa vajjassa abhāvatoti adhippāyo.

89. Mānavacanatthe. “Maññatī”ti bhūtasabhāvaṃ atikkamma adhikaṃ katvā ahamasmītiādinā tena tena abhūtākārena maññati. Tenāha “ahaṃ loke”tiādiṃ. Tattha “kaṭṭhakathīṅgaro viyā”ti sukkhadārukkhandho viya. So pana upatthambhito maññatīti sambandho. “Attānaṃ accuggataṃ maññatī”ti puggalaṃ mānena abhinnaṃ katvā vuttaṃ. “Unnati lakkhaṇo”ti unnamana sabhāvo.

90. Dosavacanatthe. Caṇḍena kāyavacī manokammena samannāgato caṇḍiko. Caṇḍikassa bhāvo caṇḍikkaṃ. “Pahatāsīviso viyā”ti caṇḍena pahato āsīviso viya. “Visappaṇatṭhena”ti sakalakāye vividhena sappanaṭṭhena, pharaṇatṭhena. Idañca taṃ samuṭṭhāna rūpānaṃ pharaṇa vasena

vuttam. “Asanipāto viyā”ti sukkhā sanipatanam viya. “Dāvaggiviyā”ti araññaggi viya. “Sapatto viyā”ti duṭṭhaverī viya. “Visasamsaṭṭhapūtimuttam viyā”ti yathā muttam nāma pakatiyā eva duggandhattā paṭikulattā dūre chaṭṭaniyanti ahitameva hoti. Puna pūtibhāve sati, dūratāre chaṭṭetabbam. Visasamsaṭṭhepana vattabbamevanatthi. Sabbaso ahitarāsi hoti. Evaṃ dosopi tam samaṅgīno tasmim khaṇe paresam amanāpiyatam āpādeti. Attahita parahita vināsaṅca kāreti, parammaraṇā apāyaṅca pāpetīti sabbaso ahitarāsi hoti. Tena vuttam “visasamsaṭṭhapūti muttam viya daṭṭhabbo”ti.

91. Issāvacañatthe. Duvidhā issāladdhasampatti visayā calabhitabba sampatti visayā ca. Tattha laddha sampatti visayam tāvadasseti “paresam pakatiyā”tiādinā. Laddha sampattiggahaṇena atīta sampattipi saṅgahitāti daṭṭhabbā. Issāpakatikāhi keci asuko nāma pubbe evam sampattiko ahosīti vā, aham pubbe evam sampattiko ahosinti vā sutvā nasahantiyeva. Tam vacanam sotumpi na icchantīti. Asukotiādinā labhitabbasampatti visayam dasseti.

92. Macchariyavacañatthe. “Mama evā”ti mamapakkhe evāti adhippāyo. “Guṇajātam”vāti attanivijjamānam sippavijjādi sampatti guṇajātam vā. “Vatthu vā”ti dhanadhaññādivatthu vā. “Avipphārikatāvasenā”ti aññena tam sippavijjādikam vā dhanadhaññādikam vā mayham dehīti vutte parahitathāya dātabba yuttakam dassāmīti evam cittesati, parahitappharaṇāvasena tam cittam vipphārikam nāma hoti. Dehīti vacanampi sotum anicchanto parahitathāya avipphārika citto nāma hoti. Evaṃ avipphārikatāvasena carati pavattatīti maccharaṅca kārassa cha kāram katvā. Tathā pavattam cittam. Puggalo pana maccharīti vuccati. “Tam”ti laddhasampattim. “Parehi sādharmaṇam disvā”tiādinā yojetabbam. Sādharmaṇanti ca dvisantakam vāti santakam vā bhavissamānam, parehi vā paribhuññijyamānam. “Nigguhanalakkaṇam”ti rakkhāvaraṇaguttīhisāṅgopana sabhāvam. Attanā laddha sampatti nāma issāya avisayo. Labhitabbasampatti pana ubhaya sādharmaṇam. Tasmā tattha ubhinnaṃ viseso vattabboti tam dassetum “ettha cā”tiādimāha. “Yassa lābham na icchatī”ti attanā labhatu vā māvā, kevalam para sampattim asahanto yassa parassa lābham na icchati. “Citta vighāto”ti citta vihaññanam. “Attanā laddhum icchatī”ti paro sampajjatu vā māvā, yattha paralābhesati, attanā na labhissati, tattha attanāva laddhum icchati. Yattha attanā ca labhati, paro ca labhati, tattha vighāto natthīti adhippāyo. “Alabhamānakam cintetvā”ti attanā alabhissamānam sallakkhetvā.

93. Kukkuccavacañatthe. “Kiriya katam”ti kata saddassabhāva sādhanamāha. Evaṃ vacanatham dassetvā abhidheyattham dassento “atthato panā”tiādimāha. “Anusocana vasenā”ti pacchā punappunam cittasantāpavasena. So kukatanti vuccatīti sambandho. “Kusala dhammesū”ti puñña kiriyavatthu dhammesu citta pariyādānāya eva saṃvattati. Kukkucca samaṅgī puggalo puññakammaṃ karontopi citta sukham na labhati. Bahujana majjhe vasitvā nānākiccāni karonto nānā tiracchāna katham kathento citta sukham labhati. Tadā tassa puññakamma karaṇatthāya cittam pariyādīyati, parikkhiyati. Cittavasam gacchanto vicarati. Evaṃ citta pariyādānāya eva saṃvattati. “Aṭṭhakathāyam”ti aṭṭhasāliniyam. “Katā katassa sāvajjānavajjassā”ti pubbe katassa sāvajjakamma, akatassa anavajja kamma. Kammatthesāmivacañam. “Abhimukhagamanam”ti ārammaṇa karaṇavasena cittassa abhimukhappavattanam. Etena paṭimukham saraṇam cintanam paṭisāroti dasseti. “Akataṃ na karotī”ti akataṃ katum na sakkotīti adhippāyo. Evaṃ kataṃ na karotīti etthapi. “Virūpo”ti vībhaccho asobhaṇo. “Kucchito”ti garahitabbo. Nanu pubbe cittuppādo kucchitoti vutto. Aṭṭhakathāyam pana vipaṭisāro kucchitoti vutto. Ubhayametam na sametīti. No na sameti, aññathānu papattitoti dassetum “ettha cā”tiādimāha. “Yena ca kāraṇenā”ti katākatam paṭicca niratthaka cittappavatti kāraṇena. So cittuppādova kukatapade ghetum yutto, navibhāvaniyam viya katākata duccharita sucaritanti adhippāyo. Nanu vibhāvaniyampi so cittuppādova upacāra nayena gahitoti ce. Yutti vasena ca aṭṭhakathāgamena ca mukhyato siddhe sati, kim upacāra nayena. Tenāha “vibhāvaniyam panā”tiādim. Kukatassabhāvo kukkuccam, akārassa ukāram katvāti ayam aṭṭhakathānayo. Idāni saddasatthānayaena aparam vacanathaṅca adhippāyatthaṅca dassetum “apī cā”tiādi āraddham. Tattha “dhātupāthesū”ti akkharadhātuppakāsanesu nirutti pāthesu. Paṭhantiyeva, no na paṭhanti. Te ca atthā cetaso vipaṭisāro mano vilekhoti evam pāliyam vutthehi kukkuccapariyāyehi samentiyeva. Tasmā ayam aparānayo idha avassam vattabbo yevāti dīpeti. Vippaṭi sārīpuggalo ca tam tam puññakammaṃ karontopi vippaṭi sārāginā dayhamāna citto puññakamme cittappasādam nalabhati. Citta sukham na

vindati. Kiṃ iminā kammenāti taṃ pahāya yattha citta sukhaṃ vindati, tattha vicarati. Evaṃ vipphaṅgāro puññakammato saṅkocanaṃ nāma hotīti. Kilesasallikhaṇaṃ nāma santuṭṭhi sallekhappaṭipattiyāṃ ṭhitassa tadaṅgappahānādivasena taṃ taṃ kilesappahānaṃ vuccati. “Anutthunanākārena”ti punappunaṃ vilapanākārena. Saṅkocattīti vatvā tassa ubhayaṃ atthaṃ dassento “kusalakamma samādāne”tiādīmāha. Namitumpi na deti. Kuto samādātuṃ vā vaḍḍhetuṃ vā dassattīti adhippāyo. “Tanukaraṇena”ti dubbalakaraṇena. Visenaṭṭhekarāṇa vacanaṃ. “So”ti dhammasamūho. Taṃ pana kukkucchaṃ. Keci pana kukkucchaṃ paccuppanna sucariṭa duccharitā rammaṇampi anāgata sucariṭa duccharitā rammaṇampi kappenti. Taṃ paṭikkhipanto “tenā”tiādīmāha. Mahāniddeṣapāṭhe dvīhākārehi uppajjati kukkucchaṃ cetaso vipphaṅgāro manovilekhoti pāṭho. “Katattā cā”ti akattabbassa katattā ca. “Akatattā cā”ti kattabbassa akatattā ca. Keci pana ayaṃ vipphaṅgāro nāma kadāci kassaci kenaci kāraṇena pubbekata sucariṭampi akata duccharitampi ārabha uppajjati. Ummattakasadisāñhi puthujjana cittanti vadanti. Taṃ paṭikkhipanto “etenā”tiādīmāha. So pana kesañci vāde vipphaṅgāro nāma domanassaṃ hoti, na kukkucchanti adhippāyo. Soca kho dvidhā bhāvo. Apāyabhayaṇa tajjīyanti tāsīyantīti apāyabhaya tajjītā. “Na aññesaṃ”ti sucariṭa duccharitaṃ ajānantānaṃ amanasikarontānañca na hoti. Kathaṃ viññāyatīti ce. Sucariṭaduccharita nāmena anusocanākārassa dassitattāti vuttaṃ “akataṃ me”tiādi. Yāthāvamāno nāma seyyassa seyyo hamasmīti sadisassa sadiso hamasmīti hīnassa hīno hamasmītiādīnā pavatto bhūtamāno. Yañcakukkucchaṃ uppajjattīti sambandho. “Akatvā”ti taṃ kalyāṇa kammaṃ akatvā. “Katvā”ti taṃ pāpakammaṃ katvā. Idaṃ pana pubbekatā katakāle eva ayāthāvaṃ hoti. Anusocana kālepana yāthāvameva. “Hattha kukkucchaṃ”ti ettha saṅkocanatto na labbhati. Kucchita kiriyatto eva labbhati. Hatthalolatāhi hattha kukkucchanti vuccati. Pādālolatā ca pādakukkucchaṃ. Tenāha “asaṃyata kukkucchaṃ nāmā”ti. Yaṃ pana kukkucchaṃ. “Taṃ”ti taṃ vatthuṃ. Kukkuccaṃ karontīti kukkucchāyanta. Nāmadhātu padañhetuṃ. Kappati nu kho, na nu kho kappattīti evaṃ vinaya saṃsayaṃ uppādentīti attho. “Kukkucchappakatāyā”ti kukkucchena apakatāyā abhibhūtatāyā. “Attano avisaye”ti āñcakkatthāne. Āñcakkā sāmīno buddhassavisayattā attano sāvaka bhūṭassa avisayeti attho. Ye pana karontiyeva kukkucchāyanta pīti adhippāyo. “Āpattim”ti dukkaṭāpattim.

94-95. Thinamidhavaṇanattesu. “Cittaṃ mandamaṇaṃ katvā”ti cintana kicca atimamaṇaṃ paridubbalaṃ katvā. Cittaṃ gilānaṃ milātaṃ katvāti vuttaṃ hoti. “Ajjhottarattī”ti abhibhavati. Ārammaṇa vijānane vā javanā kicca vā parihīnathā mabalaṃ karoti. “Thiyati”ti padaṃ pāḷivasena siddhanti āha “thināṃ thiyānā”tiādīm. “Akammaññabhūte katvā”ti kāyakammādiṣu akammakkhame paridubbale katvā. [Muggareṇa pothetvā viyāti vuttaṃ hoti]. “Te”ti citta cetāsike sampayutta dhamme. “Olīyāpetvā”ti avalīne avasīdante katvā. Tenāha “iriyā pathaṃ pī”tiādīm. Thināṃ cittaṃ abhibhavati, vijānana kiccassa gelaññattā thinassa. Middhaṃ cetāsike abhibhavati, phusaññādi kiccassa gelaññattā middhassāti adhippāyo.

96. Vicikicchāvaṇanatthe. “Cikicchanaṃ”ti rogāpanaya natthe kitadhātuvasena siddhaṃ saṅkhata kiriyā padanti āha “ñāṇappaṭikāroti attho”ti. “Paṭikāro”ti ca rogassa paṭipakkha kammaṃ. “Etāyā”ti nissakkavacanaṃ. Vicinanti dhammaṃ vicinattīti vicino. Dhamma vīmaṃsakā. Kicchati kilamati etāyāti kicchā. Vicinaṃ kicchāti vicikicchāti imamatthaṃ dassento “sabhāvaṃ”tiādīmāha. “Vicikicchati”ti saṅkhatadhātupadaṃ. Tañca kaṅkhāyaṃ vattattīti dassetuṃ “vicikicchati vā”tiādi vuttaṃ. Dvidhā eḷayati kampaṭīti dveḷakaṃ. Tathā pavattaṃ cittaṃ. Dveḷakassa bhāvoti viggaho. “Buddhādiṣu aṭṭhasū”ti buddhe kaṅkhati, dhamme kaṅkhati, saṅghe kaṅkhati, sikkhāya kaṅkhati, pubbante kaṅkhati, aparante kaṅkhati, pubbantā parante kaṅkhati, idappaccayatā paṭicca samuppannesu dhammesu kaṅkhattīti evaṃ vuttasu aṭṭhasu saddheyya vatthūsu. Tattha “buddhe kaṅkhati”ti itipi so bhagavā arahantīādīnā vuttasu buddhaguṇesu asaddahanto buddhe kaṅkhati nāma. Svākkhāto bhagavatā dhammotīādīnā vuttasu dhamma guṇesu asaddahanto dhamme kaṅkhati nāma. Suppaṭipanno bhagavato sāvaka saṅghotīādīnā vuttasu saṅhaguṇesu asaddahanto saṅghe kaṅkhati nāma. Tissannaṃ sikkhānaṃ vaṭṭa dukkhato niyyānaṭṭhesu asaddahanto sikkhāya kaṅkhati nāma. Attano atīta bhavassa atthi natthibhāve kaṅkhanto pubbante kaṅkhati nāma. Attano parammaraṇā anāgata bhavassa atthi natthibhāve kaṅkhanto aparante kaṅkhati nāma. Tadubhayassa atthi natthi bhāve kaṅkhanto pubbantā parante kaṅkhati nāma. Imasmim bhava attano khandhānaṃ paṭicca samuppāde ca paṭicca samuppannabhāve ca kaṅkhanto idappaccayatā paṭicca samuppannesu dhammesu kaṅkhati nāma. “Vimati vasaṇā”ti vematikabhāvena. Pavattamānā vicikicchā. Vicikicchā paṭirūpakā nāma sabba dhammesu appaṭihatabuddhīnaṃ sabbaññu buddhānaṃ eva

natthīti vuttaṃ “asabbaññūnaṃ”tiādi.

Akusalarāsimhianudīpanā niṭṭhitā.

97. Saddhāvacaṇatthe. “Sannisinnaṃ”ti acaliṭaṃ. “Suṭṭhū”ti anassantaṃ acalantañca katvā. “Dhāreti”ti evameva hotīti sallakkhaṇavasena dhāreti. Tathā ṭhapetīti. Saddahanti vā saddhā sampannā sattā. Saddhātuṃ arahantīti saddheyyāni. Akālusssaṃ vuccati anāvilaṃ cittaṃ. Akālusssaṃ eva akālusseyyaṃ. Tassa bhāvoti viggaho. “Okappaṇā”ti ahoṣādhu ahoṣuṭṭhūti adhimuccanavasena cintanā. “Micchādhimokkha yevā”ti diṭṭhisampayutto adhimokkheyyeva. “Vitte asatī”ti dhane asatī. Dhanañhi vittanti vuccati. Yaṃ yaṃ icchati, taṃ taṃ vindanti etenāti katvā. “Tessaṃ”ti manussānaṃ.

98. Sativacaṇatthe. “Saratī”ti anussarati. “Katānī”ti pubbekatāni. “Kattabbānī”ti idāni vā pacchā vā kattabbāni. Kalyāṇa kammaṃ nāmapakatiyā cittaṃ ratiṭṭhānaṃ na hoti. Pāpa kammameva cittaṃ ratiṭṭhānaṃ hoti. Tasmā kalyāṇa kamme eva appamajjitaṃ viṣuṃ satinaṃ icchitabbā. Pāpakamme pana viṣuṃ satiyā kiccaṃ natthi. Sabbepi cittaśeṭṭhikā dhammā apamatta rūpā honti. Tenāha “itarāpanā”tiādiṃ. “Satiyeva na hotī”ti viṣuṃ sati nāma eko cetasikeyeva na hoti. Katamā pana sā hotīti āha “katassā”tiādiṃ. Tattha katassa appamajjanaṃ nāma kesañci anumodanavasena kesañci anusocanavasena appamajjanaṃ. Kattabbassa appamajjanaṃ nāma niccakālampi kātuṃ abhimukhatā. “Katassā”ti vā bhūmatthe sāmivacaṇaṃ. Tathā sesesu dvīsu padesu. Sabbesu rājakkamesu nīyutto sabbakammiko. “Niyutto”ti appamatto hutvā byāvataṅkāya citto. Sabbesu ṭhānesu icchitabbāti sabbatthikā. Sā hi chasu dvāresu cittaṃ ārakkha kiccā hoti indriya saṃvaraṇa dhammatā. Tasmā chasu dvāresu iṭṭhārammaṇe lobhamūlacittaṃ anuppajjanatthāya sā icchitabbā, aniṭṭhā rammaṇe dosamūla cittaṃ, majjhātārammaṇe mohamūla cittaṃ sātī. Api ca, bojjhaṅga bhāvanā ṭhānesu idaṃ sutta padaṃ vuttaṃ. Tasmā bhāvanā cittaṃ līnaṭṭhānepi sā icchitabbā līnapakkhato cittaṃ nīvaraṇatthāyātiādinā yojetabbā.

99-100. Hiriyatappavacaṇatthesu. “Kāyaduccaritādīhi lajjatī”ti tānikātuṃ lajjati. Tāni hīnakammāni lāmakakammānīti hīletvā tato attānaṃ rakkhituṃ icchati. Tenāha “jigucchati”ti. “Ukkaṇṭhati”ti virujjhati, viyogaṃ icchati. “Tehi yevā”ti kāya duccaritādīhiyeva. “Ubbijjati”ti uttasati, bhayato upaṭṭhāti. Gāthāsu. “Alajjiyeesū”ti alajjitabbesu kalyāṇa kammesu. “Lajjare”ti lajjanti. “Abhaye”ti abhāyitabbe kalyāṇakamme. Yasmā pana sappurisā attānaṃ pariharantīti sambandho. “Hiriyā attani gāravaṃ uppādetvā”ti attano jātiguṇādikaṃ vā sīla guṇādikaṃ vā garuṃ katvā mādisassa eva rūpaṃ pāpakammaṃ ayuttaṃ kātuṃ. Yadi kareyyaṃ, pacchā attānaṃ asuddhaṃ ṇatvā dukkhīdummano bhavēyyanti evaṃ hiriyā attani gāravaṃ uppādetvā. “Ottappena paresu gāravaṃ uppādetvā”ti parānuvādabhayaṃ bhāyitvāti adhippāyo. Tattha parānuvādabhayaṃ nāma paresaṃ sādhu janānaṃ garahā bhayaṃ. Aññāmpi apāyabhayaṃ samsāra vaṭṭabhayañca ettha saṅghatiyeva. Lokampālentīti lokapālā. “Lokaṃ”ti sattaḷokaṃ. “Pālentī”ti apāya bhayato rakkhanti.

101. Alobhavacaṇatthe. Akāro viruddhatthotiāha “lobhapaṭipakkho”ti. Lobhassa paṭiviruddhoti attho. Paṭiviruddhatā ca pahāyaka pahātabba bhāvena veditabbāti dassetaṃ “sohī”tiādimāha. Tattha so nekkhammadhātuvasena hutvā pavattatīti sambandho. “Hita saññitesū”ti idaṃ me atthāya hitāya sukhāyāti evaṃ saññitesu. “Lagganavasena”ti amuñcitukāmatāvasena. Tesveva pavattatīti sambandho. “Bhavabhoga sampattiyo gūtharāsīm viya hīletvā”ti idaṃ bodhisattānaṃ vasena nidassana vacanaṃ. Tattha “hīletvā”ti garahitvā. Nikkhamanti etenāti nekkhammo. So eva dhātūti nekkhammadhātu.

102. Ayaṃ nayo dosappaṭipakkho, mohappaṭipakkhotiādisupi netabbo.

103. Tatra majjhataṭṭhāyaṃ. “Līnuddhaccaṇaṃ”ti cittaṃ līnatā eko visamaṭṭhā. Uddhaṭatā dutiyo visamaṭṭhā. Līnaṃ cittaṃ kosajje visamaṭṭhe patati. Uddhaṭaṃ cittaṃ uddhacce visamaṭṭhe patati. Tadubhayampi akusala pakkhikaṃ hoti. Tathā cittaṃ ati lūkhatā eko visamaṭṭhā. Atipahaṭṭhatā ekotiādinā sabbāṃ bojjhaṅgavidhānaṃ vitthāretabbaṃ. Tatra majjhataṭṭhā pana sampayutta dhamme ubhosu antesu pātetuṃ adatvā sayāṃ majjhimaṭṭhāpadāyaṃ dalhaṃ tiṭṭhati.

104. Passaddhādīsu. “Tattha taṃ vīndantī” ti tesu puñña kammesu taṃ citta sukhaṃ paṭilabhanti.

105. Lahutā dvaye. “Tattapāsāṇe” ti santatte pāsāṇapiṭṭhe. “Tatthā” ti puññakammesu.

106-110. Mudutā dvayādīsu sabbaṃ suviññeyyaṃ.

111. Viratittaye. “Kathā, cetanā, virati, vasenā” ti ‘kathāsammāvācā, cetanā sammāvācā, virati sammāvācā, vasena. Taṃ kathāvācaṃ samuṭṭhāpetīti taṃ samuṭṭhāpikā. Yā pana pāpa viramaṇākārena cittassa pavattīti yojanā. “Samādiyantassa vā” ti musāvādā viramāmītiadinā vacībhedaṃ katvā samādiyantassa vā. “Adhiṭṭhahantassa vā” ti vacībhedaṃ akatvā citteneva tathā adhiṭṭhahantassa vā. Imehi dvīhi padehi samādāna viratippavattiṃ vadati. “Avītikkamantassa vā” ti etena sampatta viratippavattiṃ vadati. “Etāyā” ti sammāvācā viratiyā. Sā pana kattunā ca kriyāya ca sahabhāvinī hutvā samādāna kriyaṃ suṭṭhutaṃ sādheti. Tasmā sā karaṇa sādhanam nāma hoti. Tenāha “karaṇatthevākaraṇa vacana” nti. Bahūsu javanavāresu pavattamānesu purima purima javanavārapariyāpannā sammāvācā pacchima pacchima javanavārasamuṭṭhitāya samādāna kriyāya paccayo hoti. Sā pana tāya kriyāya asahabhāvittā karaṇalakkhaṇam na sampajjati. Hetu lakkhaṇe tiṭṭhati. Tenāha “hetu atthevā karaṇavacana” nti. Idañca atthato labbhamānattā vuttaṃ. Sammāvācāti padaṃ pana kitasādhana padattākaraṇatthe evasiddham. Na hi akāraka bhūto hetu attho sādhanam nāma sambhavati. “Samādāna vacanāni” ti sammāvācā samuṭṭhitāni samādāna vacanāni. “Tato” ti tatoparam. “Tesam” ti te samvadamānānam. Idañca sabbaṃ sammāvācāti vacane vacībhedaṃ padhānam katvā vuttaṃ. Sampattavirati samuccheda viratibhūtāya pana sammāvācāya vacībhedenā kiccaṃ natthi. Virati kicca mevapadhānanti dassetuṃ “apicā” tiādi vuttaṃ. “Pavattamānā” ti pavattamānattā. Visesana hetu padametaṃ.

112-113. Sammākamantepi sammājīvepi vattabbaṃ natthi.

114. “Sampattaṃ vatthum” ti pāṇāti pātādikammassa vatthum. Sāpaccuppannārammaṇāyeva. Kasmā, attano paccakkhe sampatta vasenavattussadharamānattā. “Samādiyantassa vā uppannā” ti pāṇāti pātāpaṭiviramādhītiadinā samādiyantassayā samādānakkhaṇe uppannā virati. “Sā pana paccuppannārammaṇā hoti” ti ettha kathaṃ paccuppannā rammaṇā hotīti. Pāṇāti pātāpaṭiviramādhīti vadantassa cittaṃ anukkamena pānasaddādīnam atthaṃ ārammaṇam katvā pavattati. Tattha “pāṇo” ti vohārato satto. Paramatthato jīvitindriyaṃ. So ca satto tañcajīvitindriyaṃ loke sabbakālampi samvijjatiyeva. Evarūpaṃ jīvitindriya sāmāññaṃ sandhāya paccuppannārammaṇāti vuttaṃ. Adinnādānā paṭiviramādhītiādīsupi eseva nayo. “Anāgatā rammaṇāvā” ti ettha ekadivasam niyamevā samādiyantassa tasmim divase dharamāna sattāpi atthi. Uppajjissamānasattāpi atthi. Tadubhayampi pānavacane saṅgahitameva. Pāṇupetaṃ katvā samādiyantassa vattabameva natthi. Api ca anāgatakālikampi samādānam atthiyeva. Aham asukadivasato paṭṭhāya yāvajīvampi pāṇātipātā viramādhītiādi. Evaṃ samādāna virati anāgatā rammaṇāpi hotīti. “Paccayasamuccheda vasenā” ti taṃ taṃ kilesānusaya saṅkhātassa paccayassa samuccheda vasena. Sesamettha suviññeyyaṃ.

115-116. Appamaññādvaye. Apicātiādīsu. “Kalisambhavebhave” ti dukkhuppattipaccayabhūte saṃsārabhave. “Pāpekali parājaye” ti kalisaddo pāpe ca parājaye ca vattatīti attho. Sattehi kalim avanti rakkhanti etāyāti karuṇā. Sattehi ca rakkhaṇatthayoge icchitasmim atthe apādāna vacanaṃ. Yathā-kāke rakkhanti taṇḍulā-ti. Sattevā kalito avanti rakkhanti etāyāti karuṇā. Kalitoti ca rakkhaṇattha yoge anicchitasmimpī apādānavacanaṃ. Yathā-pāpācittaṃ nivārayeti. Ekasmim satte pavattāpi appamaññā eva nāma hontī. Yathā taṃ sabbaññūtaññānam ekasmim ārammaṇe pavattampi sabbaññūtaññānameva hotīti.

117. Paññindriye vattabbaṃ natthi.

Sobhaṇarāsīmhanudīpanā niṭṭhitā.

118. Etaṃ parimāṇam assāti ettāvaṃ. “Ettāvātā” ti ettāvantena-phasso, vedanā,

saññā,tiādivacanakkamena. “Cittuppādesū”ti ettha-katame dhammā dassanena pahātabbā. Cattāro diṭṭhigatasampayutta cittuppādā-tiādīsu cittacetāsika samūho cittuppādoti vuccati. Idha pana cittāni eva cittuppādāti vuccantīti āha “cittuppādesūti cittesu icceva attho”ti. “Sabbadubbalattā”ti sabbacittehi dubbalatarattā. “Bhāvanā balenā”ti vitakka virāgasatti yuttena upacāra bhāvanā balena, vuṭṭhāna gāmini vipassanā bhāvanā balena ca. “Balanāyakattā”ti bala dhammānaṃ nāyakattā, jeṭṭhakattā.

119. Akusala cetāsikesu. “Pacchimaṃ”ti sabbesupi dvādasā kusala cittesūti vacanaṃ. “Purimassā”ti sabbā kusala sādharmaṇā nāmāti vacanassa. “Samattana vacanaṃ”ti-kasmā sabbākusala sādharmaṇā nāmāti. Yasmā sabbesupi. La. Cittesu labbhanti, tasmā sabbā kusala sādharmaṇā nāmā-ti evaṃ sādhana vacanaṃ. Yasmā pana imehi catūhi vinānuppajjanti, tasmā te sabbesu tesu labbhantīti yojanā. Kasmā vinā nuppajjantīti āha “na hitāni”tiādiṃ. “Tehi”ti pāpehi. Sabba pāpa dhammatoti attho. “Tathā tathā āmasitvā”ti diṭṭhi khandhesu nicco dhuvo sassatotiādinā āmasati. Māno ahanti vā seyyo sadisotiādinā vā āmasati. Evaṃ tathā tathā āmasitvā. “Tesū”ti diṭṭhimānesu. Niddhāraṇe bhummaṃ. Diṭṭhi parāmasantī pavattatīti yojanā. “Taṃ gahitākāra”nti taṃ ahanti gahitaṃ nimittākāraṃ. Sakkāya diṭṭhi eva gati yesaṃ te diṭṭhi gatikā. Avikkhambhita sakkāya diṭṭhikā. “Ahanti gaṇhanti”ti mānena gaṇhanti. “Na hi mānassa viyā”ti yathā mānassa attasampaggahaṇe byāpāro atthi, na tathā diṭṭhiyā attasampaggahaṇe byāpāro atthīti yojanā. Ettha ca attasampaggahaṇaṃ nāma parehi saddhiṃ attānaṃ seyyādivasena suṭṭhupaggahaṇaṃ. “Na ca diṭṭhiyā viyā”ti yathā diṭṭhiyā dhammānaṃ ayāthāvapakkhaparikkappane byāpāro atthīti yojanā. Tatha ayāthāvapakkho nāma attā sassato ucchinnotīdi. Macchariyaṃ attasampattīsu lagganalobhasamuṭṭhitattā lobhasampayuttameva siyāti codanaṃ pariharanto “macchariyaṃ panā”tiādimāha. Tatha “tāsaṃ”ti attasampattīnaṃ. Sesametta suviññeyaṃ.

120. Sobhaṇacetāsikesu. “Tīsu khandhesu”ti sīlakkhandha samādhikkhandha paññākkhandhesu ca. “Sammādiṭṭhi pacchimakō”ti sammādiṭṭhiyā pacchato anubandhakoti attho. Sammādiṭṭhiyā parivā ramattoti vuttaṃ hoti. “Tasmiṃ asati pī”ti dutiyajjhānika maggādīsu tasmiṃ sammāsaṅkappe asantepi. “Sīlasamādhikkhandha dhammesu panā”ti ‘sammāvācā, sammākammanto, sammāājīvo,ti ime tayo dhammā sīlakkhandha dhammā nāma. Sammā vāyāmo, sammāsati, sammāsamādhī,ti ime tayo dhammā samādhikkhandhā nāma. Imesu sīlakkhandha samādhikkhandhesu. “Eko ekassa kiccaṃ na sādheti”ti tesu sammāvācā sammākammantassa kiccaṃ na sādheti. Sammā ājīvassa kiccaṃ na sādheti. Sammākammanto ca sammāvācāya kiccaṃ na sādhetiādinā sabbaṃ vattabbaṃ. “Sīlesu paripūrākāritā vasenā”ti sīlappaṭipakkha dhammānaṃ samucchindakāritā vasenāti adhippāyo. Musāvāda virati musāvādameva pajahituṃ sakkoti. Na itarāni pisuṇavācādīnīti yojanā. Ettha siyā. Musāvādavirati nāma kusala dhammo hoti. Kusala dhammo ca nāma sabbassa akusala dhammassa paṭipakkho. Ekasmimpi kusala dhamme uppajjamāne tasmiṃ santāne sabbāni akusalāni pajahituṃ sakkotīti vattabāni. Atha ca pana musāvāda virati musāvādameva pajahituṃ sakkoti, na itarānīti vuttaṃ. Kathamidaṃ daṭṭhabbanti. Vuccate. Pajahituṃ sakkotīti idaṃ pañcasu pahānesu tadaṅgappahāna vacanaṃ. Tadaṅgappahānanti ca tena tena kusalaṅgena tassa tassa akusalaṅgassa pahānaṃ tadaṅgappahānaṃ nāma. Idaṃ vuttaṃ hoti, idha sappuriso paṇātipātā paṭiviramāmītiādinā visuṃ visuṃ sikkhāpadāni samādiyitvā paṇāti pātavirati saṅkhātena kusalaṅgena paṇātipātā saṅkhātaṃ akusalaṅgaṃ pajahati. Adinnādāna virati saṅkhātena kusalaṅgena adinnādāna saṅkhātaṃ akusalaṅgaṃ pajahatītiādinā vitthāretabbaṃ. Ekasmimpi kusala dhamme uppajjamāne tasmiṃ santāne sabbāni akusalāni na uppajjantīti ettha pana anokāsattā eva na uppajjanti, na pahānattā. Na hi tasmiṃ santāne tasmiṃ khaṇe tāni akusalāni eva na uppajjanti. Athakho sabbāni aññāni kusala cittāni ca na uppajjanti. Sabbāni abyākata cittāni ca na uppajjanti. Tāni anokā sattā eva na uppajjanti. Na pahānattā na uppajjanti. Tadaṅgappahānādi vasena pana pahānaṃ sandhāya idha pajahituṃ sakkoti-na sakkotīti vuttaṃ. Ettāvata tadaṅgappahānaṃ nāma supākaṭaṃ hoti. Musāvāda virati musāvādameva pajahituṃ sakkoti. Na itarānīti idaṅca suṭṭhu upapannaṃ hotīti. “Ettha cā”tiādisu kāyaṅgacopanathāya vācaṅgacopanathāya ca pavattāni kāyavacīco pana bhāgiyāni nāma. Kāmāvacara kusalesveva viratiyo sandissanti. “Kāmāvacara kusalesu pī”ti niddhāraṇe bhummavacanaṃ. Kāmabhūmiyaṃ uppannesu eva kāmāvacara kusalesu sandissanti. Tividha kuhanavattūni ca viramitabbavattuṭṭhāneṭhitāni. Ettha ca kuhanaṃ nāma vimhāpanaṃ lābhasakkāra silokatthāya manussānaṃ nānāmāyāsāṭṭheyya kammāni katvā acchariyabbhuta bhāvakaraṇanti vuttaṃ hoti. Taṃ pana tividhaṃ ‘paccayappaṭisevanakuhanaṅca,

sāmantajappana kuhanañca, iriyā pathasañṭhā pana kuhanañca. Tattha mahicchoyeva samāno appicchākāraṃ dassetvā ādito āgatā gate catupaccaye paṭikkhipitvā pacchā bahuṃ bahuṃ āgate paccaye paṭiggaṇhāti. Idaṃ paccayappaṭisevana kuhanam nāma. Pāpicchoyeva samāno ayaṃ jhānalābhīti vā abhiññālābhīti vā arahāti vā jano maṃ sambhāvetūti sambhāvanam icchanto attānam uttari manussa dhammānam santike te vā attano santike katvā vañceti. Idaṃ sāmantajappana kuhanam nāma. Pāpicchoyeva samāno ayaṃ santavutti samāhito āraddhavīriyoti jano maṃ sambhāvetūti sambhāvanam icchanto iriyā patha nissitam nānāvañcanam karoti. Idaṃ iriyā patha sañṭhāpana kuhanam nāma. “Sikkhāpadassa vatthūnī”ti surā pāna vikāla bhojana naccagītavādita dassana savanādīni. Surāmerayapānā viramādhīti samādiyantassa surāmerayapāna cetanā viramitabba vatthu nāma. Vikāla bhojanā viramāmīti samādiyantassa vikāle yāvakālika vatthussa paribhuñjana cetanā viramitabba vatthu nāma. Sesesupi eseva nayo. Lokuttara cittesu. ‘Sabbathāpī,ti ca ‘niyatā’ti ca ‘ekato vā’ti ca tīṇi visesanāni. Lokiyesu pana ‘kadāci’ti ca ‘visuṃ visuṃ’ti ca dve dve visesanāni. Tattha lokuttaresu ‘sabbathāpī’ti idaṃ samucchadappahāna dassanam lokiyesupi tabbiparītam tadaniggappahāna dassanam adhippetanti katvā “ekeka duccharitappahānavasene vā”ti vuttam.

121. Appamaññāsu. “Vibhaṅge”ti appamaññā vibhaṅge. “Kāruññāppakatikassā”ti kāruññāsabhāvassa. “Anissukino”ti issādhammarahitassa. Thāmagatā karuṇā dosa samuṭṭhitam vihiṃsaṃ pajahati. Thāmagatā muditā dosasamuṭṭhitam aratiṃ pajahatīti vuttam “vihiṃsā aratiṃ nissaraṇa bhūtā”ti. Ettha ca arati nāma suññāgāresu ca bhāvanā kammesu ca nibbidā. Dosa nissaraṇe sati domanassanissaraṇampi siddhameva. Nissaraṇaṅca nāma paṭipakkha dhamma sañṭhānena hoti. Tasmā pubbhāgepi appamaññāsu niccam somanassa sañṭhānam veditabbanti adhippāyena “domanassappaṭipakkhañcā”tiādīmāha. “Aṭṭhakathāyapi saha viruddho”ti aṭṭhasāliniyam upekkhā saha gata kāmāvacara kusala cittesu karuṇā muditā parikkammakālepi hi imesaṃ uppatti mahāaṭṭhakathāyam anuññātā evā-ti vuttam. Tāya aṭṭhakathāyapi saha viruddho. Sesamettha suviññeyyam. “Paṭikūlā rammaṇesu pana...pe... vattabbameva natthī”ti paṭikūlā rammaṇāni nāma somanassena dūre honti, tathā dukkhita sattā ca, tasmā tadā rammaṇāni asubha bhāvanā cittāni ca karuṇā bhāvanā cittāni ca ādito upekkhā saha gata nevatī vattabbameva natthi. “Sāhivedanupekkhā nāmā”ti kāmāvacara vedanupekkhā vuttā. Vibhāvanipāṭhe, “aññavihitassa pī”ti aññam ārammaṇam manasikarontassapi. Sajjhāyanam sampajjati, sammasanam sampajjati pāṭhaseso. Iti tasmā. Ettha siyā “tam paṭikkhittam hotī”ti kasmā vuttam. Na nu tampi upekkhā saha gata cittesu karuṇā muditānam sambhavam sādheti yevati. Saccam sādhetiyeva. Tena pana paricaya vasena tesu tāsam sambhavam dīpeti. Idha pana “ettha cā”tiādīnā “paṭikūlā rammaṇesu”tiādīnā ca paricayena vinā pakatiyā tāsam upekkhā vedanāya eva saha pavatti bahulatā vuttati. “Yogakamma balenā”ti yuñjana vīriya kamma balena.

122. Ceto yuttānam citta cetasi kānam. “Ettha cā”tiādīsu. Heṭṭhā ca vutto ‘kadāci sandissanti visuṃ visuṃ, kadāci nānā hutvā jāyantī’ti. Upari ca vakkhati ‘appamaññā viratiyo panettha pañcapi paccekameva yojetabbā’ti. Issādīnañca nānā kadāci yogo upari ‘issāmacchera kukkucāni panettha paccekameva yojetabbānī’ti vakkhati. Mānathina middhānam pana nānā kadāci yogo idha vattabbo. “Kadāci”ti vatvā tadattham vivarati “tesam”tiādīnā. “Tesam”ti diṭṭhi vippayuttānam. “Niddābhībhūta vasenā”ti nidassana vacanametaṃ. Tena kosajjādīnampi gahaṇam veditabbam. “Akammaññatāyā”ti akammaññabhāvena. Tehi issāmacchariya kukkucehi. Tena ca mānena. Kicca virodhe vā ārammaṇa virodhe vā nānābhāvo. Avirodhe sahabhāvo.

123. “Yogaṭṭhānaparicchindana vasenā”ti sabbacitta sādharmaṇā tāva sabbesupi ekūnanavuticittuppādesu, vitakko pañcapanāññā sacittesūtiādīnā yuttaṭṭhāna bhūtānam cittānam gaṇanasāṅkhyāparicchadavasena. “Yutta dhammarāsi paricchindana vasenā”ti anuttare chattimsa, mahaggate pañcatimsātiādīnā yutta dhammarāsīnam gaṇana saṅkhyā paricchada vasena. Sesam suviññeyyam. “Pāliyam”ti dhammasaṅgaṇi pāliyam. “Tesam nayānam”ti catukka pañcaka nayānam.

124. “Kāyavacī visodhana kiccā”ti kāyadvāravacīdvāra sodhana kiccā.

125. Lokuttara viratiṇam lokuttara vipākesupi uppajjanato “idañca...pe... daṭṭhabba”nti.

Tāsaṃ appamaññaṇaṃ. Tesu mahāvīpākesu. Sattapaññattādīni ārammaṇāni yassāti viggaho. “Tenā”ti kusalena. “Vikappa rahitattā”ti vividhākāra cintana rahitattā. Appanāpatta kamma visesehi nibbattā appanāpattakamma visesa nibbattā. Paññatti visesāni nāma pathavīkasiṇa nimittādīni. “Api cā”tiādīsu. Na paññatti dhammehi atthi. Evañca sati, kāmavīpākāni kāmataṇhāya ārammaṇabhūtā paññattiyopi ālambeyyunti. “Saṅghanayabhedakārakā”ti patha majjhānika cittesu chattimṣa. Dutīyajjhānika cittesu pañcatimṣātiādīnā saṅghanayabhedassa kārakā.

126. “Ettha cā”tiādīsu. “Pañcasu asaṅkhārikesū”ti niddhāraṇe bhummavacanaṃ. Tathā pañcasu asaṅkhārikesūti. Sesamettha suviññeyyaṃ.

128. “Bhūmi jāti sampayogādibhedena”ti phassotāva catubbidho hoti kāmāvacaro, rūpāvacaro, arūpāvacaro cāti. Ayaṃ bhūmibhedo.

Dvādasākusalā phassā, kusalā ekavīsati;
Chattimseva vipākā ca, vīsati kriyā matā.

Iti ayaṃ jātibhedo. Somanassa sahaḡato, diṭṭhigata sampayutto, asaṅkhāriko ca, asaṅkhāriko cātiādīnā sampayogādibhedo vattabbo. “Cittena samaṃ bheda”nti attanā vā sampayuttena cittabhedena samaṃ bhedaṃ. Ekūnana vutiyā cittesu vā. Ettha ca vicikicchā cetasiḡaṃ ekasmiṃ citte yuttanti ekameva hoti. Doso, issā, macchariyaṃ, kukkucanti ime cattāro dvīsu cittesu yuttāti visuṃ visuṃ dve dve honti. Tathā diṭṭhimānā paccemaṃ cattāro. Thinamidhamaṃ paccemaṃ pañcātiādīnā sabbaṃ vattabbanti.

Cetasikasāṅgahadīpaniyāanudīpanā niṭṭhitā.

3. Pakiṇṇakasaṅgahaanudīpanā

129. Pakiṇṇakasaṅgahe. Ubhinnaṃ citta cetasiḡānaṃ. “Tepaññāsā”ti tepaññāsavidhā. “Bhāvo”ti vijjamaṇakiriyā. Yo lakkhaṇa rasādīsu lakkhaṇanti vuccati. Tenāha “dhammaṇaṃ”tiādīṃ. Pavattoti pāṭhasesa padaṃ. Etena ‘vedanā bhedenā cittacetasiḡānaṃ saṅgaho’tiādīsūpi vedanā bhedenā pavatto cittacetasiḡānaṃ saṅgahotiādīnā sambandhaṃ dasseti. “Vacanattho dassito”ti, kathaṃ dassitoti āha “vedanā bhedenā cittacetasiḡānaṃ saṅgaho”tiādī. “Tesaṃ dāni yathārahaṃ”ti ettha “tesaṃ”ti cittacetasiḡānaṃ, saṅgaho nāmāti sambandho. Etena ayaṃ saṅgaho citta cetasiḡānaṃ eva saṅgahoti siddhaṃ hoti. Vedanā hetuto. La. Lambaṇavatthuto saṅgaho nāmāti sambandho. Etena upari vedanā saṅgahotiādīsū vedanāto saṅgaho vedanā saṅgaho. La. Vatthuto saṅgaho vatthu saṅgahoti siddhaṃ hoti, vedanātotiādīsū ca vedanā bhedatotiādī atthato siddhaṃ hoti. Evaṃ channaṃ pakiṇṇakasaṅgahānaṃ vacanattho dassito. Tenāha “vedanā bhedenā”tiādīṃ. Ādīnā dassitoti sambandho. “Saṅgaho nāma niyyate”ti vuttattā “nīto nāma atthi”ti vuttaṃ. “Niyate”ti ca pavattiyateti attho. Nanu tesaṃ “saṅgaho nāma niyyate”ti vuttattā dvīhi citta cetasiḡehi eva ayaṃ saṅgaho netabboti. Na. Cittena nīte cetasiḡehi visuṃ netabba kiccassa abhāvatoti dassetuṃ “citte pana siddhe”tiādī vuttaṃ.

130. Vedanā saṅgahe. Vedanā bhedaṃ nissāya imassa saṅgahassa pavattattā “nissaya dhamma pariggahattha”nti vuttaṃ. “Saṃyuttake”ti vedanā saṃyuttake. “Ārammaṇaṃ anubhontī”ti ārammaṇa rasaṃ anubhontī. “Te”ti tejanā. “Taṃ”ti taṃ ārammaṇaṃ. “Sātato”ti sukhākārato. “Assātato”ti dukkhā kārato. Tato aññopakāro natthi, tasmā vedanā anubhavana lakkhaṇena tividhā eva hotīti yojanā. “Dve”ti dve vedanāyo. Upekkhaṃ sukhe saṅgahetvā sukhadukkhavasena vā dve vedanā vuttāti yojanā. “Santasmīṃ esā paṇīte sukhe”ti jhānasampayuttaṃ adukkhaṃ sukhaṃ sandhāya vuttaṃ. Pañca bhedādīsū vitthāro vedanā saṃyutte gahetabbo. Vedayitanti ca vedanāti ca atthato ekaṃ. “Sabbhaṃ taṃ dukkhasmiṃ”ti sabbaṃ taṃ vedayitaṃ dukkhasmiṃ eva pavittāṃ hoti. Saṅkhāra dukkhataṃ ānanda mayā sandhāya bhāsitaṃ saṅkhāra vipariṇāmatañca, yaṃ kiñci vedayitaṃ, sabbaṃ taṃ dukkhasmiṃti pāḡi. “Indriyabhedavasena”ti somanassa sahaḡataṃ, upekkhasahaḡataṃ, domanassa sahaḡataṃ, sukhasahaḡataṃ, dukkha sahaḡatanti evaṃ indriya bhedavasena. “Yesu dhammesū”ti sampayutta dhammesu. “Tesaṃ”ti sampayutta dhammaṇaṃ.

Tattha sukhasampayuttā dhammā kāyika sukha sampayutta cetasika sukha sampayutta vasena duvidhā. Evaṃ issaraṭṭhānabhūtānaṃ sampayutta dhammānaṃ duvidhattā anubhavāna bhede tīsu vedanāsu ekaṃ sukha vedanaṃ dvidhā bhinditvā sukhindriyaṃ somanassindriyanti vuttaṃ. Dukkhasampayutta dhammesupi esevanayo. “Apī cā”ti kiñci vattabbaṃ atthīti attho. “Tepī”ti upekkhā sampayuttāpi dhammā. Cakkhādi pasādakāyā nāma cakkhu sota ghāna jivhā pasādakāyā. Tesu nissitā nāma cakkhu viññāṇa cittuppādādayo. “Sabbhāvā”ti santabhāvato saṃvijjamaṇa bhāvato duvidhā hontīti yojanā. “Eka rasattā”ti majjhatabhāvena ekarasattā. “Itarānī”ti somanassa domanassa upekkhindriyāni. Sesamettha suviññeyyaṃ.

131. Hetusaṅgahe. “Suppatiṭṭhitabhāvasādhanam”ti suṭṭhu patiṭṭhahantīti suppatiṭṭhitā. Suppatiṭṭhita bhāvasādhanam hetu kiccaṃ nāmāti yojanā. “Imepi dhammā”ti imepi cha hetu dhammā. “Tatthā”ti tesu ārammaṇesu, sādheti. Tasmā suppatiṭṭhita bhāvasādhanam hetukiccaṃ nāmāti vuttaṃ. “Apare panā”ti paṭṭhānaṭṭha kathāyaṃ āgato revatathera vādo. “Dhammānaṃ kusalādi bhāvasādhanam”ti sahaṃjātaḍḍhammānaṃ kusalabhāvasādhanam akusalabhāvasādhanam abyākatabhāvasādhanam. “Evaṃ sante”tiādi taṃ vādaṃ paṭikkhipantānaṃ paṭikkhepavacanaṃ. “Yesa”nti mohamūla citta dvaye moho ca ahetuka cittuppāda rūpa nibbānāni ca. “Na sampajjeyyā”ti sahaṃjāta hetuno abhāvā tassa mohassa akusala bhāvo, itare sañca abyākata bhāvo na sampajjeyya. Idaṃ vuttaṃ hoti. Hetu nāma sahaṃjāta dhammānaṃ kusalādibhāvaṃ sādheti vuttaṃ. Evaṃ sati, so moho sampayutta dhammānaṃ akusala bhāvaṃ sādheyya. Attano pana akusala bhāvaṃ sādheṭṭi sahaṃjāto añño hetu natthi. Tasmā tassa akusalabhāvo na sampajjeyya. Tathā ahetuka cittuppāda rūpa nibbānānañca abyākatabhāvaṃ sādheṭṭi koci sahaṃjāto hetu nāma natthīti tesampi abyākata bhāvo na sampajjeyya. Na ca na sampajjati. Tasmā so theravādo na yuttoti. Ettha siyā. Soca moho attano dhammatāya akusalo hoti. Tāni ca ahetuka cittuppādarūpa nibbānāni attano dhammatāya abyākatāni hontīti. Evaṃ sante, yathā te dhammā. Tathā aññepi dhammā attano dhammatāya eva kusalā kusalā byākatā bhavissanti. Na cettha kāraṇaṃ atthi, yena kāraṇena te eva dhammā attano dhammatāya akusalā byākatā hontī. Aññe pana dhammā attano dhammatāya kusalā kusalā byākatā na hontī, hetūhi eva hontīti. Tasmā tesam sabbesampi kusalādi bhāvattāya hetūhi payojanaṃ natthi. Tasmā so theravādo na yutto yevāti. Na kevalaṃ tasmim theravāde ettako doso atthi. Atha kho aññopi doso atthīti dassetuṃ “yāni cā”tiādimāha. Tatthāyaṃ adhippāyo. Sace dhammānaṃ kusalādi bhāvo sahaṃjāta hetuppaṭibaddho siyā. Evaṃ sati, hetu paccaye kusala hetuto laddha paccayāni rūpāni kusalāni bhavessuṃ. Akusala hetuto laddha paccayāni rūpāni akusalāni bhavessuṃ. Na ca bhavanti. Tasmā so vādo ayutto yevāti. Idāni puna taṃ theravādaṃ paggahetuṃ “yathāpanā”tiādimāha. “Dhammesū”ti catussacca dhammesu. Muyhanakiriya nāma andhakāra kiriyā. Dhammacchando nāma dānaṃ dātukāmo, sīlaṃ pūretukāmo, bhāvanaṃ bhāvetukāmo iccādinā pavatto chando. “Akkhantī”ti akkhamanaṃ, arocanaṃ, amanāpo. Pāpa dhamma pāpā rammaṇa virodho nāma kāmarāgaṭṭhānīyehi sattavidha methuna dhammādīhi pāpa dhammehi ceva pañcakāmaguṇā rammaṇe hi ca cittassa virodho, jeguccho paṭikūlo. Muyhanakiriya pana ekanta akusala jātikā eva hoti. Ettāvata mohamūla citta dvaye moho attano dhammatāya akusalo hotīti imamattaṃ patiṭṭhāpeti. “Evaṃ sante”tiādikam tattha dosāropanaṃ vidhamati. Idāni ahetuka cittuppāda rūpa nibbānāni attano dhammatāya abyākatāni hontīti imamattaṃ patiṭṭhāpetuṃ “yoca dhammo”tiādimāha. “Ettakamevā”ti aññaṃ dukkara kāraṇaṃ natthīti adhippāyo. “Ahetuka cittānaṃ”ti ahetuka cittuppādānaṃ. Attano dhammatāya eva siddho. Ettāvata-ahetuka. La. Nibbānāni attano dhammatāya abyākatāni hontīti imamattaṃ patiṭṭhāpeti. “Evaṃ sante”tiādi tattha dosāropanaṃ apaneti. Idāni sabbopi moho attano dhammatāya akusala bhāveṭṭatvā aññesaṃ icchā nāma atthi, akkhanti nāma atthīti evaṃ vuttānaṃ icchā akkhanti dhammānampi akusala bhāvaṃ sādheṭṭi dassetuṃ “tattha moho”tiādimāha. “Muyhana nissandāni evā”ti muyhanakiriya nissandapphalāni eva. Na kevalaṃ so lobhādīnaṃ akusalabhāvaṃ sādheti, atha kho alobhādīnampi kusalabhāvaṃ so eva sādheṭṭi dassetuṃ “alobhādīnañcā”tiādi vuttaṃ. “Avijjānusayena saheva siddho”ti tāni sattasantāne avijjānusaye appahīne kusalāni hontī. Pahīne kiriyāni hontīti adhippāyo. Idāni lobha dosānaṃ alobhādīnañca hetu kiccaṃ dassetuṃ “tāni pana lobhādīni”tiādi vuttaṃ. Rajjana dussanānaṃ nissandāni rajjanādinissandāni. “Diṭṭhi mānādīni”ti diṭṭhi māna issā macchariyādīni. Arajjana adussana amuyhanānaṃ nissandāni arajjanādi nissandāni. “Saddhādīni”ti saddhā sati hiri ottappādīni. “Hetumukhenapī”ti ahetuka cittuppāda rūpa nibbānānaṃ abyākatabhāvo attano dhammatāya siddhoti vutto. Sahetuka vipāka kriyānaṃ abyākata bhāvo pana attano dhammatāya siddhotipi sahaṃjāta hetūnaṃ hetu kiccena siddhotipi vuttuṃ vaṭṭatīti adhippāyo.

Vibhāva nipāthe. “Maggitabbo”ti gavesitabbo. Atha tesam kusalādi bhāvo sesasampayutta hetuppaṭi baddho siyāti yojanā. “Appaṭi baddho”ti hetunā appaṭi baddho. “Kusalādibhāvo”ti kusalādibhāvo siyā. “So”ti kusalādibhāvo. “Ahetukānam”ti ahetuka cittuppāda rūpa nibbānānam. Idāni “yāni ca laddhahetu paccayāni”tiādi vacanam paṭikkhipanto “yathācā”tiādimāha. “Rūpārūpa dhammesū”ti niddhāraṇe bhūma vacanam. “Arūpa dhammesu evā”ti niddhāraṇīyam. Na rūpa dhammesu pharanti. Evaṃ sati, kasmā te rūpa dhammā jhānapaccayuppannesu vuttāti āha “te panā”tiādim. Sesamettha suviññeyyam. “Taṃ pana tesam”ti tesam hamsādīnam taṃ vaṇṇavisesam. “Yoniyo”ti mātāpitu jātiyo. “Abyākatānam panāti sabbam”ti abyākatānam pana abyākatabhāvo niranusaya santānappaṭi baddho, kammappaṭi baddho, avipākabhāvappaṭi baddho cāti daṭṭhabbanti idaṃ sabbam. “Vutta pakkhepatati yevā”ti tasmim pakkhe antogadhamevāti adhippāyo.

132. Kiccasaṅgahe. Tasmim parikkhīneti sambandho. “Kammassā”ti kammantarassa. Cutassa sattassa abhinibbattīti sambandho. “Bhavantarādippaṭi sandhāna vasenā”ti bhavantarassa ādikoṭiyā paṭisandhāna vasena. Bhavasantānassa pavattīti sambandho. Kathaṃ pavattīti āha “yāva taṃ kammaṃ”tiādim. “Avicchedappavatti paccayaṅgabhāvenā”ti avicchedappavattiyā padhāna paccaya saṅkhātena aṅgabhāvena. Etena bhavaṅgapade aṅgasaddassa atthaṃ vadati. Tenāha “tassahī”tiādim. “Tassā”ti bhavaṅgassa. Āvajjanam āvaṭṭananti eko vacanattho. Taṃ vā āvajjetīti eko. “Taṃ”ti citta santānam. Āvaṭṭati vā taṃ etthāti eko. Āvaṭṭati vā taṃ etenāti eko. “Taṃ”ti citta santānam. Āvajjeti vāti eko. “Voṭṭhabbanam”ti vi-ava-ṭhapanamti padacchedo. Vibhāvani vicāraṇāyam. “Ekāvajjana parikamma cittato”ti maggena vā abhiññāya vā ekaṃ samānam āvajjanam assāti viggaho. Tassam vīthiyam āvajjanam, parikammaṃ, upacāro, anulomaṃ, gotrabhūti, ettha parikamma javanacittam idha parikamma cittanti vuttam. “Tāni”ti maggā bhiññājavanāni. “Tatthā”ti tasmim vibhāvani pāthe. “Dīgham addhānam”ti sakalarattiyam vā sakala divasam vā niddokkamana vasena dīgham kālam. Sesamettha suviññeyyam. “Paṭisandhiyāṭhānam”ti paṭisandhikiccassa ṭhānam. Kālohi nāma viṣum cittassa ārammaṇa bhūto eko paññati dhammoti etena kālo nāma sabhāvato avijjamānattā kathaṃ kiccānam pavattīṭṭhānam nāma sakkā bhavitunti imaṃ āsaṅkam visodheti. “Itarathā”ti tathā aggahetvā aññathā kiccaṭṭhānānam abhede gahite satīti attho. “Sayam somanassa yuttampi”ti kadāci sayam somanassa yuttampi. “Taṃ”ti somanassa santīraṇam. “Laddhapaccaya bhāvenā”ti laddhaanantara paccayabhāvena. “Āsevana bhāva rahitam pi”ti āsevana guṇa rahitampi. Tañhi āsevana paccaye paccayopi na hoti, paccayuppanampi na hotīti. “Parikamma bhāvanā balena ca pavattattā”ti idaṃ phalasaṃpatti vīthiyam phalajavanesu pākātam. Sesametthasubodhameva.

133. Dvārasaṅgahe. “Ādāsapaṭṭamayo”ti ādāsapaṭṭena pakato. “Dve evā”ti dve eva dvārāni. “Dvāra sadisattā”ti nagara dvāra sadisattā. “Kammavisesa mahābhūta visesa siddhenā”ti ettha kammavisesena ca mahābhūta visesena ca siddhoti viggaho. Āvajjanādīni ca vīthi cittāni gaṇhanti. “Yamhī”ti yasmim cakkhumhi. Tadeva cakkhu cakkhudvāraṃ nāmāti sambandho. “Tesam dvinnam”ti rūpa nimittānaṃca āvajjanādi vīthiccittānaṃca. “Visaya visayī bhāvūpagamanassā”ti ettha rūpa nimittānam visayabhāvassa upagamanam nāma cakkhu maṇḍe āpātāgamanam vuccati. Āvajjanādīnam visayī bhāvassa upagamanam nāma tesam nimittānam ārammaṇa karaṇam vuccati. “Mukhappathabhūtattā”ti mukhamaggabhūtattā. Evaṃ dvāra saddassa karaṇa sādhanayuttim dassetvā idāni adhikaraṇa sādhana yuttim dasseti “athavā”tiādinā. “Rūpānam”ti rūpa nimittānam. “Cakkhumeva cakkhu dvāra”nti etena cakkhumeva dvāraṃ cakkhu dvāranti avadhāraṇa samāsam dasseti. “Kāraṇam vuttamevā”ti heṭṭhā cittasaṅgahe manodvārāvajjanapade vuttameva. Sabbam ekūna navutividaṃ cittaṃ manodvārameva nāma hoti. Tathāhi vuttam aṭṭhasāliniyam ayam nāmamano manodvāraṃ nāma na hotīti na vattabboti. “Upapatti dvāramevā”ti upapattibhava pariyaṇam kammajadvārameva. “Idha cā”ti imasmim saṅgahaganthe ca. Yaṅca sādhaṅka vacananti sambandho. “Tatthā”ti vibhāvaniyam. “Tattheva taṃ yuttam”ti tasmim pālippadese eva taṃ sādhaṅka vacanam yuttam. Itare dve paccayāti sambandho. “Manaṅcāti etthā”ti manaṅca paṭicca dhamme ca uppajjati manoviññānamti vākye manaṅcātipade. Tattha pana javana manoviññāṇassa uppattiyā catūsu paccayesu manaṅcāti ettha dvārabhūtam bhavaṅgamano ca āvajjana mano cāti dve paccayā labbhanti. Dhamme cāti pade dhammārammaṇa saṅkhāto eko paccayo labbhati. Ca saddena manoviññāṇa sampayuttakkhandhā gayhanti. Evaṃ cattāro paccayā hontī. “Ettha cā”ti imasmim aṭṭhakathā vacane. “Sannihita paccayānam eva tattha adhippetattā”ti paṭicca saddasāmatthiyena āsanne dharamānapaccayānam eva tasmim pālīvākye adhippetattā. “Dvārabhāvārahassā”ti visaya visayīnam vutta nayena pavatti mukhabhāvārahassa. Etena ārammaṇāni āpātāṃ āgacchantu vā,

māvā, vīthi cittāni pavattantuvā, māvā, appamāṇaṃ. Pabhassarappasannabhāvena dvārabhāvā rahatā eva pamāṇanti dīpeti. “Niṭṭhamettha gantabbaṃ”ti sannitṭhānaṃ ettha gantabbaṃ. Dvāravikāra mūlakāni tādisāni kiccāni yesaṃ tāni taṃ kiccavantāni. “Kammavasena sījḥanti”ti sattasantāne pavattantīti adhippāyo. Taṃ kiccavantāni cittāni. Vibhāvāni pāṭhe “manodvāra saṅkhāta bhavaṅgato”ti manodvāra saṅkhāta bhavaṅga bhāvato ca. “Ārammaṇantaraggahaṇavasena appavattito”ti paṭisandhi cittena yathā gahitaṃ kammakammanimittādikaṃ ārammaṇaṃ muñcitvā pavattikāle chasu dvāresu āpātāgatassa ārammaṇantarassa gahaṇa vasena appavattito ca. Heṭṭhāpi pañcadvārā vajjana cakkhu viññāṇa sampaṭicchana santīraṇa voṭṭhabbana kāmāvacarajavana tadā rammaṇa vasenātiadinā kiccāsīseveva. La. Vutto. Etthahi āvajjana sampaṭicchanaḍḍi kicca viśesānaṃ nāmāni honti. “Ce”ti ce vadeyya. “Nā”ti na vattabbaṃ. “Tathā assutattā”ti ekūna vīsati dvāra vimuttāntīti ca, cha dvārikāni ceva dvāra vimuttāntīti ca, mahaggata vipākāni dvāra vimuttāne vāti ca, suttaṃ. Na pana dvārika vimuttāntīti suttaṃ.

134. Ārammaṇa saṅgahe. “Dubala purisenā”ti gelaññābhūhūtattā vā jarābhūhūtattā vā daṇḍena vā rajjukena vā vinā uṭṭhātumpi patiṭṭhātumpi aparāparaṃ gantumpi asakkontena dubbala purisena daṇḍakaṃ vā rajjukaṃ vā ālambiyati. Ālambivā uṭṭhāti. Patiṭṭhāti. Aparāparaṃ gacchati. Evameva. Amuñca mānehi hutvāti pāṭhaseso. “Āgantvā”ti ārammaṇa karaṇa vasena tato tato āgantvā. “Viśuṃ siddhāni”ti ālambiyatīti etasmiṃ atthe sati, ālambaṇanti sījḥati. Ārammaṇanti na sījḥati. Tāni ettha āgantvā ramantīti etasmiṃ atthe sati, ārammaṇanti sījḥati. Ālambaṇanti na sījḥati. Evañca sati ekaṃ padaṃ dvīhivākyehi dassanaṃ na sundaranti. “Aññāni ārammaṇāni”ti rūpārammaṇato aññāni saddārammaṇāḍḍi. “Āgacchati”ti āvibhāvaṃ gacchati, uppādappavatti vasena paccakkhabhāvaṃ pāpuṇāti. “Āgacchitthā”ti āvibhāvaṃ gacchittha, uppādappavatti vasena paccakkhabhāvaṃ pāpuṇittha. “Anāgataṃ”ti ettha na kāro avatthā vasena paṭisedho. Yo dhammo paccaya sāmaggiyaṃ sati āgamana jātiko uppajjana sīlo. So eva idāni āgacchati, idāni āgacchittha, idāni āgamana jātiyaṃ ṭhito, nāgacchati nāgacchitthāti iminā atthena so anāgato nāma. Nibbāna paññattiyo pana āgamana jātikā na honti. Tasmā āgamanappasaṅgābhāvato anāgatāti na vuccantīti. Tenāha “uppāda jātikā”tiādiṃ. “Taṃ vicāretabbaṃ”ti vatvā vicāraṇākāraṃ dasseti “sabbepiḥ”tiādinā. Te yadā vattabba pakkhe tiṭṭhantīti sambandho. Uppāda jātikānaññeva saṅkhata dhammānaṃ. Tāsaṃ nibbāna paññattīnaṃ. “Na tathā imesaṃ”ti imesaṃ dvāra vimuttānaṃ ārammaṇaṃ pana tathā na hotīti yojanā. “Tatthā”ti tasmīṃ bhava viśese. Vibhāvāni pāṭhe “āvajjanassaviyā”ti āvajjanassa ārammaṇaṃ viya. Aggahitameva hutvā. “Ekavajjana vīthiyaṃ aggahita bhāvo idha na pamāṇa”nti cha dvāraggahitanti idha appamāṇaṃ. Bhavantare gahitassa adhippetattā. “Kālavimutta sāmāññaṃ”vāti yaṃ kiñcikāla vimuttaṃ vā na hotīti adhippāyo. Āgamasiddhi vohāro nāma “kammanti vā, kammanimittanti vā, gati nimittanti vā, pasiddho vohāro vuccati. Ajāta satturājā saṅkiccajātakepi pitaraṃ māreti. Tasmā “dvīsubhavesū”ti vuttaṃ. “Cha hi dvārehi”ti karaṇa bhūtehi chahi cakkhādi dvārehi. “Maraṇāsanna javanehi”ti kattu bhūtehi maraṇāsanne pavattehi cha dvārika javanehi. “Anekaṃ sabhāvaṃ”ti anekanta bhāvaṃ. Yañhi ārammaṇanti sambandho. “Kenaci dvārena aggahitameva hoti”ti ettha asaññi bhavato cutānaṃ sattānaṃ kāmapaṭisandhiyā kammādi ārammaṇaṃ bhavantare kenaci dvārena aggahitanti yuttaṃ. Kasmā, tasmīṃ bhave kassacidvārasseva abhāvato. Arūpabhavato cutānaṃ pana kāmapaṭisandhiyā gati nimitta sammatāṃ ārammaṇaṃ kathaṃ bhavantare kenaci dvārena aggahitaṃ bhavēyya, manodvāraggahitameva bhavēyyāti imaṃ codanaṃ visodhetuṃ “ettha ca yasmā paṭṭhāne”tiādi vuttaṃ. Tato cutānaṃ sattānaṃ yā kāmapaṭisandhi, tassākāmapaṭi sandhiyā. Paccuppannaṃ gatinimittaṃ ārammaṇaṃ etissāti viggaho. Kāmapaṭisandhi. Paresaṃ payoga balenāpi kammādīnaṃ upaṭṭhānaṃ nāma hotītiādinā yojetabbaṃ. “Suṭṭhu āsevītānaṃ”ti cirakālaṃ saṅgha vatta cetiyavatta karaṇādivasena taṃ taṃ bhāvanā kammavasena ca suṭṭhu āsevītānaṃ kammakammanimittānaṃ. “Hoti yevā”ti kammādīnaṃ upaṭṭhānaṃ nāma hotiyeva. “Āgantvā”ti imaṃ manussa lokaṃ āgantvā gaṇhantiyeva. Tadāpi nirayapālehi dassitaṃ taṃ taṃ gati nimittaṃ ārammaṇaṃ katvā cavanti. “Taṃ”ti revatiṃ nāma itthiṃ. Nanu nirayapālā nāma tāvatimsā bhavanaṃ gantuṃ na sakkuṇeyyunti. No nasakuṇeyyūṃ. Kasmā, mahiddhika yakkha jātikattāti dassetuṃ “tehi”tiādi vuttaṃ. “Vessavaṇa dūtā”ti vessavaṇamahārājassa dūtā. “Upacārajjhāneṭhatvā”ti appanājhānaṃ apattatāya upacārabhāvanābhūte kāmāvacarajjhāneṭhatvā. “Tāneva nimittāni”ti pathavīkaṣiṇa nimittāḍḍi paṭibhāga nimittāni. “Kāmapaṭisandhiyā ārammaṇaṃ”ti tehi nimittārammaṇehi aññaṃ upacāra bhāvanā kammaṃ vā yaṃ kiñci anurūpaṃ gati nimittaṃ vā. “Tāneva nimittāni gahetvā”ti vacanena tāni nimittāni maraṇāsanna javanehi gahitāntīti dasseti. Tāni ca paññatti dhammattā

kāmapaṭisandhiyā ārammaṇaṃ na hontīti. “Paccuppannagati nimitte siddhe siddhamevā”ti tasmim bhave gatassa tattha yāvajīvampi anu bhavitabbaṃ ārammaṇaṃ nāma tasmim khaṇe dharamānaṃ paccuppannampi atthi. Tato vaḍḍhamānaṃ anāgatampi atthi. Tattha paccuppanne upaṭṭhahante paṭisandhiyā ārammaṇaṃ sampajjati. Anāgataṃ pana anupaṭṭhahantampi paccuppanne antogadhasadisaṃ hotīti adhippāyo. Vibhāvani pāṭhena ca paccuppanna gatinimittaṃ viya āpātamaḡataṃ, kasmā, paccuppanna gati nimitteneva kicca siddhito-ti adhippāyo. Sesamettha subodhaṃ. “Tānihī”tiādīsu. Keci vadanti. Anejosanti mārabba. Yaṃ kālamakarīmuniṭi vuttattā sabbaññu buddhādīnaṃ parinibbāna cuti cittaṃ santi lakkhaṇaṃ nibbānaṃ ārammaṇaṃ karotīti. Taṃ sabbathāpi kāmāvacarā lambaṇā nevāti iminā apantabbanti dassetuṃ “tā nihi sabbaññu buddhānaṃ uppannāni pī”tiādī vuttaṃ. “Lokuttara dhammā”tiādīsu. “Tāni”ti dvādasā kusala cittaṇi aṭṭhañña vippayutta kusala kriya javanāni ca. Ajjhāna lābhino puthujjanā mahaggatajjhānāni pi ālambituṃ na sakkontīti vuttaṃ “paññattiyā saha kāmāvacarā rammaṇāni”ti. “Tāne vā”ti ñña sampayutta kāma kusalāni eva. Jhānalābhīnaṃ tāneva ñña sampayuttakāma kusalāni. Heṭṭhima phalattānaṃ tāneva attanā adhigata maggaphala nibbānā rammaṇāni. “Jhānāni patthenti”ti āyatim jhānalābhino bhaveyyamāti patthanaṃ karonti. “Tesaṃ pī”ti tesaṃ puthujjanānampi. “Te”ti te lokuttara dhammā. “Anubhontī”ti sampāpuṇanti. “Navanipāte”ti aṅguttara nikāye navanipāte. Sesam sabbaṃ suviññeyyameva.

135. Vatthusaṅgahe. “Vatthū”ti nissaya viseso vuccati. Tāni nissaya vatthūni yesam tāni tabbatthukāni. “Tesaṅca saddo na yujjati”ti tesaṃ vāde ca saddo na yujjati. Na hi alutta ca kāraṃ dvanda padaṃ nāma atthīti. “Pubbapadesu ānetabbo”ti cakkhu vatthu ca sotavatthu cātiādīnā ānetabbo. Samāsa padaṃ na yujjati. Na hi samāsa padato eka desaṃ aññattha ānetuṃ yujjati. Avibhattika niddeso nāma cakkhuṃ, sotaṃ, ghānaṃ, jivhā, kāyo, hadayaṃ, vatthu cāti vattabbe pubbapadesu avibhattika niddeso. Evaṅcasati vatthu saddo ca saddo ca pubbapadesu ānetuṃ labbhantīti. Kāmataṅhāya adhīnena āyattena kāmāvacara kamma nibbattā kāmataṅhādīna kamma nibbattā. “Rūpādīnaṃ paribhogo”ti rūpādīnaṃ pañcakāmaguṇānaṃ paribhogo. “Parittakammaṃ pī”ti sabbaṃ kāmāvacara kammampi. “Pūrayamaṇaṃ”ti paripūrentaṃ. Cakkhu dassanānuttariyaṃ nāma. Sotaṃ savanānuttariyaṃ nāma. Sabbesaṃ dassana kiccānaṃ majjhe buddha dassanā divasena anuttaraṃ dassanaṃ janetīti dassanānuttariyaṃ. Evaṃ savanānuttariyepi catusacca dhammassavanā divasenāti vattabbaṃ. “Ajjhata bahiddha santā nesu pī”ti ajjhata santānēpi bahiddha santānēpi. “Suddhe”ti kenaci ālokena ca andhakārena ca virahite. Āloko hi eko rūpa viseso. Tathā andhakāro ca. Te ca tattha natthi. “Imasmiṃ saṅgahe”ti vatthu saṅgahe. Visiṭṭhaṃ jānanaṃ vijānanaṃ. Taṅca vijānanaṃ tīsu manodhātūsu natthīti vuttaṃ “vijānana kiccābhāvato”ti. Avajjana kiccaṃ kimetanti, manasikāra mattaṃ hoti. Sampatiṅchana kiccaṅca pañcaviññāṇehi yathā gahitāneva pañcārammaṇāni sampatiṅchana mattaṃ hoti. Tenāha “visesajānana kiccāni na hontī”ti. Dassanaṃ, savanaṃ, ghāyanaṃ, sāyanaṃ, phusana, nti imāni kiccāni thokaṃ visesa jānana kiccāni hontīti vuttaṃ “paccakkhato dassanā divasenā”tiādīṃ. Thokaṃ visesa jānana kiccāni hontī. Tasmā tāni pañcaviññāṇāni vuttāni. Avasesā pana santīraṇādayo manoviññāṇadhātuyo nāmāti sambandho. Nanu mananaṭṭhena mano ca taṃ vijānanaṭṭhena viññāṇaṅcāti vuttepi pañcaviññāṇehi viseso natthīti āha “atissaya visesa jānana dhātuyoti attho”ti. Evaṃ santēpi so attho saddayuttiyā siddho na hoti. Yadicchā vasena vutto hotīti āha “pariyāya padānaṃ”tiādī. Etena so attho saddayuttiyā eva siddho. Na yadicchāvasena vuttoti dasseti. “Visesana samāse”ti mano ca taṃ viññāṇaṅcāti manoviññāṇanti evarūpe kammadhāraya samāse. “Padaṭṭhānaṃ”ti ettha padanti ca ṭhānanti ca kāraṇattha vacanāni, tasmā pariyāya saddā nāma. Padaṅca taṃ ṭhānaṅcāti vutte atissaya kāraṇanti attho viññāyati. Tathā dukkha dukkhaṃ, rūpa rūpaṃ, rāja rājā, devadevotiādīni. “Katthaci dissati yujjati cā”ti na hi katthaci dissati ca. Sacepi katthaci disseyya, na hi yujjati cāti attho. “Manaso viññāṇaṃ”ti ettha paṭisandhi cittato paṭṭhāya yāvacuti cittaṃ antare sabbaṃ citta santānaṃ satta viññāṇa dhātūnaṃ vasena vibhāgaṃ katvā attho vattabbo. Pañcadvārā vajjanaṅca sampatiṅchana dvayaṅca manodhātu mattattā mano nāma. Pañcaviññāṇāni viññāṇa mattāni nāma. Avasesāni sabbāni viññāṇāni manassa viññāṇanti atthena manoviññāṇāni nāma. Tattha “manassa viññāṇaṃ”ti anantara paccaya bhūtassa vā manassa paccayuppanna bhūtaṃ viññāṇaṃ. Ettha sampatiṅchana dvayaṃ paccayamana nāma. Santīraṇato paṭṭhāya yāva dvārantare pañcadvārā vajjanaṃ nāgacchati, tāva antare sabbaṃ manoviññāṇa santānaṃ paccayuppanna viññāṇaṃ nāma. Puna “manassa viññāṇa”nti paccayuppanna bhūtassa manassa paccaya bhūtaṃ viññāṇaṃ. Ettha pañcadvārā vajjanaṃ paccayuppanna mano nāma. Tato pure sabbaṃ manoviññāṇa santānaṃ paccaya mano nāma. Sesam

suviññeyyaṃ. Avasesāpanātiādīsu. “Manoviññāṇadhātu bhāvaṃ sambhāvetī”ti avasesā pana dhammā manoviññāṇadhātu ca nāma honti, hadaya vatthuñca nissāyayeva vattantīti evaṃ tesam dhammānaṃ manoviññāṇadhātu bhāvañca sambhāveti, vaṇṇeti. Suṭṭhu pakasetīti attho. Ettha panātiādīsu. “Pāliyaṃ”ti indriya saṃyutta pāliyaṃ. Dutiyajjhāne eva aparisesa nirodha vacanaṃ viruddhaṃ siyā. Kathaṃ, sace paṭigho anīvaraṇā vattho nāma natthi. Pathamajjhānato pubbe eva so niruddho siyā. Atha dutiyajjhānupacārepi so uppajjeyya, pathamajjhānampi parihīnaṃ siyā. Tasmim parihīne sati, dutiyajjhānampi nuppajjeyya. Evaṃ viruddhaṃ siyā. “Purima kāraṇamevā”ti anīvaraṇā vatthassa paṭighassa abhāvatoti kāraṇaṃ eva. Paratoghoso nāma sāvakaṇaṃ sammādiṭṭhippaṭilābhāya padhāna paccayo hoti. So ca arūpabhave natthi. Dhammābhisamayo nāma catusacca dhammappaṭivedho, buddhā ca pacceka sambuddhā ca sayambhuno parato ghosena vinā dhammaṃ paṭivijjhanti. Te ca tatha nuppajjanti. “Rūpavirāga bhāvanāyā”ti rūpavirāga bhāvanā balena. Tesam rūpavacara cittānaṃ. “Samatikkantattā”ti tesu nikantippahānavasena suṭṭhu atikkantattā. Sesam sabbaṃ suviññeyyaṃ.

Pakiṇṇakasāṅgahadīpaniyāanudīpanāniṭṭhitā.

4. Vīthisāṅgahaanudīpanā

136. Vīthisāṅgahe. “Tesaññe vā”ti citta cetāsikānaṃ eva. “Vuttappakārenā”ti ‘tatha cittaṃ tāva catubbidhaṃ hoti kāmāvacaraṃ rūpāvacaraṃ, tiādīnā iccevaṃ vuttappakārena. “Pubbā paraniyāmitaṃ”ti vā dvattiṃsa sukha puññamhātiādīnā nayena pubbā paraniyāmitaṃ. “Ārabbhagāthāyā”ti.

Vīthi cittavasenevaṃ, pavattiya mudīrito;
Pavatti saṅgaho nāma, sandhiyaṃ dāni vuccatīti.

Evaṃ pavattikāle pavatti saṅgaho, paṭisandhikāle pavatti saṅgahoti siddho hoti. Keci vāde “paṭisandhi pavattiyam”ti niddhāraṇe gahite dvīsu paṭisandhi saṅgaha pavatti saṅgahesu idāni pavatti saṅgahaṃ pavakkhāmi, pacchā paṭisandhi saṅgahaṃ pavakkhāmīti attho hoti. Tatha “paṭisandhi saṅgaho”ti paṭisandhikāle saṅgaho. “Pavatti saṅgaho”ti pavattikāle saṅgaho. So ca uparigāthāya na sametīti dassetuṃ “evaṃ satī”tiādīmāha. “Tāni tīṇi chakkāni nikkhittāni”ti chakkamattāni nikkhittāni, na sakalaṃ. Vatthu dvārā lambaṇa saṅgahoti adhippāyo. “Sā panā”ti sāvisayappavatti pana. “Kāci sīghatamā”ti kāci atirekataraṃ sīghā. “Dandhā”ti saṅikā, cirāyikā. “Anupapannā”ti asampannā. Asampanna doso āgacchatīti vuttaṃ hoti. “Dhātubhedam”ti satta viññāṇa dhātūnaṃ vibhāgaṃ. “Dhātunānattaṃ”ti dhāraṇa kiccaṇānattaṃ. Iti tasmā manodhātu viṣuṃ vuttatī sambandho. “Mananaṃ”ti vijānanabhāvaṃ apattaṃ. Āvajjanamatta sampaṭicchanaṃ samāhātaṃ jānaṃ nattham. “Yaṃ kiñci mananaṃ”ti antamaso āvajjanamatta sampaṭicchanaṃ pīti adhippāyo. “Suddho pana manoviññāṇappabandho”ti manodvāra vikāraṃ paṭicca pavatto manoviññāṇappabandho. Na bhavaṅga manoviññāṇappabandho. So hi vīthimuttattā idha appasaṅgoti. Manodvāre pana dvidhāti sambandho. Buddhassa bhagavato pathamābhinihāraṅkālo nāma sumedhatāpasakāle buddha bhāvāya kāya cittānaṃ abhinīhāraṅkālo. Ādisaddena pacchima bhava paṭisandhiggahaṇādīṃ saṅgaṇhātī. “Jāti phalikakkhandhā viya sampajjantī”ti tena obhāsena ajjhotthaṭattā jātiphalikakkhandha sadisā hontīti adhippāyo. “Upapatti deva brahmānaṃ panā”ti upapattippaṭisandhikānaṃ opapātika deva brahmānaṃ pana. “Pasāda nissaya bhūtānaṃ”ti cakkhādīnaṃ pasāda vatthūnaṃ nissaya mahābhūtānaṃ.

“Yāni panā”tiādīsu. Dvatti cittakkhaṇāni atikkamma āpātaṃ āgacchantīti yojanā. Evaṃ paratthapi. Vibhūtassatī ca avibhūtassatī ca idaṃ ādimhi manodvāre pana vibhūtassatī ca avibhūtassatī ca padānaṃ uddharaṇaṃ. “Rūpā rūpānaṃ”ti rūpa dhammānañca arūpa dhammānañca. “Tāvā”ti vīthi cittappavatti dassanato pathamataṃ evāti attho. “Addhāna paricchedam”ti khaṇakāla paricchedam. Vibhāvanipāṭhe “atimahantā divasena visaya vavattānaṃ hotī”ti vacanena ādimhi ‘chavattūni, cha dvārāni, cha ārammaṇāni, cha viññāṇāni, cha vīthiyo, cha dhāvisayappavattī,ti evaṃ vuttetu chasu chakkesu chadhāvisayappavattīti padamattaṃ saṅgaṇhātī. Taṃ anupapannaṃ hoti. Tenāha “evañhi satī”tiādīṃ. “Visaya vavattānattha mevā”ti atimahantādi

visaya vavatthānatthameva vuttanti na ca sakkā vattum. Rūpā rūpa dhammānaṃ addhāna paricchedo nāma abhidhamme sabbattha icchitabbo. Tasmā tassa dassanattampi taṃ vuttanti daṭṭhabbaṃ. “Sabhāvappaṭilābho”ti cintana phusanādīnaṃ pātubhāvo vuccati. “Anivatti”ti anantaradhānaṃ vuccati. “Parihāyitvā”ti jarā kiccaṃ āha. “Accharāsaṅghāṭakkhaṇassā”ti aṅgulīnaṃ saṅghaṭṭanakkhaṇassa. Ācariyānandatthero nāma abhidhamma ṭīkākāro vuccati. “Assā vijjuyāṭhiti nāma visum na paññāyati”ti vijjuppādaṃ passantānaṃ na paññāyati. Tathā cittampi vaḍḍhanānantarameva bhijjati yojanā. Tenāha “taṃ pī”tiādim. Udayabhāgo nāma vaḍḍhanabhāgo, vayabhāgo nāma antaradhānabhāgo. “Evañca katvā”ti laddhaguṇa vacanaṃ. “Ekaṃcittam divasaṃ tiṭṭhati”ti pucchā vacanaṃ. “Āmantā”ti paṭiññā vacanaṃ. “Vayakkhaṇo”ti pucchā. “Na hevaṃ vattabbe”ti paṭikkhepo. Paccatta vacanassa ekārattaṃ. Evaṃ navattabbanti attho. “Mahātherenā”ti moggali puttatisa mahātherena. Nanu suttantesu vuttanti sambandho. “Nā”ti na upalabbhati. “Imassa vuttatā”ti imassa vacanassa vuttatā. Saṅkhata lakkhaṇaṃ visayo yesaṃ tāni saṅkhata visaya lakkhaṇāni. Saṅkhata dhammameva āhacca tiṭṭhati. Ayaṃ abhidhamme dhammatāti adhippāyo. “Saṅgaha kārenā”ti ācariya buddhaghosattaraṃ vadati. “Atthikkhaṇaṃ”ti khaṇadvayameva vuccati. Iti vatvā tamatthaṃ sādhetīti sambandho. Gāthāyaṃ. “Tassevā”ti tassā ṭhitiyā eva bhedo. Sabbadā sabbapāṇinaṃ maraṇaṃ nāma vuccatīti yojanā. “Tamatthaṃ”ti tāni atthikkhaṇaṃ upādāya labbhantīti atthaṃ. “Athavā”ti eko theravādo. “Santati vasena ṭhānaṃ”ti ṭhityā aññathattaṃ paññāyati ettha ṭhitabhāvasaṅkhātaṃ ṭhānaṃ santati ṭhitivasena veditabbanti vadanti. “Imasmiṃ pana sutte”ti vedanāya uppādo paññāyati, vayo paññāyati, ṭhityā aññathattaṃ paññāyati idam suttam vadati. “Appaṭibāhetvā”ti anivāretvā. Yāvaḍḍhanassa nivatti nāma atthi. Udaya pariyaṇṭa mattabhūtā sā eva nivatti. “Dvīhi khandhehi”ti rūpa jarā rūpakkhandaṃ saṅgahitā. Arūpa jarā saṅkhārakkhandhenāti evaṃ dvīhi khandhehi. Yañca tattha vuttanti sambandho. Rūpassa uppādo dvidhābhinditvā desito. Kathaṃ, upacayo santati tiyojanā. “Vibhāgā rahassā”ti uppādo uppajja naṭṭhena eko samāno rūpānaṃ vaḍḍhana samaye uppādo. Upari vaḍḍhanatṭhena upacayoti vutto. Avaḍḍhitvā ṭhita samaye uppādo yathā ṭhita nīhārena cirakālam pavatti atthena santati vutto. Evaṃ vibhāgā rahassa. “Yathānuloma sāsanaṃ”ti vinetabba puggalānaṃ ajjhāsāyānuloma sāsanaṃ.

“Arūpa”ntiādīsu. “Arūpaṃ”ti sabbaso rūpasāṅghāna rahitattā citta cetasiṅgaṃ nāmaṃ vuccati. “Arūpi sabhāvattā”ti arūpa dhamma sabhāvattā iccevattho. Tattha arūpa dhamma sabhāvo nāma rūpa dhammato sataguṇenavāsahassaguṇenavāsāṅghasukhumasabhāvo. Vibhāva nipāṭhe. “Gāhaka gahetabba bhāvassa taṃ taṃ khaṇavasena nipphajjanato”ti ettha pañcadvāra vīthīsu vīthi cittānañca ārammaṇānañca visayī visayabhāvo gāhaka gahetabba bhāvo nāma. “Taṃ taṃ khaṇavasena nipphajjanato”ti vīthi cittāni ca ekasmiṃ ārammaṇepi āvajjanādīhi nānā kiccehi gaṇhantā eva gahaṇa kiccaṃ sampādentī. Nānā kiccāni ca nānā cittānaṃ vasena sampajjanti. Ārammaṇāni ca purejātāni hutvā yāva tāni kiccāni sampajjanti, tāva paccuppannabhāvena dharmānāni eva gahaṇaṃ sampādentī. Evaṃ sati, gāhakaṇaṃ vīthi cittānañca khaṇattayāyukattā eva gāhaka kiccaṃ nipphajjati, sijjati. Gahetabbānaṃ ārammaṇānañca sattarasa cittaṅgaṇayukattā eva gahetabba kiccaṃ nipphajjati, sijjati. Evaṃ taṃ taṃ khaṇa vasena nipphajjanato. Viññatti dvayaṃ eka cittaṅgaṇikaṃ. Kasmā, cittānu parivatti dhammatā. “Uppādamattā”ti nipphanna rūpānaṃ uppādamattā. “Bhaṅgamattā”ti tesameva bhaṅgamattā. “Rūpa dhammānaṃ”ti nipphanna rūpa dhammānaṃ. “Uppādanirodha vidhānassā”ti uppāda nirodha vidhānabhūtassa mahāatṭhakathāvādassa paṭisiddhattāti sambandho. “Taṃ”ti taṃ mahāatṭhakathā vacanaṃ. “Tasmiṃ vāde”ti tasmiṃ mahāatṭhakathāvāde. “Tattha āgatā”ti tasmiṃ vāde āgatā. Yaṃ pana vibhāvanīyaṃ kāraṇaṃ vuttanti sambandho. “Taṃ ṭīkānaṃ”ti taṃ soḷasa cittaṅgaṇayūka dīpakaṃ mūlaṭīkānaṃ. Tadattamaṃ sādhetena vibhāvani ṭīkācariyena vuttanti sambandho. Saṅgahakārassa atṭhakathā cariyassa. “Upacariyati”ti upacāra vasena vohariyati. Vibhāvanipāṭhe. “Etāni”ti ārammaṇāni. “Taṃ”ti taṃ eka cittaṅgaṇaṃ. “Te cā”ti rūpa dhammā ca. “Paripuṇṇa paccayūpaladdhā”ti paripuṇṇaṃ paccayaṃ upaladdhā. “So”ti ṭīkākāro. “Itarāni”ti gandharasa phoṭṭhabbāni. “Gocarabhāvaṃ”ti pañcadvārika cittānaṃ gocarabhāvaṃ. “Purimāni dve”ti rūpasaddā rammaṇāni. “Nimitta vasena ghaṭṭenti”ti ādāsaṃ passantassa mukhasadisamaṃ mukhanimittaṃ mukhappaṭibimbaṃ ādāse upaṭṭhāti. Evaṃ rūpārammaṇaṃ cakkhupasāde saddārammaṇānaṃ sotapasāde taṃ sadisa nimitta vasena ghaṭṭenti. Navatthu vasena ghaṭṭenti. Sayam gantvā na ghaṭṭenti adhippāyo. Asampattānaññeva ārammaṇaṃ. “Nimittu paṭṭhāna vasenā”ti nimittassa upaṭṭhānavasena. “Nimitta appanāvasenā”ti nimittassa pavesana vasena. Manodvāre pana

asampattāniyeva hutvāti pāṭhaseso. “Āpātā gamanañcettā”tiādīsu. “Lañchakānaṃ”ti lañchanakārānaṃ. “Lañchanakkhandhaṃ”ti ayomayaṃ lañchanakkhandhaṃ. So ca lañchanakkhandho tālapaṇṇe āpātetvā akkharaṃ upaṭṭhāpeti. Tattha “āpātetvā”ti ajjhottharivā. “Cakkhādippathe”ti cakkhādīnaṃ visayakkhette. Na kevalaṃ attano dvāresu eva āpāta māgacchanti. Atha kho manodvārepi āpāta māgacchanti. Na kevalaṃ bhavaṅga manodvāre eva āpāta māgacchanti ti yojanā. “Tesu panā”ti tesu ārammaṇesu pana. Tāni ārammaṇāni yesaṃ tāni tadā rammaṇāni. Na ekakkaṇṇe pañcasu ārammaṇesu vīthi cittāni pavattanti, ekekasmim ārammaṇe evāti vuttattā na dvīsu, na tīsu, na catūsūtipi vattabbaṃ. Bahucittakkhaṇātītāni pañcārammaṇāni bahucittakkhaṇātīte pañcadvāre ti yojanā. Pañcadvāre ti ca pañcadvāresūti attho. “Evaṃ sati”ti tesam pasādānaṃ āvajjanena saddhim upattiyā sati. “Ādilakkhaṇaṃ”ti pañcārammaṇānaṃ pañcadvāresu āpātā gamana saṅkhātāṃ visayappavattiyā ādilakkhaṇaṃ. Calanañca datṭhabbanti sambandho. “Yathā gahitaṃ”ti paṭisandhito paṭṭhāya gahitappakāraṃ. Vibhāvanipāṭhe “yogya desāvāṭṭhāna vasenā”ti āpātaṃ āgantum yuttaṭṭhāne aveccaṭṭhāna vasena. Yujjanañca, manthanañca, khobhakarāñca, ghaṭṭananti ca āpātā gamananti ca vuccatīti yojanā. Heṭṭhā vuttoyeva āpātā gamanañcettātiādīnā. “Nānā ṭhānīyesū”ti nānā ṭhānesu ṭhitesu. “Eko dhammaniyāmo nāma”ti yathā bodhisatte mātukucchimhi paṭisandhim gaṇhante dhammaniyāma vasena sakale jātikkhette pathavikampanaṃ ahoṣi. Tathā idhapi pañcadvāresu ekekasmim dvāre ārammaṇe ghaṭṭente dhammaniyāma vasena bhavaṅga calanaṃ hoti. Ayaṃ dhammaniyāmo nāma. “Sahevā”ti ekatoyeva. Kathaṃ hadaya vatthu nissitassa bhavaṅgassa calanaṃ siyāti yojanā. Ettha ca pañcaviññāṇassa calanaṃ siyāti idaṃ na vattabbaṃ. Kasmā, tadā pañcaviññāṇassa avijjamānattā. Yadā ca taṃ vijjati, tadā taṃ na calatīti na vattabbaṃ. Sabbampi hi vīthicittaṃ nāma calati yevāti. Santati nāma pubbā parappabandho. Saṅṭhānaṃ nāma sahappavattānaṃ ekato ṭhiti. Idha saṅṭhānaṃ adhippetāṃ. Pañcanissaya mahābhūtehi saddhim hadaya vatthu nissayabhūtānaṃ eka saṅṭhāna bhāvena ekābaddhattāti vuttaṃ hoti. Tenāha “saṅṭhāna vasenāti pana vattabbaṃ”ti. “Tādisassa anukkama calanassā”ti vibhāvanīyaṃ bherisakkharopamāya saddhim rūpādīnā pasāde ghaṭṭite tannissa yesu mahābhūtesu calitesu anukkamena taṃ sambandhānaṃ sesarūpānampi calanena hadaya vatthumhi calite tannissitassa bhavaṅgassa calanā kārena pavattitotīti evaṃ vuttassa anukkama calanassa. “Bhavaṅgappavāhaṃ”ti bhavaṅga santatiṃ. “Kurumānaṃ”ti karontaṃ. Sallakkhentaṃ”ti idamevāti sannīṭṭhāpentāṃ. “Yoni somanasikārādivasenā”ti yoni somanasikāro kusala javanupattiyā paccayo. Ayoni somanasikāro akusala javanupattiyā paccayo. Niranusaya santānatā kriyajavanupattiyā paccayo. Tesu ca somanassa javanādīnaṃ uppatti paccayopi heṭṭhā citta saṅgahe vuttanayena vedītabbo.

“Bhavaṅgapāto”tiādīsu. “Āvajjanato paṭṭhāya utṭhitaṃ”ti kamma vipākasantānato ca tadārammaṇato ca muñcitvā viṣuṃ kriyāmaya byāpārena ārammaṇantaraṃ gahetvā utṭhitaṃ samuṭṭhitaṃ. Bhavaṅga calanampi utṭhānassa ādi hoti. Tasmā tampi utṭhite citta santāne saṅgaṇhanto pathama bhavaṅga calanatoyeva vāti vuttaṃ. “Imasmim ṭhāne”ti vīthi cittānaṃ anukkamena attano kiccehi ārammaṇappavattīṭṭhāne. “Dovārikopamā”ti badhiradovārikopamā. “Gāmillopamā”ti gāmadārakopamā. “Ambopamā”ti ambapphalopamā. Aññāpi upamā atthi. Makkaṭasutttopamā, ucchuyantopamā, jaccandhopamā. Tāsabbāpi atṭhasālinīyaṃ vipākuddhāra kathāto gahetabbā. “Yatthahi”tiādīsu. “Kathaṃ cha chakka yojanā hoti”ti. Cakkhu vatthu vacanañca, cakkhudvāra vacanañca, rūpā rammaṇa vacanañca, cakkhu viññāṇa vacanañca, cakkhudvāra vīthi cakkhu viññāṇa vīthi vacanañca, atimahantā rammaṇa vacanañcā, ti etāni chavacanāni. Tehi chachakkehi āharitvā imissaṃ vīthiyaṃ dassitāni. Sesavīthīsūpi yathālābhaṃ dassitabbāni. Evaṃ chachakkayojanā hoti. “Ettha ca yattakāni”tiādīsu. “Ekūna paññāsa parimāṇesū”ti ekassanippanna rūpadhammassa ekapaññāsa mattesu khuddakakkaṇṇesu uppādakkhaṇaṃ bhaṅgakkhaṇaṃ ṭhapetvā majjhe ekūna paññāsa mattāni ṭhitikkhaṇāni santi. Tesu khaṇesu anukkamena uppannā ekūna paññāsa cakkhu pasādā ca santi. “Kismiñcī”ti tesu katarasmim nāma cakkhu pasāde na ghaṭṭentīti na vattabbāni. “Tesu panā”ti niddhāraṇe bhummavacanaṃ. “Yadeva ekaṃ cakkhū”ti niddhāraṇīyaṃ. Taṃ pana katamanti. Atīta bhavaṅgena saddhim uppajjitvā taṃ atikkamma bhavaṅga calanakkhaṇe laddhaghaṭṭanaṃ ekaṃ cakkhu. Taṃ pana cakkhu viññāṇassa vatthu bhāvañca dvārabhāvañca sādheti. Sesaviññāṇaṃ dvārabhāvaṃ sādhetīti. Tenāha “yathārahaṃ”ti. Etadeva etaṃ eva cakkhu kicca sādhanāṃ nāma hoti vīthi cittupattiyā vatthu kiccadvāra kiccānaṃ sādhanato. “Yaṃ majjhimāyukaṃ”ti mandāyuka amandāyukānaṃ majjhe pavattattā yaṃ majjhimāyukanti vadanti. Taṃ kicca sādhanāṃ nāmāti yojanā. “Itarāni panā”ti ekūna paññāsa parimāṇesu cakkhu pasādesūti

vuttāni, tesu ekam kicca sādhanam ṭhapetvā sesāni itarāni aṭṭha cattālīsa cakkhūni moghavatthūni nāma honti. Rūpā rammaṇehi saddhim laddha ghaṭṭanānampi satam vīthi cittupattiyā vatthu kiccadvāra kiccarahitattā. Tesu katamāni mandāyukāni nāmāti āha “tāni panā”tiādiṃ. Kicca sādhanato purimāni nāma atīta bhavaṅgato pure terasasu bhavaṅgesu ādi bhavaṅgassa bhaṅgakkhaṇato paṭṭhāya khaṇe khaṇe uppannā sattatiṃsa cakkhu pasādā. Tāni mandāyukānīti vadanti. Kasmā, kicca sādhanato appatarāyukattā. Kicca sādhanato pacchimāni nāma atīta bhavaṅgassa ṭhitikkhaṇato paṭṭhāya khaṇe khaṇe uppannā ekādasa cakkhu pasādā, tāni amandāyukānīti vadanti. Kasmā, kicca sādhanato bahutarāyukattā. Tadubhayānīpi aṭṭha cattālīsa mattāni vedītabbānīti sambandho. “Tato”ti tehi aṭṭhacattālīsa mattehi. “Purimatarāni”ti sattatiṃsa mandāyukehi purimatarāni. Tāni hi cakkhu viññāṇassa uppādakkhaṇe ṭhiti bhāvena anupaladdhattā idha na gahitāni. “Pacchimatarāni”ti ekādasa amandāyukehi pacchimatarāni. Tāni ca cakkhu viññāṇassa uppādakkhaṇe uppannānīpi tasmim khaṇe ṭhiti bhāvena anupaladdhattā idha na gahitāni. Kasmā pana cakkhuvīññāṇassa uppādakkhaṇe ṭhiti bhāvena anupaladdhāni tadubhayāni idha na gahitānīti. Cakkhu viññāṇassa uppādakkhaṇe ṭhiti bhāvena dharamānānam aṭṭhacattālīsa mattānam cakkhūnam majjhe eva katamaṃ cakkhu cakkhu viññāṇassa vatthu kicca dvāra kiccaṃ sādhetīti āsankitabbaṃ hoti. Ettha ca pañca vatthūni nāma attano ṭhitikkhaṇe eva pañcaviññāṇānam vatthudvāra kicca sādhakattā cakkhu viññāṇassa uppādakkhaṇe ṭhiti bhāvena anupaladdhattā idha na gahitānīti ca, cakkhu viññāṇassa uppādakkhaṇe ṭhiti bhāvena dharamānānanti ca, vuttanti daṭṭhabbaṃ.

“Ettha siyā”tiādīsu. “Imāya vīthiyā”ti imāya atimahantā rammaṇa vīthiyā. “Samudāyaggāhikā”ti rūpā rammaṇānam samūhaggāhikā. “Vaṇṇasallakkhaṇā”ti vaṇṇavavatthānikā. “Vatthuggāhikā”ti dabba saṅṭhānaggāhikā. “Nāmaggāhikā”ti nāma paññattiggāhikā. “Alātacakkassa gāhikā viyā”ti rattandhakāre eko alātam gahetvā paribbhamati. Añño tam passanto cakkam viya maññati. Tattha alātassa gatagataṭṭhāne paccuppannam rūpam ārabba cakkhudvāra vīthiyā uppajjanti. Manodvāra vīthiyā pana purima purimāhi cakkhudvāra vīthīhi gahitāni atīta rūpāni amuñcitvā ekato saṅṭhānañca santatiñca katvā gaṇhanti. Tadā passantassa cakkam viya upaṭṭhāti. Evaṃ ayam samudāyaggāhikā daṭṭhabbā. “Natthi tadārammaṇuppādo”tiādīsu. “Yassā”ti yassa ārammaṇassa. Cittānīti ca nānārammaṇānīti ca kammaṇāni. Avasese tasmim ārammaṇe. “Saṅgaha kārenā”ti porāṇa aṭṭhakathāyo ekato saṅgahetvā katattā buddhaghosattherena katā sabbā aṭṭhakathāyo saṅgahaṭṭhakathā nāma. So ca saṅgaha kāroti vuccati. “Idha pī”ti imasmim abhidhammattha saṅgahēpi. “Therenā”ti anuruddhattherena. “Ekampi icchatī yevā”ti. “Yassa hi cattārī”tiādīsu yassa ārammaṇassa cattārī vā pañcavā chavātiādīnā yojetabbaṃ. “Javanampi anuppajjitvā”tiādīsu. “Attano padhāna kriyāyā”ti anuppajjitvāti padassa parato ‘yam pavattati’ti attano padhāna kriyāpadaṃ atthi. Tena attano kriyāpadena saddhīti attho. “Kattāci vuttā”ti kattāci saddaganthesu vuttā. Api ca, hetumhi tvāpaccayo lakkhaṇe hetumhi ca mānanta paccayā jatanīyaṭṭhena vuttā, na vacanīyaṭṭhenaṭīti daṭṭhabbā. “Pakati niyāmenā”ti etena paccaya visesesati, cattārī vā pañcavā chavā javanāni uppajjantīti dīpeti. Tenāha “etthapanā”tiādiṃ. “Dvattikkhattum”ti vāsaddatthe aññapadattha samāsapadanti vuttam “dvikkhattum vā tikkhattum vā”ti. “Voṭṭhabbanassa āsevanatā”ti āsevana paccayatāvā paccayuppannatāvā. “Āvajjanāyā”ti ettha voṭṭhabbana kiccaṃ āvajjanampi saṅgaṇhāti. Idhapi ārammaṇa dubbalatāya catuppañca javanuppatti icchi tabbāti yojanā. Tattha “idha pī”ti imasmim parittā rammaṇa vārepi. Tivoṭṭhabbanikā pañca parittā rammaṇa vīthiyoti yojanā. “Itarāni”ti paritta mahantāti mahantā rammaṇāni. “Ubhayathāpī”ti āpātā gamana vasenapi ārammaṇa karaṇa vasenapi. Imassa padassa.

137. “Manodvāre panā”tiādīsu. “Parittakkhaṇā pī”ti citta phassādayo appatarakkhaṇāpi. “Atītānāgatā pī”ti atītānāgata dhammāpi. “Ghaṭṭanena”ti rūpādīnam ghaṭṭanena. “Yatthā”ti yasmiṃ bhavaṅge. “Pañcadvārānu bandhakaṃ”ti pañcadvāra vīthi anugataṃ. Atītam ālambaṇam pavatteti yevāti sambandho. “Yathāpātā gatamevā”ti pakatiyā āpātā gatappakārameva. “Tathā tathā”ti diṭṭha sambandhādīnā tena tena pakārena. “Kiñcī”ti kiñci ārammaṇam. “Disvā”ti paccakkham katvā. Pañcadvārāggahitañhi ārammaṇam paccakkhakataṭṭhena diṭṭhanti vuccati. Yam kiñci ārammaṇam. “Anumānentassā”ti evameva bhavittha, bhavissati, bhavatīti anumānaññāṇena cintentassa. Tam sadisaṃ ārammaṇam. “Parassa saddahanā”ti paravacanam sutvā yathā ayam vadati, tathe vetanti saddahanā. “Diṭṭhi” vuccati ñāṇam vā laddhi vā. “Nijjhānam”ti suṭṭhu

olokanam. “Khantī”ti khamanam sahanam. Aññathattam agamanam. Diṭṭhiyā nijjhānam diṭṭhiniijjhānam. Diṭṭhiniijjhānassa khanti diṭṭhiniijjhānakkhanti. “Sesam”ti nānākamma balenātiādikam. “Devato pasamhārasenā”ti devatā kadāci kesañci supinante nānārammaṇāni upasamharitvā dassenti. Evaṃ devato pasamhāra vasenāpi. Anubodho nāma lokiyaññāna vasena catussacca dhammānam anubujjhanam. Paṭivedho nāma lokuttaraññāna kiccam. Ananta rūpa nissaya paccayaggahaṇena pakatū panissaya paccayampi upalakkheti. Citta santānassa anantarūpanissaya paccayabhāvo nāmāti sambandho. Ananta rūpa nissaya paccayasatti nāma anantara parampara vippharaṇavasena mahāgatikā hotīti vuttam hoti. Ananta rūpa nissaya paccayānu bhāvotipi yujjati. Katham mahāvippahāroti āha “sakim pi”tiādim. “Suṭṭhu āsevitvā”ti ettha pacchā appamussamānam katvā punappunam sevanam suṭṭhu āsevanam nāma. Na kevalam purima citta santānassa so upanissaya paccayānubhāvo eva mahāvippahāro hoti. Pakatiyā cittassa vicitta bhāva sañkhātam cintanā kiccampi mahāvippahāram hotīti dassetum “cittañca nāmā”tiādivuttam. Katham mahāvippahāram hotīti āha “kiñci nimittam”tiādim. “Kiñci nimittam”ti diṭṭhādīsu nānā rammaṇesu kiñci appamattakam diṭṭhādikam ārammaṇa nimittam. “Tehi cakāraṇehi”ti tehi kattubhūtehi diṭṭhādīhi kāraṇehi. “Codīyamānam”ti payojīyamānam. “Ajjhāsaya yuttam”ti ajjhāsayena saṃyuttam. Bhavaṅga cittassa ārammaṇam nāma avibhūtam hoti. Bhavaṅgam cāletvā āvajjanam niyojetīti sambandho. “Laddha paccayasū”ti ālokādivasena vā diṭṭhādivasena vā laddha paccayavantesu. Tadabhininnākāro nāma niccakālampi tesu ārammaṇesu abhimukham ninnākāro. Tena ākārena pavatto manasikāro. Tena sampayuttassa. Etehi vacanehi suddhamanodvāre ārammaṇānam apātāgamañca bhavaṅga calaṇāna na kevalam laddha paccayānam ārammaṇānam vaseneva hoti. Tādisena pana manasikārena yuttassa sayañca vīthi citta cintanā kiccassa cittassa vasenāpi hotīti siddham hoti. Na hi ārammaṇantare abhininnākāro nāma natthīti sakkā vattum. Kasmā, abhāvita cittānam pamāda bahulānam janānam kadāci karahaci bhāvanā manasikāre kariyamānepi vīthi citta santānassa bahiddhā nānārammaṇesu abhininnākārassa sandissanatoti. “Yathā cetthā”ti yathā ettha manodvāre rūpārūpa sattānam vibhūtā rammaṇepi tadā rammaṇuppādo natthi, evanti yojanā. Nāṇavibhaṅgaṭṭhakathāyam pana voṭṭhabbanavāropi āgato. Yathāha supineneva diṭṭham viya me, sutam viya meti kathanakālepi abyākato yevāti. Tattha hi “abyākato yevā”ti supinante manodvāre dvattikkhattum uppannassa āvajjanassa vasena abyākatoyeva. Tato param bhavaṅgapāto. Aṭṭhasāliniyampi vuttam ayam pana vāro diṭṭham viya me, sutam viya me tiādīni vadanakāle labbhatīti. Tam pana pañca dvāre parittārammaṇe dvattikkhattum uppannassa voṭṭhabbanassa vasena vuttam. “Sopi idha laddhum vaṭṭati yevā”ti sopi vāro imasmiṃ manodvāre laddhum vaṭṭatiyeva. “Bhavaṅge calite nivattanakavārānam”ti dvikkhattum bhavaṅga calanamatte ṭhatvā vīthi cittāni anuppajjitvā bhavaṅgapātavasena nivattanakānam moghavārānam manodvārepi pamāṇam na bhavissatiyeva. Atha imasmiṃvāre vīthi cittappavatti natthi. Evaṃ sati, imasmiṃ vīthi saṅgahe so vāro na vattabboti ce. Vattabboyeva. Kasmā, chadhā visayappavattīti imasmiṃ chakke saṅgahitattāti dassetum “visaye ca āpātāgate”tiādi vuttam. Ārammaṇabhūtā visayappavatti. Ekekasmiṃ anubandhakavāre. “Tadārammaṇa vārādayo”ti tadārammaṇa vāro javanavāro voṭṭhabbana vāro moghavāro. Tesu pana tadā rammaṇavāro vatthuggahaṇe ca nāmaggaṇe ca na labbhati. “Vatthū”ti hi saṅghāna paññatti. “Nāmam”ti nāma paññatti. Na ca tadā rammaṇam paññattā rammaṇam hotīti. Tena vuttam “yathāraham”ti. “Tatthā”ti tesu diṭṭhavārādīsu chasu vāresu. Etarahi pana keci ācariyāti pāṭhaseso. “Atīta bhavaṅga vasenā”ti ekaṃ bhavaṅgam atikkamma āpātā gate ārammaṇe eko vāro, dve bhavaṅgāni atikkamma āpātā gate ekotiādinā atīta bhavaṅga bhedavasena. “Tadā rammaṇa vasenā”ti tadā rammaṇassa uppannavāro anuppanna vāroti evam tadā rammaṇa vasena. Kappenti cintenti, vidahanti vā. “Khaṇa vasena balavadubbalatā sambhavo”ti yathā pañcadvāre atimahantā rammaṇesupi ārammaṇa dhammā uppādam patvā ādito ekacittakkhaṇamate dubbalā honti. Attano dvāresu āpātānam āgantum na sakkonti. Eka cittakkhaṇam pana atikkamma balavantā honti. Attano dvāresu āpātānam gantum sakkonti. Mahantā rammaṇādīsu pana dvi cittakkhaṇikamate dubbalā hontītiādinā vattabbā. Na tathā manodvāre ārammaṇānam khaṇa vasena balavadubbalatā sambhavo atthi. Kasmā natthīti āha “tadā”tiādim. Tattha “tadā”ti tasmiṃ vīthi cittappavattikāle. “Tatthā”ti manodvāre.

“Ettha siyā”tiādisu. “Siyā”ti kesañci vicāraṇā siyā. Ekaṃ āvajjanam assāti ekāvajjanā. “Vīthi”ti vīthicittappabandho. Ekāvajjanā ca sā vīthi cāti viggaho. “Āvajjanam”ti āvajjana cittam. Tam vā āvajjatīti sambandho. “Tam tam javanena”ti tena tena javanena sahuppannam vā parassa cittam āvajjati kinti yojanā. “Kiñcetthā”ti ettha vacane kiñci vattabbam atthīti attho. Yadi tāva

āvajjanañca javanāni cāti adhikāro. “Tañhi cittaṃ”ti parassa cittaṃ. “Evampi bhinnamevā”ti javanānaṃ dhammato bhinnameva. Ettha aṭṭhakathāyaṃ vinicchitanti sambandho. Taṃ cittaṃ niruddhampi javanānampi paccuppannameva hotīti yojanā. “Addhāvasena gahitaṃ”ti addhā paccuppanna vasena gahitaṃ. “Santativasena gahitaṃ”ti santati paccuppannavasena gahitaṃ. Ācariyānandamate. Sabbesampi āvajjana javanānaṃ. Cittameva hoti, tasmā dhammato abhinnaṃ. Paccuppannañca hoti, tasmā kālato abhinnaṃ vuttaṃ hoti. Anantarapaccaye atīto ca paccuppanno ca khaṇa vasena yujjati. Yadi addhāsantati vasena yujjeyya, paccuppanno dhammo paccuppannassa dhammassa anantara paccayena paccayoti vutto bhavēyya. Kasmā, ekāvajjana vīthiyañhi sabbāni cittāni addhāsantati vasena paccuppannāni eva hontīti.

138. Appanāvāre. “Appanā javanaṃ”ti kammaṇaṃ. “Tadā rammaṇaṃ”ti kattupadaṃ. “Indriya samatādīhi”ti saddhādīnaṃ pañcannaṃ indriyānaṃ aññamaññaṃ anati vattanavasena samatādīhi. “Parito”ti samantato. “Upeccā”ti upagantvā. Appanaṃ vahitaṃ janetaṃ samattha bhāvo appanāvahasamatthabhāvo. “Yassa pavattiyā”ti yassa upacāra javanassa pavattito. “Aciraṃ kālaṃ”ti acirekāle. Paritta jātikā nāma kāmāvacarajāti. “Gottaṃ”ti kammakattu padaṃ. “Abhibhuyyati”ti bhāvanā balena abhibhuyyamānaṃ hoti. Abhimaddīyamānaṃ hotīti attho. “Chijjati”ti idaṃ pana abhibhavanassa sikhāpatta dassanaṃ. Yāva taṃ gottaṃ chedaṃ pāpuṇāti, tāva abhibhuyyati, maddīyatīti vuttaṃ hoti. Gottaṃ abhibhavatīti gotrabhūtipi yujjati. “Pañcamaṃ”ti pañcama cittavāre. “Tadāhi javanaṃ patitaṃ nāma hoti”ti pakatiyā javanappavattināma sattakkhattu paramo hoti. Catutthañca muddhapattaṃ. Pañcamato paṭṭhāya patitaṃ. Tasmā tasmim pañcamavāre javanaṃ patitaṃ nāma hoti. “Dutiyenā”ti dutiyena eva saddena. “Dutiyam”ti dutiye cittavāre. Tadā anulomaṃ pathamajavanaṃ hotīti vuttaṃ “aladdhā sevanaṃ anuloma”nti. “Etenevā”ti etena eva sadda dvaye neva. Aṭṭhasāliniyaṃ pana anuññātā viya dissati. Vuttañhi tattha. Mandapaññassa cattāri anulomāni honti, pañcamaṃ gotrabhu, chaṭṭhaṃ maggacittaṃ, sattamaṃ phalanti. “Itaraṭṭhakathāsū”ti vinayaṭṭha kathādīsu. “Paṭisiddhattā”ti pañcamaṃ gotra bhuppavattiyā paṭisiddhattā ādimhi aṭṭhannaṃ aññatrasmiṃti vuttatā idha niruddheti padaṃ avassaṃ icchitabbamevāti vuttaṃ “niruddhe anantamevāti padacchedo”ti. Anantara saddassa ca niccaṃ sambandhāpekkhattā tamevapaṇaṃ vibhatti pariñāmena adhiatanti āha “niruddhassāti atthato laddhamevā”ti. “Vasibhūtāpi”ti vasibhūtāpi samānā. “Ekavāraṃ javitvā”ti idaṃ lokiyappanāvasena vuttaṃ. Lokuttara appanāpana sattamaṃ upajjatiyeva. Mūlaṭṭhā paṭhe “bhūmantarapattiyā”ti gotrabhu cittaṃ kāmabhūmi hoti. Appanāpana mahaggatabhūmi vā lokuttarabhūmi vā hoti. Evaṃ bhūmantarapattiyā. “Ārammaṇantara laddhiyā”ti phalasaṃpatti vīthiyaṃ phalajavanaṃ sandhāya vuttaṃ. Tatthahi purimāni anuloma javanāni saṅkhārā rammaṇāni honti. Phalajavanaṃ nibbānārammaṇaṃ. Idañca kāraṇamattameva. Yathāvutta leḍḍupamā eva idha yuttarūpāti daṭṭhabbaṃ. “Na kho panetaṃ evaṃ daṭṭhabba”nti etaṃ atthajātaṃ na kho evaṃ daṭṭhabbaṃ. “Anaddhanīyā”ti addhānaṃ dīghakālaṃ nakha mantīti anaddhanīyā. Asārā. Asārattā eva sīghataraṃ ruhanti. Sīghataraṃ vuddhiṃ viruḷhiṃ āpajjanti. Sāravantā pana sārēna saha vaḍḍhamānattā sīghataraṃ naruḷhanti. Sīghataraṃ vuddhiṃ viruḷhiṃ nā pajjanti. Tenāha “ekavassajīvino”tiādim. “Evamevā”tiādisu “patitajavanesū”ti pañcama chaṭṭha sattama javanesu. “Ettha cā”tiādisu. “Supakkasālibhatta sadisāni”ti yathā sālibhattāni supakkattā eva mudutarāni hutvā dubbalāni aciraṭṭhitikāni. Tasmim divasepi pūtibhāvaṃ gacchanti. Evaṃ appanā javanāni. “Yasmā cā”tiādisu. “Duvidhassa niyamassā”ti javananiyamassa ca kālaniyamassa ca. “Paṭisandhiyā anantara paccaya bhāvino”ti sattama javana cetanā anantara paccayo, tadanantare pavattaṃ vipāka santānaṃ paccayuppanno, tameva ca avasāne cuti cittaṃ hutvā bhavantare paṭisandhi cittaṃ anantara paccayo. Evaṃ paṭisandhi cittaṃ anantara paccaya bhāvena avassaṃ bhavissamānassāti attho. Idañca kāraṇa mattameva. Mahāṭṭhāvācānaṃ pana kiñci vattabba rūpanti na paṭikkhattaṃ. “Nirantarappavattānaṃ”ti ādisu. Bhinnā asadisā vedanā yesaṃ tāni bhinnavedanāni. “Āsevana paccanīkānaṃ”ti āsevana paccayappaṭi pakkhānaṃ. Bhinnā vedanā yesanti viggaho. Kriyajavanānantaraṃ arahattaphalaṃ phalasaṃpatti vīthiyaṃ daṭṭhabbaṃ. Sesametthasuvīññeyyaṃ.

139. “Sabbathā pī”tiādisu. Loke majjhimate hi mahājānehi icchitampi kiñci ārammaṇaṃ atiuḅkaṭṭhehi mandhātu rājādīhi icchitaṃ na hoti. Tathā tehi mahājānehi anicchitampi kiñci ārammaṇaṃ atiduggatehi paccanta vāsīhi icchitaṃ hoti. Tasmā ārammaṇānaṃ iṭṭhāniṭṭha vavattānaṃ patvā atiuḅkaṭṭhehi ca atiduggatehi ca vavattānaṃ na gacchati, majjhimatehi eva vavattānaṃ gacchati. Tenāha “tattha cā”tiādim. “Ārammaṇaṃ”ti kattupadaṃ. “Vipākacittaṃ”ti

kammapadam. “Kiñci”ti kiñci rūpaṃ. “Kismiñci”ti kasmimci ekasmim pupphe. “Tena vā”ti tena vā sukhasamphassa vattena. Sesamettha suviññeyyaṃ.

“Vedanānīyamopana”tiādīsu. “Ādāse mukhanimittassa viyā”ti yathā ādāse mukha nimittassa calana cavanādiyogo nānāvaṇṇayogo ca yathā mukhameva siddho. Tathā vipākānaṃ. Vedanā yogo pana yathārammaṇameva siddhoti yojanā. Tattha “vedanāyogo”ti nānāvedanāyogo. “Kappetvā”ti cintetvā. “Pakappetvā”ti nānappakārato cintetvā. Na kevalaṅca vipākānaṃ eva yathārammaṇaṃ vedanā yogo hotīti yojanā.

“Ayañcā”tiādīsu. “Aṭṭhakathāyaṃ pī”ti paṭṭhāna aṭṭhakathāyampi. “Tadārammaṇa vasenā”ti tadārammaṇavasena pavattānanti pāṭhaseso. “Pañcannaṃ”ti somanassa santīraṇena saddhim cattāri mahāvīpāka somanassāni sandhāya vuttaṃ. “Pakati nīhārenā”ti pakatiyā niccakālaṃ pavattappakārena. Pāḷipāṭhe. Bhāvitāni indriyāni yenāti bhāvitindriyo. “Manāpaṃ”ti manorammaṃ. “Amanāpaṃ”ti amanorammaṃ. Vihareyyanti sace kaṅkhatīti sambandho. “Paṭīkūle”ti amanāpe. “Appaṭīkūla saññī”ti manāpasaññī. Evaṃ sesesu. “Tesaṃ”ti khīṇāsavānaṃ. Pāḷipāṭhe. “Sumano”ti somanassito. “Dummano”ti domanassito. Pāḷipāṭhe. “Mettāyavā pharati”ti ayaṃ satto averohotītiādīnā mettācittena vā pharati. “Dhātuso upasaṃharati”ti yathā ma ma kāyopi catudhātu samussayo hoti. Tattha ekāpi dhātu nāma paṭīkūlā vā appaṭīkūlā vā na hoti. Kevalaṃ tuccha suñña sabhāvamattā hoti. Evameva imassa sattassa kāyopītiādīnā dhātu so upasaṃharati. “Asubhāya vā”ti asubha bhāvanāya vā. Asubha bhāvanā cittena vāti vuttaṃ hoti. “Asubhāyā”ti vā tassa asubhabhāvattāya. Devanātakā devaccharā nāma. Kuthitāni kuṭṭhāni yesaṃ tāni kuthita kuṭṭhāni. “Sarīrāni”ti kāyaṅgāni. Kuthita kuṭṭhāni sarīrāni yassa so kuthitakuṭṭhasarīro. “Kuthitāni”ti abbhukkiraṇāni. Vedanā yuttāni honti iti apare vadantīti yojanā. Tasmā paccayo hotīti sambandho. Kathaṃ paccayo hotīti āha “yathā ānisaṃsa dassanenā”tiādīṃ. Tattha “aṭṭhakathāyaṃ”ti visuddhi maggaṭṭhakathāyaṃ. “Buddhasubuddhatā dassanenā”ti attano satthubhūtassa buddhassa subuddhatā dassanena. “Attasampatti dassanenā”ti mayaṃ pana evarūpā dukkhā muttāmhāti evaṃ attano sampatti dassanena. “Aṭṭhikaṅkalikapetarūpe”ti nimmaṃ salohite aṭṭhipuñjapetasarīre. “Kuṭṭhino”ti kuṭṭhasarīrassa. “Aṭṭhakathāyaṃ”ti dhammapada aṭṭhakathāyaṃ. Ati iṭṭhe devacchara vaṇṇādike. Ati aniṭṭhe kuthitakuṭṭhasarīrādike. “Vatthu bhūto”ti uppattiṭṭhāna bhūto. “Tesaṃ tesaṃ sattānaṃ”ti kattu atthesānivacanāṃ. “Tadubhayaṃ pī”ti ubhayaṃ taṃ gahaṇāmpi. “Tesaṃ”ti tesaṃ lokiya mahājanānaṃ. “Vipallāsavaseneva hotī”ti devaccharavaṇṇādīsu atīiṭṭhesu atīiṭṭhākārato gahaṇāmpi vipallāsa vaseneva hoti. Kasmā, devacchara vaṇṇādīsu atī iṭṭha saññāya vipallāsa saññābhāvato.

Vibhāvanipāṭhe. “Pavattiyā”ti pavattanato. Aṭṭhakathādhīppāye thatvā vuttattā aṭṭhakathāgāravena”taṃ vicāretabba mevā”ti vuttaṃ. Atthato pana ayuttamevāti vuttaṃ hoti. Esanayo aññatthapi. “Dhamma cakkhurahitā”ti dhamma vavattānaññāṇa cakkhu rahitā. “Kusalākusalāni yevā”ti tesaṃ dhamma cakkhu rahitānaṃ uppannāni kusalākusalāniyeva. Gāthāyaṃ. “Rūpā”ti rūpato nappavedhantīti sambandho. “Saddā”tiādīsūpe esevanayo. Nappavedhantīti ca na calantī, na kampantī, cittaññāthattaṃ na gacchantī. Tathā upekkhā kriyajavanānantarampi tadārammaṇāni somanassu pekkhāvedanā yuttāni eva siyunti yojanā. Mūlaṭṭikāpāṭhe. “Tadārammaṇatā”ti tadārammaṇatāya tadārammaṇabhāvena. “Kattacī”ti kattacī abhidhamma pāliyaṃ. “Vijjamāne ca tasmim”ti tasmim kriyajavanānu bandhake tadā rammaṇe vijjamāne satī. Etaṃ bhavaṅgaṅca nāma anubandhatīti sambandho. Nadīsoto paṭīso tagāmināvaṃ anubandhatī viyāti yojanā. “Savipphārikaṃ evajavanaṃ”ti kilesa dhammānaṃ vipallāsa dhammānaṅca vasena khaṇamattepi anekasatesu ārammaṇesu vividhākārena pharaṇavegasahitaṃ kusalākusala javanameva anubandhatīti yuttaṃ. Na pana kriyajavanaṃ anubandhatīti yuttanti yojanā. “Chalaṅgu pekkhāvato”ti cakkhunā rūpaṃ disvā neva sumano hoti, na dummano, upekkhako viharatī-tiādīnā vuttāya cha dvārikavasena chalaṅga samannāgatāya upekkhāya sampannassa. Vattanaṃ vutti. Santā vutti assāti santa vutti. Taṃ vicārento “paṭṭhāne panā”tiādīmāha. “Yadi cetāṃ vucceyyā”ti ettha “etaṃ”ti kriyā byākatetiādīkaṃ etaṃ vacanaṃ. “Tasmim”ti tasmim vacane. “Evamādinā”ti evamādinā nayena. Vibhāvanipāṭhe. “Uttaraṃ”ti parihāraṃ. “Vipassanācāra vasenā”ti vipassanā pavatti vasena. “Tesaṃ”ti somanassa domanassānaṃ. “Itarītarānantara paccayatā”ti aññamaññānantara paccayatāti attho. “Therenā”ti anuruddhattherena. Sabbāni tadā rammaṇāni, sabbāni bhavaṅgāni ca. “Samudā carantī”ti cirakālaṃ sañcarantī.

“Etānīhī”tiādīnā tesam aṭṭhārasannaṃ javanānaṃ anantaraṃ tadārammaṇānaṃ aniyamato pavattiyā kāraṇayuttim dasseti. Sambhavati uppajjati etenāti sambhavo. Tadā rammaṇassa sambhavo tadā rammaṇa sambhavo. Athavā, sambhavanaṃ uppajjanaṃ sambhavoti ime dve atthe dassetuṃ “tadā rammaṇa sambhavo”tiādi vuttaṃ. “Yesam panā”tiādīsu. “Yesam”ti yesam puggalānaṃ. “Itarānī”ti upekkhā santīraṇa dvayato aññāni. “Na hontīti na vattabbānī”ti vuttaṃ. Evaṃsati, kasmā therena idha na vuttānīti. Aṭṭhasāliniyaṃ avuttattā idha na vuttānīti. Aṭṭhasāliniyaṃ pana kasmā na vuttāni. Yebhūyya niyamasote patitattā na vuttāni. Na pana alabbhamānattā na vuttānīti imamattam dassento “aṭṭhakathāyaṃ panā”tiādīmāha. “Upekkhāsahagata santīraṇa dvayameva vuttaṃ”ti āgantuka bhavaṅgabhāvena vuttaṃ. Yathāha athassa yadā somanassa sahatappaṭṭisandhikassa pavatte jhānaṃ nibbattetvā pamādena parihīnajjhānassa paṇīta dhammo me natthoti paccavekkhato vippaṭṭisāri vasena domanassaṃ uppajjati, tadā kiṃ uppajjati. Somanassānantarañhi domanassaṃ, domanassānantarañca somanassaṃ paṭṭhāne paṭṭisiddham. Mahaggata dhammaṃ ārabba javane javite tadā rammaṇampi tattheva paṭṭisiddhanti. Kusala vipākāvā akusalavipākāvā upekkhā sahatatā hetukamanoviññāṇa dhātu uppajjati. Kimassā rammaṇanti. Rūpādīsu paritta dhammesu aññataraṃ. Etesu hi yadeva tasmim samaye āpātāmagataṃ hoti. Tam ārabba etaṃ cittaṃ uppajjati veditabbaṃ-ti. Evaṃ domanassasahagata javanānurūpaṃ upekkhāsahagata santīraṇa dvayameva āgantuka bhavaṅgabhāvena aṭṭhakathāyaṃ vuttanti. “Etampi yujjati yevā”ti akusala javanāvasāne etaṃ sahetukaṃ āgantuka bhavaṅgampi yujjatiyeva. “Domanassa javanānantaraṃ bhavaṅga pātova hoti”ti upekkhā sahatatā mūlabhavaṅga pātova hoti. āgantuka bhavaṅgena kiccaṃ natthi. Kasmā, upekkhā paṭṭisandhikattā. Nevatadārammaṇa sambhavo atthi. Kasmā, tesu ārammaṇesu tadārammaṇavārassa asambhavato. Na hi mahantārammaṇesu ca avibhūtārammaṇesu ca tadārammaṇavāro sambhavati. Na ca mūlabhavaṅga sambhavo atthi. Kasmā, mūlabhavaṅgabhū tassa somanassa bhavaṅgassa domanassa javanena saha viruddhattā. “Iti katvā”ti iminā kāraṇena. “Ekaṃ”ti ekaṃ upekkhāsahagata vipākaṃ. Tathā tasseeva domanassaṃ uppādentassa neva tadārammaṇa sambhavo atthi. Na ca mūlabhavaṅga sambhavoti katvā domanassānantaraṃ chasu...pe... pavattati yojanā. Tattha “tasseevā”ti somanassappaṭṭisandhikasseva. Nevatadārammaṇa sambhavo atthi. Kasmā, ārammaṇānaṃ atimāhantattepi avibhūtattepi sati somanassa tadārammaṇassa javanena saha viruddhattā. Upekkhā tadā rammaṇassa ca ārammaṇena saha viruddhattā. Na hi ati iṭṭhārammaṇe upekkhā tadārammaṇaṃ pavattati. Mahaggata paññattā rammaṇesu pana ubhayampi tadārammaṇaṃ nuppajjatiyeva. Na ca mūlabhavaṅga sambhavo atthi. Kasmā, javanena saha viruddhattāti.

“Ettha cā”tiādīsu. “Sabba dhammesū”ti sabbesu ārammaṇa dhammesu. “Pathama samannāhāro”ti āvajjana kiccaṃ āha. Suttanta pāṭhe. “Tajjo”ti tena ārammaṇānaṃ āpātā gamanena jāto. “Tajjo”ti vā tadanurūpotipi vadanti. “Viññāṇabhāgassā”ti cakkhu dvārika viññāṇa koṭṭhāsassa. “Yato”ti yasmim kāle. Kathaṃ āvajjanena vinā nuppajjati āha “sace āvajjanenā”tiādīm. “Ettha siyā”tiādīsu. Yathā pana nirāvajjanaṃ hoti bhinnā rammaṇāna, evaṃ tathāti yojanā. “Ekassapi”ti ekassa āgantuka bhavaṅgassapi natthi doso. Mahāaṭṭhakathāyaṅca natthi. Aṭṭhasāliniyaṃ pana atthiyeva. “Savipphandaṇattā”ti ettha attho savipphārikanti pade vuttanayena veditabbo. “Itare sañcā”ti mahaggatalokuttara javanānaṅca. Kāni ci parittārammaṇānīpi samānāni. Yadi tadārammaṇū panissa yassa kāmahavaṅgassa abhāvato tadārammaṇāni rūpārūpa brahmānaṃ nuppajjanti. Evaṃ sati, cakkhusota dvārika cittānīpi rūpa brahmānaṃ nuppajjeyyunti āha “cakkhu sotaviññāṇāni panā”tiādīm. “Indriyappavatti ānubhāvato”ti cakkhu vatthu sotavatthu saṅkhātānaṃ indriya vatthūnaṃ rūpa brahma santāne pavattattā tesam pavatti ānubhāvato cakkhu sotaviññāṇāni rūpabrahmānaṃ pavattantiye vāti dassetuṃ “sampaṭicchana santīraṇānī”tiādi vuttaṃ. “Vikappabalevā”ti kāmakusalā kusalanāṃ viya vividhena ākārena kappetvā pakappetvā ārammaṇaggahasāmatthiyevāsati. “Appanāpatta bhāvanā kammavisesse vā”ti ettha abhiññā javanāni viya mahaggata vipāka lokuttara vipākāni viya cāti vattabbaṃ. “Aṭṭhakathāyaṃ”ti paṭicca samuppāda vibhaṅgaṭṭhakathāyaṃ. “Vibhāvanīyaṃ vutta kāraṇānī”ti aṭṭhakathāto āharitvā vibhāvanīyaṃ vuttāni ‘ajanakattā janaka samānattā bhāvato’tiādīni kāraṇāni.

140. Javana niyame. Aṭṭhakathāyampi chakkhattuṃ pavatti vuttā. Yathāha sace pana balavā rammaṇaṃ āpātāgataṃ hoti. Kriyamanodhātuyā bhavaṅge āvaṭṭite cakkhuvīññāṇādīni uppajjanti. Javanaṭṭhāne pana pathamakāmāvacara kusala cittaṃ javanaṃ hutvā chasattavāre javitvā tadārammaṇassa vāraṃ detīti. “Mudutara bhāvenā”ti mātukucchimhi ṭhitakālevā sampati jātakāle vā

vatthussa atimudubhāvena. “Kenaciupadduta bhāvenā”ti bālḥagelaññajātakāle kenaci vātapittasemhādīnā upadduta bhāvena. “Ajjhotthata bhāvenā”ti tassa vevacanamattaṃ. Mandībhūto vego yesaṃ tāni mandībhūta vegāni. “Asayha rūpehī”ti dukkhamasabhāvehi. Abhibhūtānaṃ sattānaṃ. Tañca kho vacanaṃ pākatika sattānaṃ vaseneva vuttaṃ. Na sattavisesānaṃ vasena. Evaṃ sati, sattavisesānaṃ vasena kathaṃ daṭṭhabbanti āha “ye panā”tiādiṃ. “Uparī”ti maraṇupattiṭṭhāne. “Vuttañhī”ti visuddhi magge vuttameva. “Yamakappāṭihāriyaṃ”ti yugaḷavattḥūnaṃ ekato pavatta acchariya kammaṃ. “Dve jhānaṅgāni”ti upekkhekaggatā jhānaṅgāni.

“Yogakammasiddhiyā”ti bhāvanānu yogakammasiddhassa. Iddhi vikubbanāṃ nāma iddhiyā nānākammakaraṇaṃ. “Siddhiyā evā”ti sījha natthāya eva. Attano anantare eva uppannaṃ phalaṃ etissāti ānantarikapphalā. Maggacetaṇā. “Itī”ti tasmā. “Mandassā”ti manda puggalassa. “Tikkhassā”ti tikkha puggalassa. Tīṇi phalacittāni. “Payogābhisankhārassā”ti pathamajjhānato paṭṭhāya samatha vipassanāyuganandhappavatti saṅkhātassa pubbappayogābhisankhārassa. “Akatādhikārassā”ti āsanne purimabhāve akata jhānaparikammaṃ puggalassa. Sabbesampi phalaṭṭhānaṃ ciṇṇavasibhāvāneva hontīti yojanā.

Javananiyamonitṭhito.

141. Duhetukādīsu. Jāti dvihetukādayo eva adhippetāti vuttaṃ “paṭisandhiviññāṇa sahaḡatā”tiādiṃ. “Tesaṃ dvinnaṃ pī”ti dvihetukānaṃpi ahetukānaṃpi. Bhusojhāna maggaphalāni vārenti nīvārentīti āvaraṇāni. Vipākāni ca tāni āvaraṇāni cāti viggaho. “Vipākāni”ti ahetuka dvihetuka vipākāni. Tehi gahitappaṭisandhikānaṃ imasmiṃ bhavajhāna maggaphalappaṭilābho nāma natthi. Tenāha “vipākāvaraṇa sabbhāvato”tiādiṃ. “Tesaṃ”ti duggati ahetuka puggalānaṃ. Puggalānanti vuttaṃ hoti. Na labbhantīti sambandho. “Itaresaṃ”ti tato aññesaṃ sugati ahetuka puggalānaṃ.

“Ettha siyā”tiādiṃ. Duggati pariyāpannānaṃca ahetukānaṃ. “Mūlabhavaṅge”tiādimhi paṭisandhi cittaṃ hutvā āgate mūlabhavaṅge. “Yaṃ kiñcī”ti yaṃ kiñci bhavaṅgaṃ. “Vuccate”ti visajjanā vuccate. “Sabba aṭṭhakathāsu paṭikkhito”ti aṭṭhasāliniyaṃ tāva vipākuddhārahakathāyaṃ soḷasasu kāmāvacara kusala vipākesu aṭṭhannaṃ ahetuka vipākānaṃ eva āpāyikesu sattesu upattim dasseti. Na aṭṭhannaṃ sahetuka vipākānaṃ. Tathā paṭicca samuppādaṭṭha kathāsu ca viññāṇa padavaṇṇanāsu aññāsu ca abhidhammāvatārādīsūti evaṃ sabbaṭṭhakathāsu paṭikkhittā nāma hoti. “Yogasā dhanīyattā”ti payogena sādhetabbattā. Kusalākusalāni hi vaḍḍhetuṃ vā hāpetuṃ vā payoge kate vaḍḍhanti ceva hāyanti ca. Nānavippayuttabhūtaṃ gahetuṃ yuttaṃ. Kasmā, ahetukassa bhavaṅgassāti vuttassa mūlabhavaṅgassa ahetukattā. “Dvinnampi ahetukānaṃ”ti duggati ahetukānaṃca sugati ahetukānaṃca. “Aparepanā”tiādi vibhāvanīyaṃ āgato apare vādo. Vuttañhi tattha ‘aparepana yathā ahetukānaṃ sahetuka tadārammaṇaṃ hoti, evaṃ dvihetukānaṃ tihetuka tadārammaṇaṃpī”ti vaṇṇenti. Tesaṃmatānurodhena ca idhapi nānasampayutta vipākappaṭikkhepo ahetukeyeva sandhāyāti vadantīti. Taṃ pana vipākuddhārahakathāyaṃ ‘ettheva dvādasā kamaggopī”ti ca, ettheva dasakamaggopī”ti ca āgatehi na sameti. Tattha hi soḷasasukusalavipākesu dvihetuka kammanibbattānaṃ dvinnaṃ dvihetukāhetuka puggalānaṃ cattāri nānasampayutta vipākāni vajjetvā dvādasā kamaggo nāma hoti. Puna sesesu dvādasā vipākesupi asaṅkhārika kammanibbattānaṃ dve nānavippayutta sasaṅkhārika vipākāni, sasaṅkhārika kammanibbattānaṃca dve nānavippayutta asaṅkhārika vipākāni vajjetvā dutiyatthera vāde dasakamaggo nāma hotīti. Ettha pana dvī hetukopi puggalo adhikena chandena vā vīriyena vā cittaṃ vā yutto pariyatti dhammaṃ vā nānavijjāsippāni vā bahuṃ gaṇheyya, suṇeyya, dhāreyya, vāceyya, cinteyya. Athassa nānasampayutta javanaṃ bahulaṃ samudā careyya. Tadā tassa nānākammaṃ javanānu rūpaṃ nānasampayutta tadārammaṇaṃ na na sambhavatīti vuttaṃ. Taṃ yuttaṃ viya dissatīti. “Aṭṭhakathāyaṃ pihi. La. Vuttā”ti kathaṃ vuttā. Etāni hi manussesu ca kāmāvacara devesu ca puññavantaṃ dvihetukati hetukānaṃ paṭisandhikāle paṭisandhi hutvā vipaccantītiādinā vuttāti. Te pana tividhā, navavidhāti sambandho. “Tesaṃ tabbhāvo”ti kusalānaṃ kusalabhāvo, akusalānaṃ akusalabhāvo. “Sikkhana dhammayuttā”ti tīhi sikkhāhi pahātabbānaṃ kilesānaṃ atthitāya sikkhitabbatā pakatiyaṃ ṭhitāti adhippāyo. “Heṭṭhimānaṃcā”ti heṭṭhima phalānaṃca. Yāniyānisakāni yathāsakaṃ. “Uparimānaṃ”ti uparimānaṃ puggalānaṃ. “Pariniṭṭhita sikkhā kiccattā”ti sikkhā kiccaṃ nāma kilesa dhammaṃ

pahānatthāya eva hotīti tesu sabbaso pahīnesu sikkhā kiccaṃ pariniṭṭhitaṃ hoti. Evaṃ pariniṭṭhita sikkhā kiccattā. Suṭṭhu bhabboti sambhavo. Sambhavoti visesana padametanti āha “yathā sambhavaṃ”ti.

142. “Etthevā”ti etasmiṃ kāmaloce eva. “Taṃ taṃ pasādarahitānaṃ”ti tenatena pasādena rahitānaṃ. Tasmim̐ tasmim̐ dvāre uppannāni taṃ taṃ dvārikāni. Catusaṭṭhivīthi cittāni. Dve cattālīsa vīthi cittāni. “Brahmaloke vā”tiādīsu. Idaṃ aṭṭhakathā vacanaṃ. Yathāha rūpabhava catunnaṃ viññāṇānaṃ, tatheva paccayo. Pavatte, nopatisandhiyaṃ. Soca kho kāmāvacare aniṭṭha rūpadassana saddasavanavasena, brahmaloke pana aniṭṭhā rūpādayo nāma natthi. Tathā kāmāvacara devaloke pīti. Tāni cattāri cittāni. “Tatthā”ti tasmim̐ rūpaloke. Vibhāvanipāṭhe. “Idhā”ti imasmim̐ vacane. “Taṃ taṃ bhūmi pariyāpanne”ti tissaṃ tissaṃ bhūmiyaṃ pariyāpanne. Sesamettha suviññeyyaṃ.

Vīthisaṅgahadīpaniyāanudīpanā niṭṭhitā.

5. Vīthimuttasaṅgahaanudīpanā

143. Vīthimuttasaṅgahe. “Pavattisaṅgahaṃ”ti cittuppādānaṃ pavattākārahakathanasaṅgahaṃ. “Paṭisandhiyaṃ”ti paṭisandhikāle. “Tesaṃ”ti citta cetasikānaṃ. Vibhāvanipāṭhe. “Tadāsannatāyā”ti tāyapaṭisandhiyā āsannatāyā. “Taṃ gahaṇene vā”ti sandhiggahaṇena eva sandhivacanena eva. “Visayappavatti nāmā”ti kamma kammanimittādīnaṃ visayānaṃ dvāresu āpātā gamana vasena pavatti nāma. “Maraṇupattiyaṃ eva siddhā”ti maraṇupattiyaṃ javanesu eva siddhā. Etena maraṇupatti vidhānaṃ javanappadhānaṃ hoti, na cutippadhānanti dīpeti. Na hi tasmim̐ vidhāne tassaṃ cutiyaṃ visayappavatti vacanaṃ nāma atthi. Javanesu eva atthi. Sā pana cuti tasmim̐ bhava ādimhi paṭisandhi pavattiyā siddhāya sijjhati yevāti. “Tesaṃ”ti vīthimuttānaṃ. “Bhavanti”ti pātubbhavanti. “Tato”ti ayato. “Gantabbā”ti paṭisandhiggahaṇavasena upapajjitabbā. “Gacchanti”ti pavattanti. “Tiro”ti tiriyaṭo. “Añchitā”ti gatā pavattā, āyatā vā. “Samānajātīyā”ti tīracchāna gatajāti vasena samānajāti bhāvena. “Yuvanti”ti missī bhavanti. “Sukhasamussayato”ti sukhasamudāyato. “Dibbanti”ti vijjotanti. “Iti katvā”ti iti vacanattaṃ katvā uparidevā surāti vuccantīti yojanā. “Vepacittipahārādādayo”ti vepacitti asurinda pahārādaasurindādi ke devāsura. “Surappaṭi pakkhā”ti tāvatimsādevappaṭipakkhā. “Surasadisā”ti tāvatimsādeva sadisā. “Vemānikapete”ti vemānika nāmaka pete. “Vinipātike”ti vinipātika nāmaka duggata devajātike. Tesaṃ pavatti upari ‘vinipātikāsurañcā’ti pade āvi bhavissati. “Tepī”ti lokantarika nerayika sattāpi. “Kālakañcikapete”ti kālakañcika nāmaka pete. Evaṃ kathāvatthu pāliyaṃ āgatā vessabhū ādayo yamarājānopanāti sambandho. Vessabhū ca notti ca somo ca yamo ca vessavaṇo ca iti ime petti rājāno. “Rajja”nti rājabhāvaṃ rājakiccaṃ. Ye ca yakkarakkhasā nāma karontā vicarantīti sambandho. “Kurūrakammakārino”ti luddakammakārino. “Revati vimāne”ti revati vimāna vatthumhi. “Ito”ti manussa lokato, sugatibhavato vā. Tehi yakka rakkhasā nāma bhūmaṭṭhakāpi santi, ākāsaṭṭhakāpi. “Nānākammakāraṇāyo”ti dvattimsa vidhāni kammakaraṇa kiccāni. Tesampi nirayapālānanti sambandho. “Tissannaṃ”ti tissannaṃ apāyabhūmīnaṃ. Apāyabhūmi.

Ussito mano etesanti vā, ussanno mano etesanti vā, dvidhāviggaho. “Ussito”ti uggato. “Ussanno”ti vipulo. Kasmā tikkhata cittaṃ hontīti vuttanti āha “paripuṇṇānaṃ”tiādīṃ. Pubbavākye ananta cakkavālasādhāraṇa vasena vuttattā puna “imasmim̐”tiādī vuttaṃ. Vattabbaṃ natthi. Idheva sabbaññu buddhādīnaṃ uppannatoti adhippāyo. “Adhiggaṇhanti”ti adhikaṃ katvā gaṇhanti. “Sūrā”ti pāpakalyāṇa kammesu sūracittā. “Satimanto”ti vipulassatikā. “Idha brahmacariyavāso”ti idheva sikkhattayapūraṇa saṅkhātassa brahmacariyavāsassa atthitā. “Mariyādadhamesū”ti lokacāritta dhammesu. “Dhataratṭho”ti dhataratṭho mahārājā. Evaṃ virūḥakotiādīsu. “Gandharukkadhāni vatthā”ti gandharukkhesu ajjhāvutthā. “Kumbhaṇḍā”ti kuvuccati pathavī. Pathavi gatāni ratanabhaṇḍāni yesaṃ teti viggaho. “Dānavarakkhasā”ti danunāmadevadhītāya apaccanti atthena dānava nāmaka rakkhasā. Avarujjhanti antarāyaṃ karontīti avaruddhakā. “Vigaccharūpo”ti vipannaṃvaṇo. “Nihīnakammakatā”ti nihīnanīpāpakammāni katvā āgatā. Kācigandhappiyo jāyantīti sambandho. Yāgandhappiyo joginīti ca vuccanti, juṇhātīti ca vuccantīti sambandho. “Abhilakkhitarattīsū”ti abhiññātarattīsū. Uposatharattīsūti vuttaṃ hoti. “Gocarappasutakāle”ti gocarattāyā vicaritakāle. “Jutiatthenā”ti vijjotanaṭṭhena. Vasūni dhanāni

dhārentīti vasundharā. Vasundharā ca te deva yakkhā cāti viggaho. “Nāgātveva vuccantī”ti pāliyaṃ nāgesu saṅgayhantīti adhippāyo. “Yā”ti yā bhummadevayakkha jātiyo. “Yāsaṃ”ti yāsaṃ bhummadeva yakkhajātīnaṃ. “Kīlāpasutavasena”ti bodhisattānañca buddhānañca acchariya dhammajātakāle ugghosana kīlākammavaḍḍhanavasena. “Yāsañca mantapadānī”ti yāsaṃ niggaha paggahapūjanādi vasena pavattāni mantapadāni. “Tesū”ti + tesu catūsu avaruddhakesu. “Kīlāsoṇḍavasena”ti kīlādhuttavasena. “Ghāsasoṇḍavasena”ti khādanabhuñjana dhuttavasena. Soṇo vuccati sunakho. “Satte” nerayike vā petevā. “Kāmañca hotī”ti kiñcāpi hotīti attho. “Nibandhanokāso”ti niccasambandhanokāso. “Samudāgatesū”ti paramparato āgatesu. “Devarājaṭṭhānesū”ti imasmiṃ cakkavāle tāvatimsābhavane devarājaṭṭhānesūti adhippāyo. “Pāliyaṃ evā”ti dīghanikāye janavasabhasuttapāliyaṃ eva. Yacchanti niyacchanti etthāti yāmo. “Niyacchantī”ti aññamaññaṃ issāmacchariya mūlakehi kalahabhaṇḍanādīhi vigacchantīti attho. “Taṃ saha caritattā”ti tena yāma nāmakena issaradevakulena niccakālaṃ saha pavattattā. “Vasaṃ vattentī”ti icchaṃ pūrentīti vuttaṃ hoti.

“Pure”ti sammukhaṭṭhāne. Taṃ pana ṭhānaṃ uccaṭṭhānaṃ nāma hotīti āha “ucceṭhāne”ti. “Sahasso brahmā”tiādīsu attano sarīrobhāseṇa sahasaṃ cakkavāla lokaṃ pharanto sahassonāmāti aṭṭhakathāyaṃ adhippetāṃ. Kuladevatāyo nāma kula parampara pūjita devatāyo nāma. “Upaṭṭhahantī”ti yuttaṭṭhāne devavattu devamālākāni katvā samaye samaye tattha gantvā gandhamālādīhi pūjenti, vandanti, thomenti, varaṃ patthentīti attho. “Upaṭṭhakā evasampajjantī”ti upaṭṭhakamattāvahontīti adhippāyo. “Kassacī”ti kassaci heṭṭhimassa. “Tatthā”ti tāsu brahmabhūmīsū. Puna “tatthā”ti tasmiṃ dutiyatale. “Ābhā”ti sarīrābhā. Niccharanti aṅgapaccaṅgehi niggacchanti. “Acala saṅṭhitā”ti dutiya tale viya calitā na hoti. Atha kho acala saṅṭhitā. “Tesam”ti tesamvādīnaṃ pāṭhe. Brahmāpārisajjātiādikaṃ nāmaṃ nasiddhamti yojanā. “Injanajātikehī”ti calanajātikehi. “Heṭṭhimatalānaṃ injitaṃ puññapphalaṃ atthīti sambandho. “Āneñja jātikena”ti acalanajātikena upekkhājāhāneṇa nibbattānaṃ catutthatalānaṃ. “Kenaci antarāyena”ti tejosamvattādikena antarāyena. “Etthapī”ti etasmiṃ catutthatalepi. “Āyu vemattatāyā”ti āyuppamāṇanānattassa. “Oḷārikānaṃ”ti idaṃ pakatiyā oḷārika sabhāvatāya vuttaṃ. Na sukhumānaṃ atthitāya. Natthi vihaññaṃ etesanti avihā. Kiṃ vihaññaṃ nāmāti āha “samathavipassanā kammesu avipphārikatā pattī”ti. Cittassa avipphāratā pajjanaṃ nāma natthīti vuttaṃ hoti. “Pasāda dibba dhamma paññā cakkhūhī”ti ‘pasāda cakkhu, dibbacakkhu, dhammacakkhu, paññā cakkhū, hi. Tattha pasādacakkhu eva idha dibbacakkhūtipi vuccati. “Dhamma cakkhū”ti heṭṭhimamaggaññānaṃ. “Paññā cakkhū”ti vipassanā ñānapaccavekkhanāññānehi saddhiṃ avasesaṃ sabbaññānaṃ. “Rūpīnaṃ sattānaṃ”ti rūpakāyavantānaṃ sattānaṃ. “Kaniṭṭhabhāvo”ti appatarabhāvo. “Anāgāmimaggaṭṭhassapi paṭikkhepo”ti sakadāgāmibhāveṭhatvā bhāventasseva anāgāmimaggo uppajjati. No aññathāti āha “sakadāgāmīnaṃ paṭikkhepenā”tiādīṃ.

Bhūmicatukkaṃ niṭṭhitaṃ.

144. Bhavantare okkamanti etāyāti okkantīti piyujjati. “Sotarahito”ti pasādasotarahito. Evaṃ sesesupi. “Āsittakādibhāvenā”ti āsittakapaṇḍakādi bhāvena. “Dvīhi byañjanehī”ti dvīhi nimittehi. “Vibacchavacano”ti vipannavacano. “Vatthu vipannassā”ti ettha “vatthū”ti sambhāra cakkhu vuccati. Tassa ādito paṭṭhāya vipannattā tena samannāgato puggalo vatthuvipannoti vuccati. “Tassa tassā”ti cakkhuso tādikassa. “Pasūtiyaṃ yevā”ti vijāyamānakāleyeva. “Paññāveyyattiyabhāvassā”ti ettha byattassa bhāvo veyyattiyāṃ. “Byattassā”ti pharaṇaññānaṃ puggalassa. Paññā saṅkhātaṃ veyyattiyāṃ assāti viggaho. Dvīhetuka tīhetukānampi na sakkā niyametunti sambandho. Kathaṃ na sakkāti āha “mātukucchimhi vipatti nāma natthī”ti. Katamesaṃ vipattīti. Uppannānampi cakkhu sotānaṃ vipatti. Kenakāraṇena vipattīti. Parūpakkamenavā mātuyā visama payogena vā nānābādhena vā vipattīti yojanā. Dhātupāṭhe yakkha pūjāyaṃti paṭhitattā “pūjanīyaṭṭhena”ti vuttaṃ. Etena yakkhitabbā pūjitabbā yakkhāti dasseti. Ye pana kicchajīvikapattā vicaranti, te bhūmassitā nāma hontīti yojanā. “Bhūmissitā”ti pāṭhe bhūmiyaṃ sitā nissitāti imamatthaṃ dassetuṃ “puññānibbattassā”tiādī vuttaṃ. “Virūpā hutvā”ti te vaṇṇatopi dubbaṇṇā hontī. Saṅṭhānatopi dussaṅṭhānā. Jīvikatopi kicchajīvikātiādīnā vipannarūpā hutvā. “Vivasā hutvā nipatantī”ti vinipātīkatīpi vadantī. Vivasāti ca attano vasena icchāya vināti attho. “Vivittaṭṭhānesū”ti janavittesu ṭhānesu. Pariyesitvā vā jīvitaṃ kappenti. Piḷetvā vā jīvitaṃ kappenti. Tāsetvā piḷetvā vā

jīvitam kappentīti yojanā. “Vemānikapetāpī”ti attano puññanibbattaṃ dibbavimānaṃ yesaṃ atthi, te vemānikā. Te pana puññāpuññamissaka kammaena nibbattatā keci divā dibbasukhaṃ anubhavanti, rattiṃ petadukkhaṃ. Keci rattiṃ dibbasukhaṃ anubhavanti, divā petadukkanti. Parehi dattaṃ dinnam puññapphalaṃ upanissāya jīvantīti paradattūpajīvino. “Parehi dinnam puññapphalaṃ”ti nātakehi puññam katvā idaṃ me puññam petānaṃ kālaṅkatānaṃ nātinam dedhīti evaṃ dinnam puññapphalaṃ. “Sakalacakkavālapariyāpannā ekabhūmakā”ti yathā tāvatimsābhūmi nāma sabba cakkavālesupi atthi. Sabbāpi dibbena vassasahassena ekaāyu paricchedo hoti. Imasmim cakkavāle vattabbaṃ natthi. Na tathā nirayesu vā tiracchāna yoniyam vā pettivisayevā asurakāyevā manussesuvā bhummadevesu vā ekaparicchedo nāma atthi. Catunnam apāyānaṃ āyuppamāna gaṇanāya niyamo natthīti vuttaṃ, na nu brahma saṃyutte kokālikaṃ bhikkhum ārabha bhagavatā vutto dasannaṃ nirayānaṃ visuṃ visuṃ atthīti. Saccaṃ atthi. Te pana dasanirayā avīciniraye pariyāpannā hutvā tassa padesamattā honti. Na tehi pade samattehi sakalo avīcinirayo niyatāyu parimāṇoti sakkā vuttam. Api ca sopi tesam āyuparicchedo avīcibhūmiyā niyāmena siddho na hoti. Tena tena kammaviseseneva siddho. Tasmā yaṃ vuttaṃ “tattha yebhūyyena kammappamāṇattā”ti, taṃ su vuttaṃ hoti. Tenāha “tattha nirayesu”tiādiṃ. “Evaṃ sante”ti na itara dīpavāsīnaṃ āyukappassa ārohaṇaṇca orohaṇaṇca atthīti vutte satīti attho. Samācāro nāma dasasucaritāni. Visamācāro nāma dasaduccaritāni. Tesam nissandabhūtā sampattivipattiyoti sambandho. “Tesam pī”ti itara dīpavāsīnaṃpi. So evaparicchedoti āpajjati. Na ca sakkā tathā bhavitum. Ādikappakāle sabbesampi catudīpa vāsīnaṃ asaṅkhyeyyāyukatā sambhavatoti. Atha itaradīpavāsīnaṃpi āyukappassa ārohaṇam orohaṇaṇca atthi. Evaṃ sati, etarahipi tesam āyukappo jambudīpavāsīnaṃ āyukappena ekagatiko siyāti codanā. Nissandamattattātiādi pariḥāro. Natthi idaṃ mama idaṃ mamāti pavattā pātipuggalikatanhā etesanti “amamā”. “Apariggahā”ti puttadārādīpariggaharahitā. “Uparime cātumahārājike”ti ākāsaṭṭhakacātumahārājike. Dive devaloke siddhāni dibbāni. “Yāva nimirājakālā”ti yāva amhākaṃ bodhisattabhūtassa nimirāṇo uppannakālā. Kassa pabuddho purime antarakappe uppanno. Nimirājā pana imasmim antara kappe uppanno. “Manussa lokehi paññāsavassāni cātumahārājike ekodibbarattidivo hoti”tiādi abhidhamme dhamma hadaya vibhaṅge āgatanayena vutto. Catugguṇavacane. “Uparimānaṃ”ti uparimānaṃ devānaṃ. Ekaṃ vassasahassaṃ āyuppamānaṃ hotīti sambandho. “Dve”ti dve vassasahassāni. “Aṭṭhā”ti aṭṭhavassasahassāni. “Heṭṭhimānaṃ”ti heṭṭhimānaṃ devānaṃ. “Uparimānaṃ”ti uparimānaṃ devānaṃ. Yāme eko rattidivotiādinā yojetabbaṃ. “Cattāri”ti manussaloke cattāri vassasatāni. Evaṃ sesesu. “Ādianta dassanavasenā”ti cātumahārājike manussavassagaṇanā dassanaṃ ādidassanaṃ nāma. Idāni vasavattiyam manussavassagaṇanā dassanaṃ anta dassanaṃ nāma.

Na atidubbalaṃti nātidubbalaṃ. “Taṃ”ti taṃ avitakka avicāramattajhānaṃ. “Bhūmantare”ti pathamajjhānabhūmito aññissaṃ dutiyajjhānabhūmiyam. Kappavacane. Kappīyati vassa, utu, māsa, pakkha, ratti, divā, divasena paricchijjīyatīti kappo. Kappīyanti vā nānādharmappavattiyoti atītā divasena paricchijjīyanti etenāti kappo. Kālo. Mahanto kappoti mahākappo. Vassānaṃ satabhāgehipi sahasabhāgehipi satasahasabhāgehipi saṅkhātum asakkuṇeyyoti asaṅkhyeyyo. Ekassa asaṅkhyeyyassa antare dissamāno kappo antarakappo. Sattānaṃ nānāyuparicchedo āyukappo. So pana manussānaṃ dasavassāyukakāle dasavassena paricchinno. Nevasaññā devānaṃ niccakālam caturāsīti kappasahashehi paricchinno. Antarakappo nāma cūlakappā vuccantīti sambandho. Vīsatippabhedā cūlakappā vuccantīti keci vadantītiādinā yojanā. “Ye”ti ye catusaṭṭhiyādibhedā antarakappā. “Yathāvinaṭṭham”ti vinaṭṭhappakārena vinaṭṭhappakatiyā. Vaḍḍhamāno kappo vivaṭṭo. “Yathāvivaṭṭam”ti vivaṭṭappakārena vivaṭṭappakatiyā. Accayena atikkamanena. Haraṇena apanayanena. “Tatthā”ti tasmim kappavacane. Aṭṭhakathāyam vuttattāti sambandho. “Tejenā”ti agginā. “Saṃvaṭṭati”ti vinassati tadā. “Heṭṭhā”ti heṭṭhāloko. “Catusaṭṭhivāresū”ti niddhāraṇe bhummavacanaṃ.

Gāthāsu. “Sattasattaggināvārā”ti sattasattavārā agginā vinassanti. Athavā, bhummatthe paccattavacanaṃ. Sattasattasuvāresu loko agginā vinassatīti yojanā. Tenāha “aṭṭhame aṭṭhame”ti. “Dakā”ti udakena. Aṭṭhame aṭṭhamevāre loko dakena vinassatīti yojanā. Yadā catusaṭṭhivārā puññā, tadā eko vāyuvāro siyā. Tattha “tadā”ti tasmim catusaṭṭhivāre. “Vivaṭṭamānaṃ”ti saṅghamaṇaṃ. “Vivaṭṭati”ti saṅghahati. “Saṃvaṭṭamānaṃ”ti vinassamānaṃ. “Saṃvaṭṭati”ti vinassati. “Dve asaṅkhyeyyāni”ti aḍḍhadvayaṃ ekaṃ asaṅkhyeyyanti katvā upacārena vuttaṃ. Yathātaṃ-ābhassarānaṃ aṭṭhakappāntīti. “Upaḍḍhenā”ti udakavāre heṭṭhimabhūmīsu udakena vinassamānāsu

dutīyajjhānabhūmi na tāva vinassati. Saṃvaṭṭakappepi cirakālaṃ tiṭṭhateyeva. Idaṃ sandhāya vuttaṃ. Sabbañcetaṃ labbhamānattā vuttaṃ. Asaṅkhyeyyakappaṃ sandhāya vuttanti. Idameva pamāṇanti.

Paṭisandhicatukkaṃ niṭṭhitam.

145. Kammacatukke. “Janetī”ti ajanitaṃ janeti. Pātubhāveti. “Upatthambhati”ti janitaṃ upatthambhati. Ciraṭṭhitikaṃ karoti. “Upapīleti”ti janitaṃ upapīleti, parihāpeti. “Upaghātetī”ti upacchindati. “Kaṭattā rūpānaṃ”ti kaṭattānāmākaṇaṃ kammajarūpānaṃ. “Kammāpathapattāvā”ti ettha paṭisandhijanena satī, sabbampi kammaṃ kammāpathapattaṃ nāma hotīti daṭṭhabbaṃ. Vipaccitthāti vipakkaṃ. Vipakkaṃ vipākaṃ yesanti vipakka vipākā. Upatthambhamānā pavattati. Sayampi paccayaalābhe satīti adhippāyo. “Aladdhokāsassā”ti idaṃ nidassana mattaṃ. Laddhokāsassapi upatthambhanaṃ nāma icchitabbameva. Aññaṃ akusalakammaṃ okāsaṃ labhatīti yojanā. “Cāyaṃ”ti ce ayaṃ. “Kālaṅkariyā”ti kālaṃkareyya. “Assā”ti imassa puggalassa. “Pasāditaṃ”ti pasannaṃ. “Padūsitāṃ”ti paduṭṭhaṃ. Pubbe ‘maraṇāsanna kāle’ti vuttattā idha ‘pavattikālepi’ti vuttaṃ. “Etaṃ”ti kammantarassa upatthambhanaṃ. “Jīvitaparikkhāre”ti jīvitaparivāre paccaye. “Samudānetvā”ti samāha ritvā. “Ethā”ti upatthambhaka kammaṭṭhāne. Khandhasantānassa upabrūhananti sambandho. “Vuttanayenā”ti ‘jīvitantarāye apanetvā’tiādinā vuttanayena. Khandhasantānassa ciratarappavattinti sambandho. “Vuttapakārā”ti ‘vipaccitūṃ aladdhokāsāvā vipakka vipākā vā sabbāpi kusalā kusala cetanā’ti evaṃ vuttapakārā. “Dubbalataraṃ katvā vā vibādhamānā”ti upapīlaka kammakiccaṃ vuttaṃ. “Janaka kammaṃ dubbala āyūhanakāle”ti samuccayanakāle. “Vihata sāmattiyaṃ”ti vināsitasattikaṃ. “Mahesakkhesū”ti mahānubhāvesu. “Upatthambhakampi tabbipariyāyena veditabbaṃ”ti upapīlaka kammato vipariyāyena veditabbaṃ. ‘Uparibhūmi nibbattakampi samānaṃ heṭṭhābhūmiyaṃ nibbatteti’tiādisu ‘heṭṭhābhūmi nibbattakampi samānaṃ uparibhūmiyaṃ nibbatteti’tiādinā vattabbanti adhippāyo. Ajātasatturājavatthumhi tassa rañño pitughātakammaṃ mahāavīciniraye nibbattanakampi samānaṃ pacchā buddhu paṭṭhāna kammaṃ bādhiyamānaṃ vihasasāmattiyaṃ hutvā taṃ usadaniraye nibbatteti. Khandhasantānassa vibādhanā nāma sattassa dukkhuppatti karaṇanti sambandho. Kathaṃ gomahiṃsādīnaṃ puttadārañātimitānaṃ vipattikaraṇaṃ tassa sattassa upapīlaka kammakiccaṃ bhavēyya. Aññohi so puggalo, aññe gomahiṃsādayo. Na ca aññena kataṃ kammaṃ aññesaṃ sattānaṃ dukkhuppattiṃ vā sukhuppattiṃ vā kareyyāti codanā. Duvidhantiādinā taṃ vissajjeti. Ānanda seṭṭhivatthumhi. Soseṭṭhi mahāmacchariyo ahoṣi. Aññepi dānaṃ dente nīvāresi. So tato cavitvā ekasmiṃ gāmake ekissā itthiyākucchimhi jāto. Tassa jātakālato paṭṭhāya tassa pāpakammaṃ mātarāṃ ādim katvā sakalagāmikānaṃ janānaṃ dukkhuppatti hotīti dhammapada aṭṭhakathāyaṃ vuttaṃ. Tasmā nissandaphalavasena aññena kataṃ kammaṃ aññesaṃ sattānaṃ dukkhuppattiṃ vā sukhuppattiṃ vā karoti yevāti daṭṭhabbaṃ. [“Kammājasantati sīsēsū”ti paṭisandhikālato paṭṭhāya uppannā ekekaṃ kammajarūpasantati nāma atthi. Sā pacchā aparāparaṃ tādisāya kammajarūpasantatiyā pavattatthāya sīsabhūtattā santati sīsanti vuccati. Yaṃ kiñci ekaṃ vākammājasantati sīsāṃ. Dve vākammājasantati sīsāni]. Visuddhimaggapāṭhe. “Tadevā”ti taṃ upaghātaka kammameva. “Idha cā”ti imasmiṃ abhidhammatthasaṅgahe. “Imassa pī”ti imassa upaghātaka kammassapi. Duṭṭhagāmaṇi rañño vatthumhi ca soṇatthera pituno vatthumhi ca tesāṃ maraṇāsannakāle pathamaṃ duggati nimittāni upaṭṭhahanti. Pacchā rañño ekaṃ pubbakataṃ kalyāṇa kammaṃ anussarantassa therapitu ca taṅkhaṇe eva ekaṃ kalyāṇa kammaṃ karontassa tāni duggati nimittāni antaradhāyanti. Sagganimittāni pātubbhavanti. Ubhopi cavitvā sagge nibbantantīti. Kusalā kusala kammānaṃ khayaṃ karotīti kusalā kusala kammakkhayakaro. “Āyu kammesu vijjāmaṇēsū”ti tassa sattassa āyu paricchedo ca pariyanta gato na hoti, kammānubhāvo ca parikkhīṇo na hoti. Evaṃ āyu kammesu vijjāmaṇesu. “Aparādha kammassā”ti mātipitūsuvā dhammikasaṃaṇa brāhmaṇesu vā aparajjhanavasena katassa aparādhakammassa. “So panā”ti majjhimaṭṭhakathāvādo pana. “Aruccamāno viyā”ti anicchiyamānoviya. “So”ti majjhimaṭṭhakathā vādo. “Tattha panā”ti majjhimaṭṭhakathāyaṃ pana. “Sabbañcetaṃ”ti sabbañca etaṃ suttavacanaṃ, vasena vuttanti sambandho. Anicchantehi ṭikā cariyehi. “Vipākaṃ paṭicchitabbo”ti vipākaṃ paṭicca icchi tabbo. Ettha “vipākaṃ”ti kammanibbattakkhandha santānaṃ vuccati. Tassa janakaṃ kammaṃ janaka kammanti vuccati. Tasseva khandhasantānassa upatthambhakaṃ tasseva upapīlakaṃ tasseva upaghātakaṃ kammaṃ upaghātaka kammanti vuccatīti adhippāyo. “Sāketa pañhe”ti vipākuddhāre āgate sāketa pañhe. Dhammadinnāya nāma uggasena rañño deviyā vatthumhi sādēvī pubbe ekaṃ

ajam ghātesī, tena kamma apāyesu pativā pacchā pavatti vipākavasena bahūsu bhavesu ajasarīre lomagaṇānamattam attano sīsacchedana dukkham anubhosīti. “Sā panā”ti sā ekā pāṇātipāta cetanā pana. Mahāmoggalāna vatthu nāma pañcasata corānam therassa ghāta na vatthu. Therohi attanā pubbakatena upacchedaka kamma coraghātanam labhitvā parinibbuto. Sāmāvatidevī ca vaggumudānaditiravāsino pañcasata bhikkhū ca attano pubbakatehi upacchedaka kammehi tādisam parūpakkamam labhitvā saggesu nibbattā. Dussimāro nāma kakusandha buddhakāle māradeva putto vuccati. Kalāburājānāma khanti vādītā pasassa ghātako vuccati. Te pana taṅkhaṇe attanā katena upacchedaka kamma taṅkhaṇe eva cavitvā avīcimhi nibbattā. Tattha purima vatthūsu upacchedaka kammam upacchindana mattam karoti. Na attano vipākam deti. Pacchimavatthūsu pana upacchindanaṅca karoti, vipākaṅca detīti. Vibhāvanipāṭhe. “Upacchedana pubbakam”ti upacchedana pubbakam vipākam janetīti yojanā. Kammantarassa vipākam upacchinditvāva attano vipākam janetīti adhippāyo. Tattha “attano vipākam janetī”ti idha kadāci janeti, kadāci na janetīti evam vibhāgassa akatattā “tam na sundaram”ti vuttam. Tenāha “idha pubbakatenā”tiādim. “Aṭṭhakathāsuyeva āgatattā”ti tesu vatthūsu tejanā upacchedaka kamma marantīti evam vatvā āgatattā. Vipākam nibbattetīti vipāka nibbattakam. Tassa bhāvo vipāka nibbattakattam. Vipāka nibbattakattassa abhāvoti viggaho.

Janakacatukkam niṭṭhitam.

136. “Nikanti balena vā paṭibāhiyamānam vipākam na detī”ti jhānalābhino hutvāpi maraṇakāle uppajjitum nikantiyā sati, tam jhānam vipākam na detīti adhippāyo. “Ekassā”ti ekassa puggalassa. “Tesam”ti mahaggatakamma ānantariya kammānam. Antima javanavīthiyam katam nāma vatthu dubbalattā sayampi dubbalam hoti. Paṭisandhim na janeti. Tenāha “antima javanavīthito pubbabhāge āsanne katam”ti. Idaṅca kammasāmañña vasena vuttam. Kammaviseva pana sati, na detīti na vattabbanti dassetum “micchādīṭṭhikammam panā”tiādi vuttam. Katam āsanna kammam nāmāti gahetabbanti yojanā. Pāḷipāṭhe. Assapuggalassa maraṇakālevā sammādiṭṭhi samattā samādinna, micchādīṭṭhi samattā samādinnaṭi yojanā. Parato paripuṇṇam āgamissati. Somanassa janakam paracetanā pavattivasena. Santāpa janakam kukkucavipattisārappavattivasena. Idam garuka catukkam nāma anantare bhava vipaccanakānam kammānam vasena vuttanti āha “upapajjedaniya kammāni evā”ti. Kammam nāma kusalam vā hotu, akusalam vā. Punappunam laddhā sevane sati, vipākam deti. Asati na deti. Kāmāvacarassa kusalassa kammassa katattā upacitattā vipākam uppannam hoti cakkhu viññāṇanti ca, akusalassa kammassa katattā upacitattā vipākam uppannam hoti cakkhu viññāṇanti ca, pāḷiyam vuttam. Etthahi katattāti vatvā puna upacitattāti vacanam punappunam vaḍḍhanasāṅkhāte āsevane sati eva vipākam detīti nāpeti. Tasmā katamatta kammattā kaṭattā kammam nāmāti vuttepi anantarabhava vipaccanaka kammasseva idha adhippetattā punappunam laddhā sevanameva idha gahetabbanti dassetum aṭṭhakathāyam “punappunam laddhāsevanam”ti vuttam.

“Evaṅca katvā”tiādisu. “Yattha tam pubbakatam kammanti āgatam”ti yasmim aṭṭhakathā padese tam kaṭattā kammam pubbakatam kammaṅti āgatam. “Kasmā idhā”tiādisu. “Idhā”ti imasmim abhidhammattha saṅgahe. Pāḷiyam. Yam garukam, tam vipākam deti. Tasmim asati, yam bahulam. Tasmim asati, yam āsannam. Tasmim asati, yam kaṭattā vā pana kammam, tam vipākam detīti attho. Sesamettha suviññeyyam.

Suttantapāṭhe. Sukhavedanam janetīti sukhavedaniyam. “Samattā”ti suṭṭhugahitā. “Samādinna”ti tadatthavivaraṇam. “Pariyattam”ti samattham. Tambadādhikassa yāvajīvam bahūni pāpakammāni āciṇṇāni. Maraṇa divase pana sārīputtatherassa dhammadesanam sutvā cavitvā tena āsanna kamma sagge nibbatti. Vātakālassa yāvajīvam bahūni kalyāṇa kammāni āciṇṇāni. Maraṇa divasepana buddhasāsane viparīta saññaṅ katvā tena āsanna kamma apāye nibbatti.

Garukacatukkam niṭṭhitam.

147. Diṭṭhadhammacatukke. Passitabboti diṭṭho. “Dhammo”ti khandhāyatana dhamma samūho. Diṭṭho dhammoti diṭṭha dhammo. Vattamāno dhammasamūho. Yo attabhāvoti vuccati. Attasāṅkhātassa diṭṭhiyā parikkappitasārassa bhāvo pavatti kāraṇanti katvāti imamattam dassento

“diṭṭha dhammo vuccatī” tiādimāha. “Vipākaṃ paṭisaṃvedetī” ti etena kathaṃ kammaśādhanaṃ dasseti. Paṭisaṃvedana kriyāpade vipākanti kammapadaṃ disvā vipākaṃ nāma veditabbaṃ vedanīyaṃ. Paṭisaṃveditabbaṃ paṭisaṃvedanīyanti viññātattā. “Upeccā” ti upagantvā. “Upapajjitvā” ti upecca pajjitvā. Pāpuṇitvāti attho. Vibhāvanipāṭhe. “Diṭṭha dhammato” ti diṭṭha dhammassa. Sāmiatthe pañcamī. Pāliyaṃ vuttaṃ. “Etthahī” tiādi pubbavākye vutta nayameva. Aparasaddo niccaṃ apādānā pekkho. Tañca apādānaṃ nāma anantare vuttapadehi. “Diṭṭhadhammā nāgatānantara bhavehī” ti diṭṭhadhammato ca anāgatānantara bhavato cāti attho. “Parivatto” ti pabandho. Aparāpariyoti vā, aparo ca aparo ca aparāparo. Aparāpare pavatto aparāpariyoti attho. “Upapajjabhavaṃ” ti anāgatānantarabhavaṃ. Ahosi kamme “ahosī” ti padaṃ aññasi koṇḍaññoti padeviya ruḷhīnāmapadanti āha “ahosi nāmakam” ti. Taṃ pana ruḷhipadaṃ kutopavattaṃti āha “ahosi kammaṃ” tiādim. “Evaṃ vutta pāṭhavasena” ti ettha idha vutto pāṭho sā vaseso. Paripuṇṇapāṭho pana ahosi kammaṃ ahosi kamma vipāko, ahosi kammaṃ nāhosi kamma vipāko, ahosi kammaṃ atthikamma vipāko, ahosi kammaṃ natthi kammavipāko, ahosikammaṃ bhavissati kamma vipāko, ahosi kammaṃ na bhavissati kamma vipākotiādinā paṭisambhidā magge āgato. “Sā” ti pathama javana cetanā. “Appatara vipākā cāti” ti ettha “itī” ti hetu atthe nipāto, tasmā aciraṭṭhiti kattā diṭṭha dhamme eva phalaṃ datvā vigacchati, tasmā appatara vipākattā ahetukamattaṃ phalaṃ datvā vigacchatīti yojanā. “Paccayoti cā” ti paccayaṃ laddhāti vutto paccayoti ca. “So” ti mahantaṃ vutto paccayo. “Kākaḷiyādīnaṃ viyā” ti kākaḷiyādīnaṃ puggalānaṃ diṭṭhavedanīya kammaṃ viya. “Pākaṭatarapphaladānaṃ” ti sattāhabbhantare eva seṭṭhiṭṭhānappaṭi lābhādivasena pākaṭatarapphaladānakam kammavisesaṃ. Kamma pathajavanasantāne pavattā pathamajavana cetanā vā itarāpi pathama javana cetanā vāti yojanā. “Kāci” ti ekaccā pathamajavana cetanā. Sesāni diṭṭhadhamma vedanīya kammāni.

Upapajjakamme. “Attha sādhikā” ti sannitṭhānatthasādhikā. Pāṇaghātādi kiccaśādhikāti vuttaṃ hoti. Suṭṭhu nitṭhāpetīti sannitṭhāpikā. “Sesāni pī” ti sesāni upapajja vedanīya kammāni. “Idhā” ti imasmiṃ manussa loke. “Missakakammāni” ti kusalā kusalamissakāni kammāni. Vemānikapetavattḥūni vimānavatthu pāliyaṃ āgatāni. “Sugatiyaṃ vipattiṃ anubhavantāni vatthūni” ti ettha “vipattiṃ” ti cakkhu sotādīnaṃ aṅga paccāṅgānaṃ vā vipattiṃ. Nānā dukkhupattibhūtaṃ vā vipattiṃ. “Duggatiyaṃ sampattiṃ” ti mahiddhīnaṃ nāgasupaṇṇādīnaṃ sampattiṃ. “Yathā vutta vatthūhi” ti vemānika petavattḥādīhi. Aṭṭhakathāpāṭhe. “Tesaṃ saṅkamaṃ natthī” ti tesaṃ kammānaṃ vipaccanakāla saṅkanti nāma natthi. “Yathāṭṭhāneyeva patiṭṭhanti” ti tāni diṭṭha dhammaṭṭhānādivasena bhagavatā yathā vuttaṭṭhāne eva tiṭṭhanti. “Evaṃ vuttaṃ” ti tesaṃ saṅkamaṃ natthītiādinayena vuttaṃ. “Yuttīyā vā abhāvato” ti ettha diṭṭha dhamma vedanīyassa paṭisandhi vipākādi yuttīyā abhāvato.

Diṭṭhadhammacatukkaṃ.

148. Pākaṭṭhānacatukke. “Kāyādīnaṃ” ti copanakāyādīnaṃ. Kāya viññātādīnanti vuttaṃ hoti. “Atipātentī” ti atikkamma payogena abhibhavitvā pātentī. Tenāha “atipātanañcethā” tiādim. “Adinnaṃ” ti sāmikenaadinnaṃ parasantakam. Agamanīyavattḥūni nāma avitikkamanatthāya anupagantabbāni māturakkhitādīni itthi purisasarīrāni. “Tassā” ti parapāṇassa. “Tato” ti parapariggahita bhāvato. “Acchindaka cetanā” ti parasantakassa attano santakakaraṇavasena bhusaṃ parasantakā bhāvacchindaka cetanā. Viluppana cetanāti vuttaṃ hoti. “Maggena maggappaṭipādakassā” ti attano maggena paramagga sampayojakassa. “Etthapi” ti yathā adinnādāne parapariggahita saññinoti dutīyaṃ aṅgapadaṃ vuttaṃ. Evaṃ etthapi. Ettha vadanti agamanīya vatthu vasena cittanti avatvā tasmīṃ sevana cittanti vuttaṃ. Tasmā agamanīya vatthu saññitāti avuttampi vuttasadisam hotīti. Na hoti. Na hi tasminti vacanaṃ saññāvisesa sahitaṃ atthaṃ vadati. Īdisesu ca ṭṭhānesu sace saññāpādhānaṃ hoti. Pāṇasaññitā, parapariggahita saññitā, ti aṅga padaṃ viya idhapi agamanīya vatthu saññitāti dutīyaṃ aṅgapadaṃ avassaṃ vattabbaṃ hoti. Kasmā, aṅganiyamaṭṭhānattā. Tenāha “etenā” tiādim. “Caturāṅgikova vutto” ti tassa cattāro sambhārā. Agamanīya vatthu, tasmīṃ sevana cittaṃ, sevanaṃ payogo, maggena maggappaṭipatti adhivāsananti. “Sā” ti bhikkhunī. “Rakkhitāsu saṅgahitā” ti māturakkhita pitu rakkhitādisu saṅgahitā. “Ṭṭikāsu panā” ti suttantaṭṭikāsu pana. “Sā” ti bhikkhunī. Pāsaṅḍā vuccanti dvāsaṭṭhi diṭṭhigatādīni. Taṃ vādino pāsaṅḍiyā nāma. Tesaṃ dhammo pāsaṅḍiya dhammo nāma. Micchācāropi dussīlāya itthiyā vitikkamo appasāvajjo. Tato gorūpa sīlikāya mahāsāvajjo. Tato saraṅgātāya, pañca sikkhā

padikāya, sāmaṇeriyā, puthujjana bhikkhuniyātiādi. Aṭṭhakathā pāthe. “Etthā”ti imasmim akusalakāyakamme. “Na gahitaṃ”ti therena vā aṭṭhakathācariyehi vā na gahitaṃ. Surañca merayañca pivanti etenāti surāmeraya pānaṃ. Tadajjhoharaṇa cetanā kammaṃ. “Sabba lahuco”ti sabbesaṃ surāpāna kamma vipākānaṃ majjhe yo vipāko lahukataro, pavattivipākamattoti vuttaṃ hoti. “Ummattakasamvattaniko”ti ummattabhāva samvattaniko. “Pañcapi”ti surāpāna kamma saha pañcapi. Mūlaṭṭikā vacane. “Tassā”ti surāpāna kamma. Paṭisambhidā maggaṭṭikāyaṃ imassa vākyassa samvaṇṇanāyaṃ vuttanti sambandho. Tattha “tabbi ramaṇādayo cā”ti tato surāpānato viramaṇādayo ca. “Madassā”ti majjanassa. “Apuñṇapathassā”ti akusala kamma pathassa. “Tabbirati pī”ti tato surāpānato viratipi. “Nimmadatāyā”ti majjanarahita bhāvassa. “Sā”ti nimmadatā. “Puñṇapathassā”ti kusalakamma pathassa. “Itī”ti tasmā. “Tānī”ti surāpāna kammatabbirati kammāni. “Na itaraṃ”ti kammapathehi asambandhaṃ. Surāpānaṃ viṣuṃ paṭisandhiṃ na detīti yojanā. Tabbirati kamme pana sace idaṃ surāpānaṃ nāma pāpakammaṃ duccharitanti ñatvā samādāna virati sampattavirati vasena taṃ sikkhāpadaṃ rakkhati. Taṃ sīlaṃ aññehi puñṇapathehi asambandhampi viṣuṃ paṭisandhiṃ na detīti na vattabbaṃ. “Evamidaṃ pī”ti evaṃ idampi surāpāna kammaṃ kamma pathapattassa kamma parivārabhūtaṃ eva paṭisandhiṃ janetīti yojanā. “Tatthā”ti kammapathasuttesu. Sarūpato na vuttanti ca sakkā vattanti sambandho. “Yaṃ”ti yaṃ surāpāna kammaṃ. “Tatthā”ti tesu kammapathasuttesu. Kamma jananaṃ nāma duccharita kammānaṃ jananaṃ. Sakkena devāna mindena tassa apāyagāmitā vuttāti sambandho. Tassāsurāya puñṇaṃ imaṃ surākumbhaṃkiṇātha. Mūlaṃ detha gaṇhāthāti attho. “Tassā”ti surāpāna kamma. Apāyaṃ gameti sampāpetīti apāya gāmī. “Yadidaṃ”ti yā ayaṃ yathālābha yojanā atthi. Mūlaṭṭikā vacane. “Kammasahajāta”ti akusala kammasahajāta taṇhā. “Tesaṃ”ti tesaṃ pañcannaṃ kammānaṃ. “Koṭṭhāsato”ti dhammasaṅgaṇiyaṃ phasso hoti, vedanā hotītiādīnā vutte dhammuddesavāre jhānādikoṭṭhāsā nāma āgatā. Tesu pañca sikkhāpadā koṭṭhāsato kammapatha koṭṭhāsikā eva. Kammapatha koṭṭhāse antogadhāti attho. “Purimānaṃ catunnaṃ”ti pāṇāti pātādīnaṃ catunnaṃ kammānaṃ. “Paṭikkhitto”ti tassa kammapathabhāvo paṭikkhitto. “Tatīyaṃ”ti tatīya suttaṃ. Etāsupi ca aṭṭhakathāsu.

Kāyakammādīsu. Sasambhārakāyo nāma sakalo rūpakāyo. Pasādakāyo nāma kāyapasādo eva. Kāya viññatti copanakāyo nāma. “Copana”nti ca calanaṃ vuccati. “So yeva”ti copanakāyoyeva. Kāyakamma nāma lābho ca hoti, tasmā so kammānaṃ pavatti mukhanti vuccatīti yojanā. “Kammāni visesetuṃ”ti idaṃ kāyakammaṃ nāma, idaṃ vacīkammaṃ nāmāti visesetuṃ niyametūṃ. “Sakkontī”ti kammāni visesetuṃ sakkontī. Tasmā kāyadvāre vuttitoti ca vacīdvāre vuttitoti ca vuttanti adhippāyo. Micchācārassa vacīdvāre appavattito “purimāni dve”ti vuttaṃ. “Majjhimāni cattāri”ti musāvādādīni cattāri vacīkammāni. “Chabbidhāni tāni vajjāntī”ti ‘kāyakammaṃ jaheyyu’ntīādīni chabbidhāni tāni vajjāni. Kathaṃ ekamekena bāhulla saddena chabbidhāni tāni vajjetīti. Anvayato ca byatirekato ca vajjeti. Kathaṃ, pāṇātipāta kammaṃ kadāci appakena vacīdvāre uppannampi kāyadvāre eva pavatti bahulattā kāyakammameva hoti. Vacīkamma saṅkhyāṃ na gacchati. Dve vā assa nāmāni na bhavanti. Vacīdvāre pana appakavuttittā vacīkammaṃ nāma na hoti. Kāyakammanti nāmaṃ na jahati. Dve vā assa nāmāni na bhavanti evaṃ ekena kāyadvāre bāhulla vuttivacanena pāṇātipāta kamme chabbidhāni vajjāni vajjetīti. Evaṃ sesesu. Vanacarako nāma vanaluddako. So pana kadāci appakena gāme carantopi vane bāhulla cārittā vanacarako eva hoti. Gāmacarakoti nāmaṃ na labhati. Dve vā assa nāmāni na bhavanti. Evaṃ saṅgāmāvacarakāpi. Saṅgāmāvacaro nāma saṅgāme bāhullāvacaro hatthī vuccati. Ettha manodvāraṃ sabba kamma sādharmaṇattā kammāni visesetuṃ na sakkotīti vuttaṃ. Evañcasati, ‘abhiññā byāpādo micchādīṭṭhi ceti manasmim vuttito manokammaṃ nāmā’ti idaṃ na vattabbanti. No na vattabbaṃ. Kamma siddhiṃ paṭicca aññadvārehi asādharmaṇattā. Tenāha “manokammāni panā”tiādīṃ. “Siddhaṃ”ti nibbattaṃ. “Kāyakammadvāraṃ”ti ettha tattha copanakāyo kāyakammānaṃ pavatti bahulattā kāyakamma dvāraṃ nāma. Copanavācā tattha vacīkammānaṃ pavatti bahulattā vacīkammadvāraṃ nāma. Kusala kusala javana cittaṃ pana manokammānaṃ tattheva kamma kicca siddhito manokamma dvāraṃ nāmāti evaṃ kammena dvāra vavatthānaṃ veditabbaṃ. “Tassa dvārassa nāmaṃ bhindituṃ vā”ti kāyoti nāmaṃ bhindituṃ vā. “Attano nāmaṃ dātunti vā”ti vacīti nāmaṃ tassa dātuṃ vā. “Brāhmaṇa gāmādīnaṃ brāhmaṇa gāmādībhāvo viyā”ti tasmim aññakulesu vasantesupi brāhmaṇa kulabahulattā brāhmaṇa gāmotveva nāmaṃ hoti. Tasmim vane aññarukkhesu santesupi khadīrarukkha bahulattā khadīravanantveva nāmaṃ hotīti vattabbanti. Kāyakammaṃ niṭṭhitaṃ.

149. Vacīkamme. “Musā vadantī”ti abhūtato vadanti. Pisati etāyāti pisuṇā. “Nirutti nayeṇā”ti ettha piyasuṇṇa karaṇāti vattabbe akkhara lopakaraṇaṃ nirutti nayo nāma. “Yenā”ti yenajanena. “Samphaṃ”ti ettha saṃsaddo sammati dukkhaṃ etenāti atthena sukhe hite vattatī āha “saṃ sukhaṃ hitaṇcā”ti. Kīdisaṃ sukhaṃ hitaṇcāti āha “sādhujanehi adhigantabbaṃ”ti. Etena pāpajanehi adhigantabbaṃ hitasukhaṃ paṭikkhipati. Hitasukhassa vināsaṇaṃ nāma tassa āgamana maggabhindananti āha “hitasukha maggaṃ bhindatī”ti. “Taṃ vā”ti ettha “taṃ”ti hitasukhaṃ. “Attha dhammā pagatassā”ti atthato ca dhammato ca apagatassa. “Paṭibhāṇa cittassā”ti suṇantānaṃ cittarati cittahāsavaḍḍhanatthāya paṭibhāṇaṇṇāṇena cittikatassa. “Yatthā”ti yasmim kathā magge. “Attha dhamma vinayapadaṃ”ti attha padaṇca dhammapadaṇca vinaya padaṇca. Tattha attho nāma ārogyasampatti, mīttasampatti, paññāsampatti, dhana sampatti, bhogasampattiyo. Tāsu kosallajanakaṃ vākyapadaṃ atthapadaṃ nāma. Idaṃ sucariṭaṃ nāma saggasaṃvattanikaṃ, idaṃ ducariṭaṃ nāma apāya saṃvattanikanti evaṃ sabhāva dhammesu kosalla janakaṃ vākyapadaṃ dhamma padaṃ nāma. Evaṃ cittaṃ damitabbaṃ, evaṃ indriyāni damitabbāni, evaṃ rāgo vinetabbo, evaṃ doso vinetabbotiādīnā vinetabbesu vinaya kosallajanakaṃ vākyapadaṃ vinaya padaṃ nāma. Yattha evarūpaṃ attha padaṇca dhamma padaṇca vinaya padaṇca kiñci natthi. Tassa vācā vatthumattassa etaṃnāmaṃ hotīti yojanā. “Samphaṃ”ti vuttappakāraṃ niratthakavacanaṃ. “Tatthā”ti tesu vacīkammesu. Visaṃvādanaṃ nāma virajjhā panaṃ. Visaṃvādako nāma virajjhāpanako. Atthaṃ bhañjati vināsetīti attha bhañjanako. “Kamma pathabhedo”ti paṭisandhi janako kamma pathaviseso. “Itaro”ti attha bhañjanakato añño musāvādo. “Kamma mevā”ti pavatti vipāka janakaṃ vacīkammameva. “Rajānaṃ”ti dhūlīnaṃ. Tāsu sugati duggatīsu uppajantīti taduppajjanakāni. “Pathabhūtattā”ti uppattimaggabhūtattā. “Bheda purekkhārenā”ti mittabhedapurekkhārena. Mittaṃ bhindatīti bhedako. “Saṃkiliṭṭha cetanā”ti attha purekkhāra dhamma purekkhāra vinaya purekkhāra anusāsani purekkhāra rahiṭā kevalaṃ bhedapurekkhāra cetanā saṃkiliṭṭha cetanā nāma. “Pare bhinne yevā”ti parajane parajanena mithubhedavasena bhinneveva. “Yaṃ kiñci”ti yaṃ kiñci akkosavatthu. “Ayaṃ pi”ti ayaṃ pharusavācāpi. Evaṃ akkosana kammaṃpi akkositabbassa dūre ṭhitassapi matassapi sampajjatīti yojanā. Anattaṃ niratthakavācā vatthu mattaṃ viññāpetīti anattaviññāpanako. “Saccato gaṇhante yevā”ti yathā so katheti, tathā taṃ vatthu uppanna pubbanti evaṃ saccato gaṇhanteveva. Keci saccato gaṇhitvā kiñci vatthum pūjanīya ṭhāne ṭhapetvā thomentā pūjentā vandantā pariharanti. Samparāyi katthāya taṃ saraṇaṃ gacchanti. Sabbametaṃ niratthakaṃ hoti. “Tadassādavasenā”ti taṃ rājakathādiṃ tattha cittaratiṃ labhitvā assādavaseṇa kathentasseva kammaṃ hoti. Anicca lakkhaṇa vibhāvanatthāya vā ratanattaya guṇavibhāvanatthāya vā pāpa garaha kalyāṇa sambhāvanāya vā kathentassa pana satthakameva hotīti adhippāyo. Tenāha “attha dhamma vinaya nissitaṃ”tiādiṃ. Sesametta kāyadvāre dīpitameva.

150. Manokamme. “Abhijhāyantī”ti atirekataraṃ jhāyanti, cintenti, olokenāti vāti imamattaṃ dassento “assādamatte aṭhatvā”tiādimāha. “Byāpādentī”ti vigatabhāvaṃ āpādentī sampāpentī. Taṇca āpādanaṃ na kāyavācāhi. Atha kho cittenevāti vuttaṃ “cintenti”ti. “Tabbi parītaṃ”ti sappurisa paññattito viparītena. “Tatthā”ti tesu manokammesu. “Idaṃ mamaṃ”ti idaṃ santakaṃ mamasantakaṃ bhavēya, aho sādhu vatāti yojanā. “Attano katvā”ti attano santakaṃ katvā. “Lābhāvatime”ti ettha sulābhaṃ labhantīti lābhā. “Attano kareyyaṃ”ti attano santakaṃ kareyyaṃ. Parabhaṇḍaṃ vatthu yassāti parabhaṇḍa vatthuko. “Vatthū”ti ārammaṇabhūtaṃ vatthu. Yāva na pariṇāmetī, tāva na kamma pathabhedo hotīti yojanā. “Vuttañhettaṃ aṭṭhakathāsū”ti adhikāro. “Ayaṃ”ti ayaṃ satto. “Tassā”ti tassa sattassa. Dasavattukāmicchādiṭṭhi nāma ‘natthidinnaṃ, natthiyiṭṭhaṃ, natthihutaṃ’tiādikā micchādiṭṭhi. Dvāsaṭṭhi diṭṭhigatesu kācidiṭṭhiyo natthikādi sabhāvā hontī. Idha pana tabbahulanayena kammamevāti vuttaṃ. Yathāvuttoti sambandho. Gacchantassa puggalassa. “Cittuppādo”ti maggacittuppāde. “Passanto”ti tīṇi lakkhaṇāni passanto. Vuttoti sambandho. “Niyāmaṃ”ti sammatta niyāmaṃ. Aviparītanīyāmantī attho. Puna “niyāmaṃ”ti micchattaniyāmaṃ. Viparīta niyāmantī attho. Tikicchitum asakkuṇeyyoti atekiccho. Ekantena apāyagāmī hotīti attho. “Apassitvā”ti diṭṭhiṭṭhānānaṃ apassitvā. “Micchādhimokkhamattenā”ti tittā cariyesu saddahana mattenāti adhippāyo. “Sakaṃ ācariyakaṃ”ti attano ācariyassa santakabhūtaṃ. Ṭhito puggalo. Aṭṭhakathāyaṃ vutto, yathāha micchattatike micchāsabhāvāti micchattā. Vipākādāne satī, khandhabhedānantarameva vipākādānato niyatā. Micchattā ca te niyatā cāti micchattaniyatā. Sammāsa bhāvāti sammattā. Sammattā ca te niyatā ca anantarameva phaladāna niyamenāti sammattaniyatāti. “Tassā”ti micchādiṭṭhiyā.

“Acopetvā”ti acāletvā. “Etenā”ti etenapi saddena. “Imesaṃ”ti manokammānaṃ. “Etenā”ti manasmim evāti vacanena. “Upapannaṃ”ti paripuṇṇaṃ. “Upalakkhaṇādivasena”ti upalakkhaṇanaya nidassananaya padhānanayādivasena. “Atthantarappasaṅgo hoti”ti kathaṃ hoti. Evasaddena vinā pāṇātipāta kammaṃ kāyadvāre bāhulla vuttito kāyakammaṃ nāmāti vutte idaṃ laddhātapatto rājakumāroti viya upalakkhaṇanayamattaṃ. Tena sesadvāresupi bāhulla vuttiṃ upasallakkhetīti atthantarappasaṅgo siyāti. Evaṃ sesanayesupīti. “Apicā”ti kiñci vattabbaṃ atthīti joteti. “Tesū”ti pāṇavadhādīsu. “Ekaṃ aṅgaṃ”ti upakkamoti catutthaṃ aṅgaṃ. “Taṃ sahaḥajāta cā”ti cetanā sahaḥajāta ca. Cetanā pakkhe bhavāti cetanā pakkhikā. Cetanā viya kāyakammabhāvaṃ gacchantīti vuttaṃ hoti. “Abbohārikattaṃ gacchantī”ti manokammanti voharituṃ appahonakattaṃ gacchantīti attho. Attā padhānaṃ yesaṃ te attappadhānā. Abhijjhādayo. Attappadhānā na honti. Cetanā padhānā honti. Idheva te attappadhānā hontīti attho. “Tathā tathā”ti ahovata idaṃ mamassātiādīnā tena tena pakārena. “Tatthā”ti tesu manokammesu. “Sabbena sabbam”ti pāṭipadikapadametaṃ. Sabbappakāratoti attho. “Idhā”ti manokammaṭṭhāne. “Manokamma kiccavisesenā”ti ahovata idaṃ mamassātiādīkena kicca visesena. Manokamma dīpanā niṭṭhitā.

151. “Ettha ca dasannaṃ pī”tiādīsu. “Tāpī”ti tā pubbāparacetanāyopi. Ādito paṭṭhāya pavattā tāpīti sambandho. “Yānipanā”tiādīsu. Eko ekassa vadati ahaṃ imaṃ sattaṃ māremi, tvaṃ asukaṃsattaṃ mārehīti. Evaṃ vatvā ubhopi upakkamaṃ karonti. Kammaṃ pana ubhinnampi na sijjhāti. Tattha āṇāpakassa tvaṃ asukaṃ sattaṃ mārehīti āṇāpana kammaṃ sace sijjhāti. Vacīdvāre pavattaṃ kāyakammanti vuccati. Idha pana asiddhattā vacīdvāre dissa mānaṃ vacīkammanti vuccati. Vacīduccaritamattanti vuttaṃ hoti. Esanayo sesesupi.

“Dosamūlenā”tiādīsu. Doso eva mūlaṃ dosamūlaṃ. Doso mūlaṃ massāti dosamūlaṃ. Taṃ sampayutta cittanti dvidhā attho. Byāpādo nāma doso eva. So kathaṃ dosena mūlena jāyeyyāti vuttaṃ “purimo byāpādavajjehī”ti. Parato abhijjhāyampi esanayo. Vibhāvanipāṭhe. Nidhipāṭhakā nāma rājanidhi vidhāyakā. Tattha caṇḍo niggahetabboti āgatattā duṭṭhaniggahatthanti vuttaṃ. Rājūnaṃ adinnādānaṃ mohamūlena jāyatīti yojanā. “Brāhmaṇānañcā”ti sakasaññāya eva yaṃ kiñci harantānaṃ brāhmaṇānañca kammaphalasambandhāpavādīnañca. “Āharaṇaṃ”ti adinnādānavasena haraṇaṃ. Avaharaṇanti vuttaṃ hoti. Yo pana moho rājūnaṃ uppanno, yo ca brāhmaṇānaṃ uppanno, yo ca kamma phalasambandhā pavādīnaṃ uppannoti sambandho. “Lobho nidānaṃ kammānaṃ samudayāyā”ti lobho kammānaṃ suṭṭhuvaḍḍhanāya nidānaṃ kāraṇaṃ hotīti yojanā. Sañjātā kaṅkhāyesaṃ te sañjātakaṅkhā. Parito utṭhāti ethāti pariyuṭṭhānaṃ. Kaṅkhāya pariyuṭṭhānaṃ kaṅkhāpariyuṭṭhānaṃ. Janānaṃ tānikammānīti sambandho.

Akusalakamma dīpanāniṭṭhitā.

157. Kusalakamme. Ayaṃ pana evamādīsu suttapadesu āgatoti sambandho. “Mettaṃ kāyakammaṃ”ti mettāsahagataṃ kāyakammaṃ. Evaṃ vacīkammepi. Cetanā hettha kammanti adhippetā. Manokamme pana cetanāpi yujjati. Abyāpādopi yujjati. Nānaṃ anuparivattīti nānānuparivattaṃ. Nānānuparivattītipi pāṭho, so yevattho. “Padakkhiṇaṃ”ti pavaḍḍhitaṃ. Aparam pariyāyaṃ dasseti “yasmim panā”tiādīnā. Dussīlassa bhāvo dussilyaṃ. Pāṇātipātādīkammaṃ. “Pavattamāne”ti kāyadvāre pavattamāne. “Yaṃ pana kusalaṃ”ti pāṇāti pātādito virati kusalaṃ. “Pavattamānaṃ”ti citte pavattamānaṃ. “Kicca sīsenā”ti kiccappadhānena. Kiccaṃ padhānaṃ katvāti adhippāyo. Sesametta kāyakamme suviññeyyaṃ.

“Vacīkammepi esevanāyo”ti yasmim dussilye pavattamāne vācā aparisuddhā hoti. Vacī saṃvaro bhijjatiādīnā vattabbaṃ. “Avasesaṃ panā”ti tīhi kāyakammehi catūhi vacīkammehi avasesaṃ. Tattha “tīhi kāyakammehī”ti tīhi kāyaduccarita virati kammehi. “Catūhi vacīkammehī”ti catūhi vacīduccarita virati kammehi. “Sabbampi kalyāṇa kammaṃ”ti sabbampi dānakammaṃ, sabbampi bhāvanā kammaṃ, apacāyana kammaṃ, veyyāvaccakammaṃ, pattidānakammaṃ, pattānumodanākammaṃ, dhammasavana kammaṃ, dhamma desanā kammaṃ, sabbampi diṭṭhijjukammaṃ tīsudvāresu pavattampi manokammaṃ nāmāti yojanā. Imesu pana dvīsu pariyāyesu pacchimoyeva padhānanti sambandho. “Yāva devā”ti antima pariccheda jotako nipāto. Matthakaparicchedenāti attho.

Sīlapade. “Sīlayatī”ti sammā dahati ca upadhāreti cāti dvidhā attho. “Susamāhitānī”ti suppatitthitāni. “Uparime kusala dhamme”ti mahaggata lokuttara kusaladhamme. Sattasu visuddhīsu uparime citta visuddhādi kusaladhamme. “Adhikusala dhamme”ti adhi ke bodhipakkhiya kusala dhamme. Parehi dinnam, tadeva pattim. Sabbāni pana tāni dānādīni kusalāni. Sodhenti sappurisājanā. Tāni evapuññāni. Ekamekam puññakriyavatthu. “Iminā paccayenā”ti cīvarādi paccayena, annapānādi paccayena, dhana dhanāññādi paccayena vā. “Sabbampi cetam”ti sabbampi etam dasavidham puññam. “Hīnena chandenā”ti yasakāmatādivasena hīnena chandena, hīnena cittena, hīnena vīriyena, hīnāya vīmaṃsāya. “Majjhimenā”ti puññapphalakāmatādivasena majjhimena. “Pañītenā”ti kattabbamevidanti ariyavaṃsānu brūhanavasena pañītena chandādinā pavatti tam pañītanti yojanā. “Yasakāmatāyā”ti kitti saddakāmatāyā vā, parivārakāmatāyā vā. “Puññapphalakāmatāyā”ti bhavasampatti bhogasampattikāmatāyā. “Ariyabhāvaṃ nissāyā”ti idam dānam nāma ariyānam vaṃso. Ahampi ariyo. Tasmā mayāpi kattabbamevidanti evam ariyabhāvaṃ nissāyāti attho. Ettha ca “ariyo”ti ācāra ariyopi yujjati dassana ariyopi. Tattha ācāra ariyo nāma sappuriso puthujjana kalyāṇako vuccati. Dassana ariyo nāma paramattha ariyo. “Pāramitā dānam”ti sabbadānehi aggapattam mahābodhi sattānam pāraṅgatadānam. Tañhi sabba sattavimokkhatthāya pavatti tattā aggapattam hoti, pāraṅgataṃ. Tato uttaritarassa kassacidānassa abhāvato. Sesesupi puñña kriyavatthūsu. “Tikadvayam”ti purimādi hīnādi tikadvayam. “Antima vatthunā”ti antima vatthu ajjhāpajanena vā. “Dussīlo nāmā”ti dussīla bhikkhu nāma. So hi yāvabhikkhuppaṭṭiñnam na vijahi. Tāva bhikkhu eva. Na sāmaṇero, na gihi. Tam ce añño bhikkhu amūlakena antima vatthunā anuddhamseti. Anuddhamsentassa saṅghādi seso. Omasavāde pācittiyam. Sahaseyyaṭṭhāne tena saha atireka rattim sayantassāpi āpatti natthi. Tasmā so dussīla bhikkhutveva vattabboti. “Puna kammavācāya samādātabbanti natthi”ti yathā sikkham paccakkhantassa sabbam samādānam bhijjati. Puna bhikkhubhāvaṃ icchantena puna kammavācāya samādātabbam hoti. Evam puna kammavācāya samādātabbanti natthi. “Itaresu panā”ti līnganāsanaṅgato aññesu daṇḍakammaṅgesu. Niccasīlādīsu. “Yam niccomeva vaṭṭati”ti yam pāṇātipāta virati sīlam niccomeva rakkhitum vaṭṭati. Aniccam na vaṭṭati. Kasmā, pāṇaghātādim karontassa sabbakālampi duccharita sambhavato. Tenāha “aniccam sāvajjam hoti”ti. Duccharitam hotīti attho. “Yam niccampi vaṭṭati”ti pakati gahaṭṭhānam yam vikāla bhojanādi virati sīlam niccampi vaṭṭati. “Aniccampi vaṭṭati”ti samādāna divasam atikkamitvā vikāla bhojanādim karontassa vītikkama dosovā duccharita doso vā natthīti adhippāyo. Tenāha “sāvajjam na hoti”ti. Duccharitam na hotīti attho. Tathā dasasīlaṅca pakati gahaṭṭhānam aniccasīlam nāmāti yojanā. “Aniccasīlameva hoti”ti pakati gahaṭṭhānam tam dasasīlam yāvajjivam niccam katvā samādiyitvā rakkhantānampi apabbajitattā pabbajitesu jāti sabhāveneva siddham niccasīlam nāma na hoti. Yāvajjivam katvā samādāna vaseneva niccam hotīti adhippāyo. “Vesadhāraṇena saha siddhattā”ti ettha katham vesadhāraṇena siddham hotīti. Vesadhāraṇam nāma gihivattham pahāya kāsāya vattha dhāraṇam. Kāsāyavatthāṅca nāma arahattadhajo hoti. Na ca arahattadhajam dhārentassa sikkhāpadam asamādiyantassāpi vikāle bhujjijitum vaṭṭati. Tathā naccādīni passitum, mālādīni dhāretum, uccāsayanādīsu vasitum, jātārūpādīni sādītum. Kasmā iti ce, tesañhi tam tam yathāsakam sīlam niccam suddham katvā rakkhitumeva vaṭṭatītiadinā kāraṇam heṭṭhā vuttamevāti. “Appanam apattāva adhippetā”ti appanāpattānam mahaggatabhāvanānam visum upari vakkhamānattāti adhippāyo. “Etthevā”ti imasmiṃ bhāvanā kamme eva. “Te saññevā”ti ratanattayādīnam eva ca. Gantum āraddho gamiko. Addhānam dīghamaggam gacchanto addhiko. “Parisuddhenā”ti lābhasakkārādi nirapekkhatāya attukkam sana paravambhanādi rahitatāya ca parisuddhena. “Hitappharāṇa cittenā”ti mayi karonte imassa ettakam hitasukham bhavissatīti evam tesam hitasukhesu pharaṇa cittena. Mettacittenāti vuttam hoti. “Attano kicesu viyā”ti etena tesam sabbam kiccam attanobhāram karotīti dīpeti. “Sādhāraṇa karaṇam”ti attano puññam paresam dānam. Atta manatāpavedaniyādhusādhūti vacībhedakaraṇam. Tañhidinnañcānumoditaṅca diṭṭhadhammavedanīyam jātanti sambandho. “Yonisomanasikāre ṭhatvāti ettha silokādīpakkhikam ayonisomanasikāram jahitvā suṇantassa imam dhammam sutvā attharasadhammarasappaṭisaṃvedī bhavissāmīti, desentassa imam desento dhammassa ca suṇantānaṅca anuggaham karissāmīti yonisomanasikāre ṭhatvā. Lābha sakkārādi pakkhiko manasikāro ayoni somanasikāro nāma. Niyyānattha nissaraṇattha pakkhiko yonisomanasikāro nāma. Niravajja kammāni nāma kasigorakkhādi kammāni. Niravajjasippāni nāma vaḍḍhakisippādīni vejjasippādīni ca. Niravajja vijjāṭṭhānāni nāma parūparodhara hitāni aṅgavijjā vedavijjā mantavijjādīni. “Vodāna karaṇam”ti vīsesena visuddhakaraṇam. “Tam sabhāvattā”ti dānasabhāvattā. “Cāritta sīlattā”ti sappurisānam pakati cāritta sīlattā. Puna “tam sabhāvattā”ti bhāvanā sabhāvattā. Tathāhi desentassa ca suṇantassa

ca desanāsotānusārena cittabhāvanā ñāṇabhāvanāvahattā desanāsavanā sabhāvā honti. Attano diṭṭhiṃ sayameva ujum karontassa ca ñāṇabhāvanā kammameva. Tathā parassa dhammadeśanam sutvā ujum karontassāpīti. “Dhammo nāma natthi”ti desanā dhammo nāma natthi. Kasmā, dānasīlāni desentenapi ante lakkhaṇattayena sahasaccappakāsanassa kattabbattā. Etena desanāsavanā ante lakkhaṇattayānupassanā bhāvanā kammaṭṭhāne patiṭṭhitattā taṃ sabhāvā hontīti dasseti. “Manokamma mevā”ti paduddhāro. “Manasmiṃ evā”ti manodvāre eva. “Kiccāsiddhito”ti appanā kiccassa sijjhanato. “Aṅgabhāvā sambhavato”ti appanā kiccāsiddhiyaṃ aṅgabhāvā sambhavato. “Tañcabhāvanā maya”nti paduddhāro. “Dānādivasena”ti dānasīlavasena. Dānavasena appavattanatoti idaṃ tāva yujjati. Sīlavasena appavattanatoti idaṃ pana pāliya na sameti. Pāliyañhi mahagatajjhānesupi pahānaṃ sīlaṃ veramaṇi sīlantiādi vuttanti codanā. Taṃ pariharanto “yaṃ panā”tiādimāha. “Pariyāyena vuttaṃ”ti kenapariyāyena vuttanti. Pakati cārittaṃ sīlanti vuccati. Uppanne ca pathamajjhāne nīvaraṇānaṃ pahānaṃ nāma pakaticārittameva pakati niyāmena pavattameva. Iti pakaticārittattā sīlanti vuttaṃ. Puna nīvaraṇānaṃ pahānameva tehi vigamaṇaṭṭhena veramaṇīti ca, pidhanaṭṭhena saṃvaroti ca, pahāna kiccaṃ avijhanaṭṭhena avīkkaṃmoti ca, vuttaṃ. Cetanāsīlanti ettha pana jhānasampayutta cetanā eva vuccati. Sā ca sīlajāti kattā sīlanti vuttāti daṭṭhabbaṃ. “Appanāpatta”nti paduddhāro. “Jhānabhedenā”ti pana vattaṃ. Rūpāvacarakusalañhi jhānabhedenā pañcavidhaṃ, jhānameva pana jhānaṅgabhedenā pañcavidhanti.

Kusalakammadīpanā niṭṭhitā.

153. “Etthā”tiādisu. “Dhammasaṅgahe”ti dhammasaṅgaṇi pāliyaṃ. “Dassanenā”ti sotāpatti maggaññāṇena. “Taṃ”ti uddhacca cetanaṃ. “Bhāvanāyā”ti uparimaggattayasaṅkhātāya bhāvanāya. Pālipāṭhe. “Cittuppādā”ti cittacetāsikā vuccanti. “Siyā”ti ekacceti atthe nipāta padaṃ. Imesu chasu cittuppādesu ekacce cha cittuppādā sotāpatti maggena pahātabbā, ekacce cha cittuppādā tīhi upari maggehi pahātabbāti attho. Tattha pathamapade “ekacce cha cittuppādā”ti kammaṭṭhāpattakammasahajātā cha cittuppādā. Dutīya pade “ekacce cha cittuppādā”ti akammaṭṭhāpattā dhammikesu ṭhānesu assādanābhi nandādivasena pavattā cha cittuppādā. “Tatthā”ti dhammasaṅgahe. “Itarattā”ti itaresu bhāvanāya pahātabbesu. “Tassā”ti nānakkhaṇika kammaṭṭhāpattāya. Pālipāṭhe. “Sahajātā”ti attano paccayuppannehi saṅghāṭṭhā. “Nānakkhaṇikā”ti attano paccayuppannehi saṅghāṭṭhā atītakālabhūte nānakkhaṇe pavattā pāṇātipātādi cetanā. “Yadi evaṃ”ti evaṃ yadi siyāti attho. Yadi uddhacca cetanā dassana pade anuddhaṭṭhā paṭisandhiṃ nākaḍḍhatīti viññāyeyya. Evaṃ satīti pāṭhaseso. “Ce”ti ce vadeyya. “Nā”ti na sakkā vattaṃ. “Tassā vipākassā”ti tassā uddhacca cetanāya vipākassa. Pālipāṭhe. “Imesu dhammesu ñāṇaṃ”ti ime dhamme ārammaṇaṃ katvā uppannaññāṇaṃ. “Tesaṃ vipāke”ti uddhacca saṅghāṭṭhānaṃ vipāke. “Ñāṇaṃ”ti taṃ vipākaṃ ārammaṇaṃ katvā uppannaññāṇaṃ. “Sabba dubbalanti ca sakkā vattaṃ”ti sambandho. “Ativiya kālakadhammattā”ti buddhādīsū mahantesu ṭhānesu saddhāratanaṃ antarāyaṃ katvā pavattanato atīyevakaṇha dhammattā. Tassā vicikicchā cetanāya paṭisandhi ākaḍḍhanampi viññātabbanti yojanā. “Sabhāva viruddhattā yevā”ti vicikicchā asanniṭṭhāna sabhāvā. Adhimokkho sanniṭṭhāna sabhāvoti evaṃ sabhāva viruddhattāyeva.

“Sabbatthā”tiādisu. “Vipaccatīti vipācetī”ti vadanti. Taṃ pana padarūpena na sametīti aññaṃ atthaṃ vadanto “sabbampi vā”tiādimāha. “Mahāsampattiyo samuṭṭhāpetvā”ti devaloke devasampatti sadisā dibbavimānādikā mahāsampattiyo samuṭṭhāpetvā. Idaṃ “okāsaṃ katvā”ti pade visesanaṃ. Tattha “sukha vipākaṃ”ti idaṃ aṭṭha ahetuka vipākāni sandhāya vuttaṃ. Rūpaloke brahmānaṃ rūpakāyo rūpāvacara kammaṇa nibbato. So ca kāmāvacara dhamma samūho eva. Evaṃ sante tasmīṃ loke pañca ahetuka vipākānīpi rūpāvacara kammaṇa nibbattāni siyunti codanā. Taṃ pariharanto “rūpāvacara kusalaṃhī”tiādimāha. “Tānī”ti apāyabhūmiyaṃ uppannāni aṭṭha ahetuka vipākāni. “Sabbasmiṃ kāmāloke”ti ekādasavidhe kāmāloke. “Tesu cā”ti tesu aṭṭha ahetuka vipākesu ca. “Ārammaṇantare”ti kasiṇa nimittāditto aññaṃ ārammaṇe. “Nimittā rammaṇe”ti kasiṇa nimittāditte nimitta paññāṭṭhā rammaṇe. “Tāni pañcavipākānī”ti cakkhu viññāṇādīni pañca ahetuka vipākāni kāmāvacara kusala kammaṇe vipākāni hontīti yojanā. “Soḷasaka maggo”ti soḷasakathā maggo kathāpabandho. Evaṃ dvādasā kamaggo. “Ahetukaṭṭhaka”nti ahetuka vipākaṭṭhakaṃ. Sammā pakārena jānātīti sampajānaṃ. Ñāṇaṃ. Sampajānena katanti viggaho. Na sampajānakataṃ asampajānakataṃ. “Saddahitvā”ti etena diṭṭhūju kammaññaṃ sampattiṃ dīpeti. Na hi tena ñāṇena asampanno kammaññaṃ kammaṭṭhānaṃ saddahatīti. Jānitvāti vā pāṭho siyā.

“Ekamekaṃ”ti ekamekaṃ kusalakammaṃ. “Kusala samaye”ti kusala kamma karaṇakāle. Kusaluppattikāle vā. Yassame īdisaṃ puññaṃ pasutaṃ. Tassame bhavalābho bhogalābho mittalābho sabbelābhā ekantena sulābhāti attho. “Suladdhaṃ”ti idaṃ puññaṃ suladdhaṃ. Devesu ca manussesu saṃsaritvāti pāṭhaseso. “Sesenā”ti tassakammassa vipākāvasesena. Aṭṭhakathā pāṭhe. “Ekapiṇḍapātasmim”ti ekavāraṃ piṇḍapātadāne. Saṃyuttaṭṭhakathāyaṃ vuttaṃ. Tasmā yaṃ vuttaṃ ‘ekā cetanā ekameva paṭisandhiṃ deti’ti, taṃ suvuttanti adhippāyo. “Paṭipakkhehi”ti paṭipakkhehi akusalehi. Visesena bhusaṃ muḷho byāmuḷho. Ativiya byāmuḷho atibyāmuḷho. Atibyāmuḷhatthāya paccayabhūṭanti viggaho. Atiduppaññāya paccayabhūṭanti attho. So hi thero vadatīti sambandho. “Iti katvā”ti evaṃ manasikarivā. “Sannihitapaccayamattenā”ti āsanne saṅghitapaccaya mattenā. “Pubbapayoga paccayamattenā”ti vuttaṃ hoti. Balavakammavasena uppannattā tikkhataraṃ vipākaṃ. Yadā payoga rahitena paccayagaṇena uppajjati, tadā asaṅkhārikaṃ nāma. Yadā payogasahitena, tadā sasaṅkhārikaṃ nāma. Tattha asaṅkhārikaṃ tikkhaṃ nāma. Sasaṅkhārikaṃ mandaṃ nāma. Tathā dubbala kammena uppanne mandavipākepi yojetabbaṃ. Evaṃ tikkhamandānaṃ mandatikkkhatāpatti nāma siyā. Na ca tathā sakkā bhavitunti adhippāyo. Ettha siyā, yadi pubbakammavasena aṭṭhannaṃ mahāvīpākānaṃ saṅkhārabhedo siddho siyā, aṭṭhannaṃ ahētuka vipākānampi sosaṅkhārabhedo siddho bhavēyya. Tānipi hi kānici asaṅkhārikaṇa kammena nibbattāni, kānici sasaṅkhārikaṇaṇi codanā. Taṃ pariharanto “ahētuka vipākānaṃ panā”tiādimāha. “Ubhayakamma nibbattanaṃ”ti tesāṃ saṅkhāra bhedarahitattā asaṅkhārika kammenapi virodho natthi. Sasaṅkhārika kammenapi virodho natthi. Asaṅkhārika kammenapi nibbattanti. Sasaṅkhārika kammenapi nibbattanti. Evaṃ ubhayakamma nibbattanaṃ yuttaṃ. “Iti adhippāyo”ti tassa therassa adhippāyo. “Na kammāgamana vasenā”ti kammasaṅkhātassa cirakālato āgamana paccayassa vasena. “Āgamanaṃ”ti ca āgacchati etenāti āgamananti viggaho. “Kammabhava”ti atīte kammakaraṇabhava. “Kecanā”ti keci. Aṭṭhasālīniyaṃ pana āgatāti ca. Paṭisambhidā magge pana dvihetukā vuttāti ca sambandho. Imasmim ṭhāne paṭisambhidā maggaṭṭhakathā vacanampi vattabbanti vadanto “tattha panā”tiādimāha. “Tīsu khaṇesu”ti kammakkhaṇe nikantikkhaṇe paṭisandhikkhaṇeti tīsu khaṇesu. “Ṭīkākārāpanā”ti abhidhammaṭīkākārāpana. “Sāvasesapāṭho”ti pālīyaṃ tihetukena kammena dvihetuka paṭisandhi, dvihetukena kammena ahētuka paṭisandhi avasesā hoti. Evaṃ avasesa vākya sahito pāṭho. Sarikkhameva sarikkhakaṃ. Kammena sarikkhakaṃ sadisaṃ kammasarikkhakaṃ. Vipākaṃ. “Mahātherenā”ti sārīputta mahātherena. Evañca katvātiādinā ṭīkākārānaṃ vacanaṃ upatthambheti.

Kāmāvacarakammaṃ niṭṭhitaṃ.

154. Rūpāvacarakamme. “Appaṇatāyā”ti aparicitāyā. Avaḍḍhatāyā. “Hīnehi chandādīhi”ti lābhasakkāra silokādi sāpekkhatāyā hīnehi chandādīhi. “Te dhammā”ti chandādayo dhammā. Tāni idha nādhippetāni. Kasmā, upapattippabhedassa asādhakattāti adhippāyo. “Imānevā”ti imāni eva jhānāni. “Tividhāsū”ti ekasmim tale brahmapārisajjādi vasena tividhāsu. “Aṭṭhārasappabhedena vibhajitvā”ti tīsu hīna majjhimapaṇītesu ekekasmiṃ hīna hīnaṃ hīna majjhimāṃ hīna paṇīṭantiādinā vibhattena navavidhāni honti. Puna tesu tīni majjhimāni. Majjhimahīnaṃ majjhimamajjhimantiādinā vibhattāni navavidhāni honti. Evaṃ aṭṭhārasabhedena vibhajitvā. “Kammadvārāni nāmā”ti kammappavatti mukhāni nāma. “Imehi pabhāvitattā”ti imehi pabhāvehi mūlakāraṇehi pabhāvitattā pavattāpitattā. “Aṭṭhārasakhattiyā”ti hīnamajjhimādībhedenā aṭṭhārasa khattiyā. Tathā aṭṭhārasa brāhmaṇādayo. Aṭṭha cattālīsa gottāni nāma hīnamajjhimā divasena vibhattāni gotmagottādīni aṭṭhacattālīsa gottāni. Tesāṃ cāritta paṭipattibhūṭāni caraṇānīpi aṭṭhacattālīsa hontīti. Ettha siyā. Purima vacane hīnādīni brahmaloke, aṭṭhakathā vacanehīnādīni manussaloketi sādhetabbaṃ aññaṃ, sādhaṃ aññanti codanā. Taṃ pariharati “etenahī”tiādinā. “Upalakkheti”ti paccakkhato pākaṭaṃ ekadesaṃ dassetvā apākaṭe tādisepi jānāpetīti attho. “Samatthā samatthaṃ vā”ti samatthā samatthabhāvaṃ vā. “Tathā hānenā”ti tathāhi anena ācariyena. Anuruddhā cariyenāti vuttaṃ hoti. Nāma rūpa paricchede vuttanti sambandho. Samānāsevane laddhe sati, mahabbale vijjānāne mahaggatakammaṃ vipākaṃ janeti. Tādisaṃ hetuṃ aladdhā alabhitvā abhiññā cetanā vipākaṃ na paccatīti yojanā. Tattha “samānā sevane”ti bhūmisamānatā vasena samānāsevane. Kāmajavanaṃ kāmajavanena samānāsevanaṃ. Rūpajavanaṃ rūpajavanena. Arūpajavanaṃ arūpajavanenāti daṭṭhabbaṃ. Tena vuttaṃ “samānabhūmikato”tiādi. Tattha “tadabhāvato”ti tādisassa balavabhāvassa abhāvato. Ekavāramattabhūṭā mahaggata cetanā ca. “Sabba pathamabhūṭā”ti samāpatti vīthīsu gotrabhussa anantare mahaggata javanaṃ sandhāya

vuttaṃ. Lokuttara maggacetaṇā kadācīpi samānā sevanaṃ na labhati. Evaṃ santēpi attano anantarato paṭṭhāya yāvajīvampi bhavantarepi ariyaphalaṃ janetiyeva. Evamevāti vuttaṃ hoti. Idaṃ pavattiphalaṃ nāma hoti, idha pana paṭisandhi phalaṃ vicāritaṃ, tasmā asamānaṃ idaṃ nidassananti ce. Vuccate. Maggacetaṇā nāma taṇhā sahāyakamaṃ vaṭṭagāmi kammaṃ na hoti. Ataṇhā sahāyakamaṃ vivaṭṭagāmi kammaṃ hoti. Tasmā paṭisandhiṃ na deti. Sace pana taṃ taṇhā sahāyakamaṃ vaṭṭagāmikammaṃ bhaveyya. Paṭisandhi kālepi phalaṃ dadeyya. Asamānā sevanatā pamāṇaṃ na bhaveyya. Evaṃ aññakāraṇatā asamānaṃ nidassanaṃ hoti. Na asamānā sevanatāyāti daṭṭhabbaṃ. “Upacittatā”ti punappunaṃ āsevana lābhena vaḍḍhitatā. “Sā cetanā”tiādīkammīkamahaggata cetanā ca. “Nā”ti codanā, na siyāti attho. Na ca sāpi samānabhūmaka dhammato laddhā sevanā hoti. Evaṃ santēpi katattā bhāvitattāti vuttaṃ. Bhāvitattāti ca punappunaṃ āsevana lābhena vaḍḍhitatā iccevattho. Tasmā viññāyati asamānabhūmikehi pubbhāgappavattehi kāmajavanehi paramparato punappunaṃ laddhā sevanatāya eva idha upacittatāti vuttanti. Tena vuttaṃ “ubhayattha panā”tiādi. Tattha “ubhayatthā”ti ubhayesu katattā upacittatāti ca katattā bhāvitattāti ca vuttasu pāthesu. “Pathama samannāhārato paṭṭhāyā”ti mahaggatajjhāne appanāvīthito pure dvīsu parikamma bhāvanā upacāra bhāvanāsu parikamma bhāvanaṃ bhāventassa pathavī pathavītiādinā pathama samannāhārato paṭṭhāya. Lokuttara maggepana dasasu vipassanā ñāṇesu sabbapathamaṃ sammāsanaññāṇaṃ bhāventassa rūpaṃ aniccaṃ vedanā aniccātiādinā pathama samannāhārato paṭṭhāyāti attho. Upacinitvāti ca bhāvetvāti ca vaḍḍhetvā icceva attho. “Abbhūḥā”ti abhinavāti vuttaṃ hoti. “Ayaṃ vādo”ti anuruddhā cariyassa vādo. Yadi evaṃ, aṭṭhakathāsu saṅkhāra paccayā viññāṇa pada niddesesu abhiññā cetanā panettha parato viññāṇassa paccayo na hotīti na gahitāti vuttaṃ. Tattha aññaṃ yuttaṃ kāraṇaṃ vattabanti, taṃ vadanto “catutthajjhāna samādhissa panā”tiādimāha. “Ṭikākārā”ti abhidhammaṭikākārā. “Tassā panā”tiādi attanovāda dassanaṃ. Sādhentiya abhiññā cetanāya. Acittakabhava patthanāsahitaṃ saññā virāganti sambandho. “Idhā”ti manussa loke.

“Anāgāmino panā”tiādisu. “Etenā”ti etena attha vacanena. “Saddhādhiko”ti sandhindriyādhiko. Evaṃ vīriyādhikādisupi. “Attanā laddha samāpattīnaṃ”ti ekassapi puggalassa bahūnaṃ attanā laddha samāpattīnaṃ. Tesu puthujjana sotāpanna sakadāgāmīsu. “Puthujjano”ti jhānalābhi puthujjano. “Nikantiyāsati”ti kāmabhavanīkantiyā sati. “Itare panā”ti sotāpanna sakadāgāmino pana. Parihīnājjhānā eva tattha nibbantanti. Na nikanti balenāti adhippāyo. Vibhāvanipāṭhe “tesaṃ pī”ti jhānalābhi sotāpanna sakadāgāmīnampi. Icchantena ṭikācariyena. Tathā nikantiyā sati puthujjanādayo kāmāvacara kamma balena kāmabhavēpi nibbantantīti yojanā. Cetopañidhi ijhati. Kasmā, visuddhattā. Sīlavisuddhattāti adhippāyo. “Te”ti jhānalābhi sotāpanna sakadāgāmino. Aṅguttara pāṭhe. “Sahadassanuppādā”ti sotāpatti maggaññāṇaṃ dassananti vuccati. Dassanassa uppādakkhaṇena saddhiṃ. Natthi tassa taṃ saṃyojanantīpi pāṭho. “Imaṃ lokama”ti imaṃ kāmālokaṃ. “Vipassanā nikanti taṇhā”ti teneva dhammarāgena tāya dhamma nandiyāti evaṃ vuttā vipassanā sukhe nikanti taṇhā. Paccaye sati kuppanti nassantīti kuppā. Kuppā dhammā yesaṃ te kuppā dhammā. “Dhammā”ti mahaggata dhammā. Ime dve sotāpanna sakadāgāmino sīlesu paripūrākārīno nāma. Sīlappaṭi pakkhānaṃ kilesānaṃ sabbaso pahīnattā. Tasmā te sīlesu akuppa dhammāti vuccanti. Samādhimīṃ pana kuppa dhammā eva. “Mahābrahmesu na nibbantantī”ti mahābrahmattaṃ na labhantīti adhippāyo. “Hīnājjhāsayaṭṭā”ti ettha itthiyo nāma pakatiyāva hīnājjhāsayaṭṭā hontī nīca chandā nīca cittaṃ mandavīriyā mandapaññā. Kasmā, hīnalīngatā. Kasmā ca tā hīnalīngā hontī. Dubbala kammanibbantattā. Dubbala kammanti ca purisatta janakaṃ kammaṃ upādāya vuccati. Brahmaṃpurohitānampi saṅghaṇaṃ veditabbaṃ. Kasmā, brahmaṃpārisajjānanti aṭṭhakathā vacanassa yebhūyavacanattā. Tenāha “na mahābrahmānaṃ”ti. Itarathā na brahmaṃpurohitānaṃ na ca mahābrahmānanti vuttaṃ siyā. Na ca tathā sakkā vattaṃ ‘brahmattanti mahābrahmatta’nti iminā vacanena virujjhanato. Ayañca attho na kevalaṃ yebhūyanayamattena siddho. Atha kho byañjana sāmattihiyenāpi siddhoti dassetaṃ “tehi”tiādimāha. Tattha “te”ti brahmaṃpurohitā. Saṃyuttapāṭhe. “Paṭibhātutaṃ”ti ettha “taṃ”ti tuyhaṃ. Dhammīkathā tuyhaṃ paṭibhātu, pātubbhavatu. Kathetu icceva vuttaṃ hoti. “Brāhmaṇā”ti abhibhūṃ bhikkhūṃ ālapati. “Brahmuno”ti mahābrahmuno atthāya. Evaṃ sesesu dvīsu. “Tesaṃ”ti brahmaṃpurohitānaṃ. Vibhāvanipāṭhe “iti attho daṭṭhabbo”ti “brahmaṃpārisajjesu yevā”ti pullīnga vacanattā puggalappadhānaṃ hoti. Nabhūmippadhānaṃ. Tasmā ayamatto yuttivasena daṭṭhabboti. “Tisubhavaggesū”ti vehapphalabhūmi puthujjanabhavaggo nāma hoti rūpaloke. Tato upari puthujjanabhūmiyā abhāvato. Akaniṭṭhabhūmi ariyabhavaggo nāma. Tattha ṭhitānaṃ ariyānaṃ

tattheva niṭṭhānato. Nevasaññābhūmi lokabhavaggo nāma. Tato upari lokasseva abhāvatoti.

Kammacatukkānudīpanā niṭṭhitā.

155. Maraṇupattiyam. “Āyuparimāṇassā”ti āyukappassa. “Tadubhayassā”ti āyukappassa ca kammassa ca. “Upaghātaka kammēnā”ti balavanteṇa pāṇātipātakammēna. “Dussimāra kalāburājādīnaṃ viyā”ti tesam maraṇam viya. Uparodhitam khandha santāna massāti viggaho. “Uparodhitam”ti upagantvā nirodhāpitam. Kammaṃ khiyyatiyeva. Evaṃ sati, sabbampi maraṇam ekena kammakkhayaena siddham. Tasmā ekaṃ kammakkhaya maraṇameva vattabbanti vuttam hoti. “Itarepi vuttā”ti itarānīpi tīṇi maraṇāni vuttānīti codanā. Vuccate parihāro. “Sarasavasenevā”ti attano dhammatāvaseneva. Nānā āyu kammaṃ vidahanti saṅkharontīti nānāāyukappa vidhāyakā. “Sattanikāye”ti sattasamūhe. Niccakālam ṭhitim karontīti ṭhitikarā. Kadāci vuddhim karonti, kadāci hāniṃ karontīti vuddhikarā hānikarā ca. “Tesaṃ vasenā”ti tesam utu āhārānaṃ vasena. “Tayopi cete”ti etetayopi ṭhitikarādayo. Kammaṃ vipaccamānaṃ datvā khiyyatīti sambandho. Etena evarūpeṭhāne kammaṃ appadhānanti dīpeti. “Tadanurūpaṃ evā”ti tam dasavassakālānu rūpaṃ eva. “Bho gañcā”ti dhanadhaññādi-paribhogañca. Tesaṃ utuāhārānaṃ gati etesanti taggatikā. Tesaṃ utuāhārānaṃ gatiṃ anuvattantīti vuttam hoti. Tenāha “tadanuvattikā”ti. Saṅkhāra-vidūhi aññatṛāti sambandho. Saṅkhāra-viduno ṭhapetvāti attho. Iddhiyā pakatāti iddhimayā. “Iddhiyā”ti deviddhiyāvā bhāvanāmayiddhiyāvā. Vijjāya pakatāti vijjāmayā. “Vijjāyā”ti gandhāri-vijjāya. Aṭṭhi nhāru maṃsa lohitādikā rasadhātuyo ayanti vaḍḍhanti etehīti rasāyanāni. Tāni vidahanti etehīti rasāyana vidhāyo. Nayūpadesā. Ciraṭṭhiti katthāya jīvitaṃ saṅkharonti etehīti jīvita saṅkhārā. Iddhimaya vijjāmayā jīvita saṅkhāresu ca rasāyana vidhisāṅkhātesu jīvita saṅkhāresu ca vidunoti samāso. “Dvi samuṭṭhānika rūpadhammesū”ti utusamuṭṭhānika rūpadhammesu ca āhāra samuṭṭhānika rūpadhammesu ca. “Pariṇamantesū”ti vipariṇamantesu. Tenāha “jīyamānesū”tiādim. “Yāvamahantaṃ pīti” sabbaññubuddhānaṃ kammaṃ viya koṭipattavasena atimahantampi. “Assā”ti kammassa. “Upacchedaka maraṇepi netabbo”ti balavante upacchedaka kamme āgate yāvamahantampi janaka kammaṃ attano vipākādhiṭṭhāna vipattiyā khiyyatiyeva. So cassakhayo na sarasena hoti, atha kho upacchedaka kamma balena hotīti idha upacchedaka maraṇam visum gahitanti evaṃ upacchedaka maraṇepi netabbo. “Akāla maraṇam”ti āyukkhammaraṇādīni tīṇi maraṇāni kalamaraṇāni nāma, maraṇā rahakāle maraṇānīti vuttam hoti. Tato aññaṃ yaṃ kiñci maraṇam akāla maraṇanti vuccati. Tenāha “tañhi pavattamānaṃ”tiādim. “Mūlabhedato”ti mūlakāraṇappabhedato. Yasmā pana milinda pañhe vuttanti sambandho. Sannipatantīti sannipātā. Sannipātehi uppannā sannipātikāti attham sandhāya “sannipatitānaṃ”ti vuttam. Athavā. Sannipātanaṃ sannipāto. Dvinnaṃ tiṇṇam vā dosānaṃ missakabhāvo. Sannipāteṇa uppannā sannipātikātipi yujjati. “Anisammakārīnaṃ”ti anisāmetvā anupadhāretvā karaṇa sīlānaṃ. Pavattā ābādhā visamaparihārajanāmāti yojanā. “Attanā vākatānaṃ payogānaṃ”ti satthaharaṇa, visakhādāna, udakapātānādivasena katānaṃ. “Vināsenti”ti satthavassa vālukavassādīni vassāpetvāvā samudda vīciyo uṭṭhāpetvāvā evarūpe mahante bhayupaddave katvā vināsenti. “Manussa pathe”ti manussa padese. “Te”ti caṇḍā yakkhā. “Jīvitakkhayaṃ pāpentī”ti manussānaṃ vā gomahiṃsānaṃ vā medalohitāni pātabyatthāya tesu nānārogantara kappāni uppādetvā jīvitakkhayaṃ pāpentīti attho. “Vattabbameva natthī”ti sakalam rajjam vā raṭṭham vā dīpakaṃ vā vināsenti vutte sakalam janapadaṃ vā nagaram vā nīgamaṃ vā gāmaṃ vā tam tam puggalam vā vināsenti vutte visum vattabbam natthīti adhippāyo. “Satthadubbhikkharogantara kappāpi”ti satthantara kappo dubbhikkhantara kappo rogantara kappoti ime tayo antara kappāpi idha vattabbāti attho. Tesu pana rogantara kappo yakkhā vāle amanusse ossajjanti, tena bahū manussā kālaṅkarontīti iminā ekadesena vuttoyeva. “Upapīlako paghātakānaṃ kammānaṃ vipaccanavasenā”ti ettha tesam kammānaṃ okāsappaṭilābhena sattasantāne sukhasantānaṃ vibādhetvā maraṇam vā pāpetvā maraṇa mattam vā dukkham janetvā pīlānañca ghātānañca idha vipaccana nāmena vuttanti daṭṭhabbam. Vipākam pana janentuvā, māvā, idha appamānanti. Ettha siyā. Aṭṭhasu kāraṇesu opakkamikaṭṭhāne ‘kuppitāhi devatā sakalam rajjādikaṃ asesam katvā vināsenti’ti vuttam. Tattha vināsītā janā kiṃ nu kho attano attano kamma vipākajehi ābādhana daṇḍehi vā vinassanti, udāhu visum opakkamikehi ābādhana daṇḍehi vā vinassanti. Yañcetha vuttam ‘evaṃ akāla maraṇam upacchedaka kammunā vā aññehi vā aneka sahassehi kāraṇehi hotīti. Tattha yassa upacchedaka kammaṃ nāma natthi. Kiṃ tassa aññena kāraṇena akāla maraṇam nāma bhaveyyāti. Ettha vadeyyum, tassa aññena kāraṇena akāla maraṇam nāma na bhaveyya. Sabbe sattā kammassakā, kammadāyādā, kammayonī, kamma

bandhū, kammappaṭissaraṇātihi vuttaṃti. Tesam taṃ vādaṃ bhindanto ‘‘yehikeci loke dissantī’’tiādīmāha. Puna tadatthaṃ dalhaṃ karonto ‘‘yathāhā’’tiādiṃ vadati. Tattha duvidhaṃ kammaphalaṃ, vipāka phalaṇca nissanda phalaṇca. Tattha vipāka phalaṃ nāma vipākakkhandhā ca cakkhu sotādīni kaṭattā rūpāni ca. Taṃ yena pubbe kammaṃ kataṃ, tasseva sādharmaṇaṃ hoti. Tassa santāne eva pavattati. Nissanda phalaṃ nāma tassa sukhuppattiyā vā dukkhuppattiyā vā attano kammānubhāvena bahiddhā samuṭṭhitāni iṭṭhārammaṇāni vā aniṭṭhā rammaṇāni vā. Taṃ pana aññesampi sādharmaṇaṃ hoti. Taṃ sandhāya vuttaṃ ‘‘sakakammasamuṭṭhitā eva. La. Paresaṃ sādharmaṇā evā’’ti. Loke aṭṭhaloka dhammā nāma sabbe kamma vipākajā evāti na vattabbā. Ime ca sattā saṃsāre saṃsarantā aṭṭhasuloka dhammesu nimmujjantā saṃsaranti, tasmā te vināpi upapīlaka kammena aññehi kāraṇehi nānādukkhaṃ phusantiyeva. Tathā vināpi upacchedaka kammena maraṇa dukkhaṃ pāpuṇantiyeva. Tena vuttaṃ ‘‘kammena vinā yatokutoci samuṭṭhitā’’tiādi.

‘‘Te uppajjantī’’ti te nānārogādayo uppajjanti. ‘‘Na upāya kusalā vā’’ti tato attānaṃ mocetuṃ kāraṇa kusalā vā na honti. ‘‘Na ca paṭikāra kusalā vā’’ti uppannaṃ rogādibhayaṃ apanetuṃ vūpasametūṃ paṭikāra kammeti kicchakamme kusalā vā na honti. ‘‘Nāpi parihāra kusalā vā’’ti tato mocanattaṃ pariharitūṃ desantaraṃ gantuṃ kusalā vā na hontīti attho. Sesametta suviññeyyaṃ. ‘‘Rogādayo eva taṃ khepentā pavattantī’’ti kathaṃ te pubbakammaṃ khepentīti. Tassa vipākabhūtaṃ jīvita santānaṃ vināsentā khepenti. Vinatṭhehi jīvita santāne taṃ bhavaṃ janentaṃ khiyyati yevāti. Tenāha ‘‘yathāhī’’tiādiṃ. ‘‘Kammassapi tathevā’’ti tatheva pubbakammassapi tiṇagge ussāva bindusseva paridubbalatā siddhā hoti. Jīvite parikkhīṇe taṃ bhavaṃ janentassa pubbakammassapi parikkhīṇattā. ‘‘Evañcetaṃ’’ti etaṃ kammappaṭi saṃyutta vacanaṃ idha amhehi vuttanayena sampaṭicchitabbaṃ. Sabbaṃ pubbekatahetudiṭṭhi nāma sabbaṃ sukhaṃ vā dukkhaṃ vā sucaritaṃ vā duccharitaṃ vā pubbabhave attanā katena pubbakammahetunā eva uppajjantīti evaṃ pavattā diṭṭhi. ‘‘Yaṃ kiñcāyaṃ’’ti yaṃ kiñci ayaṃ. Mahābodhisattānaṃ adhimuttikālaṅkariyā nāma idha me cirakālaṃ ṭhitassa pāramipūraṇa kiccaṃ natthi, idāneva ito cavitvā manussaloke uppajjissāmi, uparujjhatu me idaṃ jīvitanti adhimuñcitvā dalhaṃ manasikarivā kālaṅkariyā. ‘‘Sayameva satthaṃ āharitvā’’ti sayameva attano gīvaṃ satthena hanitvāti attho. ‘‘Etthevā’’ti akālamaraṇe eva.

‘‘Tathā cā’’tiādīsu. ‘‘Samāpatti lābhīnaṃ’’ti niddhāraṇebhuma vacanaṃ. ‘‘Jīvita samasīsīnaṃ’’ti arahatta maggaṃ labhitvā maggapaccavekkhanavīthi eva maraṇāsannavīthiṃ katvā parinibbānattā samaṃ sīsaṃ etesanti samasīsīno. ‘‘Samaṃ sīsaṃ’’ti jīvita santāna pariyantena samaṃ vaṭṭadukkha santāna pariyantaṃ vuccati. ‘‘Sabbesaṃ pī’’ti sabbesampi khīṇāsavānaṃ. ‘‘Imaṃ suttapadaṃ’’ti mahāparinibbānasutte āgataṃ suttapadaṃ. ‘‘Te’’ti te vādino. ‘‘Tenā’’ti tena vādavacanena. Kriyamanodhātu nāma pañcadvārāvajjanaṃ. Kriyāhetukamano viññāṇadhātu nāma hasituppādacittaṃ. ‘‘Assā’’ti parinibbāyantassa buddhassa. ‘‘Na sameti yevā’’ti santiṃ anupādisesaṃ nibbānaṃ āramaṇaṃ katvāti ettha parinibbāna javanehi āramaṇaṃ katvāti vuttepi na sametiyeva. Tenāha ‘‘tathāhī’’tiādiṃ. ‘‘Bhavaṅgaṃ otarivā parinibbāyatī’’ti ettha parinibbāna cuticittameva bhavaṅganti vuttaṃ. Cuticittanti ca bhavantaraṃ gacchantasseva vuccati. Idha pana vohāra mattanti daṭṭhabbaṃ. Vibhāvanipāṭhe. Cutipariyosānānaṃ maraṇāsanna cittānaṃ. Yathā pana buddhānaṃ bhagavantānaṃ yāvajīvaṃ uppannaṃ mahābhavaṅgacittaṃ kammakammanimittādayo āramaṇaṃ karotiyeva. Tathā parinibbāna cuticittaṃ pīti āha ‘‘na hī’’tiādiṃ. Nanu maraṇakāle kammakammanimittādīnaṃ gahaṇaṃ nāma bhavantara gamanattāya hoti, buddhā ca bhavantaraṃ na gacchanti. Tasmā ‘‘na hi. La. Na karotī’’ti idaṃ na yuttanti. No na yuttaṃ. Bhavantara gamanattāyāti idaṃ javanehi gahaṇe daṭṭhabbaṃ. Idha pana cuticittena gahaṇeti dassento ‘‘nacacutiyaḡahitāni’’tiādīmāha. ‘‘Kammāsiddhiyā’’ti kammāsijjhanattāya. ‘‘Ettha cā’’tiādīsu. ‘‘Tassā’’ti soṇatthera pituno. ‘‘Kammabalenā’’tiādīsu. ‘‘Aññenapi kāraṇa balenā’’ti āciṇṇabhāvādikena kāraṇabalena. Gatinimittaṃ pana kammabalenevāti yuttaṃ siyā. ‘‘Tathopaṭṭhitam’’ti antimavīthito pubbe bahūsuvīthīsu upaṭṭhitappakārantiattho. Pāpapakkhiyesu duggatinimittesu. Kalyāṇapakkhiyāni sagganimittāni. Dhammāsokarañño maraṇakāle pāpapakkhiyānaṃ upaṭṭhānaṃ katthaci sihaḡaganthe vuttaṃ.

Sakalaṃ pathaviṃ bhutvā,
Datvā koṭisatam dhanam;
Ante aḡḡhāmalakamattassa;

Asoko issaram gato; Ti ca;
Asoko soka māgato; Ti ca;

“Taṃ”ti vipaccamānakam kammaṃ. “Niyāmakā saḥakāri paccayabhūtā”ti ettha yathā nāvāyaṃ niyāmako nāma nāvāyaṃ icchitadisābhimukhaṃ niyāmeti, niyojeti. Tathā ayaṃ taṇhāpi bhavanikanti hutvā cittasantānaṃ gantabbabhavābhimukhaṃ niyāmeti, niyojeti. Kammaṃ ca accāyatta saḥāyabhāvena saḥakārī paccayo hotīti daṭṭhabbaṃ. “Kusalākusala kammanimittāni vā”ti aññāni kusalā kusalakammanimittāni vā. “Tadupatthambhikā”ti tassa kammaṃ upatthambhikā. “Nimittassādagadhitam”ti mukhanimittādisu assādentam gijjhantam. “Tiṭṭhamānaṃ tiṭṭhatī”ti tiṭṭhamānaṃ hutvā tiṭṭhati. Amuñcivā tiṭṭhatīti vuttam hoti. Anubyañjanaṃ nāma piyasātarūpo kathitalapitādi kriyāviseso. “Assa puggalassā”ti āsanna maraṇassa puggalassa. Aṭṭhakathā pāṭhe. “Kilesa balavināmitam”ti avijjā taṇhādīnaṃ kilesānaṃ balena vināmitam. Paṭicchādikā ādīna vā yassāti viggaho. “Taṃ”ti cittasantānaṃ. “Tasmim”ti kammādivisaye. Aṭṭhakathāya na sameti. Tasmim visayetihi tattha vuttam. Na vuttam tasmim bhaveti. “Tasmim vuttā naṃ”ti tasmim ‘yebhūyena bhavantare cha dvāraggahitam’ti thāne ṭikāsu vuttānaṃ. Taṃ sadisa javanuppatti nāma kammakaraṇakāle pavatta javanehi sadisānaṃ idāni javanānaṃ uppatti. Bhavappaṭicchannaṃ kammaṃ apākaṭaṇṇa kammaṃ na tathā upaṭṭhāti. Kevalam attānaṃ abhinavakaraṇa vasena dvārapattam hutvā upaṭṭhātīti adhippāyo. “Visīda pattā”ti visaññābhāvena virūpaṃ hutvā sīdanapattā. “Tabbiparītena pāpakamma bahulāpi vattabbā”ti tepivisīdantare āvudha hatthā pāṇaghātaṃ karontā gaṇhathabandhathāti ugghosantā duṭṭhacittā hotītiādinā vattabbā. Aṭṭhakathā pāṭhesu. Ukkhitto asi yassāti ukkhittā siko. Patudanti vijjhanti etenāti patodanaṃ. Pājanadaṇḍo. Tassa agge katā sūci patodana sūci. “Patodana dukkham”ti vijjhana dukkham. Katham pana ukkhittāsikādi bhāvena upaṭṭhānaṃ kammupaṭṭhānaṃ nāma hoti. Kathaṇṇa taṃ paṭisandhiyā ārammaṇabhāvaṃ upetīti āha “so cā”tiādim. Uppajjamānānaṃ sattānaṃ. “Itaresam panā”ti rūpārūpa bhavesu uppajjamānānaṃ pana. “Paripuṇṇam katvā”ti tadārammaṇa pariyoṣānāyavā suddhāya vā javanavīthiyāti evam paripuṇṇam katvā. Ayaṃ pana bhavaṅgāvasāne cuticittuppatti nāma aṭṭhakathāsu natthi. Yaṇṇa bhavaṅgam otarivā parinibbāyatītiādi tattha tattha vuttam. Tatthapi “bhavaṅgam”ti cuticittameva ṭikāsu vaṇṇenti. Tasmā “bhavaṅgakkhayevā”ti idaṃ katham yujjeyyāti āha “ettha cā”tiādim. Anurūpaṃ seṭṭhi anusayo. Anubandho hutvā seṭṭhi anusayo. Anu anu vā seṭṭhi anusayo. Ettha ca anusayo nāma javanasahajāto na hoti. Idha ca anusaya nāmena vuttam. Nānājavana saḥajātā ca avijjā taṇhā paṭisandhiyā visesa paccayā honteva. Katham tā idha gahitā siyunti āha “ettha cā”tiādim. Evam sante avijjā parikkhittena taṇhāmūlakenāti vuttasu suṭṭhu yujjati. Anusayehi saḥa javanasahajātānaṃpi laddhattā. Tasmā idha anusaya vacanaṃ na yuttanti codanā. Yuttamevāti dassento “api cā”tiādimāha. “Pariyattā”ti samattā. “So pi”ti phassādi dhamma samūhopi. “Tathā rūpā yevā”ti aggamaḥḥena appahīna rūpāyeva, anusayabhūtāyevāti vuttam hoti. “Taṃ”ti citta santānaṃ. “Tatthā”ti tadubhayasmim. Katham taṃ tattha khipantīti āha “tasmim”tiādim. “Vijānanadhātuyā”ti viññāṇa dhātuyā. Saṅkantā nāma natthi. Yattha yattha uppajjanti. Tattha tattheva bhijjantīti adhippāyo. Kuto maraṇakāle saṅkantā nāma atthi vijjantīti yojanā. Evam sante idaṃ vacanaṃ anamataggiya suttana viruddham siyāti. Na viruddham. Idaṇṇi abhidhamma vacanaṃ, mukhyavacanaṃ, anamataggiya suttam pana suttanta vacanaṃ pariāya vacananti dassento “yaṇṇā”tiādimāha. Pariāyena vuttanti vatvā taṃ pariāyaṃ dasseti “yesaṇhī”tiādinā. “So”ti so puggalo. “Tesam”ti avijjā taṇhā saṅkhārānaṇṇa paṭisandhi nāma rūpa dhammānaṇṇa. “Hetupphalasambandhena bhavantaram sandhāvati saṃsaratīti vuccatī”ti pubbe kammakaraṇakālepi te avijjā taṇhā saṅkhārā eva so sattoti vuccanti. Pacchā tesam phalabhūtāyaṃ paṭisandhiyā pātubhavanakālepi sapaṭisandhi eva so sattoti vuccati. Majjhe dhammappabandhopi so sattoti vuccati. Evam hetudhammehi saddhim phaladhamme ekaṃ sattaṃ karontassa hetupphala sambandho hoti. Evam hetupphala sambandhena so eva kammaṃ karoti. Tena kammaṃ so eva bhavantaram sandhāvati saṃsaratīti vuccati. Ettha ca anamataggo yaṃ bhikkhave. La. Avijjānīvaraṇānaṃ sattānaṃti evam sattavohārena vuttattā sādhammadesanā pariāyadesanā hoti. Pariāyadesanattā ca sandhāvataṃ saṃsaratanti pariāyopi sijjhati. Yassam pana dhamma desanāyaṃ dhammadesanāti vacanānu rūpaṃ dhammameva deseti, na sattaṃ, na puggalaṃ. Ayaṃ dhammadesanā eva mukhyadesanā nāma hoti. Tattha desita dhammā pana pakatikālepi desantaram kālantaram khaṇantaram saṅkantā nāma natthi. Yattha yattha uppannā, tattha tattheva bhijjanti. Khayavayaṃ gacchanti. Tena vuttam ‘na hi uppannuppannā dhammā. La. Saṅkantā nāma atthī’ti. Paṭighoso ca, padīpo ca, muddā ca. Ādisaddena paṭibimbacchāyā ca, bījasāṅkhāro ca, pāṭibhogo ca,

bālakumāra sarīresu upayuttā vijjāsipposadhā cāti evaṃ aṭṭhakathā yaṃ āgatāni nidassanāni saṅgayhanti. “Nidassanā”nīti ca upamāyo vuccanti. Tattha “paṭighoso”ti gambhīraleṇa dvāre ṭhatvā saddaṃ karontassa antoleṇe paṭighoso pavattati. Tattha dvāre uppanno mūlasaddo antoleṇaṃ na gacchati, uppannaṭṭhāne eva nirujjhati. Paṭighoso ca tato āgato na hoti. Na ca vinā mūlasadda + paccayena aññato pavattati. Mūlasaddapaccayā eva tattha pavattatīti. Tattha mūlasaddo viya atīta kammaṃ. Paṭighoso viya anantare paṭisandhi. Esanayo padīpa muddā paṭibimbacchāyāsu. Tattha “padīpo”ti pathamaṃ ekaṃ padīpaṃ jāletvā tena aññaṃ padīpasatampi padīpa sahasampi jāleti. “Muddā”ti lañchanalekhā. Tattha ekena lañchanakkhandhena, tena lañchanalekhāsatampi lañchanalekhā sahasampi karoti. “Paṭibimbacchāyā”ti pasannesu ādāsapaṭṭesuvā udakesuvā uppannā sarīracchāyā. Etehi nidassanehi phalaṃ nāma hetuto āgataṃ na hoti. Hetunā ca vinā na sijjhatīti ettakamatthaṃ dīpeti. “Bijasaṅkhāro”ti kālantare uppannesu pupphaphalesu icchitavaṇṇa gandharasapātubhāvattāya ropanakāle ambabijādīsu icchitavaṇṇa gandharasadhātūnaṃ paribhāvanā. Tattha tappaccayā kālantare pupphaphalesu uppannesu tevaṇṇagandharasā pātubbhavanti. “Pāṭibhogo”ti kiñci atthaṃ sādhetuṃ parassa santike iṇaṃ gaṇhantassa tavadhanam saṃvaccharena vuḍḍhiyā saha dassāmi, sace nadadeyyaṃ. Asukaṃ nāma mamakhettaṃ vā vatthuvā tuyhaṃ hotūti paṭiññāthapanam. Tattha tappaccayā dhanam labhivā taṃ atthañca sādheti. Kāle sampatte vuḍḍhiyā saha iṇaṃ sodheti. “Vijjāsipposadhā”ti loke puttake yāvajīvaṃ hitattāya daharakāle kiñci vijjaṃvā sippaṃvā sikkhāpenti. Yāvajīvaṃ khararogānaṃ anuppādatthāya daharakāle ojavantaṃ kiñci osadhaṃ vā ajjhohārenti. Tattha tappaccayā puttānaṃ yāvajīvaṃ hitappaṭilābho vā tādisānaṃ rogānaṃ anuppādo vā hotiyeva. Etehi yathā kālantare asantesuyeva pāṭibhogādīsu mūlakammesu pubbhāge katapaccayā eva pacchā attha sādhanādīni sijjhanti. Tathā kusalā kusala kammāni katvā kālantare tesu asantesupi pubbe katattā eva pacchā paṭisandhādīni phalāni pātubbhavanti dīpeti. Tenavuttaṃ “paṭighosa padīpamuddādīni cettha nidassanāni”ti. “Kammadubbalabhāvenā”ti tadā jīvitindriyassa dubbalattā kammampi dubbalameva hotīti katvā vuttaṃ. Kāmañcettha aṭṭhakathāyaṃ vatvā dassitaṃ, tathāpi sambhavatīti sambandho. Tattha “taṃ pī”ti gatinimittampi. “Tathā cavantānaṃ”ti dibbarathādīni gatinimittaṃ katvā cavantānaṃ. “Dayhamānakāyena”ti itthambhūtalakkhaṇe karaṇavacanaṃ. Gāthāyaṃ. Pañcadvāre paṭisandhikammaṃ vinā dvigocare siyāti yojanā. Tattha “dvigocare”ti kammanimitta gatinimittabhūte dvigocare. Tattha pañcadvāre paṭisandhi nāma pañcadvārika maraṇāsanna vīthiccittānaṃ ante ca vantānaṃ paṭisandhi. Sāpi gatinimittabhūte gocare siyāti vutte pañcadvārika vīthiccittāni pañcārammaṇabhūtāni gatinimittāni ārammaṇaṃ karontītipi siddhaṃ hoti. Evañca sati. Tesam vīthiccittānaṃ ante acavitvā tadanubandhaka manodvārikavīthiccittehipi kadāci kesañci ca vanaṃ nana sambhavatīti sakkā vattaṃ. Tesu pana anubandhaka vīthīsu atītaggahaṇa samudāyaggahaṇehi ca vantānaṃ atītanīpi gatinimittāni labbhanti. Vatthuggahaṇaṇāmaggahaṇehi ca vantānaṃ dhammā rammaṇampi labbhatiyeva. Tasmā yaṃ vuttaṃ ācariyena kāmāvacara paṭisandhiyā cha dvāraggahitaṃ kammanimittaṃ gatinimittāñca paccuppannamatītā rammaṇaṃ upalabbhatīti. Taṃ suvuttamevāti daṭṭhabbaṃ. Yaṃ pana “tameva tathopaṭṭhitaṃ ārammaṇaṃ ārabha cittasantānaṃ abhiṇhaṃ pavattatī”ti evaṃ antimavīthito pubbhāge bahūnaṃ vīthivārānaṃ pavattanaṃ ācariyena vuttaṃ. Taṃ tathopaṭṭhitaṃ gatinimittaṃ ārabhātīpi laddhuṃ vaṭṭatiyeva. Evañcasati, gatinimittampi atītaṃ labbhatīti dassetuṃ “yadāpanā”tiādi vuttaṃ. “Santati vasenā”ti santati paccuppanna vasena. “Tassā”ti gatinimittassa. Yebhūyyena vutto, na sabbasaṅgāhikena vuttoti adhippāyo. “Manodvārika maraṇāsanna javanānaṃpi icchitabbattā”ti purejātapaccaya bhāvena icchitabbattāti adhippāyo. “Tadanubandhāyā”ti tāni manodvāri kamaraṇāsanna javanāni anugatāya. “Paṭisandhiyāpi sambhavato”ti tassa purejāta paccayassa paṭisandhiyāpi purejāta paccayatā sambhavato. Nanu therena bhinditvā avuttepi bhinditabbe sati, bhindanameva yuttanti ce. Na yuttaṃ. Kasmā, kammanimittena samānagatikattā. Tenāha “nacataṃ”tiādiṃ. Vibhāvanīyaṃ yathāsambhavaṃ yojetabbaṃti vatvā aparepana avisesatova vaṇṇentīti aparevādopi vutto. Tattha “avisesato vaṇṇentī”ti abhinditvāva vaṇṇentīti vuttaṃ hoti. Puna taṃ aparevādaṃ asampaṭicchanto “aṭṭhakathāyaṃ panā”tiādimāha. Idha pana taṃ aparevādaṃ paggaṇhanto puna “yañca tatthā”tiādimāha. Tattha “tadārammaṇāyā”ti taṃ gatinimittā rammaṇāya. “Tesam vacanaṃ”ti aparesam vacanaṃ. “Aññatra avicāraṇāyā”ti kasmā vuttaṃ. Nanu aṭṭhakathāyaṃ panātiādi sabbam vicāraṇā vacanameva hotīti. Saccaṃ yathā diṭṭhapāṭhavasena, sāvasesa pāṭhabhāvaṃ pana na vicāretiyeva. Tasmā “aññatra avicāraṇāyā”ti vuttaṃ. Ettha siyā. Aṭṭhakathāpāṭho sāvaseso hotu, mūlaṭṭikāpāṭho pana manodvāre yevāti niyametvā vuttattā kathaṃ sāvaseso siyāti. Niyametvā vuttopi idha adhippetatthe aparipuṇṇe sāvaseso eva hotīti. Tena vuttaṃ “aññaṃ kāraṇaṃ natthi aññatra

avicāraṇāyā”ti. “Paccuppannamatītaṃ”tiādīsu. Tadārammaṇāvasānāya pañcadvārika javanavīthiyā ca vanaṃ hotīti yojanā. Evaṃ aparattthapi. Balavantepi sati. Tadārammaṇāvasānāya eva vīthiyā. “Vuttattā panā”ti atthakathāyaṃ eva vuttattā pana. “Purimabhāge evā”ti pañcadvārika antima vīthito pubbhāge eva. “Tāhī”ti deyyadhammavattthūhi. “Yathātaṃ”ti taṃ atthajātaṃ katamaṃ viyāti attho. “Itō”ti manussa bhavato. Nimitta sadisaṃ saddaṃ vaṇṇanti sambandho. “Naṭṭhacakāraṃ”ti patitacakāraṃ. Atthakathāpāṭhe ñātakā mātādayo pañcadvāre upasaṃharantīti sambandho. “Tavatthāyā”ti tavaatthāya. “Cīnapaṭasomārappaṭādivasenā”ti cīnaraṭṭhe pavatto paṭo cīnapaṭo. Tathā somārapaṭepi. “Tānī”ti rasaphoṭṭhabbāni. Phoṭṭhabbaṃ pana aññaṃpi yujjateva. Atthidānīti manasikatattā paccuppannabhūtānīti vuttaṃ. “Arūpīnaṃ”ti arūpabrahmānaṃ. “Te”ti arūpino. “Tānī”ti heṭṭhimajjhānāni. Vissaṭṭhaṃ laddhajjhānaṃ yesaṃ te vissaṭṭhajjhānā. “Tatoyeva cā”ti vissaṭṭhajjhānattāyeva ca. Ākaḍḍhitāṃ mānaṃ cittaṃ etesanti viggaho. Idañca hetuvisesana padaṃ. Ākaḍḍhitamānasattā kāmabhava uppajjamānānanti dīpeti. Tesāṃ arūpīnaṃ. “Aññaṃ dubbala kammaṃ”ti upacārajjhānakammato aññaṃ tihetukomakaṃ kammaṃ. “Tesāṃ”ti rūpalokato ca vantānaṃ. “Sato”ti santassa samānassa. “Upatthambhane kāraṇaṃ natthī”ti idaṃ upacārajjhāna kammassa garuka kammagatikattā vuttaṃ. Ekanta garukakammabhūtampi pana mahaggatajjhāna kammaṃ nāma nānānikanti balena paṭibāhiyamānaṃ paṭisandhiṃ na detiyeva. Upacārajjhāna kamme vattabbaṃ natthīti daṭṭhabbaṃ. “Tādisānī”ti tathā rūpāni dvihetukomaka kammāni tesāṃ okāsaṃ na labhanti. Nīvaraṇānaṃ suṭṭhuvikkhambhitattāyeva. “Yenā”ti yena chandādīnaṃ pavatti kāraṇena. “Nānākammāni pī”ti upacārajjhāna kammato aññāni paccuppanna kammānīpi atītabhavesu katāni aparapariyāya kammānīpi. “Yena cā”ti yena nānākammānampi okāsa lābhakāraṇena ca. “Te”ti rūpī brahmāno. “Vuttanayene vā”ti suṭṭhuvikkhambhitānīvaraṇānaṃ tesāṃ appanā pattaṃjjhānavisesena [yasmā panātiādīna ca] paribhāvita cittasantānattā”ti ca vuttanayeneva. “Taṃ kāraṇaṃ”ti ahetuka paṭisandhiyā abhāva kāraṇaṃ. Parampara bhavesuca vīthimuttacittānaṃ pavattākāraṃ dassetunti sambandho. “Yathā tāniyeva osadhānī”ti loke ekaṃ osadhaṃ labhitvātaṃ devasikaṃ bhuñjati. Ekopathamadivase bhuñjantaṃ disvā katamaṃ nāma tvaṃ osadhaṃ bhuñjasīti pucchi. Idaṃ nāma osadhaṃ bhuñjāmīti vadati. Punadivasesupi osadhaṃ bhuñjantaṃ disvā tatheva pucchi. Tameva osadhaṃ bhuñjāmīti vadati. Tattha “tameva osadhaṃ”ti yaṃ pathamadivase osadhaṃ tayāca pucchitaṃ. Mayā ca kathitaṃ. Tameva ajja bhuñjāmīti attho. Tattha pana pathamadivase bhuttaṃ osadhaṃ aññaṃ. Ajja bhuttaṃ aññaṃ. Taṃsadisaṃ pana aññaṃpi tamevāti loke voharanti tāniyeva osadhāni bhuñjāmīti. Evaṃ idhapi tassadise tabbohāro daṭṭhabbo. “Tasmīṃ”ti bhavaṅgacitte. Avattamāne upapattibhavo occhijjati. Vattamāne na occhijjati. Tasmā tassa upapatti bhavassa anoccheda aṅgathāya kāraṇattā bhavaṅganti vuccatīti adhippāyo. “Upapatti bhavo”ti ca kammajakkhandhasantānaṃ vuccati. “Parasamaye”ti uccheda diṭṭhīnaṃ vāde. “Vaṭṭamūlāni”ti avijjātaṅhā vuccanti. Vaṭṭamūlāni suṭṭhuucchijjanti etthāti viggaho. “Yassa atthāyā”ti saupādisesādikassa nibbānassa paṭilābhatthāya. “Paṭṭhapīyanti”ti pavattāpīyanti. Pajjanti pāpuṇanti ariyā janā etthāti padaṃ. Parato samantipade anupādisesassa gayhamānattā idha saupādisesanti vuttaṃ. Bujjhantīti budhā. Suṭṭhu saddhiṃ ucchinnaṃ sinehabandhanaṃ yehi te susamucchinnasinehabandhanā. Kathaṅca suṭṭhuucchinnaṃ, kehi ca saddhiṃ ucchinnantiāha “anusayamattaṃ pī”tiādīṃ. “Sesakilesehi”ti taṅhāsineha bandhanato avasesa kilesehi. “Adhisayitaṃ”ti vikkhambhituṃpi asakkuṇeyyaṃ hutvā atirekataraṃ sayitaṃ. “Adhigamāvahaṃ”ti adhigamo vuccati navavidho lokuttara dhammo. Taṃ āvahaṭīti adhigamāvahaṃ. “Sīlaṃ”ti catupārisuddhisīlaṃ. “Dhutaṅgaṃ”ti terasadhutaṅgaṃ. Sesamettha suviññeyyaṃ.

Vīthimuttasaṅgahadīpaniyāanudīpanā niṭṭhitā.

6. Rūpasāṅgahaanudīpanā

156. Rūpasāṅgahe. “Cittacetāsike”ti cittacetāsika dhamme. “Dvīhi pabhedappavattīhī”ti dvīhi pabhedasaṅgahapavatti sāṅgahehi. “Ye vattanti”ti ye dhammā vattanti pavattanti. “Ettāvata”ti ettakena ‘tatha vuttābhiddhammatthā’tiādīkena vacanakkamena. Nipātaṃ icchantā ettakehi pañcahi paricchedehīti vaṇṇenti. Vacanavipallāsaṃ icchantātipi yujjati. “Samuṭṭhātī”ti suṭṭhu utthātī, pātubbhavati, vijjamānataṃ gacchati. “Kammādī”ti kammādipaccayo. “Piṇḍī”ti ekagghanatā vuccati. Upādāya mahantāni eva hutvāti sambandho. Indriyabaddhasantānaṃ sattasantānaṃ. Ajjhata santānaṃtipi vuccati. “Visaṃvādakaṭṭhena”ti virādhakaṭṭhena. Bhūtaṅca abhūtaṃ katvā abhūtaṅca

bhūtaṃ katvā sandassakaṭṭhenāti vuttaṃ hoti. Bhūtavajjappaṭicchādanakammaṃ mahāmāyā nāma. Māyaṃ karontīti māyākārā. Āvisanaṃ nāma sattānaṃ sarīresu āvisanaṃ. Gahaṇaṃ nāma sattānaṃ attanovasanaṃ vattāpanaṃ. Tadubhayaṃ karontā kattha ṭhatvā karonti. Antovāṭhatvā karonti, bahivā ṭhatvā karontīti pākatihehi manussehi jānituṃ passituṃ asakkuṇeyyattā acinteyyattāṅhaṃ nāma. “Vañcakaṭṭhenā”ti etā pakatiyā atidubbaṇṇaṃ attānaṃ devaccharāvaṇṇaṃ katvā vañcenti. Vasanaṃ rukkhagumbampi dibbavimānaṃ katvā vañcenti. Evarūpena vañcakaṭṭhena. “Tenevaṭṭhenā”ti viṣaṃvādakaṭṭhādīnā tividheneva atthēna. Tānipihi asattabhūtaṃyeva attānaṃ sattoti viṣaṃvādenti. Arukkaṃyeva attānaṃ rukkhoti viṣaṃvādenti. Anīṭṭhaṃ, akantaṃ, amanāpaṃyeva attānaṃ iṭṭho, kanto, manāpoti vañcenti, tathā sahaṃjātānañca tesāṃ aññaṃaññaṃ anto vā tiṭṭhanti. Udāhubahivātiṭṭhantīti jānituṃ passituṃ asakkuṇeyyaṃ ṭhānaṃ hotīti. “Ubhayatṭhapi”ti māyākārādi mahābhūtesu ca pathaviyādīmahābhūtesu ca. “Abhūtānī”ti asantāni, asaccāni. “Abbhūtānī”ti acchariyakammāni. “Imasmiṃ pāṭhe”ti catunnaṃ mahābhūtānanti evaṃ sambandha padasahite pāṭhe. Aññattha pana upādārūpaṃ anupādārūpantiādīsu yakāra viraho diṭṭhoti adhippāyo. Dhātūnaṃ anekattattā “pathayati pakkhāyati”ti vuttaṃ. “Puthū”ti pāṭipadikapadaṃ. Tameva jātatthe niruttinayena pathavīti siddhanti dassetuṃ “puthumahanti”tiādī vuttaṃ. Pakārena thaviyātīti atthe pathavīti idaṃ ujukameva. “Āpetī”ti byāpeti. “Appāyati”ti bhusaṃ pāyati, vaḍḍheti. Tenāha “suṭṭhu brūhetī”tiādī. Nisānatthavaseneva paripācanatthopi labbhatīti āha “paripāceti”ti. “Samīreti”ti suṭṭhu ireti kampeti. Vāyati vahatīti vāyo atthāṭṭissaya nayena. “Vitthambhanaṃ”ti vividhena ākārena bhūtasāṅghāṭṭānaṃ thambhanaṃ vahaṇaṃ abhinīharaṇaṃ. Kakkhaḷatā nāma kharatā pharusatā. Sahaṃjātarūpaṇaṃ patiṭṭhānatthāya thaddhatā thūlatā. Sā sesabhūtesu natthīti āha “sesabhūtatthayaṃ upādāyā”ti. “Anavaṭṭhānatā”ti ettha avatṭhānaṃ nāma acalaṭṭhānaṃ. Na avatṭhānanti anavaṭṭhānaṃ. Calananti vuttaṃ hoti. Tenāha “mudubhūtāpī”tiādī. Ābandhakaṃ nāma ābandhitabbe vatthumhi mudumhi sati, daḷhaṃ na bandhati. Thaddhesati, daḷhaṃ bandhatīti idaṃ lokatova siddhanti āha “ābandhitabbāyā”tiādī. “Tabbhāvaṃ”ti pariṇatabbhāvaṃ. “Paripācakatā dassanato”ti hemante ajjhohaṭṭhāraṇaṃ suṭṭhuparipācakatā dassanatoti vadanti. Usati dahatīti uṇhaṃ. “Dahati”ti ca uṇhatejopi uṇhabhāvena dahati, sītatejopi sītabhāvena dahati. Uṇhena phuṭṭhaṃ vatthu uṇhattaṃ gacchati, sītena phuṭṭhaṃ vatthu sītattaṃ gacchati. Yañca uṇhattaṃ gacchati, taṃ uṇhatejo uṇhabhāvena dahatināma. Yañca sītattaṃ gacchati, taṃ sītatejo sītabhāvena dahatināma. Evaṃ sītatejopi usatidahatīti atthēna uṇhatta lakkhaṇaṃ hotīti. Evamaṃsante nīlenavaṇṇena phuṭṭhaṃ vatthu nīlaṃ hoti. Pītena phuṭṭhaṃ pītaṃ hoti. Nīlaṃ pītaṃ taṃ vatthum dahatināmāti ce. Nīlena vaṇṇena phuṭṭhaṃnāma natthi. Tathā pītena. Kasmā, nīlādīnaṃ upādārūpaṇaṃ phusana kiccā bhāvato. Sammissitaṃ nāma hoti. Na ca sammissanamattena dahati. Phusanto eva dahati. Phusantānaṃ pathavivātānaṃ dahanakiccaṃ natthi. Paripācanakiccaṃ natthīti adhippāyo. Sace ghanathaddhe silāthambhe vitthambhanaṃ atthi, sakalo silāthambho kappāsapicugulhoviya sithilo ca lahuko ca bhavēya. Naca bhavati. Tasmā tattha vitthambhanaṃ natthīti adhippāyena “so pana ghanathaddhesu silāthambhādīsu na labbhatī”ti codeti. Tattha pana vitthambhanaṃ labbhamānaṃ adhimattena na labbhati, sahaṃjātabhūtānaṃ upatthambhanamattena labbhatīti dassento “nā”ti vatvā “tatthahī”tiādīma. Tattha “vahati”ti thaddhakakkaḷa kiccaṃ vahati.

Pasādarūpesu. “Samavisamaṃ”ti samaṭṭhānañca visamaṭṭhānañca, samadesaṇca visamadesaṇca, samapathaṇca visamapathaṇca evamādiṃ samavisamaṃ. “Ācikkhatī”ti ācikkhantaṃ viya taṃ jānana kiccaṃ sampādeti. Tenāha “samavisamaṃjānaṃ taṃ mūlakattā”ti. “Anirākaraṇato”ti appaṭikkhipanato. “Taṃ vā”ti rūpaṃ vā. Suṇanti jānā. Suyyanti jānehi. Evaṃ ghāyantiādīsu. “Jīvita nimittaṃ”ti jīvitappavattikāraṇabhūto. “Ninnatāyā”ti visayavisayībhāvūpagamanena ninnatāyā. “Jīvitavutti sampādakattā”ti nānāvācībhedavācīkammappavattanēnāti adhippāyo. Ime pana pañca cakkhu pasādādayoti sambandho. “Daṭṭhukāmatā”ti rūpaṇhā vuccatī. Ādisaddena sotukāmatā ghāyitukāmatā sāyitukāmatā phusitukāmatāyo saṅgayhanti. Atthato saddaṇhā gandhaṇhā rasatāṇhā phoṭṭhabbatāṇhā eva. “Nidānaṃ”ti kāraṇaṃ. Daṭṭhukāmatādayo nidāna massāti viggaho. Kusalā kusalakammaṃ. Samuṭṭhāti etenāti samuṭṭhānaṃ. Kammameva. Daṭṭhukāmatādinidānakammaṃ samuṭṭhānaṃ yesanti samāso. Pathaviādīni bhūtāni. Tesāṃ pasādo lakkhaṇaṃ etesanti viggaho. Dutīya vikappe. Rūpādīnaṃ pañcārammaṇānaṃ abhighātaṃ arahatīti rūpādiabhighātāraho. Bhūtānaṃ pasādo bhūtapasādo. So lakkhaṇaṃ etesanti viggaho. Cakkhu ūkāsirappamāṇe diṭṭha maṇḍale tiṭṭhatīti sambandho. “Diṭṭhamaṇḍale”ti mahājanehi pakati cakkhunā diṭṭhe

pasannamaṇḍale. Telaṃ sattapicupaṭalāni byāpetvā tiṭṭhativiyāti yojanā. “Sotabilam” nāma sotakūpo. “Āṅguliveṭhanā” nāma āṅgulimuddikā. “Upacitatanutambalomaṃ” ti rāsīkatañca viralañca tambalohavaṇṇaṇca sukhumalomaṃ. Upacitaṃ rāsīkataṃ tanutambalomaṃ etthāti viggaho. “Ajapadasaṅṭhānaṃ” ti ajassa pādena akkantapadasaṅṭhānavantaṃ. “Uppaladalaṃ” nāma uppalapannaṃ. Uppaladalassa aggasāṅṭhānavantaṃ. “Vaṭṭi” nāma idha manussānaṃ sarīrākārasaṅṭhitā āyatapiṇḍi. “Sukkhacammāni ca ṭhapetvā” ti sambandho. Te pana pañcappasādā. Samudīraṇaṃ cañcalanaṃ. “Yathātaṃ” ti katamaṃ viya taṃ. Ime pasādā vicittā, kathaṃvicittāti āha “aññaṃaññaṃ asadisā” ti. Kathaṃ asadisāti āha “tehi” tiādiṃ.

Gocararūpesu. “Vaṇṇavisesaṃ” ti vaṇṇavisesatthaṃ. Vaṇṇavikāraṇti vuttaṃ hoti. Hadaḃe gato pavatto bhāvo hadayaṅgatabhāvo. “Bhāvo” ti ca adhippāyo vuccati. Taṃ pakāseti, mukhe vaṇṇavikāraṃ disvā ayaṃ me tussati, ayaṃ me ruccati, ayaṃ me kuppatti, ayaṃ somanassito, ayaṃ domanassitoti evaṃ jānanapaccayattā. “Pakatiyā pī” ti vaṇṇavisesaṃ anāpajjitvāpīti adhippāyo. “Yaṃ kiñcidabbaṃ” ti saviññāṇakavatthūṃ. Samavisamaṃ pubbe pakāsitaṃ. Taṃ taṃ atthaṃ vā ācikkhati taṃ sutvā tassa tassa atthassa jānanato. Attano vatthūṃ vā ācikkhati taṃ sutvā tassa vatthussaṃpi jānanato. “Attano vatthūṃ sūceti” ti idha idaṃ nāma atthīti pakāseti. “Phusiyāti” ti phusitvā vijānīyati. “Taṃ” ti phusanaṃ. “Tassā” ti āpodhātuyā. “Dravatāvā” ti addatintarasatāvā. Phusitvā gayhati, sā ca āpodhātu siyāti codeti. Vuccate parihāro. Evaṃ pana na labbhati, tasmā sā tejoyeva. Na āpoti. Ettha evaṃ alabbhamānāpi sāsītātā āpoyeva, na tejo. Kasmā, āpassapi sītuṅghavasena duvidhatā sambhavato. Tasmīñhi loharase uṅhatā uṅhaāpo, sītavatthūsu sītātā sītaāpoti ce. Evaṃ pana sati tejo nāma natthīti āpajjati parihāro. “Saha appavattanato” ti ekato appavattanato. “Orapārānaṃ viyā” ti nadiyaṃ tīraṃ nāma idaṃ orimatīraṃ, idaṃ pārīmanti niyamato natthi. Yattha sayāṃ tiṭṭhati, taṃ orimanti, itaraṃ pārīmanti voharati. Evaṃ orapārānaṃ anavaṭṭhānaṃ hotīti. Ettha ca “sītuṅghānaṃ saha appavattanato” ti etena yadi te saha pavatteyyuṃ. Tattha sītātā āponāma, uṅhatā tejonāmāti vattabbā siyuṃ. Na pana te saha pavattanti, tasmā tathā na vattabbā hontīti dasseti. Na na vattabbā. Kasmā, uṅhatejēna yuttohi āpo uṅhattameva gacchati. Yathātaṃ uṅhatejēna yuttā pathavīpi vāyopi uṅhattameva gacchantīti. Tasmā te saha na pavattanti. Saha appavattesupi tesu aññattha sītavatthūsu sītātā āponāmāti vattabbameva hotīti codanā. Evaṃsante tasmīṃ loharase sabbepi rūpadhammā uṅhattaṃ gacchantīti sabbepi tejobhāvaṃ pāpuṇanti. ‘Uṅhatta lakkhaṇo tejo’ tīhi vuttaṃ. Yadi ca sītavatthūsu sītābhāvo nāma siyā. Tatthapi tena yuttā sabbepi rūpadhammā sītataṃ gacchantiyeva. Tatthapi tavamatiyā sabbepi āpobhāvaṃ pāpuṇanti. Na pana sakkā tathā bhavituṃ. Na hi evarūpaṃ lakkhaṇaññathattaṃ nāma tesāṃ atthi. Bhāvaññathattameva atthi. Tattha “lakkhaṇaññathattaṃ” nāma pathavī āpobhāvaṃ gacchati. Āpo pathavibhāvaṃ gacchatītiādi. “Bhāvaññathattaṃ” nāma pathavī kadāci kakkhaḷā hoti. Kadāci mudukā. Āpo kadāci ābandhanamatto hoti. Kadāci paggharaṇako. Tejo kadāci uṅho, kadāci sīto. Vāyo kadāci vitthambhanamatto, kadāci samudīraṇoti. Evaṃ ekamekassā dhātuyā tikkha manda omattādhimattavasena kriyāsāṅkanti nāma atthīti. Tasmā yaṃ vuttaṃ ‘uṅhatejēna yuttohi āpo uṅhattameva gacchati, yathā taṃ uṅhatejēna yuttā pathavīpi vāyopi uṅhattameva gacchantī’ ti. Taṃ lakkhaṇaññathattavacanāṃ hoti. Na yujjati. Na hi uṅhatejēna yuttā sabbetedhammā uṅhattaṃ gacchanti. Attano attano sabhāvaṃ na vijahanti. Tathāhi tasmīṃ pakkuthite santatte loharase bhāvo uṅhattaṃ na gacchati. Ābandhana sabhāvaṃ vā paggharaṇa sabhāvaṃ vā na vijahati. Yadi uṅhattaṃ gaccheyya, taṃ sabhāvaṃ vijaheyya. Evaṃsati, tasmīṃ loharase ābandhanākāro vā paggharaṇākāro vā na paññāyeyya. Sabberūpa dhammā vikkireyyuṃ. Vikkiritvā antaradhāreyyuṃ. Na ca na paññāyati. Nāpi vikkiranti. Noca tattha ābandhanākāro uṅhattaṃ gacchati. Aññohi ābandhanākāro, aññaṃ uṅhattaṃ. Ābandhanākāro āpo, uṅhattaṃ tejo. Tattha pathavivāyesupi esevanayo. Tasmā yaṃ vuttaṃ “yadi te saha pavatteyyuṃ. Tattha sītātā āponāma, uṅhatā tejo nāmāti vattabbā siyuṃ. Na pana te saha pavattanti. Tasmā tathā na vattabbā hontīti dasseti” ti. Taṃ suvuttamevāti daṭṭhabbaṃ. “Tesāṃ anavaṭṭhānato” ti etena sace te sītuṅghā avatṭhitā siyuṃ. Atha sabbakālepi sītātā āponāma, uṅhatā tejonāmāti vattabbā siyuṃ. Na pana te avatṭhitā honti. Anavaṭṭhitā eva honti. Tasmā tathā na vattabbā hontīti dasseti. Ettha ca anavaṭṭhitesu santesu yadi sītātā āpo nāma, uṅhatā tejonāmāti vadeyyūṃ. Evañcasati, āpatejāpi anavaṭṭhitā siyuṃ. Yo idāni āpo, soyeva khaṇantare tejo nāma. Yo vā idāni tejo, soyeva khaṇantare āpo nāmāti āpajjeyyūṃ. Na ca sakkā tathā bhavituṃ. Lakkhaṇaññathatte asante vohāraññathattassapi asambhavato. Tena vuttaṃ “orapārānaṃ viya tesāṃ anavaṭṭhānato ca viññāyati” ti. Tattha “viññāyati” ti sāsītātā tejoyeva, na āpoti viññāyatīti.

“Atha panā”tiādīsu. Yaṃ pubbe parena vuttaṃ ‘nanu dravatā vā phusitvā gayhatī’ti. Taṃ vicāretuṃ “atha panā”tiādi vuttaṃ. Tattha “atha panā”ti yadi pana gayhati, evaṃsatīti ca. Evañcasati ārammaṇa bhūto eva siyāti sambandho. Ayaṃ panetthā dhippāyo. Sace dravabhāvabhūto āpo phusitvā gayheyya. Evaṃ sati, ayopiṇḍādīsu ābandhanamattabhūto āpopi phusitvā gahetabbo siyā. Kasmā, āpabhāvena ekattā. Evañcasati, tesu ayopiṇḍādīsu so āpo tāni hatthena vā pādena vā phusantassa paharantassa vinā itara mahābhūtehi visuṃ kāyika sukhadukkhānaṃ ārammaṇa paccayo siyā. Yathātaṃ, tesveva ayopiṇḍādīsu pathavimahābhūtaṃ vinā itaramahābhūtehi visuṃ kāyikasukhadukkhānaṃ ārammaṇa paccayo hoti. Evaṃ tejavāyesupīti. Na pana so visuṃ kāyikasukhadukkhānaṃ ārammaṇa paccayo hoti. Tasmā so phoṭṭhabba sabhāvo na hoti. Yathā ca so phoṭṭhabbasabhāvo na hoti. Tathā pakati udakādīsu dravabhāvabhūtopi āpo tāni phusantassa paharantassa kāyikasukhadukkhānaṃ ārammaṇa paccayo na hoti. Na ca phoṭṭhabba sabhāvoti. Evañcasati, kathaṃ ayopiṇḍādīsu ābandhanamattabhūto āpo kāyikasukhadukkhānaṃ paccayo na hoti. Kathaṃca tesu itaramahābhūtāni visuṃ visuṃ kāyikasukhadukkhānaṃ paccayā hontīti. Taṃ dassetuṃ “yañhī”tiādimāha. Tattha “saṅghathaddhatāvasenavā”ti tesu t̥hitāya pathavidhātuyā saṅghathaddhatāvasena vā. Saṅghapathavīsukhavedanāya thaddhapathavīdukkhavedanāya ārammaṇa paccayoti vuttaṃ hoti. Evaṃ sesesu. “Abbhantarathambhanassā”ti tesu ayopiṇḍādīnaṃ abbhantare t̥hitassa vitthambhana sabhāvassa. “No aññathā”ti tānit̥ṇi kāraṇāni t̥hapetvā ābandhana kriyaṃ paṭicca kāyikasukhadukkhuppatti nāma natthīti adhippāyo. Idāni pakati udakādīsu dravabhāvabhūtaṃ āpodhātumpi phusitvā jānantīti mahājanā maññanti. Tabbisodhanena saha laddhaguṇaṃ dassetuṃ “tasmā”tiādimāha. Tattha “pathamaṃ dravatā sahitāni. La. Jānantī”ti idaṃ padhāna vacanaṃ. Loke hatthena parāmasitvā vā cakkhunā disvā vā idaṃ rassaṃ, idaṃ dīghaṃ, idaṃ vaṭṭaṃ, idaṃ maṇḍalantiādīnā saṅghānaṃ jānantā hattha phusanena vā cakkhu dassanena vā saheva taṃ jānantīti maññanti. Tattha pana purimabhāge kāyadvāravīthi cittena paccuppannāni t̥ṇibhūtāni phusitvā vā cakkhudvāra vīthiccittena paccuppannaṃ rūpaṃ disvā vā pacchā vatthuggahaṇavīthiyā uppannāya eva saṅghānaṃ jānanti. Esevanayo rattiyaṃ alātacakkasaṅghānaṃ jānantassapi. Tattha pana bahūnipi pubbāparavīthiccittasantānāni icchitabbāni. Tathā loke cakkhunā disvā dvāravātapānādīnaṃ chiddavivarāni jānantā cakkhunā dassanena saheva tāni jānantīti maññanti. Tattha pana purimabhāge cakkhudvārikavīthi cittena paccuppannāni kavātarūpabhitti rūpāni punappunaṃ disvā pacchā alātacakkassa majjhe vivaraṃpi jānantā viya visuṃ uppannāya manodvārika viññāṇavīthiyā eva taṃ chiddavivarabhūtaṃ ākāsaṃ jānanti. Tathā hatthena udakaṃ phusantassa pathamaṃ dravasahitāni vilīnāni mudūni t̥ṇiphoṭṭhabba mahābhūtāni visuṃ visuṃ kāyadvārika vīthi cittehi phusanakiccena ārammaṇaṃ karitvā pacchā visuṃ suddhāya manodvārika vīthiyā eva dravabhāvasaṅkhātaṃ paggharaṇaka āpodhātuṃ jānanti. Evaṃ santepi taṃ dravabhāvampi hatthena phusanena saheva jānantīti maññantīti adhippāyo.

Gāvo caranti etthāti āha “gunnaṃ caraṇaṭṭhānaṃ”ti. Akkhara vidū pana gosaddaṃ indriyatthepe icchantīti āha “goti vā”tiādim. Tāni cakkhādīni etesu rūpādīsu caranti, etāni vā rūpādīni tesu cakkhādīsu caranti. Tattha purimena gāvo indriyāni caranti etesūti gocarānīti dasseti. Pacchimena gosuindriyesu carantīti gocarānīti. Imāni pana pañca rūpādīni.

Bhāvadvaye. Icchanaṭṭhena t̥hānaṭṭhena t̥hapanat̥ṭhena ca itthī. Sāhikāmarati atthāya sayampi aññaṃkāmiṃ icchati. Sayañca kāmikena icchīyati. Añño ca kāmiko gharāvāsa sukhatthāya tattha t̥hānaṃ upeti, patiṭṭhāti. Āyatiñca kulavaṃsappatiṭṭhānatthāya tattha kulavaṃsa bījaṃ t̥hapetīti. Pūraṇaṭṭhena icchanaṭṭhena ca puriso. Sohi attahitañca pūreti, parahitañca icchati. Idhalokahitañca pūreti, paralokahitañca icchati. Ubhayalokahitañca pūreti, lokuttarahitañca icchati, esati, gavesatīti. Pumassasakaṃ puṃsakaṃ. Purisalingādi. Natthi puṃsakaṃ etassāti napuṃsakaṃ. “Yassa pana dhammassā”ti bhāvarūpadhammassa. “Taṃ”ti khandhapañcakaṃ. Mahāsaṅghānaṃ sattānaṃ jātibhedam̐ līṅgeti n̄āpetīti līṅgaṃ. Lakkhaṇapāṭhakā nimiranti sañjānanti kalyāṇa pāpakaṃ kammavipākaṃ etenāti nimittaṃ. Kiriyā kuttaṃ. Āyukantaṃ kappīyati saṅkharīyatīti ākappo. Sabbepetelingādayo. Soca avisadādibhāvo. “Vacanesucā”ti itthisaddapurisasaddādīsu ca. “Vacanatthesu cā”ti itthi saṅghāna purisaṅghānādi atthesu ca. “Nimittasaddo viyā”ti nimitta saddo aṅgajāte pākaṭo viyāti. Na pākaṭo diṭṭho. Apākaṭo pana katthaci diṭṭhoti adhippāyo. “Bhavanti saddabuddhiyo”ti saddasatthanayo. “Bhavanti līṅgādīnī”ti aṭṭhakathānayo. Tattha hi itthilingādīnaṃ hetubhāva lakkhaṇanti vuttaṃ. “Etasmiṃ satī”ti ca jātiyā sati, jarāmarāṇaṃ hoti. Asati na hotīti etthaviya hetu phalabhāvapākaṭattham̐ vuttaṃ.

Vatthurūpe. Niruttinayena vacanatthā bhavanti. Dhātu dvayaṃ nāma manodhātu manoviññāṇadhātu dvayaṃ. “Avatvā”ti hadaya vatthum avatvā. “Tam”ti hadaya vatthu rūpaṃ. “Pañcā”ti pañcavatthūni. “Tesaṃ”ti tesaṃ kusalādīnaṃ. “Tattha vuttaṃ”ti paṭṭhāne vuttaṃ. “Yaṃ rūpaṃ nissāyā”ti yaṃ rūpaṃ nissāya manodhātu ca manoviññāṇadhātu ca vattantīti imaṃ paṭṭhaṃ niddisati. “Anañña sādharmaṇesu ṭhānesū”ti cakkhu vatthādīhi aññavatthūhi asādharmaṇesu kusalākusalaṭṭhānesu.

Jīvitarūpe. “Ādhippaccayogenā”ti adhipatibhāvayogena. “Adhipatibhāvo”ti ca indriyapaccaya kiccaṃ vuccati. Na adhipati paccayakiccaṃ. “Jīvantī”ti haritabhāvaṃ na vijahantīti vuttaṃ hoti. Na hi tāni ekantena jīvantāni nāma honti. Jīvita rūpassa ekanta kammajassa bahiddhā anupaladdhattā. Kammajarūpāni jīvanti yevāti sambandho. “Kamme asantepī”ti kammacetanāya pubbe niruddhattā vuttaṃ. Tadatthaṃ byatirekato pākaṭaṃ karonto “tathāhi”tiādīmāha. “Itara rūpāni”ti cittajarūpādīni. Ekavīthivāro nāma pañcadvāravīthivāro. Manodvāravīthivāro ekajavana vāroti vutto. Paricchinnaṃ hoti. Kasmā, ekekasmim vīthivāre niruddhe bhavaṅga samaye asadisassa rūpasantānassa pātubbhāvato adhippāyo. Tañca kho rūpavisesaṃ jānantasseva pākaṭaṃ hoti. Ajānantassa pana taṅkhaṇamatte apākaṭaṃ. Kasmā, tādisassapi utjarūpasantānassa thokaṃ pavattanato. Yassahi dosa samuṭṭhitena rūpasantānena mukharūpaṃ dubbaṇṇaṃ hoti. Tassa dose niruddhepi taṃ rūpaṃ thokaṃ dubbaṇṇameva khāyatīti. “Utujāhārajānañca santati paccuppannaṃ”ti adhikāro. Ekaṃ addhāpaccuppannameva hotīti vuttaṃ. Na nu cakkhusotādīni kammajarūpasantānāni pavattikāle kadāci suppasannāni, kadāci pasannāni, kadāci appasannāni dissantīti. Saccāṃ, tathā pavatti pana santāna vicchedena na hoti, nānāvicchinne ca ekekasmim santāne tesaṃ punaḥaṭṭhaṇaṃ nāma natthi. Sakiṃ andho andhoyeva hoti. Badhiroca badhiroyevāti adhippāyo. “Yadi evaṃ”ti evaṃ yadi siyāti attho. “Arūpa dhammānaṃ santati paccuppannaṃ”ti adhikāro. “Vipākāni”ti bhavaṅgabhūtāni vipākāni. Ekasantativasena pavattissantiyeva, tasmā tesaṃ nānāsantati paccuppannaṃ nāma na vattabbaṃ. Kasmā, yāvajīvampi eka kammanibbattatīti adhippāyo. “Itarāni panā”ti kusalā kusala kriyacittāni pana. “Tadārammaṇā”ti niruddhārammaṇā. Addhānappharaṇānubhāvena pavattantiyeva. Na pana cittajarūpādīni viya attano janakapaccaye niruddhe nirujjhanti. Ayaṃ arūpadhammānaṃ jīvantatte visesoti adhippāyo. “Ayamattho vattabbo”ti arūpa dhammānaṃ jīvantatāviseso vattabbo. Yathā rūpasantatiyaṃ anantara paccayo nāma natthi. Cutikāle bhavantararūpasantānassa kiñci paccayattaṃ anupagantvā nirujjhanti. Tena bhavantara pātubbhāvo nāma tesaṃ natthi. Na tathā arūpasantatiyaṃ. Tattha pana cuticittampi paṭisandhiyā anantara paccayo hutvā nirujjhanti. Tena bhavantarapātubbhāvo nāma tesaṃ atthi. Ayampi arūpadhammānaṃ jīvantatte viseso. Tasmā arūpadhammānaṃpi kammajarūpānaṃ viya niccaṃ jīvitayogena jīvantattā santati paccuppannaṃ nāma na bhaveyyāti na codetabbanti. Kusalā kusala kriyacittāni nāma akammajāni honti. Cittajarūpādīni viya atītaṃ kammaṃ anapekkhitvā taṅkhaṇikehi nānāpaccayehi uppajjanti. Tasmā tesaṃ jīvantānaṃpi sataṃ ajīvantānaṃ cittajarūpādīnaṃ viya nānāsantati paccuppannaṃ nāma atthi. Jīvantatā visesopi atthīti adhippāyo. Ettha keci vadanti. Rukkhādīsipi jīvitaṃ nāma atthi. Yato tesaṃ haritatā ca aharitatā ca rūhanañca-arūhanañca dissatīti. Vuccate, yadi tesaṃ jīvitaṃ nāma atthi, arūpajīvitaṃ vā siyā, rūpajīvitaṃ vā. Tattha sace arūpajīvitaṃ hoti. Yathā tena samannāgato satto punappunaṃ maritvā punappunaṃ bhavantare pātubbhavanti. Tathā rukkhāpi maritvā bhavantare pātubbhaveyyuṃ. Atha rūpajīvitaṃ siyā. Yathā sattānaṃ cakkhādi aṅgesu jīvita santāne bhinne tāni aṅgāni puna jīvantāni kātuṃ na sakkonti. Tathā rukkhāpi khandhesu vā sākhasuvā chinnesu jīvitasantāne bhinne tekhandhāvā sākhaṃ vā puna aññattha ropetuṃ na sakkā bhaveyyuṃ. Sakkā eva bhavanti. Tasmā tadubhayampi jīvitaṃ nāma tesaṃ natthīti daṭṭhabbaṃ. Vibhāvanipāṭhe. Na hi tesaṃ kammaṃyeva ṭhitikāraṇaṃ hotīti ettha kammaṃ ṭhitikāraṇaṃ eva na hotīti yojetabbaṃ. Tenāha “āhārajādīnaṃ”tiādīm. Ekakalāpe gatā pavattā sahajāta paccayā, tehi āyattā paṭibaddhāti viggaho. Kammādīnaṃ rūpajanakapaccayānaṃ janakānubhāvo nāma rūpakalāpānaṃ uppādakkhaṇe eva pharati, na ṭhitikkhaṇe. Upacayasantatiyo ca uppādakkhaṇe labbhanti, na ṭhitikkhaṇe. Tasmā tā janakapaccayānubhāvakkhaṇe laddhattā kutocijātanāmaṃ labhanti. Jaratāpana ṭhitikkhaṇe eva labbhanti, na uppādakkhaṇe. Tasmā sā kutocijāta nāmaṃ na labhati. Yadi pana āhārajādīnaṃ rūpadhammānaṃ ṭhiti nāma āhārādī janakapaccayāyattā bhaveyya. Jaratāpi janakapaccayānubhāvakkhaṇeva labbhamānā siyā. Evañcasati, sāpi kutocijāta nāmaṃ labheyya. Na pana labhati. Tasmā tesaṃ ṭhiti nāma janakapaccayāyattā na hotīti imamatthaṃ dassento “itarathā”tiādīmāha. “Upatthambhamānā”ti kalāpantare ṭhatvā upatthambhamānā. “Na

khaṇaṭhitippavattiyā”ti khaṇaṭhi tibhāvena pavattiatthāya upatthambhanti, anupāletīti yojanā. Sabbesaṃpi rūpārūpadhammānaṃ. “Taṃ”ti vibhāvanivacanaṃ. “Idaṃ panā”ti jīvitarūpaṃ pana.

Āhārarūpe. “Savatthukavacanaṃ”ti bhojanādi vatthunā saha pavattatīti savatthukaṃ. Vacanaṃ. Na hi nibbattitaṃ āhāra rūpaṃ nāma kabaḷaṃ kātuṃ sakkā hotīti. “Vivecitānī”ti pācana kiccena vibhajitāni. Visuṃ visuṃ katāni. “Pañcadhā vibhāgaṃ gacchantī”ti ekaṃ bhāgaṃ pānakā khādanti. Ekaṃ bhāgaṃ udaraggi jhāpeti. Eko bhāgo muttaṃ hoti. Ekobhāgo karīsaṃ. Ekobhāgo rasabhāvaṃ āpajjitvā soṇitamamaṃsādīni upabrūhayatīti evaṃ vuttanayena pañcadhā vibhāgaṃ gacchanti. “Loke”ti lokiya ganthe. “Tato”ti āmasayato. Anupharanto hutvā. “Tassā”ti rasabhāgassa. “Bhūtesū”ti mahābhūtesu. Saha indriyena vattatīti sendriyo. Kāyo. Udayatīti oḷā. Dakārassa jakāro. Avati janetīti oḷā. Avasaddassa okāro. “Attanovatthum”ti attanonissayabhūtaṃ rūpakāyaṃ.

“Aññāpadeso” nāma rūpassa lahutātiādīsu aññassa rūpassa kriyāmattabhāvena apadisaṃ vuccati. “Ujukatova nipphāditaṃ”ti mukhyatova janitaṃ. Yathāhi sabbaṃ anipphannarūpaṃ ajāti dhammattā ujukato kammādīhi jātaṃ nāma na hoti. Kammādīhi jātaṃ pana nipphannarūpaṃ nissāya dissamānattā ṭhānūpacārena viññatti dvayaṃ cittajamṭiādīnā vuccati. Na tathā idaṃ nipphannarūpaṃ. Idaṃ pana jātidhammattā ujukatova kammādīhi paccayehi nipphāditaṃ janitanti vuttaṃ hoti. “Rūpaṃ”ti vutte anipphannarūpaṃpi labbhatīti tato viśesanatthaṃ rūparūpanti vuccatīti āha “ruppanalakkhaṇa sampannaṃ”tiādīṃ. Tattha “ruppanalakkhaṇaṃ” nāma sītuṇhādīhi vikārapattilakkhaṇaṃ. Tampana anipphanna rūpe mukhyato na labbhati. Nipphannarūpe eva labbhati. Kasmā, nipphannarūpassahi nānāvīkāro vikārarūpanti vuccati. Lakkhaṇaṃ lakkhaṇa rūpanti vuccati. Vikārassa pana vikāro nāma natthi. Lakkhaṇassa ca lakkhaṇaṃ nāma natthi. Yadi atthīti vadeyya. Vikārassa vikāro, tassa ca vikāro, tassa ca vikāroti ariyāntameva siyā. Tathā lakkhaṇepīti.

Ākāśadhātuyā. “Pakāsantī”ti idaṃ ekaṃ idaṃ ekanti paññāyanti. “Paricchindatī”ti āha “parito”tiādīṃ. “Asammissaṃ”ti vatvā tadatthaṃ vivarati “ekattaṃ anupagamaṃ”ti. Paricchindīyatīti paricchediti āha “tehi vā”tiādīṃ. “Tehe vā”ti kalāpantarabhūtehi vā. “Attano vā paresaṃ vā akatvā”ti attanopakkhikaṃ vā paresaṃ pakkhikaṃ vā akatvā. Pariccheda kriyāmattaṃ paricchediti āha “tesaṃ vā”tiādīṃ. “Tesaṃ vā”ti kalāpantarabhūtānaṃ vā. “Ayaṃ panā”ti ayaṃ paricchediti pana. “Tassā”ti paricchediti. So pāliyaṃ vuttoti sambandho. “Iti katvā”ti evaṃ manasikatvā. “Etehi”ti etehi mahābhūtehi. “Aññamañña abyāpitā”ti dvinnāṃ tiṇṇaṃ vā rūpakalāpānaṃ ekakalāpattūpagamaṃ aññamañña byāpitā nāma, tathā anupagamaṃ aññamañña abyāpitā nāma. Tenāha “ekattaṃ”tiādīṃ. “Tatthā”ti tissaṃ pāliyaṃ. “Nānākalāpagatānaṃ bhūtānaṃ”ti etena kalāpapariyantatā eva vuttā hoti.

Viññatti dvaye. “Sayañcā”ti viññatti saṅkhātaṃ sayañca. “Tenā”ti calamānena kāyaṅgena. “Tehe”ti paccakkhe ṭhitehi janehi. Tatthātiādīsu. “Kāyaṅgavīkāraṃ karontassā”ti abhikkamanādi atthāya hatthapādādīnaṃ kāyaṅgānaṃ calana saṅkhātaṃ vīkāraṃ karontassa. Uppajantā ca sabbete cittajavātakalāpā yathādhippeta disābhimukhā eva uppajantīti yojanā. “Yathā vā tathā vā anuppajjitvā”ti aniyamato anuppajjitvāti vuttaṃ hoti. Yassa copana kāyassa. “Tehe”ti cittajavātakalāpehi. Niyāmakō nāvāniyojako. “Te cā”ti tecittajavātakalāpasāṅghāṭā. Etena sakalaṃ kāyaṅgaṃ nidasseti. Sakalakāyaṅgaṃ nāvāsadisanti vuttaṃ hoti. “Cāretvā”ti viyūhitvā. Kathaṃ pana sā niyāmakasadisī hotīti āha “yathāhī”tiādi. Yadetaṃ sakkotīti vacanaṃ vuttanti sambandho. “Katīpayajavana vārehī”ti dvatti javanavārehi. “Tato”ti yasmiṃ vāre calana saṅkhātaṃ desantara pāpanaṃ jāyati. Tato calanavārato. Santhambhana sandhāraṇāni eva sampajjanti, na calanasāṅkhātaṃ desantara pāpanaṃ. “Etthā”ti etissaṃ aṭṭhakathāyaṃ. Nānājavanavīthīsu. La. Upatthambhane ca yujjatiyeva. Na ekissāya javanavīthiyaṃ eva yujjatīti adhippāyo. Yadi nānājavanavīthīsu tathā upatthambhanañca gayheyya. Evaṃsati, antarantarā bahū bhavaṅgavārāpi santi. Tattha kathaṃ tadupatthambhanaṃ sampajjeyyāti āha “tathāhī”tiādīṃ. Tattha “utujarūpasāṅghāṇī pī”ti bhavaṅgasamaye pavattāni utujarūpakalāpasandhānakāni. “Tadākāra vantānī”ti tassā cittajarūpasantatiyā ākāra vantāni. Pacchima pacchimānaṃ rūpakalā pasāṅghāṇaṃ aparāparaṃ uppajjananti sambandho. Purimapurimānaṃ rūpakalāpasāṅghāṇaṃ khaṇikadhammattā ca tesaṃ na siyā. Na ca te khaṇikadhammā na honti. Aññathā desantara saṅkamanasāṅkhātaṃ calanaṃ eva na siyā. Calanaṃ tihi nānākriyānaṃ pātubbhāvo vuccati. Nānākriyā ca nāma

nānādhammā eva. Yasmā ca aṅgapaccaṅgānaṃ khaṇekhāṇe calanaṃ nāma loke paccakkhato diṭṭhaṃ. Tasmā tesam khaṇikadhammatāpi daṭṭhabbā hotīti. Etena tesam khaṇikamaraṇaṃ dasseti, yaṃ rūpārūpadhammānaṃ aniccalakkhaṇanti vuccati. Abyāpāra dhammatā ca avasavattitā ca tesam na siyā. Na ca te abyāpāra dhammā, na avasavatti dhammā ca na honti. Aññathā paccayāyatta vuttitā eva tesam na siyā. Paccayāyatta vuttitāti ca paccaye sati, te vattanti, asati na vattantīti evaṃ pavattā paccayāyatta vuttitā yasmā ca paccayasāmaggiyaṃ sati, te vattantiyeva. Tesam vattanatthāya kenacibyāpārena kiccaṃ natthi. Te māvattantūti ca attano vasena vattanti. Paccaye asati, na vattantiyeva. Tesam avattanatthāya kenacibyāpārena kiccaṃ natthi. Temāvattantūti ca attano vasenavattanti. Yasmā ca tesam paccayāyatta vuttitā nāma loke viññūnaṃ paccakkhatodiṭṭhā. Tasmā tesam abyāpāratā ca avasavattitā ca daṭṭhabbā hoti. Etena tesam sabbehi sattapuggala attākārehi sabbaso suññaṃ dasseti, yaṃ rūpārūpadhammānaṃ anattalakkhaṇanti vuccatīti.

“Vacībhedaṃ”ti akkhara padabhāvapattaṃ vacīmayasaddappakāraṃ.

Upādinnakapathavīdhātuyo nāma kammaja pathavīdhātuyo. Tāsu saṅghaṭṭananti sambandho. Attanā sahaṅgātenayena ākāravikārena upagacchati, yena ca upalabbhatīti sambandho. Ajjhata santānagatā sabbe catujarūpadhammāpi katthaci upādinnakāti vuccantīti āha “catujabhūtāya eva vā”ti. Dvīsuṭhāna karaṇesu karaṇapakke calanākārappavattā cittajapathavīdhātu ṭhānapakke pathavīdhātuyaṃ saṅghaṭṭayamānā kammajapathaviyaṃ eva ghaṭṭeti. Itara pathaviyaṃ na ghaṭṭeti na sakkā vattuṃti katvā idha evaggahaṇaṃ kataṃ. “Vikāra dvayañcā”ti kāyavikāra vacīvikāra dvayañca. Kathaṃ pana asammissaṃ katvā veditabbanti āha “etthacā”tiādiṃ. Yaṃ pana tāsaṃ ghaṭṭanappakāravīdhānaṃ atthīti sambandho. “Tāsaṃ” cittajapathavīnaṃ. “Taṃ taṃ vaṇṇattapattiyā”ti ka, khā, divaṇṇattapattatthāya. Yaṃ pana kāyaviññattitṭhāne ‘ayañca attho upari akkharuppatti vicāraṇāyaṃ pākaṭo bhavissati’ti vuttaṃ. Taṃ idha pākaṭaṃ karonto “ettha cā”tiādimāha. Teneva hi mūlaṭṭikāyaṃ vuttanti sambandho. “Ettha cā”ti mūlaṭṭikāpāthe. “Pubbabhāge”ti pariyyatta akkharappavattavīthito pubbabhāge. “Nānājavanavīthīhi”ti nānappakārehi javanavīthivārehi. “Pathamajavanacittassapi”ti pariyyatta akkharappavattavīthiyaṃ uppannapathamajavana cittassapi. Tassa āsevanañca nāma tato purimehi vīthivārehi eva laddhaṃ siyāti adhippāyo. “Āsevanaṃ”ti ca upacāra vacanaṃ daṭṭhabbanti heṭṭhā vuttameva. “Tassā”ti pariyyattakkharassa. Vuttañca saddasatthesu. “Dīghamuccare”ti pañcadīghā vuccanti. Mithinda pañhāpāthe. “Sādhike vīhivāhasate”ti vīhidhaññapūro sakaṭo vīhivāho nāma. Vīhivāhanaṃ sādhike satasmīṃ. Abhimaññanaṃ abhimāno. “Sesamettha kāyaviññattiyaṃ vuttanaye nā”ti tathāhi calanacittajarūpasantatiyaṃ pavattānītiādinā vutta nāyenti attho. Idha pana vacībhedakara cittajasaddasantatiyaṃ pavattāni utujarūpasāṅghātānītiādinā vattabbaṃ. Tenāha “yathāsambhavaṃ”ti. “Pavattanattho”ti abhikkamanādi sajjhāyanādīnaṃ pavattāpanattho. “Ettha cā”tiādisu. “Bodhetu kāmātā rahitesū”ti abhikkamanapaṭikkamanādīsu kāyaviññatti ca, suttanta sajjhāyanādīsu vacīviññatti ca paraṃ bodhetukāmātā rahitāti daṭṭhabbā. “Dvīsu bodhakaviññattīsū”ti bodhakakāyaviññatti bodhakavacī viññattīsū. Purimā kāyaviññatti, pacchimā ca vacīviññatti. Pacchā suddhena manodvārika javanena eva viññāyati, na pañcadvārika javanenti yojanā. Cakkhuviññāṇa vīthiyā gahetvāti sambandho. “Kāyaviññāṇa vīthiyā”ti vacībhedaṃ akatvā hatthaggaṇādi vasena adhippāya viññāpane ayaṃ kāyaviññāṇavīthi daṭṭhabbā. Kasmā pana sayañcaviññāyatīti viññattīti ayaṃ vikappo vuttoti āha “sāhi attānaṃ”tiādiṃ. “Majjhe”ti viññattiggahaṇavīthi adhippāyaggahaṇavīthinaṃ majjhe. Kathaṃ pavattakaviññattīsū adhippāyaṃ viññāpeti, sayañcaviññāyatīti dve atthā labbhantīti āha “dvīsu panā”tiādiṃ. Ayaṃ abhikkamati, ayaṃ paṭikkamatīti jānantā abhikkamanapayogañca tappayoga janakacittañca jānanti. “Parassakathaṃ”ti bodhetukāmātārahitampi parassavacanasaddaṃ. Rāgacittañca jānanti. Tena vuttaṃ mūlaṭṭikāyaṃ paraṃ bodhetukāmātāya vināpi abhikkamanādippavattanena socittasahabhuvikāro adhippāyaṃ. La. Dvidhāpi viññatti yevāti.

Vikārarūpesu. “Kammayogyam”ti abhikkamanādikammesu yojetuṃ yuttaṃ. Adandhatā vuccati sīghappavatti. Sā lakkhaṇaṃ assāti viggaho. Sarīra kriyānukulo kammaññabhāvo lakkhaṇaṃ yassāti samāso. “Dhātuyo”ti mahābhūtaḍḍhātuyo vā, pittasemhādihātuyo vā. Pūtimukhasappasaṅkhātassa āpassa pariyyuṭṭhānanti vākyam. Asayabhāro nāma vahituṃ asakkuṇeyyabhāro. “Sā pavattatī”ti kāyalahutā pavattatī. Thaddhaṃ karonti sarīragatā dhātuyoti adhikāro. Bhusaṃ māretīti āmariko. Dakāro āgamo. Gāmanigamaviluppako coragaṇo. Tassa bhayena pariyyuṭṭhitam. “Vivaṭṭamānaṃ”ti virūpaṃ hutvā vaṭṭantaṃ. “Mūlabhūtā hotī”ti asappāya

sevane sati, sã pathamaṃ pariyuṭṭhãti. Sītãdhikãvã hoti, uṇhãdhikãvã. Tãya pariyuṭṭhitãya eva sabbapariyuṭṭhãnãni pavattantĩti vuttaṃ hoti. “Imãpanatisso rūpajãtiyo rūpakãyassa visesãkãrã honti. Iti tasmã vikãrarũpaṃ nãmãti yojanã.

Lakkhaṇarũpesu. “Cayanaṃ”ti sañcitabhãvagamaṃ. “ãdito”tiãdimhi. “Uparito”ti uparibhãge. “ãcayo”tiãdimhi cayo. “Upacayo”ti uparũparicayo. “Addhãnapũraṇavasena”ti vassasatampi vassasahassampi dīghakãlaṃ attabhãvaṃ pũraṇavasena. “Tena pariyãyena”ti upasaddassa atthanãnattaṃ acintetvã nibbattiṃ vaḍḍhiyaṃ antogadhaṃ katvã vuttena tenapariyãyena. Tassa ca ekekassa santati paccuppanna. Tattha cittajarũpesu assãsa passãsanãṃ vã padavãrahattavãrãdãnaṃ vã akkharãnaṃ vã nibbatti vaḍḍhi pavattiyo dissantiyeva. Tathã nãnãcittasamuṭṭhitãnaṃ nãnãrũpasantatãnaṃ pĩti. Utujarũpesu iriyã pathanãnattaṃ paṭicca sukhadukkhajanakãnaṃ nãnãrũpasantatãnaṃ nibbattivaḍḍhipavattiyo dissantiyeva. Tathã bahiddhã khãṇukaṇṭakãdisamphassa sītũṇhãdisamphassa vãtãtapãdisamphassa vã sarĩre uppannãnaṃ nãnãrũpasantatãnãmpi cakkhurogãdirũpãnãmpĩti. Åhãrajarũpesu åhãranãnattaṃ paṭicca sarĩre uppannãnaṃ samavisamarũpasantatãnaṃti. “Ayaṃ nayo”ti bahiddhãsantãne nidassana nayo. Tena ajjhãttasantãnepi sãttasantãnãnaṃ hatthapãdãdisantãnãnaṃ kesalomãdi santãnãnaṃca nibbatti vaḍḍhipavattiyo nidasseti. “Jĩraṇaṃ”ti abhinavãvatthato hãyanaṃ. Pãlipãthe. “Ṭhitassa aññathattaṃ”ti aññã pakãro aññathã. Aññathã bhãvo aññathattaṃ. Etena jarãvasenavã nãnãrogaḃãdhãdivasena vã vipariṇãmo vutto. “Tathã avatthãbhedayogato”ti jãtirũpameva ãdimhi nibbatti hoti. Tatoparaṃ tameva vaḍḍhi hoti. Tato paraṃ tameva pavatti hotĩti evaṃ tathã avatthãbhedayogato. Tenãha “sãhi”tiãdim. “Pabandhayatĩ”ti pabandhaṃ karoti. Saṅghagãthãdĩsu pana suviññeyyã. “Ettha ca pacchimãni”tiãdĩsu. Vohãrasiddhamattabhãvaṃ”ti puggalo satto attã jĩvotiãdikã paññatti nãma vohãra siddhamattã hoti. Sabhãvasiddhã na hoti. Sãhi mahãjanehi khandha pañcakaṃ upãdãya puggalo nãma atthĩti sammatattã voharittã vohãrasiddhã nãma. Sabhãvasiddhã pana na hoti. Tasmã ariyãnaṃ vohãre puggalo nãma natthĩti sijnhati. Imãni pana rũpãni sabhãvasiddhattã ariyãnaṃ vohãrepi atthĩti sijnhanti. Tenãha “tãdisenã”tiãdim. “Suddhadhammagatiyã siddhenã”ti pathavĩdhãtu nãma suddhadhammo hoti. Sã uppãdampi gacchati, jarãmpi gacchati, bhedampi gacchati. Tasmã tassã uppãdopi jarãpi bhedopi suddhadhammagatiyã siddho nãma. Evaṃ lakkhaṇarũpãnaṃ suddhadhammagatisiddhaṃ paramatthalakkhaṇaṃ veditabbaṃ. Tathã viññatti dvayassapi vikãrarũpattayassapi pariccheda rũpassapĩti. Yathã ca imesaṃ rũpãnaṃ. Tathã nibbãnassapi suddhadhammagatisiddhaṃ paramatthalakkhaṇaṃ atthiyeva. Kilesadhammãhi ariyamagge abhãvite bhavaparamparãya uppãdaṃ gacchantiyeva. Bhãvitepana anuppãdaṃ nirodhaṃ gacchantiyeva. Tasmã kilesadhammãnaṃ anuppãdanirodhopi suddhadhammagatiyã siddho nãma. Evaṃ nibbãnassapi suddhadhammagatisiddhaṃ paramatthalakkhaṇaṃ veditabbaṃ. Atthi bhikkhave ajãtaṃ abhũtanti idaṃ suttaṃpi ettha vattabbaṃ. Etena ariyavohãre nibbãnassa ekantena atthitã bhagavatã vuttã hoti. Tenãha “itarathã”tiãdim. “Nasabhãvato anupaladdhattã anipphannãni nãma hontĩ”ti etena etãni asabhãvarũpãnĩti ca alakkaṇa rũpãnĩti ca asammasanarũpãnĩti ca na sakkã vattuṃtipi dĩpeti. Kasmã, yathãsakãṃ sabhãvehi sabhãvavantattã yathãsakãṃ lakkhaṇe hi salakkhaṇattã paṭisambhidãmagge sammasanaññãṇa vibhaṅge jãtijarãmaraṇãnaṃpi sammasitabbadhammesu ãgatattãti. Aṭṭhasãliniyãmpi ayamatto vuttoyeva. Yathãha parinipphannanti pannarasarũpãni parinipphannãni nãma. Dasarũpãni aparinipphannãni nãma. Yadi aparinipphannãni nãma. Evaṃsati, asaṅkhatãni nãma siyuṃ. Tesãmyeva panarũpãnaṃ kãyavikãro kãyaviññatti nãma. Vacĩvikãro vacĩviññatti nãma. Chiddaṃ vivaraṃ ãkãsadhãtu nãma. Lahubhãvo lahutã nãma. Mudubhãvo mudutã nãma. Kammaññabhãvo kammaññatã nãma. Nibbatti upacayo nãma. Pavatti santati nãma. Jĩraṇãkãro jaratã nãma. Hutvã abhãvãkãro aniccatã nãmãti sabbãṃ parinipphannaṃ saṅkhatamevãti. Tattha “tesãmyeva rũpãnaṃ”ti niddhãraṇe bhummaṃ. Tesãmyeva dasannaṃ rũpãnaṃ majjheti vuttaṃ hoti. “Itisabbaṃ”ti idaṃ sabbaṃ dasavidhaṃ rũpaṃ parinipphannaṃ eva saṅkhatamevãti attho. Khandhavibhaṅgaṭṭhakathãyãmpi vuttova. Yathãha pañcavipanakhandhã parinipphannãva honti, no aparinipphannã. Saṅkhatãva, no asaṅkhatã. Apica nipphannãpi hontiyeva. Sabhãvadhammesuhi nibbãnamevekaṃ aparinipphannaṃ anipphannañcãti ca. Nirodhasamãpatti ca nãma paññatti ca kathanti. Nirodhasamãpatti lokiyalokuttarãti vã saṅkhatãsaṅkhatãti vã parinipphannãparinipphannãti vã na vattabbã. Nipphannã pana hoti. Samãpajjantena samãpajjitabbato. Tathã nãmapaññatti, sãpihi lokiyãdibhedãṃ nalabhati. Nipphannã pana hoti. No anipphannã. Nãmaggaṇaṇãhi gaṇhantova gaṇhãtĩti ca. Etena lakkhaṇarũpãnaṃpi nipphannatã siddhã hoti. Visuddhi maggepana nipphannaṃ

anipphannaṃtidukassa niddese. Aṭṭhārasavidhaṃ rūpaṃ paricchedavikāra lakkhaṇabhāvaṃ atikkamitvā sabhāveneva pariggahetabbato nipphannaṃ, sesaṃ tabbiparītātāya anipphannanti ca. Nipphannaṃrūpaṃ pana rūparūpaṃ nāmāti ca. Yaṃ catūhi kammādīhi jātaṃ, taṃ catujaṃ nāma. Taṃ lakkhaṇa rūpavajjaṃ avasesarūpaṃ. Lakkhaṇarūpaṃ pana na kutocijātanti ca vuttaṃ. Sabbañcetaṃ ācariyehi gahitaṇāmatattā vatticchānugataṃ hoti. Yaṃ rucati, taṃ gahetvā kathetabbanti.

Rūpasamuddesānudīpanā niṭṭhitā.

197. Rūpavibhāge. “Ekavidhanayaṃ tāva dassetuṃ”ti rūpavibhāgato pathamaṃ dassetuṃ. Etena ekavidhanayo rūpavibhāgo nāma na tāva hotīti dasseti. Taṃ na sameti. Kena na sametīti āha “vakkhatīhi”tiādiṃ. “Ajjhattikādibhedena vibhajanti vicakkhaṇā”ti etena sabbaṃrūpaṃ ajjhattikabāhīrasena duvidhantiādiko duvidhanayo eva rūpavibhāganayo nāmāti viññāyati. Tasmā tena na sametīti vuttaṃ hoti. Apica pāliyaṃ. Sahetukā dhammā, ahētukā dhammātiādi dukesu sabbaṃrūpaṃ ahētukameva, na sahetukantiādi niyamakaraṇampi rūpavibhāgo evāti katvā tathā vuttanti gahetabbam. “Itarāni panā”ti kāmāvacarantiādīni pana. “Janakena paccayenā”ti padhānavacanametam. Upatthambhakādi paccayāpi gahetabbā eva. “Saṅgammā”ti samāgantvā. “Kariyati”ti nipphādīyati. Yodhammotiādīsu. “Pahīno pī”ti chindanabhindanādivasena pahīnopi. “Tasmiṃ sati”ti samudayappahāne sati. Kiccapaccayānaṃ arahatthassa ca sakkatthassa ca dīpanato duvidhaṃ atthaṃ dassetuṃ “aṭṭhānattā”tiādi vuttaṃ. “Tabbisayassā”ti rūpavisayassa. “Evaṃ”ti evaṃsante. “Pahīnaṃ bhavissati”ti anāgatabhave puna anuppādatthāya idheva pahīnaṃ bhavissatīti attho. Tenāha “ucchinnaṃrūpaṃ”tiādiṃ. “Tālāvattukataṃ”ti chinnaṭṭalakkhaṇaṃ viya kataṃ bhavissati. “Anabhāvaṃ kataṃ”ti puna abhāvaṃ kataṃ. “Pākaṭo”ti dassanādikiccavisesehi paññāto. “Tadupādāyā”ti taṃ upanidhāya. Vibhāvanipāṭhe. “Ajjhattikarūpaṃ”ti paduddhāraṇaṃ. Attānaṃ adhikicca pavattaṃ ajjhattaṃ. Ajjhattameva ajjhattikanti dasseti “attabhāvasaṅkhātaṃ”tiādinā. Taṃ na sundaraṃ. Kasmā, ajjhattadhamma ajjhattika dhammānaṃca aviseso āpajjati vakkhamānakāraṇattā. “Dvārarūpaṃ nāmā”ti paduddhārapadaṃ. Kasmā dvārarūpaṃ nāmāti āha “yathākkamaṃ”tiādiṃ. Paratopi esanayo. “Desanābheda rakkhaṇatthaṃ”ti dukadesanābhedato rakkhaṇatthaṃ. Tattha desanābhedo nāma rūpakaṇḍe pañcaviññāṇaṃ vatthu rūpaṇca, na vatthu rūpaṇca, ārammaṇa rūpaṇca, na ārammaṇa rūpaṇca vatvā manoviññāṇassa na vuttaṃ. Yadi vucceyya, ārammaṇaduke manoviññāṇassa ārammaṇa rūpaṃ, na ārammaṇa rūpanti dukapadaṃ na labbheyya. Ayaṃ desanābhedo nāma. Vatthudukesu hadayavatthavasena labbhamānaṃ manoviññāṇadukaṃ na vuttanti. “Thūlasabhāvattā”ti sukhumaṃrūpaṃ upādāya vuttaṃ. “Dūre pavattassapi”ti yathā sukhumaṃrūpaṃ attano sarīre pavattampi ṇāṇena sīghaṃ pariggahetuṃ na sakkā hoti, tathā idaṃ. Imassa pana dūre pavattassapi. “Gahaṇayogyattā”ti ṇāṇena pariggahaṇapattattāti adhippāyo. Vibhāvanipāṭhe. “Sayamnisayavasena cā”ti sayaṇca nissaya mahābhūtavasena ca. Tattha sayam sampattā nāma phoṭṭhabbhadhātuyo. Nissayavasena sampattā nāma gandharasā. Ubhayathāpi asampattā nāma cakkhu rūpa, sota saddā. Yo paṭimukhabhāvo atthi, yaṃ aññamaññapataṇaṃ atthīti yojanā. Na ca tāni aññappakarāni eva sakkā bhavitunti sambandho. “Anuggaha upaghātavasena”ti vadḍhanatthāya anuggahavasena, hāyanādi atthāya upaghātavasena. “Yaṃ kiñcī”ti catusamuṭṭhānikarūpaṃ gaṇhāti. “Ādinnaparāmatṭhattā”ti taṇhāmānehi etaṃ mama esohamasmītiādinattā, diṭṭhiyā eso me attāti parāmatṭhattā ca. “Niccakālaṃ pavattivasena”ti ekena janakakammaṇa paṭisandhikkhaṇato paṭṭhāya niccakālaṃ pavattivasena. “Upacariyati”ti vohariyati. “Atthavisesabodho”ti rūpārammaṇassa kiccavisesabodho. “Asampattavasena”ti visayaṭṭhānaṃ sayam asampajjanavasena. Attanoṭṭhānaṃ vā visayassa asampajjanavasena. Tattha visayassa asampattaṃ dassento “tatthā”tiādimāha. Tathā sotassaddesu ca aññamaññaṃ laggitvā uppajjamānesu. “Sampattiyā evā”ti sampajjanatthāya eva. Tathā āpo ca sampattiyā eva paccayoti yojanā. Dubbalapathavī eva sannissayo yassāti viggaho. “Assā”ti cakkhussa. “Sotassapanakathaṃ”ti sotassa asampattaggahaṇaṃ kathaṃ pākataṃ. Sampattaggahaṇaṃ eva pākataṃti dīpeti. Tenāha “tatthahī”tiādiṃ. Dakkhiṇapassato vā suyati, cetiyādikassa puratthimadisābhāge ṭhitānanti adhippāyo. “Paṭighaṭṭanānighaṃso”ti sotesu paṭighaṭṭanavego. “Tesaṃ”ti āsannevā dūre vā ṭhitānaṃ. Hotu dūre ṭhitānaṃ cirena sutoti abhimāno. Kasmā pana ujukaṃ asutvā dakkhiṇapassatovā uttarapassato vā suṇeyya, asuyamāno bhavēyyāti pucchā. Taṃ kathento “apicā”tiādimāha. Vibhāvanipāṭhe. “Gantvā visayadesaṃ taṃ, pharitvā gaṇhatīti ce”ti taṃ cakkhusota dvayaṃ dūrevisayānaṃ uppānadesaṃ pharitvā gaṇhatīti cevadeyyāti attho. Dūreṭṭhatvā passanto suṇanto ca mahantampipabbaṭaṃ ekakkhaṇe passati, mahantaṃpi

meghasaddaṃ ekakkhaṇe suṇāti. Tasmā ubhayaṃ asampattagocaranti viññāyati. Imasmim vacane ṭhatvā idaṃ parikkappavacanaṃ dasseti taṃ dvayaṃ visayappadesaṃ gantvā mahantaṃ pi pabbataṃ vā meghasaddaṃ vā pharitvā gaṇhāti. Tasmā mahantaṃ pi passati, suṇāti. Na asampattagocarattā mahantaṃ passati suṇātīti koci vadeyyāti vuttaṃ hoti. Adhiṭṭhānavidhānēpi tassa so gocaro siyāti. Evaṃsati, dibbacakkhu dibbasotābhiññānaṃ adhiṭṭhānavidhānēpi so rūpasaddavisayo tassa pasādacakkhusotassa gocaro siyāti abhiññādhiṭṭhāna kiccaṃ nāma natthi. Cakkhusotaṃ devalokampi gantvā dibbarūpampi dibbasaddampi gaṇheyya. Na pana gaṇhāti. Tasmā tassa visayadesagamaṇaṅca mahantadesapharaṇaṅca na cintetabbanti vuttaṃ hoti.

Rūpavibhāgānudīpanā niṭṭhitā.

158. Rūpasamuṭṭhāne. Suttantesu cetanāsampayuttā abhijjhādayopi kammanti vuttā. Te pana paṭṭhāne kammaṃpaccayaṃ patvā tappaccayakiccaṃ na sādheti, cetanā eva sādhetīti āha “sā yevā”tiādiṃ. “Taṃ samuṭṭhānānaṅca rūpānaṃ”ti hetūhi ca hetusampayuttakadhammehi ca samuṭṭhānānaṅca rūpānanti atthavasena cetasikadhammānaṃ pi rūpasamuṭṭhāpakatā siddhā hoti. So hi udayati pasavatīti sambandho. “Kappasaṅghāpanavasena”ti kappappatiṭṭhāpanavasena. Ajjhattikasaddo chasu cakkhādīsū ajjhattikāyatane sveva pavattati. Idha pana sakalaṃ ajjhattasantaṇaṃ adhippetanti āha “ajjhatta santāneti pana vattabbaṃ”ti. “Khaṇe khaṇe”ti vicchāvacaṇaṃ. “Vicchā”ti ca bahūsukhaṇesu byāpananti āha “tīsutīsukhaṇesū”ti.

Yamakapāṭhesu. Yassa vā pana puggalassa. “Nirujjhatī”ti bhaṅgakkhaṇa samaṅgitamāha. “Uppajjati”ti uppādakkhaṇa samaṅgitaṃ. “Iti”ti ayaṃ pucchā. “No”ti paṭikkhepo. Samudayasaccassa bhaṅgakkhaṇe dukkhasaccabhūtassa rūpassavā nāmassavā uppādo nāma natthīti vuttaṃ hoti. Yassa kusalā dhammā uppajjanti, yassa akusalā dhammā uppajjantīti dve pāṭhāgahetabbā. “No”ti kusalākusala dhammānaṃ uppādakkhaṇe abyākatabhūtānaṃ rūpānaṃ vā nāmānaṃ vā nirodho nāma natthīti vuttaṃ hoti. Tesupāṭhesu kesaṅcivādīnaṃ vacanokāsaṃ dassetuṃ “arūpabhavaṃ”tiādi vuttaṃ. “Ce”ti kocivādī cevadeyya. “Nā”ti na vattabbaṃ. “Uppajjati”ti ca uddhaṭṭa siyunti sambandho. “Itaratta cā”ti tato itarasmim yassa kusalā dhammātiādiṃpāṭhe ca. “Tampi nā”ti tampi vacanaṃ na vattabbanti attho. “Purimakoṭṭhāse”ti asaṅghasattānaṃ tesam tatthāti imasmim purimapakkhēti adhippāyo. “Pacchimakotṭhāse”ti sabbesaṃ cavantānaṃ pavatte cittasabhaṅgakkhaṇeti imasmim pacchima pakkhe. Cavantānaṃ icceva vuttaṃ siyā, na pavatte cittassa bhaṅgakkhaṇeti, no ca na vuttaṃ, tasmā viññāyati pavatte cittassa bhaṅgakkhaṇe rūpajīvitindriyampi na uppajjati. Rūpajīvitindriye ca anuppajjamāne sati, sabbāni kammajarūpāni utujarūpāni āhājarūpāni ca cittassa bhaṅgakkhaṇe nuppajjantīti viññātabbaṃ hotīti adhippāyo. “Pacchimakotṭhāse”ti sabbesaṃ cavantānaṃ pavatte cittassa bhaṅgakkhaṇeti imasmim pacchimakpakkhe. Tattha ca pavatte cittassa bhaṅgakkhaṇeti idaṃ adhippetam. Evaṃ pālisādhakaṃ dassetvā idāni yuttisādhakaṃ dassento “yasmā cā”tiādimāha. “Tassā”ti ānandā cariyassa mūlaṭṭikākāraṇa. Vibhāvanīyaṃ. Bhaṅge rūpassa nuppādo, cittajānaṃ vasena vā. Āruppaṃ vāpi sandhāya, bhāsito yamakassa hi. Na cittaṭṭhiti bhaṅge ca, na rūpassa asambhavo. Ti vuttaṃ. Tattha “na hi na cittaṭṭhiti”ti cittassaṭṭhiti nāma na hi natthi. “Bhaṅgecā”ti cittasabhaṅgakkhaṇe ca. Taṃ asambhāvento “yamakapāṭṭiyo panā”tiādimāha. “Nānatthā nānābyañjana”ti etena pālisamsandanā nāma garukattabbāti dīpeti. “Gambhīro ca satthu adhippāyo”ti etena attānaṃ satthumataññuṃ katvā idaṃ sandhāya etaṃ sandhāyati vattum dukkaranti dīpeti. “Suddhaṃ arūpamevā”ti suddhaṃ arūpappaṭisandhiṃ eva. Cha cattālīsacittāni rūpaṃ janetuṃ na sakkonti. Evaṃ sati arūpavipākavajjitanti kasmā vuttanti āha “arūpavipākāpanā”tiādiṃ. Vibhāvanipāṭhe. “Hetuno”ti rūpavirāgabhāvanā kammaṅkhatassa hetussa. “Tabbīdhuratāyā”ti rūpaviruddhatāya. Rūpārūpavirāgabhāvanābhūto maggo. Tena nibbattassa. Rūpokāso nāma kāmarūpabhavo. Vibhāvanipāṭhe. “Ekūna na vutibhavaṅgasse vā”ti pavattikāle rūpajanakassa ekūna na vutibhavaṅga cittasāti attho. Tattha pana arūpavipākam pavattikālepi rūpajanakam na hotīti āha “tatthā”tiādiṃ. Keci pana paṭisandhi cittassa uppādakkhaṇe rūpaṃ pacchājāta paccayaṃ na labhati. Ṭhitikkhaṇe rūpaṃ parato bhavaṅgacittato pacchājātapaccayaṃ labhatīti vadanti. Taṃ na gahetabbanti dassetuṃ “na hi attanā”tiādi vuttaṃ. Sayaṃ vijjamāno hutvā upakārako paccayo atthipaccayo. Pacchājāto ca tassa ekadeso. “Āyusaṅkhārānaṃ”ti usmādīnaṃ. “Taṃ”ti khīṇāsavānaṃ cuticittaṃ. “Yathāhā”ti so thero kiṃ āha. “Vuttaṃ”ti aṭṭhakathāyaṃ vuttaṃ. Iti pana vacanato aññesampi cuticittaṃ rūpaṃ na samuṭṭhāpetīti viññāyatīti padhānavacanaṃ. Pana saddo aruci jotako. “Tathā vuttepi”ti joteti.

Vacīsaṅkhāro nāma vitakkavicāro. Kāyasaṅkhāro nāma assāsapassāsavāto. So sabbesampi kāmāsattānaṃ cuti cittaṃ uppādakkhaṇe ca tato purimacittaṃ uppādakkhaṇe ca nanirujjhatīti vacanena cuticittato pubbhāgeyeva assāsapassāsānaṃ abhāvaṃ ñāpeti. Nanu imissaṃ pāḷiyaṃ cutikāle assāsapassāsassa abhāvaṃ vadati. Aññesaṃ cittajarūpānaṃ abhāvaṃ na vadati. Tasmā imāya pāḷiyā sabbesampi cuticittaṃ assāsapassāsānaṃ na janetīti viññāyati. Na aññāni cittajarūpānīti codanā. Taṃ pariharanto “na hī”tiādimāha. Na hi rūpasamuṭṭhāpakacittaṃ kāyasaṅkhāra samuṭṭhāpanaṃ atthīti sambandho. “Gabbhagamanādivinibaddhābhāve”ti mātukucchimhi gatassa assāsapassāsānaṃ uppajjati, tathā udake nimuggassa. Bālhaṃ visaññībhūtassa. Catutthajjhānaṃ samāpajjantassa. Nirodhasamāpattiṃ samāpajjantassa. Rūpārūpabhāve ṭhitassāti. Tasmā etegabbhagamanādayo assāsapassāsānaṃ vinibaddhanti nīvārentīti gabbhagamanādivinibaddhā. Tesāṃ abhāvoti viggaho. Vinā imehi kāraṇehi assāsapassāsāsassa ca aññacittajarūpānaṃ viśeso natthīti vuttaṃ hoti. Aññampi yuttiṃ dasseti “cuto cā”tiādinā. Cuto ca hoti, assa cittaṃ samuṭṭhāna rūpaṃ pavattatīti na ca yuttanti yojanā. So ca suṭṭhu oḷāriko rūpadhammo. Iti tasmā na sakkā vattuṃti sambandho. “Imassa atthassā”ti vatvā taṃ atthaṃ vadati “oḷārikassā”tiādinā. “Katīpaya khaṇamattaṃ”ti pannarasakhaṇasoḷasakhaṇamattaṃ. “Cittajarūpappavattiyā”ti cittajarūpappavattanato. Dubbalā honti, tadā pañcārammaṇānīpi pañcadvāresu āpātaṃ nāgacchanti. “Paccayaparittatāya vā”ti tadā pacchājātapaccayassa alābhato vuttaṃ. Dubbalā honti. Tadā dubbalattā eva pañcārammaṇāni pañcadvāresu āpātaṃ nāgacchanti. Pariyosānepi ekacittakkhaṇamattaṃ. Vatthussa ādiantanissitāni paṭisandhikkhaṇe ādimhi nissitāni. Maraṇāsannakāle ante nissitāni. Samadubbalāni eva honti. Tasmā yathā sabbapaṭisandhicittampi rūpaṃ na janeti, tathā sabbacuticittampi rūpaṃ na janetīti sakkā viññātuntī. “Pāḷivirodhaṃ”ti pubbe dassitāya saṅkhāra yamakapāḷiyā virodhaṃ. “Kāraṇaṃ vuttamevā”ti cittaṃhi uppādakkhaṇe eva paripuṇṇaṃ paccayaṃ labhivā balavaṃ hotīti vuttameva. “Taṃ”ti appanājavanaṃ. Acalamānaṃ hutvā. “Abbokiṇṇe”ti vīthicitta vārena avokiṇṇe. Na tathā pavattamānesu aṅgāni osīdanti, yathā ṭhapitāneva hutvā pavattanti. “Na tatoparaṃ”ti tato atirekaṃ rūpavisesaṃ na janeti. “Kiñci”ti kiñcicittaṃ. “Uttarakiccaṃ”ti uparūparikkiccaṃ. “Aṭṭha puthujjanānaṃ”ti aṭṭha somanassa javanāni hasanampi janenti. Cha javanāni pañcājavānānīti adhikāro. Tesāṃ buddhānaṃ. Sitakammassāti sambandho. Sitakammaṃ nāma mihitakammaṃ. “Kāraṇaṃ vuttamevā”ti ‘rūpassa pana upatthambhakabhūtā utuāhārā pacchājātapaccaya dhammā ca ṭhitikkhaṇe eva pharanti’ti evaṃ kāraṇaṃ vuttameva. “Utuno balavabhāvo”ti rūpuppādanatthāya balavabhāvo. Santatiṭṭhiyā balavabhāvo pana pacchājātapaccayāyatto hoti. Rūpaṃ na samuṭṭhāpeyya. No na samuṭṭhāpetīti āha “vakkhati cā”tiādim. Ajjhata santānagato ca bahiddhāsantānagato ca duvidhāhāroti sambandho.

Etthacātiādisu. Utu pañcavidho. Ajjhattasantāne catujavasena catubbidho, bahiddhā santāne utujavasena eko. Tathā āhāropi pañcavidho. Tesu ṭhapetvā bahiddhāhāraṃ avasesānaṃ ajjhata santāne rūpasamuṭṭhāpane vivādo natthi. Bahiddhāhāraṃ pana ajjhattasantāne rūpasamuṭṭhāpane vivādo atthīti taṃ dassetuṃ “ettha cā”tiādimāha. “Utuojanaṃ viyā”ti utuojanaṃ ajjhattasantāne rūpasamuṭṭhāpanaṃ viya. Aṭṭhakathāpāṭhe. “Dantavicuṇṇitaṃ panā”ti dantehi saṅkhāditvā vicuṇṇaṃ kataṃ pana. “Sitthaṃ”ti bhattacuṇṇasitthaṃ. Ṭīkāpāṭhe. “Sā”ti bahiddhā oḷā. “Nasaṅkhādito”ti na suṭṭhukhādito. “Tattakenapī”ti mukheṭṭhapitamattenapi. “Abbhantarassā”ti ajjhattāhāraṃ. “Aṭṭhaaṭṭharūpāni samuṭṭhāpeti”ti upatthambhanavasena samuṭṭhāpeti, janana vasena pana ajjhattikāhāro eva samuṭṭhāpetīti adhippāyo. “Upādinnakā”ti ajjhata sambhūtā vuccanti. Bahiddhā oḷāpi rūpaṃ samuṭṭhāpeti yevāti sambandho. “Tenautunā”ti ajjhata utunā. “Sediyamānā”ti usmāpiyamānā. “Tāya ca oḷāyā”ti ajjhata oḷāya. “Medasinehupacaya vasenā”ti medakoṭṭhāsarasasineha koṭṭhāsānaṃ vaḍḍhanavasena. Itarāni pana tīṇīrūpasamuṭṭhānāni. Pāḷipāṭhe. “Indriyāni”ti cakkhādīni indriya rūpāni. “Vihāro”ti samāpatti eva vuccati. Samāpatti cittena jātatā tāni indriyāni vipasanna nīti katvā kasmā vuttanti pucchatī. “Upacaritattā”ti ṭhānūpacārena voharitattā. “Tesāṃ na vannaṃ”ti indriyarūpānaṃ. Nidhikaṇḍapāṭhe. Sundaro vaṇṇo yassāti suvaṇṇo. Suvaṇṇassa bhāvo suvaṇṇatā. Tathāsussaratā. “Saro”ti ca saddo vuccati. “Susanṭhānaṃ”ti aṅgapaccaṅgānaṃ suṭṭhusanṭhānaṃ. “Surūpatā”ti sundararūpakāyatā. “Yathā”ti yenaākārena saṅṭhite sati. Tathā tena ākārena saṅṭhitā hotīti yojanā.

Lahutādittaye. Dandhattādikarānaṃ dhātukkabhānaṃ paṭipakkhehi paccayehi samuṭṭhātīti viggaho. “Etassā”ti lahutādittayassa vuttā. Tasmā etaṃ lahutādittayaṃ kammamuṭṭhānanti vattabbanti adhippāyo. “Yamakesupi addhāpaccuppanneva gahito”ti yassa cakkhāyatanaṃ

uppajjati, tassa sotāyatanam uppajjatīti. Sacakkhukānam asotakānam upapajjantānam tesam cakkhāyatanam uppajjatītiādīsu uppādavāre paṭisandhivasena, nirodhavāre cutivasena addhāpaccuppannamva vuttanti adhippāyo. Akammajānam pavattikāle kālabhedo vuttoti. “Kammavipākajā ābādhāti vuttam”ti vīthimuttasaṅgahe upacchedakakammadīpaniyam ‘atthi vāta samuṭṭhitā ābādhā. La. Atthi kammavipākajā ābādhā’ti vuttam. Tāni upapīlakupaghātaka kammānīpi vipattiyo labhamānāni eva khobhetvā nānābādhe uppādentīti sambandho. Sarīre ṭhanti tiṭṭhantīti sarīraṭṭhakā. “Tadanugatikāni eva hontī”ti kammajādīnīpi khubbhitāni eva hontīti adhippāyo. Etena aṭṭhasu kāraṇesu yenakenacikāraṇena cakkhurogādike ābādhe jāte tasmim aṅge pavattāni sabbāni rogasamuṭṭhānāni ābādhabhāvam gacchantīyeva. Evam santepi tappariyāpannāni kammajarūpāni tadanugatikabhāvena ābādhabhāvam gacchanti, na ujukato kammavasenāti dīpeti. Kammasamuṭṭhāno ābādho nāma natthi. Tathāpi aṭṭhasu ābādhesupi atthi vātasamuṭṭhānā ābādhātiādīsu viya atthi kammasamuṭṭhānā ābādhāti avatvā atthi kammavipākajā ābādhāti vuttam. Tattha upapīlako paghātakakammānamvasena uppanno yokocidhātukkabhōho suttantapariyāye na kammavipākoti vuccatiyeva. Tato jāto yokoci ābādho kammavipākajoti vuttoti. Sugambhīramidaṃṭhānam. Suṭṭhuvicāretvā kathetabbam. “Yato”ti yasmā kammasamuṭṭhānā bādhapaccayā. La. Labbhamāno siyā. Kevalam so kammasamuṭṭhāno ābādho nāma natthīti yojanā. “Avihimsā kammanibbattā”ti mettākaruṇākammanibbattā. Suvidūratāyaceva nirābādhā hontīti sambandho. “Saṅṭhitiyā”ti dukkhobhanīye visesanapadam. Hetupadam vā daṭṭhabbam. Khobhetum dukkarā dukkhobhanīyā. “Kāmam”ti kiñcāpīti atthe nipātapadam. Sesamettha suviññeyyam.

“Vuccate”tiādīsu. Rūpapaccayadhammānam paccayakiccam tividham. Jananañca upatthambhanañca anupālanañca. Tattha jananakiccam Janetabbānam jātikkhāṇe eva labbhati. Sesadvayam pana ṭhitikkhāṇepi labbhati. Bhaṅgakkhāṇe pana sabbam paccayakiccam natthi. Tattha jananakiccavasena vicārento “rūpajanakānam”tiādīmāha. “Apicā”tiādīsu. “Tāsam”ti upacayasantaṭīnam, jaratā aniccatānañca. “Tesū”ti kutoci samuṭṭhānesu. Idha pana abhidhammattha saṅgahepana. “Evam santepī”ti paccayavisesena adissamānavisesatthepi. “Sāratara”nti atisārabhūtam. “Seyyo”ti seṭṭho.

Rūpasamuṭṭhānānudīpanā niṭṭhitā.

169. Kalāpayojanāyam. “Saṅkhāne”ti gaṇane. “Tenā”ti saṅkhānaṭṭhena ekasaddena dassētīti sambandho. “Piṇḍī”ti ekagghano. Mūlaṭīkāpāṭhe. “Uppādādippavattito”ti uppādādivasena pavattanato. “Itī”ti tasmā. Upādārūpāni tveva vuccanti. “Evam vikārapariccheda rūpāni ca yojetabbānī”ti pañcavikārarūpāni kalāpasseva copanādisabhāvā hontī, na ekamekassa rūpassa. Tasmā tāni ekekasmim kalāpe ekekāni eva hontī. Paricchedarūpam pana kalāpapariyāpannam rūpam na hoti. Tasmā dvinnam dvinnam kalāpānam antarā taṃpi ekekameva hotīti daṭṭhabbam. “Catunnam mahābhūtānam nissayatā sambhavato”ti ettha catunnam mahābhūtānampi lakkhaṇamattena nānattam hoti, pavattivasena pana ekagghanattā saṅkhānaṭṭhenapi eko nissayoti vattabbameva. Evañhisati ekasaddassa attha calanam natthīti. “Tena saddenā”ti cittajasaddena. Attānam mocento “adhippāyena”ti āha. Therassa adhippāyenāti vuttam hoti. Attano adhippāyam dassento “ettha panā”tiādīmāha. Tattha “saddenā”ti cittajasaddena. “Tāyavācāyā”ti vacīmayasaddenāti attho. “Viññattī”ti viññāpanam iccevattho. Viññāpetīti viññāpito. Tassa bhāvo viññāvitattam. Vitakkavipphārasaddo nāma kassaci mahantam attham cintentassa sokavasena vā tuṭṭhivasena vā balavavitakko pavattati. So sokam vā tuṭṭhim vā sandhāre tuṃ asakkonto dutīyena saddhim mantento viya attano mukheyeva abyattam saddam katvā samudīrati. Pakatijano tam saddamattam suṇāti vā na vāsuṇāti. Suṇantopi akkharam vā attham vā adhippāyam vā na jānāti. Dibbasotena vā vijjāsotena vāsuṇanto akkharampi atthampi adhippāyampi jānāti. Jānitvā evampi te mano, itthampi te manotiādīsati. Ayam vitakkavipphārasaddo nāma. So viññattirahito sotaviññeyyoti mahāaṭṭhakathāyam vutto. Saṅgahakāropana vacīmayasaddonāma viññattirahitoti vā asotaviññeyyoti vā natthīti paṭikkhipati. “Āgate”ti aṭṭhakathāsu āgate. “Paccetabbā”ti saddhātabbā. “Ṭīkāsūpanassā”ti assasaccasaṅkhepassa dvīsuṭīkāsu. Akkharañca padañca byañjanañca attho cāti dvando. Appaññāyamānā akkharapadabyañjanatthā yassāti viggaho. “Andhadamiḷādīnam”ti andhajātikadamiḷājātikādīnam milakkhūnam. “Ukkāsitasaddo ca khipitasaddo ca vāmitasaddo ca chaḍḍitasaddo cāti dvando. Ādisaddena tādisā uggāra hikkāra hasita rodītādayo saṅgaṇhāti. Sesametthasuviññeyyam.

Kalāpayoĵanānudīpanā niṭṭhitā.

161. Rūpappavattikkame. Napuggalavasena viśesanaṃ hoti. Bhūmivasena viśesanaṃ hoti. Tañca kho pavattikālavasenāti adhippāyo.

Etthacātiādīsu. Purimesu dvīsu yonīsu pālinayena veditabbāti sambandho. Nikkhantā, iti tasmā aṇḍajāti ca jalābujāti ca vuccanti. Kathaṃ ayaṃ nayo pālinayo nāma hotīti. Pāliyaṃ aṇḍakosaṃ vatthikosam abhinibbhijja abhinibbhijja jāyantīti vacanena aṇḍato jalābuto jātā vijātā nikkhantāti attho viññāyati. Aṭṭhakathāyaṃ pana aṇḍejātā jalābumhijātāti vuttaṃ. Gabbhapalivethanāsayo nāma yena paliveṭhito gabbho tiṭṭhati. Vibhāvanipāthe “ukkaṃsagati paricchedavasenā”ti ukkaṭṭhappavattiniyamanavasena. Ukkaṭṭhanayavasenāti vuttaṃ hoti. Abhirūpassa kaññā dātabbāti ettha kaññā dātabbāti sāmāññato vuttepi abhirūpassa purisassāti vuttattā kaññāpi abhirūpakaññā eva viññāyati. Ayaṃ ukkaṭṭhanayo nāma. “Tattha tāni sabbānī”tiādīsu. Tānisabbānīpi cakkhu sota ghāna bhāva dvayāni na omakena kamma labbhati. Ukkaṭṭhena kamma eva labbhatīti adhippāyo. Vibhaṅgapāthe. Saddāyatanam nāma paṭisandhikāle na labbhatīti vuttaṃ “ekādasāyatanānī”ti. Cakkhuvēkallassa dasa, sotavēkallassa aparānidasa, cakkhu sotavēkallassanava, gabbhaseyyassavasena sattāyatanāni. Pāliyaṃ opapāti kagabbhaseyyakānaṃ eva vuttattā “pāliyaṃ avuttampipānā”ti vuttaṃ. Avuttampi cakkhādivēkallaṃ. “Aññamaññaṃ avinābhāvavuttitā vuttā”ti kathaṃ vuttā yassa ghānāyatanam uppajjati, tassa jivhāyatanam uppajjati, āmantā. Yassa vā pana jivhāyatanam uppajjati, tassa ghānāyatanam uppajjati, āmantātiādīnā vuttā peyyālamukhena. Ācariyānandatthere na pana icchitanti sambandho. “Jivhāvēkallatāvīyā”ti jivhāvēkallatānāma natthi viya. “Ghānāvēkallatāpi atthīti vuttaṃ”ti ettha pāliyaṃ aghānakānaṃ itthīnaṃ purisānaṃti idaṃ mātugabbhe ghānāyatane anuppanneyeva puretarañca vantānaṃ itthipurisānaṃ vasena vuttaṃ. Na ghānāvēkallānaṃ atthitāyātipi vadanti. Gabbhe sentīti gabbhasayā. Gabbhasayā eva gabbhaseyyā.

Pavattikāletīādīsu. Mūlaṭṭikāpāthe. “Orato”ti paṭisandhiṃ upādāya vuttaṃ. Ekādasamasattāhe anāgateti vuttaṃ hoti. Rūpāyatanam nuppajjissati. No ca cakkhāyatanam nuppajjissatīti idaṃ addhāpaccuppannavasena vuttaṃ. Tasmā paṭisandhito paṭṭhāya uppannam rūpāyatanam yāvajīvampi uppannantveva vuccati. Na uppajjissamānanti. Cakkhāyatanam pana ekādasamasattāhā orato ṭhitassa na uppannam. Tadā anuppannatā ekādasame sattāhe sampatte uppajjissatīti vattabbaṃ hoti. Pacchima bhavikattā pana tadubhayampi bhavantare nuppajjissatiyevāti. Ghānāyatanam nibbattetīti ghānāyatanānībhattataṃ, kammaṃ. Tena kamma gahitappaṭisandhikānaṃ. Idañca yadi tannībhattakena kamma paṭisandhiṃ gaṇheyyuṃ. Ghānāyatane anuppanne antarā na kālaṅkareyyunti katvā vuttaṃ. Tannībhattakena kamma paṭisandhiṃ gaṇhantāpi tato balavante upacchedakakamme āgate sati. Ghānāyatanuppattikālam apatvā antarā nakālaṅkarontīti natthi. “Cakkhughānesu vuttēsū”ti ṭīkāyam vuttēsū. “Atthato siddhā evā”ti ekādasamasattāhe uppannāti siddhā eva. “Īdisēsuthānesū”ti sabhāvaṃ vicāre tuṃ dukkaresu ṭhānesu. Aṭṭhakathāyeva pamānaṃ kātuṃ yuttāti adhippāyo. Aṭṭhakathāpāthe. “Purimaṃ bhavacakkaṃ”ti avijjāmūlakam vedanāvasānaṃ bhavacakkaṃ. “Anupubbappavattidīpanato”ti yathā pacchime taṇhāmūlake bhavacakke upapattibhavappavattiṃ vadantena bhavapaccayājātīti evaṃ ekato katvā vuttā, na tathā purime bhavacakke. Tattha pana saṅkhārapaccayā viññāṇam, viññāṇa paccayā nāma rūpantiādīnā anupubbappavattidīpanato. “So paṭikkhittoyevā”ti āyatanānaṃ kamato vinicchayaṭṭhāne desanākkamova yuttoti vatvā so uppattikkamo paṭikkhitto.

Samyuttake yakkhasamyuttapāliyaṃ. Gāthāsu. “Kalalā”ti kalalato. “Abbudā”ti abbudato. “Pesiya”ti pesito. “Ghanā”ti ghanato. “Jātiuṇṇaṃsūhi”ti suddhajātikassa elakassa lomāṃsūhi. “Paripakkasamūhakaṃ”ti kalalato paraṃ thokaṃ paripakkañca samūhākārañca hutvā. “Vivattamānaṃ tabbhāvaṃ”ti kalalabhāvaṃ vijahitvā vattamānaṃ. “Vilīnati pusadisā”ti aggimhi vilīnatipurāsadisā. “Muccatī”ti kapāle nalaggati. Etānijāyantīti evaṃ aṭṭhakathāyañca vuttaṃ. “Dvā cattālīsame sattāhe”ti navamāse atikkamma vīsati medivase. Yadi evaṃ, pañcamesattāhe pañcappasākhā jāyanti, ekādasamesattāhe cattāri āyatanāni jāyanti, majjhepana pañcasattāhā atthi. Tattha kathanti āha “ettha cā”tiādīṃ. “Chasattāhā”ti ekādasameṃ saddhiṃ chasattāhā. Ekādasamepi hi pacchimadivase jātattā chadivasāni avasiṭṭhāni honti. “Pariṇatakālā”ti paripakkakālā. Paripākagatā eva hi kammajamahābhūtā suppasannā honti. Tesañca pasādaguṇā

pasādarūpā hontīti. “Tassā”ti kalalassa. Vaṇṇajātaṃ vā saṅṭhānaṃ vāti sambandho. “Ākāsakoṭṭhāsiko”ti manussehi ākāsakoṭṭhāse ṭhapito. Hutvāti pāṭhaseso. Kathaṃ paramāṇuto parittakaṃ siyāti āha “sohi”tiādim. “So”ti paramāṇu. Paṭisandhikkhaṇe kalalarūpaṃ kalāpattayaparimāṇaṃ. Paramāṇu pana ekūnapaññāsakalāpaparimāṇo. Tasmā taṃ tato parittakanti vuttaṃ hoti. Paṭisandhikkhaṇato paraṃ pana taṃpi khaṇekhaṇe upacitameva hoti. “Dhātūnaṃ”ti catudhātuvavatthāne āgatānaṃ catunnaṃ mahābhūtānaṃ. Kalalassavā upacitappamāṇaṃ gahetvā vuttantipi yujjati. “Vatthusmiṃ”ti abbudādivatthumhi. “Jalābumūlānusārenā”ti jalābujātakāle tassa mūlānu sārenāti adhippāyo. Gāthāyaṃ. “Mātutiro kucchigato”ti vattabbe gāthābandhavasena “mātukucchigato tiro”ti vuttaṃ. Tenāha “mātuyā tirokucchi gato”ti. “Chiddo”ti sukhumehi chiddehi samannāgato. Laddhaṃvā pānabhojanaṃ. “Tato paṭṭhāyā”ti sattarasamabhavaṅgacittato paṭṭhāya. “Rūpasamuṭṭhāne vuttamevā”ti rūpasamuṭṭhāne mūlaṭṭikāvāda vicāraṇāyaṃ ‘yaṃ pitattha na ca yutta’ntiādinā vuttameva. “Ajjhohaṭṭhārahābhāvato”ti bahiddhārahābhāvato adhippāyo. “Tatthā”ti rūpabrahmaloke. Abhāvaṃ vaṇṇeti. Kasmāpana vaṇṇeti, nanu vaṇṇentassa aṭṭhakathā virodho siyāti. Virodho vā hotu, avirodho vā. Pāḷiyeva pamāṇanti dassento “rūpadhātuyā”tiādinā vibhaṅge pāḷiṃ āhari. Tattha “rūpadhātuyā”ti rūpalokadhātuyā. Rūpa brahmaloketi vuttaṃ hoti. “Upapattikkhaṇe”ti paṭisandhikkhaṇe. Ācariyassa adhippāyaṃ vibhāvento “etthacā”tiādimāha. “Phoṭṭhabbe paṭikkhittepi”ti pañcāyatanānīti vā pañcadhātuyoti vā paricchedakaraṇameva paṭikkhi panaṃ daṭṭhabbaṃ. “Kiccantara sabbhāvā”ti phoṭṭhabbakiccato kiccantarassa vijjamānattā. Kimpana kiccantaranti. Rūpakāyassa pavattiyā hetupaccayakiccaṃ. Mahābhūtā hetū mahābhūtā paccayā rūpakkhandhassa paññāpanāyāti hi bhagavatā vuttaṃ. Tattha hetukiccaṃ nāma rūpajananakiccaṃ. Paccaya kiccaṃ nāma rūpūpatthambhana kiccaṃ. Kiccantamevanatthīti ghānādīnaṃ visaya gocarabhāvakiccaṃ tesam kiccaṃ nāma, tato aññaṃ kiccaṃ nāma natthi. “Yenā”ti kiccantarena. “Te”ti gandhādayo. Idāni aṭṭhaka tānugataṃ vādaṃ dassento “yathāpanā”tiādimāha. “Yena kiccavisesenā”ti visayagocarabhāvakiccavisesena. Rūpajananarūpūpatthambhana kiccavisesena ca. “Sabbatthā”ti sabbasmim pāḷippadese. “Tesam”ti gandhādīnaṃ. “Tatthā”ti rūpaloke. “Nissanda dhammamattabhāvenā”ti ettha yathā aggimhi jāte tassa nissandā nāma icchantassapi anicchantassapi jāyantiyeva. Vaṇṇopi jāyati, obhāsoṇi, gandhopi, rasopi, dhūmopi, pupphullānipi kadāci jāyantiyeva. Tehi vaṇṇādīhi karaṇīye kiccavisesa satipi asatipi. Tathā mahābhūtesu jātesu tesam nissandā nāma icchantassapi anicchantassapi kiccavisesa satipi asatipi jāyantiyeva. Evaṃ nissandadhammamattabhāvena. Anuppaveso yutto siyā ajjhata santāneti adhippāyo. Bahiddhā santāne pana vatthā bharaṇa vimānādīsu tesam bhāvo icchi tabbo siyā. Ajjhattepi vā kāyaṃ oḷārikaṃ katvā māpitakāleti. Ettha ca “dhammāyatana dhammadhātūsu anuppaveso”ti ettha aṭṭhasāliniyaṃ tāva. Ye pana anāpātāgatā rūpādayopi dhammārammaṇamicceva vadantīti vuttaṃ. Taṃ tattha paṭikkhittaṃ. Anāpātāgamaṇaṃ nāma visayagocara kiccarahitā vuccati. Tañca manussānampi devānampi brahmānampi pasādarūpesu anāpātā gamanameva adhippettaṃ. Taṃ pana atthinatthīti vicāretvā kathetabbaṃ. Api ca nissandadhammā nāma oḷārikānaṃ mahābhūtānaṃ vividhākārāpi bhaveyyuṃ. Brahmānaṃ pana ajjhata rūpaṃ appanā pattakammavisesena pavattaṃ atisukhumaṃ hoti. Tasmā kāmasatta santāne viya tattha paripuṇṇaṃ nissandarūpaṃ nāma vicāretabbameva. Dhammā rammaṇaṇca mukhyadhammārammaṇaṃ anuloma dhammāyatanaṃti pāḷiyaṃ vuttaṃ natthi yevāti. “Jīvita chakkañcā”ti vattabbaṃ rūpaloke. “Tatthā”ti asaṅṅasatte. Kāmaloke jīvitanavakaṃ kasmā visuṃ na vuttanti. Paṭisandhikkhaṇe kasmā na vuttaṃ. Pavattikālepi visuṃ na vuttameva. “Āhārūpatthambhakassā”ti āhārasaṅkhātassa rūpūpatthambhakassa. “Sakalasarīra byāpino anupālakajjīvitassā”ti kāyadasakabhāvadasakesu pariyāpanassa jīvitassa. “Eta devā”ti jīvitanavakameva. “Tatthā”ti rūpaloke. Udayabhūtassā”ti vaḍḍhibhūtassa. “Dvīsu aggīsū”ti pācakaggismiṅca kāyaggismiṅca. Ātaṅko vuccati rogo. Bahuko ātaṅko yassāti viggaho. “Visamavepākiniyā”ti visamaṃ pācentiyā. “Gahaṇiyā”ti udaragginā. “Padhānakkhamāyā”ti padhāna saṅkhātaṃ bhāvanārabbhakiccaṃ khamantiyā. “Etaṃ”ti jīvitanavakaṃ. “Therena cā”ti anuruddhattherena ca. “Etaṃ”ti jīvita navakaṃ. “Nirodhakkamo”ti maraṇāsannaṅkāle nirodhakkamo. “Etthā”ti rūpaloke. Kaḷevaram vuccati matasarīraṃ. Tassa nikkhepo kaḷevaranikkhepo. Aññaṇca opapātīkānaṃ kaḷevaranikkhepo nāma natthi. Kasmā pana tesam kaḷevaranikkhepo nāma natthīti āha “tesaṅhi”tiādim. Vibhāvanipāṭhe. Sabbesampi rūpabrahmānaṃ. Āhārasamuṭṭhānānaṃ rūpānaṃ abhāvato tisamuṭṭhānānīti vuttaṃ. Asaṅṅasatte cittasamuṭṭhānānampi abhāvato dvisamuṭṭhānānīti vuttaṃ. “Tānī”ti maraṇāsanna cittasamuṭṭhānāni. Taṃ parimāṇaṃ assāti tāvattakaṃ. “Lahukagarukatādivikāro”ti sakalarūpakāyassa lahukagarukādivikāro. Api ca tattha dandhattādikara dhātukkabhappaccayānaṃ sabbaso abhāvato

niccakālampi sakalasarīrassa lahutādiguṇo vattatiyeva. Kiṃ tattha paṭipakkha dhammappavatti cintāya. Tathā asaṅṅasattepi ruppanavikāra cintāyāti.

Rūpappavattikkamānudīpanā niṭṭhitā.

161. Nibbānasaṅgahe. Dvīsu nibbānapadesu pathamapadaṃ aviññātattaṃ sāmāñña padaṃ. Dutīyaṃ viññā tatthaṃ visesapadaṃ. Kilese sameṭṭi samaṇo. Ariyapuggalo. Samaṇassa bhāvo sāmāññaṃ. Ariyamaggo. Sāmāññassa phalāni sāmāññaphalāni. Lokato uttarati atikkamatīti lokuttaraṃ. Loke na paññāvīyatīti paññattīti imamatthaṃ sandhāya “nahī”tiādīmāha. Cattārimaggaññāni catumaggaññānanti evaṃ samāsavasena ekavacanantaṃ padaṃ vākyam patvā bahuvacanantaṃ hotītiāha “catūhi ariyamaggaññānehi”ti. “Tādisamhā”ti ariyamaggasadisamhā. “Vimukhānaṃ”ti parammukhānaṃ. “Jaccandhānaṃ viyā”ti jaccandhānaṃ candamaṇḍalassa avisayabhāvo viya. “Tassā”ti nibbānassa. Tattha “jaccandhānaṃ”ti avisayapade sāmipadaṃ. “Tassā”ti bhāvapadaṃ. “Yaṃ kiñcī”ti kiñciyaṃ atthajātaṃ. Assanibbānassa siddhatanti sambandho. Apākaṭassa dhammassa. Vāyāropi nāma na atthi. Kuto tassa sacchikaraṇaṃ bhavissatīti adhippāyo. “Yenā”ti vāyāmena. “Nibbānena vinā”ti nibbānārammaṇaṃ alabhivāti vuttaṃ hoti. “Akiccasiddhiṃ”ti kilesappahāna kiccassa asiddhiṃ. “Tato”ti tasmā. “Vadhāyā”ti vadhituṃ. “Parisakkantā”ti vāyamaṅṅā. Gāthāyaṃ. “Antojaṭā”ti ajjhattasantāne taṇhājaṭā, taṇhāvinaddhā. “Bahijaṭā”ti bahiddhāsantāne taṇhājaṭā, taṇhāvinaddhā. “Tassā”ti taṇhāya. “Vatthuto”ti visumvisum jātasarūpato. Parinibbāyimsu, parinibbāyanti, parinibbāyissantīti parinibbutā. Takārapaccayassa kālattayepi pavattanato. Yathā diṭṭhā, sutā, mutā, viññātā,ti. Visiṭṭhaṃ katvā jānitabbanti viññānaṃ. Na nidassitabbanti anidassanaṃ. Natthi anto etassāti anantaṃ. Sabbato pavattā guṇappabhā etassāti sabbatopabhaṃ. “Bhagavatā vuttaṃ”ti dīghanikāye kevaṭṭasutte vuttaṃ. “Savantiyo”ti mahānadiyo vā kunnadiyo vā. “Appenti”ti pavisanti. “Dhārāti” meghavutṭhidhārā. Buddhesu anuppajjantesu ekasattopi parinibbātumu na sakkotīti idaṃ buddhuppādakappe eva pacceka sambuddhāpi uppajjantīti katvā vuttaṃ. Apadāna pāliyaṃ pana buddhasuññakappepi paccekasambuddhānaṃ uppatti āgatā eva. “Ekasattopi”ti vā sāvakasatto gahetabbo. Evañhi sati apadānapāliyā avirodho hoti. “Ārādhenti”ti sādheti paṭilabhanti. Sabbato pavattā guṇappabhā etassāti atthaṃ sandhāya “sabbatopabhā sampannaṃ”ti vuttaṃ. “Joti vanta tarovā”ti obhāsavantataro vā. Sabbattha pabhavati saṃvijjatīti sabbatopabhanti imamatthaṃ sandhāya sabbato vā pabhutameva hotīti vuttaṃ. Tenāha “na katthaci natthi”ti. “Evaṃsante pi”ti evaṃ vuttanayena ekavidhe santepi. “Upacaritumu”ti upacārasena voharitumu. “Yathāhā”ti tasmim yevasutte puna kiṃ āha. Bhavaṃ netīti bhavanetti. Bhavataṇhā eva. “Samparāyikā”ti cutianantare pattabbā. Dvinnam khīṇāsavānaṃ anupādisesatā vuttāti sambandho. Ettha “anupādisesatā”ti anupādisesanibbānaṃ vuccati. Sekkhesu arahattamaggaṭṭhassa sekkhassa kilesupādisesa vasena anupādisesatā vuttā. “Kilesupādiseso”ti ca kilesa saṅkhāto upādiseso. Tathā khandhupādisesopi. Antarāparinibbāyītiādīsu parinibbānaṃ nāma kilesaparinibbānaṃ vuttaṃ. Ubhato bhāga vimuttādīnaṃ padattho navamaparicchede āgamissati. “Kilesakkhayena saheva khiyyanti”ti paccuppanabhava arahattamaggaṭṭhassa kilesakkhayena saddhiṃ eva khiyyanti. Anuppāda dhammataṃ gacchanti. Tathā anāgāmi puggalassa kāmapaṭisandhikkhandhāpi anāgāmi maggaṭṭhassa, sotāpannassa sattabhavēṭhapetvā avasesa kāmapaṭisandhikkhandhā sotāpatti maggaṭṭhassa taṃ taṃ kilesakkhaya na saheva khiyyantīti. Paccuppanakkhandhā pana kilesakkhayena saha khiyyanti. Khandhupādisesā nāma hutvā yāvamaṇakālā khīṇāsavānampi pavattanti. Kasmā pavattantīti āha “yāvavacutiyā pavattamānaṃ”tiādīmi. Paccuppanakkhandhasantānaṃ pana dhammatāsiddhanti sambandho. “Phalanissandabhūtaṃ”ti vipākaphalabhūtaṅca nissandaphalabhūtaṅca hutvā. “Tenasahevā”ti kilesakkhayena saheva. “Yasmāpanā”tiādīsu. Parisamantato bundhanti nīvārenti, santisukhassa antarāyaṃ karontīti palibodhā. Kilesābhisaṅkharāna kiccāni, kammābhisaṅkharānakiccāni, khandhābhisaṅkharāna kiccāni ca. Palibodhehi saha vattantīti sapalibodhā. Saṅkhāra nimittehi saha vattantīti sanimittā. Taṇhāpaṇidhīhi saha vattantīti sapaṇihitā. “Tato”ti pāpakammato, apāyadukkhato ca. “Koci”ti kocidhammo. “Nirodhetuṃ sakkotī”ti sakkāyadiṭṭhiyā niruddhāya te nirujjhanti. Aniruddhāya nanirujjhanti. Tasmā sakkāyadiṭṭhi nirodho nibyāpāradhammopi samāno te palibodhe nirodheti nāma. “Nirodhetuṃ sakkotī”ti ca abyāpāre byāpāraparikappanāti daṭṭhabbaṃ. Sakkāyadiṭṭhinirodhoyeva te palibodhe nirodhetuṃ sakkotīti ettha dvinnampi nirodho ekoyeva. Evaṃ santepi avijjā nirodhā saṅkhāra nirodhotīādīsu viya abhede bhedaparikappanā hotīti. Uppādo

ca pavatto ca uppādappavattā. Te mūlaṃ yassāti viggaho. Yena oḷārikākārena. Mārentīti mārā. Vadhakapaccatthikāti vuttaṃ hoti. Kilesamārādayo. Mārā dahanti tiṭṭhanti etesūti mārādheyyā. Māreti cāveti cāti maccu. Maraṇameva. Maccudahati tiṭṭhanti etesūti maccudheyyā. “Natthi tasmim nimittaṃ”ti vutte paññattidhammesupi uppādappavattamūlaṃ nimittaṃ nāma natthi. Evaṃsati, tehi nibbānassa aviseso āpajjatīti codanā. Taṃ pariharanto “tañhi”tiādīmāha. Viddhamsetvāti ca sādherentanti ca atthavisesa pākaṭatthāya abyāpāre byāpāra parikappanā eva. Pañitādibhede. Idaṃ buddhānaṃ nibbānaṃ pañītaṃ. Idaṃ paccekabuddhānaṃ nibbānaṃ majjhimam. Idaṃ buddhasāvakaṇaṃ nibbānaṃ hīnanti bhinnam na hotīti yojetabbaṃ. Nānappakārena cittaṃ nidheti etenāti pañihitaṃ. “Nidheti”ti ārammaṇesu ninnam poṇam pabbhāram katvā ṭhapetīti attho. Tathā pañidhānapañidhīsu. Atthato ekaṃ āsātaṇhāya nāmaṃ. “Labbhamānāpi”ti bhavasampatti bhogasampattiyo labbhamānāpi. “Pipāsavinaya dhammattā”ti pātuṃ paribhuñjituṃ icchā pipāsā. Pipāsam vineti vigametīti pipāsavinayo. “Vedayitasukham”ti vedanāsukham. “Katamaṃ taṃ āvuso”ti pālīpāthe “taṃ”ti tasmā. “Yadettha vedayitaṃ natthi”ti yasmā ettha vedayitaṃ natthi. Tasmā nibbāne sukham nāma katamanti yojanā. “Etthā”ti etasmim nibbāne. “Etadevetthā”tiādīmhi. “Eta devā”ti esoeva. Yasmā ettha vedayitaṃ natthi. Tasmā eso vedayitassa natthibhāvo eva etthanibbāne sukhamti yojanā.

“Ettha cā”tiādīsu. Yadetam khiyanaṃ nirujjhanam atthīti sambandho. Keci pana tamkhiyana nirujjhana kriyāmatam nibbānaṃ na hoti. Abhāva paññattimattam hotīti vadanti. Tam paṭisedhento “na hitam”tiādīmāha. “Paññattirūpaṃ”ti paññattisabhāvo. Pālīpāthe. “Padahati”ti vīriyam daḷham karoti. Pahito attā anenāti pahitatto. “Pahito”ti padahito. Anivattabhāve ṭhapito. Pesitotipi vaṇṇenti. “Kāyena”ti nāmakāyena. Taṇhāvasa vattantīti taṇhāvasikā. “Tesaṃ pī”ti tesaṃ vādepi. Tasmim khaya nirodhamatte anantaguṇā nāma natthīti imaṃ vādam visodhetuṃ “nibbānassa cā”tiādi vuttaṃ. “Paṭipakkhavasena sijjhanti”ti etena vaṭṭadhammesu mahantaṃ ādīnavam passantā eva tesaṃ nirodhe mahantaṃ guṇānisamsam passantīti dīpeti. Ye pana yathāvuttaṃ khayanirodham paramatthanibbānanti na jānanti, tesaṃ vattabbameva natthi. Evaṃ guṇapadānaṃ gambhīrattā tamkхайanirodhamattam anantaguṇānaṃ vatthu na hotīti maññanti. Idāni nibbānaṃ paramam sukhamti vuttaṃ. Katham taṃ khayanirodhamattam paramasukham nāma bhavēyyāti imaṃ vādam visodhetuṃ “santisukhañcanāmā”tiādi vuttaṃ. Atthibhikkhave ti sutte. “Nocetaṃ abhavissā”ti etaṃ ajātam noce santaṃ vijjamānaṃ na bhavēyya. “Nayimassā”ti na imassa. Paccakkhabhūtam khandhapañcakaṃ dassento “imassā”ti vadati. Nissakkatthe ca sāmivacanaṃ. Imasmā jātā bhūtā katā sañhatā sattānaṃ nissaraṇam nāma na paññāyēyyāti yojanā. Paratthapi esanayo. Esanayo sabbesūtiādīsu. Duccarita dhammā nāma paccaye sati, jāyanti. Asati, na jāyantīti evam jātam viya ajātampi tesaṃ atthi. Yadi ca ajātam nāma natthi. Jātameva atthi. Evaṃsati, attani duccaritānaṃ ajātatthāya sammāpaṭipajjantānaṃpi sabbe duccarita dhammā attani jātāyeva siyuṃ, no ajātā. Kasmā, ajātassa nāma natthitāyātiādīnā yojetabbaṃ.

“Ettāvata”ti, atthi bhikkhave ajātaṃtiādīnā pālīvacanena. Sabbesañkhārā samanti vūpasamanti etthāti sabbesañkhārā samatho. Sabbe upadhayo ettha nissajjanti ariyājanāti sabbupadhinissaggo. “Upalabbhamāno”ti santilakkhaṇena ñāṇena upalabbhamāno. “Esiṃsū”ti katvā esanakiccassa sikhāpattam attham dassetuṃ “adhigacchisū”ti vuttaṃ.

Nibbānasaṅgahānudīpanā niṭṭhitā.

Rūpasaṅgahādīpaniyānudīpanā niṭṭhitā.

7. Samuccayaṅgahaanudīpanā

162. Samuccayaṅgahe. Attano āveṇikabhūtena sāmāñña lakkhaṇenati ca sambandho. Aññāpadesena eva tadubhayalakkhaṇena salakkhaṇāni nāma vuccantīti adhippāyo. “Nibbānassapi sarūpato labbhamānasabhāvata”ti aññanissaya rahitena labbhamānasabhāvata. Nanu nibbānampi rāgakkhayo dosakkhayo mohakkhayotiādīnā aññanissayadassanaṃ atthi yevāti. Dassanamattam atthi. Nibbānaṃ pana rāgādīhi paṭibaddham na hoti. Atha kho tehi dūrataram hoti. Paṭipakkhataram, paṭiviruddhataram. Yañhi rūpassa khayō vayo bhedo aniccāti vuttaṃ. Tattha rūpassa uppajjitvā

khayo vuttoti so rūpassa nissito eva hoti. Idha pana rāgādīnaṃ puna uppādassapi abhāvo vuttoti so rāgādīsu anissito eva. Na kevalaṃ anissito. Atha kho tehi dūrataro ca paṭipakkhataro ca tesam paṭipakkhaguṇehi imassasiddhattāti. Anipphanarūpānipi adhippetāni eva tesampi khandhāyatanadhātu saccesu saṅgahitattā.

Āsavādīsu. “Pārivāsīyaṭṭhenā”ti parivāsakaraṇaṭṭhena. “Madanīyaṭṭhenā”ti madanajanakaṭṭhena. “Parivāsaṃ gaṇhantī”ti dosavepullaṃ āpajjantīti vuttaṃ hoti. Puna “parivāsaṃ”ti duggandhatādiparivāsaṃ. “Āsavabharitamevā”ti āsavehi pūritameva. “Chalārammaṇāni dūsentī”ti tāni sāsavādibhāvaṃ pāpentīti adhippāyo. “Bhavato”ti bhūmito iccevattho. Avadhīyati paricchindīyati etasmāti avadhi. Apādānaṃ vuccati. Mariyādo nāma pariyaṇṭaparicchedo. Mariyādamattabhūto kriyāvisayo mariyādavisayo. Avadhi nāma byāpana vidhānaṃ, kriyā byāpanassa visayo abhividdhivisayo. “Yassā”ti avadhi vatthussa. “Attānaṃ”ti avadhivatthum. “Bahikatvā”ti sampattamattaṃ katvāti adhippāyo. Avadhivicāraṇāyaṃ. “Saddassā”ti bhagavato kittisaddassa. “Taṃ”ti avadhivattānaṃ atthaṃ. “Yaso”ti kittisaddo. “Itaraṃ”ti anabhividdhivisayaṃ bahi katvā pavattati.

Kāmāsavādīsu. “Tannāmena”ti kāmanāmena. “Tadārammaṇā”ti kāmādharmārammaṇā. “Ayamattho vā”ti kāmīyatiādinā vutto pacchimattova. “Mahaggatakusaladhammā”ti idhādhippetam kammabhavaṃ sandhāya vuttaṃ. “Taṃ nibbattā”ti tena nibbattā. “Tadārammaṇā”ti duvidhabhavārammaṇā. “Taṇhā evā”ti bhavataṇhā eva. “Bhavo evā”ti bhavārammaṇatāya bhavanāmikā taṇhā eva. “Ime evā”ti taṇhādīṭṭhi avijjā eva. “Parivutthe sati”ti parivasite sati. “Kāmaṇīyā”ti kāmādharmavisaṃyā. “Tasmim”ti kāmāsave. Bhavavisaṃyā mānādayo parivutthā evātiādinā yojetabbaṃ. Tathā diṭṭhivisaṃyāti padepi.

“Anassāsikaṃ katvā”ti assāsapassāsarahitaṃ katvā. “Avahananaṭṭhenā”ti ajjhottharivā māraṇaṭṭhena. Adhokatvā māraṇaṭṭhenātipi yujjati. “Duttaraṭṭhenā”ti tattha patantassa taritum dukkaraṭṭhena. “Vuttanayenā”ti āsavesu vuttanayena.

“Vaṭṭasmim”ti tividhavaṭṭasmim. “Bhavayantake”ti avijjāsaṅkhārādike bhavacakke. “Āmasanaṃ”ti padassa atthaṃ dasseti “tathā tathā kappetvā gahaṇa”nti. “Sāsane”ti pariyaṇṭasāsane tasmim tasmim suttante. “Diṭṭhiyo diṭṭhupādānaṃ”ti diṭṭhivatthūsu dalhaggāhaṭṭhena diṭṭhiyo eva diṭṭhupādānaṃ. Attavādupādāne. Parikappa buddhi nāma micchāñānaṃ vuccati. “Issara nimmitaṃ”ti sakalalokissarena mahābrahmunā ādikappakāle nimmitaṃ. “Adhicca samuppannaṃ”ti ahetu apaccayā samuppannaṃ. “Accantasassataṃ”ti bhavaparamparāsu sassataṃ. “Ekaccasassataṃ”ti bhavavisesaṃ patvā ekaccānaṃ sattānaṃ sassataṃ. “Ucchinnaṃ”ti yatthakatthaci parammaraṇā ucchinnaṃ. Purāṇaṅcakkammaṃ parikkhīnaṃ, navaṅcakkammaṃ akataṃ. Evaṃ saṃsāra suddhītiādinā gahaṇanti attho. Santo kāyo sakkāyo. “Santo”ti paramatthato vijjamaṇo. “Kāyo”ti rūpakāyo, nāmakāyo. Attano attano kāyo vā sakkāyo. Paccattakāyo, paṭipuggalika kāyoti vuttaṃ hoti. Yathāvuttakāya dvayameva. Sakkāye diṭṭhi sakkāyadiṭṭhi. Tattha “sakkāye diṭṭhi”ti pubbantāparanta kappikānaṃ viya pubbantā paranteacintetvā sabbasattānaṃpi attano khandhesu eva ‘rūpaṃ me attāti vā’ attā me rūpavāti vā, attani me rūpanti vā, rūpasmim me attāti vā, evamādinā dhammatā siddhā diṭṭhīti vuttaṃ hoti. “Assutavā”ti khandhadesanādike suññatadhammappaṭisaṃ yutte desanā dhamme assuta pubbattā natthi suttaṃ etassāti assutavā. “Puthujjano”ti lokiyamahājano. Tattha pariyaṇṭo pana ekapuggalopi puthujjanotveva vuccati. So sutavāpi atthi, assutavāpi atthi. Idha assutavā adhippeto. Ariya puggalo pana tattha pariyaṇṭo na hoti. Ahantivā, mamāti vā, mayīti vā, meti vā, parāmasana padāni nāma. “Sesadhammevā gahetvā”ti rūpato avasese nāmakkhanda dhamme attā meti gahetvā vā. “Dhamma muttakam vā attānaṃ gahetvā”ti pañcakkhandhadhammavimuttaṃ parikappasiddham attānaṃ vā gahetvā. Catasso avatthā yassāti caturāvatthikā. Vedanāya sambhogarasattā “saṃbhujjīm”ti vuttaṃ. “Sukhito”ti sukhavedanāya samaṅgīpuggalo. Dhammato khandha pañcakameva. Tattha pana sukhavedanāpadhānattā tathā samanupassanto vedanaṃ attāti samanupassati nāma. “Samūhato gahetvā”ti ahamasmi, ahaṃ eko sattotiādinā samūhato. “Vatthū”ti pañcakkhandhā vuccanti. Nātapariññādivasena apariññātāni vatthūni etehī apariññātavatthukā. Ekamuhuttamattepi kāle. Rūpaṃ attato samanupassatītiādikam caturāvattham sandhāya “kadāci attato”tiādi vuttaṃ. “Attanimittaṃ”ti abhikkamaṇādīsu kāyavacīmano kriyāsu

ahaṃ abhikkamāmi, ahaṃ paṭikkamāmītiadinā citte dissamānā attacchāyā vuccati.

“Kāmanaṭṭhena” ti icchanaṭṭhena. “Chandanaṭṭhena” ti patthanaṭṭhena. Līnabhāvo nāma cittacetāsikānaṃ paṭikuṭanaṃ. Āpādīyate āpādanaṃ. Līnabhāvassa āpādananti viggaho. “Tandī” ti ālasyaṃ vuccati. “Vijambhitatā” nāma kilesavasena kāyaṅgānaṃ vijambhanaṃ samiñjanappasāraṇādikaraṇaṃ. Sā eva paccayo etassāti viggaho.

Anusayapadatthe. “Uppajjantī” ti uppajjituṃ sakkonti. Na pana ekantato uppajjanti. Santesuhi ekantato uppajjantesu anusayā nāma na honti sayanakiccasseva abhāvato. “Uppajjantī” ti vā uppajjituṃ pahonti. Patthodano bahūnaṃ janānaṃ pahotītiādīsu viya. Paññattiyohi asabhāvadhammajātikattā kāraṇa lābhepi uppajjituṃ nappahonti. Ime pana sabhāvadhammajātikattā kāraṇa lābhe sati uppajjituṃ pahontīti. Evañhisati, uppādaṃ apattānaṃpi tesam paramatthajātikattā siddhā hotīti. “Saha anusentī” ti ekato anusentīti vuttā kāmarāgānusayo ca paṭighānusayo ca mānānusayo ca diṭṭhānusayo ca vicikicchānusayo ca. Imesaṃ sattānaṃ sattasantāne anusayakiccamaṭṭaṃ ṭhapetvā ekato uppatti nāma natthi. Yadi ekato uppajjeyyūṃ. Dvādasā kusalacittāni sattasantāne niccakālampi ekato uppajjeyyūṃ. Na ca uppajjanti. Tasmā viññāyati uppajjanaṃ nāma appahīnaṭṭhena uppajjanārahabhāvo vuttoti. Sentīti vatvā tadatthaṃ dasseti “visuṃ” tiadinā. “Avuṭṭhitā” ti uppādaṃ apattā. “Tathāpavattā” ti cālanākārena pavattā. Puna “tathāpavattā” ti javanasahajātākārena pavattā. “Yesam” ti kāmarāgānusayādīnaṃ. “Āvajjanaṃ” ti āvajjanacittaṃ. “Damathaṃ” ti sudantabhāvaṃ. “Tathā pavattā” ti cittasantānānusayanākārena pavattā. Tāvattā yesam te tadavatthikā. Yadi te uppādaṃ apattā. Evaṃsati, te paramatthāpi nāma na bhavyeyyunti codanaṃ pariharati “te panā” tiadinā. Sace te kusalābyākata cittasantānaṃpi anugatā. Evaṃsati, te kusalābyākata nāma siyunti codanaṃ pariharati “na cā” tiadinā. Atha te ekanta akusalā siyuṃ. Evaṃsati, kusalābyākatehi viruddhā bhavyeyyūṃti codanaṃ pariharati “nāpī” tiadinā. Yadi uppādaṃ apattā. Evaṃsati, kālavimuttā siyunti āha “nāpikālattaya vinimuttā” tiadiṃ. “Sānusaye cittasantāne” ti sekkhaputhujjanānaṃ cittasantāne. “Saha magguppādā” ti magguppādēna saheva. “Tattha tattha vutto” ti aṭṭhakathāṭīkāsū vutto. “Anāgatasāmaññaṃ” ti anāgatasadisam. Na ekanta anāgatantipi vadanti. Kathaṃ te saṅkhatajātikā hontīti āha “tehi magge” tiadiṃ. Vibhāvanipāṭhe. “Appahīnā” ti maggena appahīnā. “Tadavatthā” ti uppajjanārahāvattā. “Taṃ sabhāvattā” ti kāmarāgādī sabhāvattā. “Tathā vuccantī” ti anusayāti vuccanti. Anāgatā nāma na honti. Cittasantāne vattamānabhāvena siddhattā. “Hañci pajahatī” ti yadipajahati. “Tenahī” ti tato eva. “Ratto” ti rāgasamaṅgī hutvā. “Duṭṭho” ti dosasamaṅgī hutvā. “Mulho” ti mohasamaṅgī hutvā pajahatīti doso āpajjātīti vuttaṃ hoti. Pariyuṭṭhāna pattānaṃ rāgādīnaṃ. “Maggavajjhaṃ” ti maggena vadhitabbaṃ. “Uppannaṃ” ti paccuppannaṃ. Vattamānañca taṃ uppannañcāti vattamānuppannaṃ. “Bhutvā” ti ārammaṇaṃ paribhuñjītvā. Vigacchatīti vigataṃ. Bhutvā vigatañca taṃ uppannañcāti bhutvā vigatuppannaṃ. Vipaccanattāya okāsaṃ karontīti okāsakataṃ. Okāsakatañca taṃ uppannañcāti okāsakatauppannaṃ. Samudācāro vuccati bhīyyo pavattanaṃ. Samudācāro ca so uppannañcāti samudācāruppannaṃ. Khandhapañcaka saṅkhātaṃ bhūmiṃ labhatīti bhūmiladdhaṃ. Bhūmiladdhañca taṃ uppannañcāti bhūmiladdhuppannaṃ. Ārammaṇaṃ adhikataṃ gaṇhātīti ārammaṇadhiggahitaṃ. Ārammaṇadhiggahitañca taṃ uppannañcāti ārammaṇadhiggahituppannaṃ. Mahaggatajjhānena avikkhambhitañca taṃ uppannañcāti avikkhambhituppannaṃ. Maggena asamugghāṭitañca taṃ uppannañcāti asamugghāṭituppannaṃ. Evaṃ maggavajjhānaṃ anusayānaṃ uppannabhāvena vuttattā paccuppannatā pariyaṃyova tesam vattabboti. “Sekkhā” ti sattasekkhapuggalā.

Orambhāgo vuccati kāmalokoceva puthujjanabhāvo ca. Orambhāge sandissantīti orambhāgiyāni. Uddhambhāgo vuccati mahaggatabhāvoceva ariyabhāvo ca. Uddhambhāge sandissantīti uddhambhāgiyāni. Tattha. Kāmacchando, byāpādo, ti imāni dvesaṃ yojanāni kāmalokasaṅkhāte orambhāge eva sandissantī. Diṭṭhi, vicikicchā, sīlabbataparāmāso, ti imāni tīṇi puthujjanabhāva saṅkhāte. Sesāni pana pañca mahaggatabhāvasaṅkhāte ca ariyabhāvasaṅkhāteca uddhambhāgepi sandissantī. Athavā. Purimāni pañcayassa tāni maggena appahīnāni, taṃ uparibhavagge ṭhitampi kāmalokasaṅkhātaṃ orambhāgaṃ ākaḍḍhanti, tasmā orambhāgāya saṃvattantīti orambhāgiyāni. Pacchimāni pañca yassa tāni appahīnāni, taṃ kāmaloke ṭhitampi uddhambhāgaṃ ākaḍḍhanti, tasmā uddhambhāgāya saṃvattantīti uddhambhāgiyāni. Tatthahi dverūpārūparāgā ekantena mahaggatabhāvaṃ ākaḍḍhantiyeva. Māno ca uddhaccañca avijjācāti

imāni ca rūpārūparāgasahagatāni hutvā ākaḍḍhanti. Oraṃ heṭṭhimaṃ kāmaloṃ bhajantīti orambhāgiyāni. Uddhaṃ rūpārūpalokaṃ bhajantīti uddhaṃbhāgiyānītipi vaṇṇenti. “Itarāni panā”ti dve issā saṃyojana macchariyasaṃyojanāni. “Kamopana dvinnaṃ pī”ti idha saṅgahe dvinnaṃpi anukkamopana.

“Vibādhentī”ti vihiṃsanti. “Upatāpenticā”ti upagantvā santāpenti. Sesamettha suviññeyyaṃ.

Akusalasaṅgahānudīpanā niṭṭhitā.

163. Missakasaṅgahe. “Cittappaṭipādanaṃ cittaniyojanaṃ. “Sugati duggati vivaṭṭasaṅkhātāsu cā”ti sugatibhava duggati bhavanibbānasaṅkhātāsu ca. Nibbānañhi vaṭṭato gigatattā vivaṭṭanti vuccati. “Dassanādīhi evā”ti dassanasaṅkappanādīhi eva. Ujugati nāma hitasukhasaṃvattanikā pavatti vuccati. Vaṅkagatināma ahita dukkhasaṃvattanikā pavatti. “Pathaṅgānī”ti pathassaṃmagassa aṅgāni. Maggoti ca upāyo vuccatīti āha “upāyaṅgānī”ti. “Itarānī”ti sammādiṭṭhi sammāsaṅkappādīni aṅgāni. Ujugatiyā gamanassa upāyaṅgāni. Imepi cattāro maggaṅga dhammā dhammā nāma āgatā. “Tathā tathā pavattānaṃ”ti musāvādādivasena pavattānaṃ. “Nā nāmaggovā”ti micchāmaggo ca sammāmaggo ca.

“Attādhīnavuttike”ti attāyattappavattike. Attano gati nāma cakkhundriyādīnaṃ dassanādi kiccameva vuccati. “Issarā adhipatino”ti idaṃ ādhippaccatthapākaṭatthaṃ vuttaṃ. Attho pana bhāvappadhānavasena gahetabbo. Indriyaṃ issariyaṃ ādhippaccantihi ime ekatthāti. “Itthākārānī” nāma itthilingapurisalingādi. “Aññāthā appavattiyāṃ”ti itthisaṅṭhāne purisalingādīnaṃ, purisasaṅṭhāne itthilingādīnaṃ appavattiyāṃ. Tenāha “tathāhī”tiādiṃ. Mano vijānanakicce sampayuttadhammānaṃ issaro hoti anaññābhāvanīyabhāvena pavattanatoti sambandho. Evaṃ parattha. “Ārammaṇādhimuccane”ti ārammaṇe nirāsaṅkappavattiyāṃ. “Ārammaṇupaṭṭhāne”ti citte buddhaguṇādhiḥkassa ārammaṇassa upaṭṭhāne. “Catusaccadhammo”ti tena puggalena anaññāta pubbo catusacca dhammo. Anaññāta pubbaṃ amataṃ vā padaṃ. Anaññātaṃ ñassāmi iti pavattaṃ indriyanti samāso. Paṭipannassāti pana atthato siddhattā vuttaṃ. “Vippakatabhāvenā”ti aniṭṭhaṅgatabhāvena. Punappunaṃ jānanakiccayuttānaṃ majjhe channaṃsekkhānaṃ. Etena avasaddassayāva sabbakilesappahānā jānananti atthaṃ dīpeti. Pathama maggena ñātaṃ mariyādam anatikkamma jānanantīpi vaṇṇenti. Ājānitatthāti aññātāvī. Arahā khīṇāsavo katakicco vusita brahmacariyo. Aññātāvino indriyanti aññātāvindriyanti atthaṃ dassetuṃ “pariniṭṭhita ājānanakiccassā”tiādi vuttaṃ. “Tabbimuttī”ti attaggāha vimutti. “Tasmiṃ vā”ti tasmiṃ attanivā. “Saṃkiliṭṭho”ti nānakilesehi saṃkilesito. “Vipphandito”ti nānāsukhadukkhehi saṃkampito. “Vodānapattiyā”ti visuddhipattatthāya. “Tāyapaṭi pattiyā”ti karaṇatthe, hetu atthe vā karaṇavacanaṃ. “Vodānapattiyā”ti sāmīatthe sāmivacanaṃ.

“Balīyanti”ti nāmadhātuniddeso. Tenāha “balasā karontī”ti. “Balasā”ti balena. Parito samantato senti parivārentīti parissayā. Assaddhassa bhāvo assaddhiyaṃ. Kosajjasaṅkhātēna paṭipakkhadhammena. Muṭṭhā natṭhā sati yassāti muṭṭhassati. Muṭṭhassatissa bhāvo muṭṭhassaccaṃ. “Sesaduka dvayaṃ”ti ahirikadukaṃ hiridukañca.

Gahapati, jāyampatī, tiādīsu viya patisaddo sāmīissara pariyāyoti āha “patīti sāmīissaro”ti. “Paresaṃ”ti sahaṅgatesu paresaṃ indriyānaṃ. “Parehī”ti kammatthe karaṇavacanaṃ. Pare sahaṅgāte indriya dhammeti attho. “Adhiko”ti adhikataro. “Attādhīna vuttīnaṃ”ti attāyattavuttīnaṃ. “Chandāgamanavasena vā”ti ettha āgacchati phalaṃ etenāti āgamaṃ. Ādikāraṇaṃ, mūlakāraṇaṃ, pabhavakāraṇaṃ. Chando eva āgamaṃ chandāgamaṃ. Tenāha “pubbe atītabhavesū”tiādiṃ. Sampayutta dhamme attaparādhīne katvāti sambandho. Mahogho tiṇapaṇṇakasate attaparādhīne karonto viyāti yojanā. Tattha “attaparādhīne”ti attasaṅkhātōparo attaparo. Attaparena adhīnā attaparādhīnāti attho. “Sesupī”ti sesesu vīriya citta vīmaṃsādhipatīsupi. Etena ‘vīriyameva adhipati vīriyādhipati. Vīriyavato kiṃ nāma kammaṃ na sijjhatīti evaṃ pubbābhisāṅkhāravasena vā pubbe atītabhavesu suṭṭhu āsevitavīriyāgamanavasena vā tesu tesu kalyāṇa pāpakammesu sampayutta dhamme mahogho viya tiṇapaṇṇakasate attaparādhīne niccaṃ paggaḥitadhurekatvā pavattaṃ vīriya’ntiādinayaṃ atidisati. “Pacchimā tayo dhammā”ti vīriya citta vīmaṃsā dhammā. Paravasepi vattanti, tadā tesam adhipatibhāvo natthīti codanā. Adhipati kiccaṃ nāma dhuravāhitāti

sambandho. “Taṃ taṃ kicca viṣesaṃ anapekkhitvā”ti cakkhundriyaṃ dassana kicce issaro, sotindriyaṃ savana kiccetiādīsu taṃ taṃ kiccaviṣesaṃ apekkhati, tathā anapekkhitvā. “Vijānanādi kiccaṃ”ti ‘mano ārammaṇa vijānane’tiādīnā vuttaṃ sabbaṃ indriya kiccaṃ.

Bhuso haranti vahantīti āhārā. “Bhuso”ti atirekataranti attho. Kathaṃ pana bhuso harantīti āha “sahajātādī”tiādīṃ. Tete paccaya dhammā tete paccayuppanna dhammā cāti yojanā. “Etthā”ti imissaṃ pāliyaṃ. “Paccayāhāro vā”ti ettha hetu ārammaṇādiko sabbopaccayo paccayāhāro nāma. Āhāra paccayopana viṣuṃ eko paccayaviṣeso. “Paccayaṭṭhena”ti hetu ārammaṇādi paccayaṭṭhena. “Āhārabhūtā”ti upatthambhanakiccaviṣesabhūtāti vuttaṃ hoti. “Kaḷīraṅkurānaṃ”ti kammatthe sāmivacanaṃ. “Vaḍḍhiyā”ti vaḍḍhanatthāya. “Ṭhitiyā”ti ṭhitatthāya. Imesattā vaṭṭe pavattantīti sambandho. Sesamettha suviññeyyaṃ. “Pakkhe viyūhitvā”ti pakkhe sañcāletvāti vuttaṃ hoti. “Pakkhe”ti vā pakkhehi vātaṃ byūhitvā. “Tadanusayitassā”ti tasmiṃ vipāka santāne anusayi tassa. “Vibhāvetvā”ti paccakkhato vibhūtaṃ pākaṭaṃ katvā. “Alabhivā”ti cakkhumhi alabhivā. Apassitvāti vuttaṃ hoti. “Tatthevā”ti nivāsaṭṭhāne eva. “Sampayuttā”ti viññāṇena sampayuttā. Bhaviṃsu vaḍḍhiṃ sūti bhūtā. Sambhavaṃ vaḍḍhikāraṇaṃ esanti gavesantīti sambhavesino. “Vuttanayenā”ti ‘yathā yavabījānaṃ vā sālibījānaṃ vā’tiādīnā vuttanayena. “Āhāretī”ti pavatteti. “Manosañcetanāhāro”ti kusalākusala kammabhūto manosañcetanāhāro. “Tayo bhava”ti tayo kāmabhavādiḥ upapattibhave. Ṭhitiyāti ca anuggahāyāti ca vuttaṃ. Itarathā uppattiyāti ca vuttaṃ siyāti adhippāyo.

“Dubbalakiccaṭṭhānavatthukattā”ti dubbalakiccattā dubbalatṭhānattā dubbalavatthukattā. “Abhinipāta mattāni hontī”ti dassana savanādi mattāni hontīti adhippāyo. “Vitakka pacchimakaṃ jhānaṃ”ti jhānāni nāma vitakkassa pacchānugataṃ hotīti attho. “Tatthā”ti tesupañcaviññāṇesu. “Tā”ti vedanā ekaggatā. “Taṃ”ti jhānakiccaṃ. Ekaggatā balavatī na hotīti sambandho. “Maggindriya balabhāvāyā”ti maggindriya balabhāvattāya. Lokuttaravipākāni javanakiccāni ca sādhipatikāni ca hontīti vuttaṃ “tibhūmakānī”tiādi. Sesamettha subodhaṃ.

Missakasaṅgahānudīpanā niṭṭhitā.

164. Bodhipakkhiyasaṅgahe. “Satipaṭṭhānā”ti ettha pasaddo pamukhattho padhānatthoti āha “pamukhā padhānā hutvā”ti. Ṭhāsaddo gatinivatti atthoti āha “cittagamaṇaṃ nivattetvā pavattantī”ti. “Kāye anupassanā”ti kāye pavattā anupassanā. Punappunaṃ passanti yogino eṭāyāti anupassanā. Katamaṃ passantīti āha “assāsapassāsādikassā”tiādīṃ. Kathaṅcataṃ passantīti vuttaṃ “taṃ taṃ kāyabhāvenā”tiādi. Idāni punappuna saddassa atthaṃ dassento “yāvā”tiādīmāha. Vedanānu passanādīsūpi esevanayo. Taṃ na sundaraṃ. Kasmā, sakalassa rūpakāyassa adhippetattā. Sesamettha suviññeyyaṃ. Yadi evantiādīsu. “Itarāpi siddhā”ti kāyānupassanādayopi siddhā. Kasmā, dhammānupassanāya antogadhattā. “Tathā anupassantassā”ti rūppanalakkhaṇato anupassantassa. “Taṃ taṃ samūhabhūtarūpadhammavasenā”ti assāsapassāsādi samūhabhūtassa rūpa dhammassa vasena. “Subhādivipallāsassā”ti subha sukha niccavipallāsassa. “Oḷārikassā”ti supākaṭavasena oḷārikassa. “Attūpanibandhā”ti attena upanibandhā, paṭibaddhā.

“Kāmaṃ”ti ekantena. Upasussatūti sambandho. “Yantaṃ”ti jhānābhiññā maggaphalanibbānaṃ. “Vīriyassa saṅṭhānaṃ”ti vīriyagamaṇassa vīriyappavattanassa nivattivasena saṅṭhānaṃ. Uppannasaddena atīta kilesāpi paccuppanna kilesāpi gahetabbā hontīti āha “asukasmīṃ kāle”tiādīṃ. “Mayhaṃ uppannaṃ”ti idāni uppannaṃ. “Pahānāyā”ti ettha samucchedappahānaṃ adhippetanti āha “anuppāda dhammatāpādanakaraṇatthaṃ”ti. Tattha anuppādo dhammo yesaṃ te anuppāda dhammā. Maggena pahīnā akusala dhammā. Anuppāda dhammānaṃ bhāvoti viggaho. Anuppāda dhammatāya āpādanaṃ. Tassa karaṇanti samāso. “Disvā”ti tesam uppatti vatthum disvā. “Paccayasamucchindanattaṃ”ti paccayabhūtassa anusayassa samucchindanattaṃ. “Apattā”ti idāni apattā. “Samaye”ti buddhuppādanavamaḥkhaṇe. “Niyāmaṃ na okkamantī”ti ariyamaggasaṅkhātāṃ sammattaniyāmaṃ na okkamanti. Nappavisanti. Kilesehi akopetabbatāya akuppo dhammo yassāti akuppa dhammo. Khīṇāsavo. Akuppa dhammassa bhāvo akuppa dhammatā. Arahatta phalaṃ. “Tesaṃ”ti kusalānaṃ dhammānaṃ. Uppannānaṃ pāpakānaṃ pahānāyāti katvā visuddhidhammesu yogaṃ karontassa anukkamena bhāvanā kamme matthakaṃ patteādito paṭṭhāya uppannāpi pāpakā pahiyanti. Anuppannāpi nuppajjanti. Anuppannāpi kusalā uppajjanti. Uppannāpi

bhāvanā pāripūriṃ gacchanti. Esanayo anuppannānaṃ pāpakānaṃ anuppādāyātiādīsu. Evaṃ catūsu mukhesu ekekamukhenapi sammā padahantassa sammappadhānaṃ catukiccasādhakaṃ hoti. Tenāha “etesu panā” tiādiṃ.

Abhivisiṭṭhena dhammavavatthānaññānena nātabbā sabbe paramattha dhammā abhiññeyyā nāma. “Abhiññā siddhī” ti abhijānana kiccāsiddhi. Visuṃ visuṃ paricchinditvā nātabbā catusacca dhammā pariññeyyā nāma. Tehi dukkhasacca dhammā pariññātabbabhāvena, samudaya sacca dhammā pahātabba bhāvena, nirodhasacca dhammā sacchikātabba bhāvena, maggasacca dhammā bhāvetabbabhāvena nātabbā hontīti. “Bhāvanāsiddhī” ti bhāvanākicca siddhi. Taṃ saṃyuttake imāyapāliyā sametīti sambandho. “Vibhaṅge panā” ti iddhipādavibhaṅge pana. “Citta cetāsikarāsī” ti saha pubbhāgabhāvanāya uttari manussa dhammapariyā pannā cittacetāsikarāsī. “Tattha panā” ti vibhaṅge tasmīṃ uttaracūlabhājanīye pana. “Idhā” ti imasmīṃ saṅgahe.

Cattāri sotāpattiyāṅgāni nāma buddhe aveccappasādena samannāgato. Dhamme, saṅghe, ariyakantehi sīlehi samannāgatoti evaṃ vuttāni sotāpattiyā āṅgāni. Tattha “ariyakantehī” ti ariyajanehi kāmītehi icchitehi. “Sīlehi” ti pañcaniccasīlehi, ājīvattāhamakasīlehi vā. “Sammappadhānesū” ti sammappadhānakiccesu.

“Soḷasahikiccehī” ti ekekasmīṃ sacce cattāri cattāri katvā soḷasahi kiccehi. Pīḷanaṭṭho, saṅkhataṭṭho, tiādīhi soḷasahi atthehīti vuttaṃ hoti. Te ca atthā parato āgamissanti. Sati eva sambojjhaṅgoti vuttaṃ, kathaṃ pana sāsati sambodhiṃ samuṭṭhāpetīti āha “sāhī” tiādiṃ. Esanayo sesabojjhaṅgesupi. “Tesu dhammesū” ti ajjhatabbahiddhā dhammesu. “Līnasāṅkoca kosajjapakkhaṃ” ti līnapakkha saṅkoca pakkhakosajja pakkhaṃ. Dhuraṃ suṭṭhu paggaṅhāti ukkhīpatīti dhurasampaggaho. “Dhuraṃ” ti samathadhuraṃ vipassanā dhuraṅca. “Arati ukkaṅṭha pakkhaṃ” ti aratipakkha nibbidāpakkhaṃ. Dhamme rati dhammarati. Dhamme nandī dhammanandī. Dhamme ārāmo dhammārāmo. “Sārambho” nāma cittavihesā. “Daratho” nāma cittasantāpo. Samāhito bhikkhave yathābhūtaṃ pajānāti passatīti vacanato paññāya samādhi pādakatā pākāṭāti vuttaṃ “tassā” tiādiṃ. Samaṃ avisamaṃ attano kiccaṃ vahati sīlenāti samavāhī. Samavāhissa bhāvo samavāhitā.

Sā pana catubbidhā hotīti sambandho. “Tassā” ti sammādiṭṭhiyā. “Visākhā” ti ālapana padaṃ. “Sabbe lokuttare hontī” ti vacanassa sambandhaṃ dassetuṃ “te pana sattatīmsappabhedā” tiādimāha. Na vaṭṭhānāni assa atthīti navaṭṭhānikāṃ. “Lokuttare” ti lokuttara citte. “Attappaṭipakkhānaṃ” ti attanā ujuppaṭipakkhānaṃ. “Te” ti bodhipakkhiya dhammā. Etena dassetīti sambandho. “Kuṇḍaliyā” ti evaṃ nāmakaṃ brāhmaṇaṃ ālapati. “Vijjā” ti maggavijjā. “Vimuttī” ti phalavimuttī.

Bodhipakkhiyānudīpanā niṭṭhitā.

165. Sabbasaṅgahe. “Pañcarāsayo” ti pañcasaṅgahā. “Atītādibhedabhinnānaṃ” ti atītānāgatapaccuppannabhedenā, ajjhata bahiddhābhedenā, oḷārikasukhumabhedenā, hīnapaṇītabhedenā, dūrasantikabhedenā ca bhinnānaṃ. “Upapatti dvāresū” ti cakkhādi dvāresu. “Kammadvāresū” ti kāyakammadvārādīsu. “Saṅgammā” ti saṅgantvā. “Samāgammā” ti samāgantvā. “Sādhāraṇa kiccāni vā” ti sabbiriyāpathehi sādhāraṇa kiccānivā. Pāḷipāṭhe. “Kiñcā” ti kasmā ca. “Saṅkhārevadethā” ti saṅkhārā saṅkhārā iti tumhe vadetha. “Kiñcāsaṅkhataṃ” ti katamañcāsaṅkhataṃ. “Rūpaṃ rūpatthāyā” ti rūpavikatīyā jātatthāyā rūpasāṅkhātaṃ saṅkhataṃ abhisāṅkharontīti attho. Upabhogo nāma vatthābharaṇādiko antobhogo. Paribhogo nāma mañcapīṭhādiko bāhira paribhogo. Samparāyikaṅca vedananti adhikāro. Sesesupi saññāsāṅkhāra viññānesupi. “Dānaṃ dānatthāyā” ti dānapuññassa jātatthāyā. Dānasāṅkhātaṃ saṅkhataṃ abhisāṅkharontīti attho. Athavā dānassa attho dānattho. “Attho” ti ca vipākattho phalatttho. Dānavipākatthāyā dānaphalattthāyā dānapuññāsāṅkhātaṃ saṅkhataṃ abhisāṅkharontīti attho. Evaṃ sesesupi. “Anuyūñjantā” ti vipassanā kammaṃ anuyūñjantā. “Tīsu dhammesu kilamissanti” ti vuttaṃ. Kathaṃ kilamissanti āha “tathāhi yathā” tiādiṃ. “Sukhasaññītesu paṭisaraṇesū” ti cittasātacittarati paṭilābhatthāyā paṭisaraṇesu ārammaṇesu. “Tāhī” ti sampattīhi. “Tā” ti sampattīyo. Paramukkaṃsagataṃ sukhasaññītaṭṭhānaṃ hoti. Tasmā tattha dukkhānupassanāñānaṃ atirekatarāṃ

pavattetabbanti tadatthāya bhagavā taṃ vedanaṃ visuṃ ekaṃ khandhaṃ katvā khandha desanaṃ desetīti adhippāyo. Esanayo paratthapi. “Ñāṇasammataṃ”ti puthujjanehi ñāṇasammataṃ. “Paramaṃ attānaṃ katvā”ti loke viññuttaṃ paramaṃ hoti, tasmā vijānaṃ paramaṃ attānaṃ katvā. Sesamettha supākaṭaṃ. “Yatthabhuñjati”tiādīsu. “Yattha bhuñjati”ti yasmim bhājane bhuñjati. “Yañca bhuñjati”ti yañca bhojanaṃ bhuñjati. “Yena ca bhuñjati”ti yenabyañjana bhuñjati. “Yo ca bhojako”ti samīpe thatvā parivesako. “Yo ca bhuñjitā”ti yo ca bhuñjako.

“Sāsavā evā”ti sāsavā nāma lokiya dhammā. “Ussāhantā viya hontī”ti abyāpāra dhammattā vuttaṃ. Na hi abyāpāra dhammānaṃ ekantena ussāho nāma atthi. Phalassa nibbattanato phalattāya ussāhantā viya hontīti. “Ākiritvā”ti pattharivā. Sesamettha subodhaṃ.

Dhātusaṅgahe. “Attano eva sabhāvaṃ”ti attano sabhāvaṃ evātipi yujjati. “Īhā ca byāpāro cā”ti abhikkamāmi paṭikkamāmītiādīnā ussāho ca, abhikkamanādi byāpāro ca. “Na ca jīvayogā”ti na ca lokiyamahājana sammatena jīvena yuttā. Aṭṭhakathāpāṭhe. Yāyati etthāti yantaṃ. Udukkhalaṃ. Yanta cakkayaṭṭhināma yanta cakkasambandhā musalayaṭṭhi. Araṇī vuccati agginibbattakattāya katā dve sārāghaṭikā. Adharāraṇī nāma heṭṭhāraṇī. Uttarāraṇī nāma uddhāraṇī. “Sallamivā”ti kaṇḍoviya. “Sūlamivā”ti vijjhanakadaṇḍo viya. “Āturāvīyā”ti tehisallasūlehi viddhagilānā viya. Ayathābhucca nimittaṃ nāma ayathābhūtaṃ sattapuggalādinimittaṃ. “Vanamigo viyā”ti tiṇa rūpe purisa saññālābho vanamigo viya. “Aṅgārakāsuyāṃ”ti aṅgārakūpe. “Nānāvidhupaddava nimittato”ti nānāvidhānaṃ upaddavānaṃ uppatti paccayato. “Vanamakkaṭo viyā”ti vanavānaro viya. Dukkheṇa dāmaṇaṃ assāti duddamaṇo. “Assakhaḷuṅko”ti duṭṭha asso. “Yattha kāmanipātito”ti yasmim yasmim ārammaṇe patituṃ kāmeti icchati, tattha tattha nipātito. Puggalavase avattitvā ārammaṇesu yadicchakaṃ nipatanatoti vuttaṃ hoti. “Raṅganaṭo viyā”ti samajjanaṭako viya. Sabhāvato atthi saṃvijjatīti santo. Tathoti ca avitathoti ca atthato ekaṃ. Añño pakāro aññathā. Natthi aññathā assāti anaññathaṃ. Dukkhadukkhaṃ nāma kāyikadukkha cetasikadukkhaṃ. “Kammajānaṃ”ti vipākakkhandhakaṭattā rūpānaṃ. “Uppattiyā”ti uppādatthāya. “Pagevā”ti puretārameva. “Uppannaṃ pi”ti uppannampi cakkhu. “Pavattiyā”ti santānaṭṭhiṭiyā ṭhitattāya. “Paṭijaggana dukkhaṃ”ti sodhana dukkhaṃ. Paccayavekallaṃ nāma āhāracchedādikaṃ. Nanu bhijjanabhayena pageva paccayasampādanaṃ nāma saṅkhāra dukkhameva siyāti. Saccaṃ. Idha pana āsanne bhijjananimittaṃ disvā kataṃ paccaya sampādanaṃ adhippetāṃ. “Rakkhāvaraṇagutti saṃvidhāna dukkhaṃ”ti nānābhayato rakkhaṇassa ca āvaraṇassa ca gopanassa ca saṃvidhāna dukkhaṃ. “Tadubhayena saheva sijjhati”ti kasigorakkhādīni saṅkhāra kammāni vā rakkhāvaraṇa guttisāṃ vidhānādīnīvā karontānaṃ taṃ dukkha dukkhaṃ tadubhayena dukkhena saheva sijjhati. “Tesaṃ”ti cakkhādīni assādentānaṃ na mucatīti sambandho. “Pavatti nirodha bhūtassā”ti pavattiyā nirodha bhūtassa. “Taṃ pajahati yevā”ti taṃ lobhaṃ pajahatiyeva. “Yāvadevā”ti uparimāpariyantena. Ahaṃ asmīti pavatto māno asmimāno. Tassa samugghātaṃ samucchindanaṃ. “Pariññātesū”ti tesu anusayitāya taṇhāya pahānavasena pariññātesu. “Tabbiparītena panā”ti tato viparītena pana. Asmimānassa anadhiṭṭhānabhūtātīdi atthena. Anindriyabaddha dhammā nāma pathavīpabbatādīsu pavattā rūpa dhammā.

Satte anukkaṇṭhamāne karotīti sambandho. “Itī”ti tasmā. Tesaṃ sattānaṃ. Dujjaho nāma natthi. Tasmā lobhoyeva dukkhasamudayāriya saccaṃ nāmāti yojanā. Sāsavā kusalā kusala dhammā samudayasaccaṃ nāma, dukkha saccabhūtānaṃ vipākakkhandhakaṭattā rūpānaṃ samudayattā saṃvaddhanattā. Mūlabhāvena vuttā ‘avijjā paccayā saṅkhārā’tiādīsu. “Nandanasadisaṃ”ti devaloke nandanavanuyyānasadisāṃ. “Ādīpabhavapadhānabhūtā”ti dukkha dhammānaṃ ādībhūtā, pabhavabhūtā, padhānabhūtā. “Pabhavabhūtā”ti ca pathamuppattihetubhūtā. “Tesaṃ”ti dukkha dhammānaṃ.

“Katthacī”ti kāmahavādīsu kismiñcibhave. “Kadācī”ti atītādīkālesu kismiñcikāle. “Kesañcī”ti devamanussādīsu sattesu kesañcisattānaṃ. “Kutocī”ti bahūsukāraṇesu kutocikāraṇā. “Kathañcī”ti kenacipakārena.

“Pariṇāmo”ti pariṇamaṃ aññathābhāvo. “Taṃ samaṅgīnaṃ”ti tehi cakkhādīhi samaṅgīnaṃ puggalaṃ. Pāḷipāṭhe. “Ādittaṃ”tiādīpitaṃ samujjalantaṃ. “Kenā”ti karaṇabhūtena kena agginā. Tathā ariyamaggo vipariṇāma dhammo ca hoti. Sovipariṇāma dukkhenapi puggalaṃ bhusaṃ

pīletiyevāti yojanā. “Nā”ti na siyā. Samanaṃ vūpasamanaṃ santi. Sabbadukkhānaṃ santīti viggaho. Sabbaṃ vaṭṭadukkhanti sambandho. “Tassā”ti ariyamaggassa. “Pavattamānā cā”ti santatiṭhitivasena vattamānā ca. “Mahantaṃ pariḷāhadukkhāṃ”ti soka parideva dukkha domanassupāyāsānaṃ pavattivasena mahantaṃ pariḷāha dukkhāṃ. Nibbānassa anuppāda dhammattā uppādatthāya paccayo nāma natthi. Tathā appavatti dhammattā pavattatthāya. Sampāpunitabbattā pana sampāpanatthāya paccayo atthīti āha “sampāpaka paccayābhisankharaṇalesaṃ”ti. Sampāpaka paccayā nāma ariya maggo ca tassa paccayā ca.

Bhavābhavasankhātassa dukkhakkhandhassāti sambandho. “Tadevā”ti taṃ dukkhakkhandhaṃ eva. Anupunappunaṃ padīyate anuppādānaṃ. “Niyātanaṭṭho”ti handa gaṇhāti sampañcchāpanaṭṭho. “Tato”ti vaṭṭadukkhato. “Muccanūpāyassā”ti dānasīlanikkhamādikassa muccanūpāyassa. “Nissaraṇavimuttiyā”ti nissaraṇa saṅkhātāya vimuttiyā. Saṅkhāra dukkhassa abhāvaṭṭho. “Sammohassa pahānavasena”ti etena idha dassanaṃ nāma ito paṭṭhāya catūsu saccesu asammoha bhāvaṃ patti eva ālokaṃ patti eva vuccatīti dasseti. Tenāha “paṭivijjhaṇaṭṭho”ti. Taṇhāya dāso taṇhādāso. Taṇhādāsassa bhāvo taṇhādāsabyaṃ. Paravasato vimuttivasena aparādhīnatā bhujissabhāvo nāma. Lokiyamaggāhi taṇhādāsabyaṃ nātivattanti. Taṇhāvasaṃ pūrayamānā taṇhāvisayaṃ vipākaṃ janenti. Ayaṃ ariyamaggo eva taṇhāya anārammaṇabhāve ṭhito taṇhādāsabyaṃ ativattati. Taṇhāvasaṃ bhindamāno taṇhāya avisayaṃ vipākaṃ janetīti adhippāyo. “Dukkhamuttiyā”ti dukkhato muccanattamaṃ. “Dukkhaveḍḍhiyā”ti dukkhaveḍḍhanatthāya. Sesamettha subodhaṃ. “Khayavirāga nirodha bhūto”ti ettha kilesa dhammānaṃ virajjanaṃ vīgamaṇaṃ antaradhānaṃ virāgo. “Anattha padāni”ti ahitapadāni. Bhayādīnavapadāni. “Dvārachakkaārammaṇa chakkabhedenā”ti dvārachakkaṃ dhammārammaṇaṃ hoti. Evaṃsati, ārammaṇa chakkanti na vattabbaṃ dhammārammaṇassa viṣuṃ gahitattāti. No navattabbaṃ. Kasmā, dvārachakkato sesānaṃ dhammārammaṇānaṃ atthitāyāti dassetuṃ “ettha cā”tiādi vuttaṃ. Parato “etthapī”tiādīsu eśevanayoti.

Sabbasaṅgahānudīpanā niṭṭhitā.

Samuccayaṅgahādīpaniyānudīpanā niṭṭhitā.

8. Paccayaṅgahaanudīpanā

166. Yehipakārehi yathā. Tesāṃ vibhāgo taṃ vibhāgo. Ayañcaniddeso ekasesaniddeso, vicchālopaniddesovāti dassetuṃ “tesaṃ”tiādīmāha. Na sameti. Gāthāyaṃ “yesaṃ”tiādīnā tīhi-ya-saddehi dassitānaṃ tiṇṇaṃ atthānaṃ-ta-saddattha sambhavato. Ta-saddatthānañca anusandhiyaṃ paripuṇṇaṃ katvā vattabbato. “Samuppajjati”ti suṭṭhu paripuṇṇaṃ katvā uppajjati, pātubhavati. “Avinā”ti avinā hutvā. “Sahajāta dhammehī”ti avijjā paccayā saṅkhārātiādīsu saṅkhārādīnaṃ sahaajāta dhammehi saheva uppajjanaṃ. “Kalāpavasena”ti suddha dhamma kalāpavasena. “Sāmañña lakkhaṇaṃ”ti sādharmaṇa lakkhaṇaṃ. “Attho”ti idappaccayatā saddassa attho. “Ayamattho paṭikkhitto”ti “samuppajjanaṃ samuppādo”ti ayaṃbhāvasādhanattho paṭikkhitto. “Ayamevā”ti ayaṃ bhāvasādhanattho eva. Jarāmarāṇaṃ sambhavatīti yojanā. “Uppādāvā tathāgatānaṃ”ti sammāsambuddhānaṃ uppādevā sati. “Anuppādāvā”ti anuppādevā sati. “Ṭhitāva sādhatū”ti jātiyā sati jarāmarāṇassa pavattisabhāvo loke ṭhitoyeva. Katamā pana sādhatūti āha “dhammaṭṭhitatā”tiādīni. Tattha “dhammaṭṭhitatā”ti kenaci akatā sabhāvaṭṭhitatā. “Dhammaniyāmatā”ti sabhāvaniyāmatā. “Tatra tathatā”ti tasmiṃ sāmaññalakkhaṇe saṅkhata dhammānaṃ tathatā. Sāmañña lakkhaṇameva paṭiccasamuppādo nāmāti dasseti, na avijjādiko paccaya dhammo. Kasmā, tehi vacanehi dhammaniyāmatā mattassa dassitattā. Avijjādīnaṃ dhamma sarūpānaṃ adassitattā. “Dhammaniyāmatāmatam”ti ca yathā vuttasāmañña lakkhaṇameva vuccati. Yadi bhāvasādhanāṃ iccheyya, bhāvasādhanāṃ nāma katturahitaṃ bhavēyya. Katturahite ca sati, kathaṃ paṭicca kriyāya samānakattukatā labbhati. Aladdhe ca samānakattukatte kathaṇca pubbakāletvā paccayasambhavoti. Ayaṃ bhāvasādhanāṃ icchantassa byañjanayuttivirodho. Taṃ pariharanto na cetthātiādīmāha. Gambhīrocānanda paṭiccasamuppādo gambhīrāva bhāsoṇāti bhagavatā vuttaṃ. Bhāvasādhanā ca kate uppajjana kriyāmatam nāma viṣuṃ eko dhammo na hotīti kathaṃ taṃ gambhīraṃ siyāti. Ayaṃ bhāvasādhanāṃ icchantassa gambhīravacana virodho. Taṃ

pariharanto “saṅkhata dhammesu cā”tiādīmāha. Api ca saṅkhata lakkhaṇaṃ nāma saṅkhata dhammatopi gambhīraṃ hoti. Tathāhi cittaṃ nāma saṅkhata dhammo. Tañca atthi mecittaṃ nāmāti sattānaṃ pākaṭaṃ hoti. Tassa pana aniccatā saṅkhātaṃ saṅkhata lakkhaṇaṃ apākaṭaṃ hoti suṭṭhu santatiyā paṭicchannaṃ. Tathā vedanā nāma sukhāvā dukkhāvā saṅkhata dhammo. Sā ca atthi mevedanāti sattānaṃ pākaṭā hoti. Tassā pana aniccatā saṅkhātaṃ saṅkhata lakkhaṇaṃ apākaṭaṃ hoti suṭṭhu santatiyā paṭicchannaṃ. Evaṃ sesesu nāmadhammesu ca rūpadhammesu ca. Yato sattasu visuddhīsu saṅkhata dhamma vavattāna saṅkhātaṃ diṭṭhivisuddhiñāṇaṇca avijjāpaccaya pariggaha saṅkhātaṃ kaṅkhāvitarāṇa visuddhiñāṇaṇca pathamaṃ sampādetvā pacchā dasavidhāni saṅkhata lakkhaṇānupassanā ñāṇāni sampādetabbāni hontīti. Yathā ca aniccatā saṅkhātaṃ saṅkhata lakkhaṇaṃ saṅkhata dhammato gambhīraṃ hoti. Tathā idampi paṭiccasamuppāda saṅkhātaṃ saṅkhata lakkhaṇaṃ saṅkhata dhammato gambhīraṃ hotīti daṭṭhabbaṃ.

“Tabbhāvabhāvībhāvo”ti ettha bhavati saṃvijjātīti bhāvo. So so avijjādiko bhāvo tabbhāvo. Tabbhāve bhavanti sambhavanti sīlenāti tabbhāvabhāvīno. Saṅkhārādayo. “Bhāvo”ti uppattikāraṇaṃ. Tabbhāvabhāvīnaṃ bhāvoti tabbhāvabhāvī bhāvoti imamattaṃ dassento “tasmim tasmim”tiādīmāha. Api ca “bhāvo”ti vijjāmanātā vuccati. Tassa tassa paccaya dhammassa bhāvoti tabbhāvo. Tabbhāve sati bhavanti sambhavanti dhammatāyāti tabbhāvabhāvīno. Tesaṃ bhāvotipi yujjatiyeva. “Hetvādi paccaya sattiniyāmaṃ”ti hetupaccayo, ārammaṇa paccayo, tiādīsu hetusadda ārammaṇa saddādayo lobhādīnaṃ rūpārammaṇādīnaṇca dhammānaṃ taṃ taṃ paccaya sattivisesaṃ dīpentī. Tesaṇca so so paccaya sattiviseso visuṃ dhammaniyāmo hoti, evaṃ hetvādi paccayasattiniyāmaṃ nivatteti. “Tathā tathā”ti mūlaṭṭhagocaravisayaṭṭhādīkena tena tena paccayākārena. So hi vuccatīti sambandho. “Paccaya dhammuddhāra matte aṭṭatvā”ti paccaya dhammānaṃ nāma saññāvasena uddharaṇamattaṃ akatvāti adhippāyo. “Āhaccā”ti āhanitvā taṃ taṃ paccayasatti visesaṃ pāpetvāti attho. Tenāha “matthakaṃ pāpetvā”ti. Paccayasatti viseso hi hetuphaladīpane tato uttari vattabba kiccābhāvato matthakaṃ nāma hotīti. “Anosakkamānā”ti anivattamānā. “Etāyā”ti paccaya sattiyā. Papañcente ācariye.

Etasmā kāraṇā phalaṃ etadeva paṭicca anāgatapakkhato paccuppannapakkhamaṃ āgacchati pātubbhavatīti paccayo. Uppattikāraṇaṃ pavattikāraṇaṇca. Tattha uppattikāraṇaṃ janakapaccayo. Pavattikāraṇaṃ upatthambhaka paccayo. “Etenā”ti hetunā. “Kāyavacī manokammaṃ”ti ettha “kammaṃ”ti kriyāvuccati, gamana ṭhāna nisajjasayanādīkaṃ kāyika kriyaṇca. Ālāpa sallāpa kathana sajjhāyana gāyanādīkaṃ vācasika kriyaṇca. Vijānana cintana vīmaṃsanādīkaṃ mānasika kriyaṇca. “Abhisāṅkharontī”ti abhinipphādenti. “Etehi”ti etehi lokiyakusalā kusala cetanā dhammehi. Api ca saṅkharonti sattā etehīti saṅkhārā. “Saṅkharontī”ti kiṃ saṅkharonti. Attabhāvaṃ saṅkharonti. Bhavābhavaṃ saṅkharonti. Diṭṭhadhammikampi atthaṃ vā anattaṃ vā saṅkharonti. Samparāyikampi atthaṃ vā anattaṃ vā saṅkharontītiādīnā. Cakkhumpi saṅkharonti, sotampi saṅkharontītiādīnā. Dassanampi saṅkharonti, savanampi saṅkharontītiādīnā ca vattuṃ vaṭṭatiyeva. “Vijānātī”ti vividhena jānāti. Bhūtenapi jānāti, abhūtenapi jānāti. “Namatī”ti gocara visayatthāya namati. “Ruppatī”ti kuppāti, khobhati. “Phusatī”ti saṃhanati. “Vedayatī”ti viditaṃ karoti. Taṃ taṃ ārammaṇaṃ lagganavasena bhusaṃ nahati bandhati, muñcituṃ na detīti taṇhātīpi yujjati. “Upādiyātī”ti daḷhaṃ gaṇhāti. Tenāha “amuñcaggāhaṃ gaṇhātī”ti. Bhavatīti bhavo. Upapattībhavo. Bhavanti etenāti bhavo. Kammabhavo. “Janamaṃ”ti abhinavassa pātubbhavanaṃ. “Jīraṇaṃ”ti abhinavabhāvato hāyanaṃ. “Socanaṃ”ti cittasantāpanaṃ. “Paridevanaṃ”ti rodanaṃ. “Dukkhaṃ”ti kāyarujjanaṃ. “Domanassaṃ”ti cittarujjanaṃ. “Visīdanaṃ”ti bālhaṃ cittakilamathabhāvena virūpaṃ hutvā cittassasīdanaṃ. Thāmabalakhiyyanaṃ. Yato assāsapassāsānaṃ virūpappavattivā taṅkhaṇe sabbaso uparujjanaṃ vā hotīti. “Kenaci sukhenā”ti dukkhasaccato vimuttena kenaci santisukhena.

“Dukkhappaṭicchādīkā”ti bhayaṭṭhena dukkhabhūtānaṃ tebhūmika dhammānaṃ dukkhabhāvappaṭicchādīkā. “Samudayappaṭicchādīkā”ti taṇhāya dukkha samudaya bhāvappaṭicchādīkā. “Nirodhappaṭicchādīkā”ti taṇhānirodhasseva dukkhanirodha bhāvappaṭicchādīkā. “Maggappaṭicchādīkā”ti aṭṭhaṅgīka maggasseva dukkhanirodha maggabhāvappaṭicchādīkā. Pubbanto vuccati atītekāle bhavaparamparā. Aparanto vuccati anāgate bhavaparamparā. Pubbantā paranto vuccati tadubhayaṃ. “Paṭiccasamuppādappaṭicchādīkā”ti paccuppannabhava khandhānaṃ paṭiccasamuppādappaṭicchādīkā. “Suttantikanayenā”ti

abhidhammepe vibhaṅge suttanta bhājanīyaṃ nāma āgataṃ. Tena suttanta bhājanīyanayena. Sāsavā kusalā kusala cetaṇā saṅkhārā nāmāti yojanā. “Abhidhammanayenā”ti vibhaṅge abhidhammabhājanīyanayena. Aṭṭhakathāpāṭhe. Avijjā kiriya dhammānaṃ neva upanissaya paccayattaṃ labhati. Kusalā kusalamūlāni kiriya dhammānaṃ na upanissaya paccayattaṃ labhantīti yojanā. Kiriya dhammā avijjāto ca kusalā kusala mūlehi ca upanissaya paccayaṃ na labhantīti vuttaṃ hoti. “Paccayākāro”ti paṭicca samuppādo. “Avijjāvīrāgā”ti avijjā vigamanato. Tesampikiriya dhammānaṃ. Viññānādīsipi kiriya viññānaṃ, kiriya nāmaṃ, kiriya manāyatanāṃ, kiriya phasso, kiriya vedanāti atthitāya “esanayo viññānādīsipi”ti vuttaṃ. “Kusalā kusala vipākasampayuttaṃ”ti kusala viññāna sampayuttaṃ, akusalaviññānasampayuttaṃ, vipāka viññāna sampayuttaṃ. “Taṃ anupapannaṃ”ti pavattivipākaviññāna sahaḡatassa khandhattayassa taṃ sahaḡatassa cittajarūpassa ca avasiṭṭhattā taṃ na sampannaṃti attho. Tattha hi viññānapade pavattivāsena dvattiṃsavidhaṃ vipākacittaṃ viññānaṃ nāmāti vuttaṃ. Evañcasati, nāma rūpapadepe pavattivāsena tadubhayaṃ pavattivīññānasahaḡatampi gaḡetabbamevāti. “Taṃ taṃ viññāna sampayuttā”ti paṭisandhiviññāna pavatti viññānasampayuttā. “Taṇhupādānānipākāṇāni”ti cha taṇhā rūpataṇhā saddataṇhādivāsena. Cattāri upādānāni kāmupādānādivāsenaṇti evaṃ pākāṇīyeva. “Lakkhaṇamattāni”ti saṅkhata dhammānaṃ saṅkhatabhāvasallakkhaṇa nimittamattāni. “Nātibyasanādīhi”ti nātivināsanādīhi. “Nātibyasanādinimittaṃ”ti nātivināsanādīkāraṇā.

“Khandhadukkhe”ti paccakkhandhasaṅkhāte dukkhasacce. Khandhappavatti maggo nāma taṇhāsamudayo eva. Khandhanirodha maggo nāma ariyamaggo. “Khandha samudayabhūtā”ti khandhappavattiyā kāraṇabhūtā. “Avijjāni vuṭṭanaṃ”ti avijjāyanīvaritānaṃ pihitānaṃ. “Appahīna bhavābhilāsānaṃ”ti maggena appahīna bhavapatthanānaṃ. Appahīnabhavataṇhānanti vuttaṃ hoti. “Vibandho”ti antarāyo. “Udayabhūtānaṃ”ti vaḡḡhibhūtānaṃ. “Avassayo”ti nissayo. Sukhavedanā visesato taṇhāya paccayo hotīti vuttaṃ “sukhavedanāsadiṣo”tiādi. Domanassānaṃ pana tassā paccayabhāvo parato pariyeṭṭhitaṇhāyaṃ pākāto bhavissati. Upekkhā vedanāpi dukkheṇa pīḷitassa sukhaṭhāne tiṭṭhati. Sukhaṃ viya taṃ patthetīti. Samudā caritvā paricayitvā. “Taṇhā evā”ti kāmataṇhā eva. “Attani cā”ti diṭṭhiyañcāti adhippāyo. “Attano ārammaṇesu”ti atta jīva lokādiṣu diṭṭhiyāḡahitā rammaṇesu. “Assādana khamanarocanabhūtāyā”ti sādhuvatāyaṃ mamadassananti evaṃ rajjana tussana kantibhūtāya. “Upādānīyassā”ti dalhaṃ gaḡetabbassa. “Atthassā”ti attano attādikassa atthassa. Gāthāyaṃ. “Bhavaṃ hotī”ti bhavanto vaḡḡhanto hoti. “Parābhavo”ti vināsanto.

“Addhānavante dhamme”ti tekālikasaṅkhata dhamme. Apatamāne katvāti pāṭhaseso. Yathā upādānaṃti disvā upādārūpaṃti pade ādāsaddo viññāyati. Na upubba padasaddo. Itarathā upādānanti nasijjhati. Evaṃ addhā, addhāna, padesupi. Tenāha “addhānaṃ”ti nasijjhatīti. Saṃkhipantī vīsātākārā etesūti saṅkhepā. Saṅgahā. “Vaṭṭadhammā”ti saṅkhārādayo dhammā. “Etthā”ti etāsu avijjātaṇhāsu. Kathaṃ tiṭṭhantīti āha “tadāyattavuttitāyā”ti. “Paṭiṭṭhā”ti suppatiṭṭhitaṭṭhānāni. “Pabhavā”ti vaṭṭadhammaparamparappavattiyā mūla padhāna kāraṇāni. Tattha hetu ca desetabbo hoti. Itarathā issaranimmānadiṭṭhi ahetuka diṭṭhīnaṃ okāso siyāti. Phalañca desetabbaṃ hoti. Itarathā ucchedadiṭṭhiyā okāso siyāti. “Addhuno”ti dīghakālassa. “Nivattetī”ti samucchindati. “Ahetū apaccayā sattā pavattantī”ti pubbaheturahitā pubbapaccayarahitā hutvā imesattā pavattantī. “Avijjādīhi sādhetabbo na hotī”ti bhavaparamparāsu nicco hutvā sandhāvantaṇsa avijjādīhi kattabba kiccaṃ na hotīti adhippāyo. “Kesañci na sambhavantiyevā”ti anāḡāmīnaṃ arahantānañca na sambhavantiyeva. Mahāādīnavarāsīdassanattaṃ sokādivacanāṃ hotīti yojanā. “Tesaṃ”ti aññesaṃ paccayānaṃ. “Laddhā”ti atthato laddhā. “Tadavinābhāvībhāvalakkhaṇenā”ti ettha tena tena paccayena avinābhāvīnaṃ bhāvo, so eva lakkhaṇanti viggaho. “Parattha pī”ti ito paresu taṇhupādāna bhavaggaḡaḡenātiādīsipi. “Ādito”tiādimhi. Vibhāvanipāṭhe. “Kilesabhāvasāmaññato”ti kilesabhāvena samānattā sadisattā. “Lakkhitabba dhammehī”ti viññānādīhi. “Pathamena dutīyassā”ti pathamasāṅkhepena saddhiṃ dutīyassa saṅkhepassa ekā sandhītiādīnā yojetabbaṃ. “Lokassa pākāṭa vohārenā”ti kilesadhammā kammadhammā ca loke hetūti pākāṭa hontī. Vipākadhammā pana phalanti pākāṭa. Evaṃ loke pākāṭa vohārena. Idha pana kilesadhammakammadhammā vā hontu, vipākadhammā vā, yo yo paccayapakkhe ṭhito, so so hetūtipi vattaboyeva. Yo yo paccayuppanna pakkhe ṭhito, so so phalantidassento “hetuphalasaddāpanā”tiādimāha. Aṭṭhakathā pāṭhe. “Sajjantassā”ti saṃvidahantaṇsa. “Āyūhana saṅkhārā nāmā”tiādito paṭṭhāya samuccayanasaṅkhārā nāma. “Dakkhiṇaṃ”ti dānavatthum.

Dakkhiṇodakaṃ vā. “Ettha cā”ti imasmiṃ tatīyapañcake ca. “Vuttanayene vā”ti pathamapañcake vuttanayeneva. Vibhāvanipāṭhe. “Āyatim paṭisandhiyā paccayacetanā bhavo nāmā”ti idaṃ uddesapāḷiyam yathādiṭṭhapāṭhavaseneva vuttaṃ. Tathā purimakammabhavasmiṃ idha paṭisandhiyā paccayacetanā saṅkhārā nāmāti idaṃca. Idha pana pubbeyeva dvīsuhetupañcakesu dvinnam saṅkhāra kammabhavānaṃ saṅgahitattā aṭṭhakathāyaṃ vuttanayeneva dvinnam saṅkhāra kammabhavānaṃ viseso yutto. Tenāha “taṃ idha na yujjati”ti. “Saṅgahitattā”ti pubbeyeva saṅgahitattā. “Etaṃ”ti vibhāvani vacanaṃ. “Dhammavibhāgarakkhaṇattham”ti vibhaṅge bhavapade upapattibhavassapi vibhattattā evaṃ vibhattassa dhammavibhāgassa rakkhaṇattham. Phalapañcakato anaññaṃpi upapattibhavaṃ aññaṃviya katvā ‘upapattibhavasankhāto bhavakadeso’ti vuttaṃ. So ca upapattibhavo nāma paccuppanahetūhi nibbattattā catutthe phalapañcake eva saṅgahito. Tasmā tena upapattibhavasaddena catuttha pañcakameva gahitanti yuttaṃ. Itarathā dve phalapañcakāni vipākavaṭṭanti vutte siddhameva hoti. Evañcasati avasesā cāti ettha dutīyaphalapañcakameva avasiṭṭham hotīti daṭṭhabbam. “Avijjā nāma moho, so ca akusala mūla”ntiādi abhidhamme mūlayamake mūlanāmena āgatattā vuttaṃ. Dvīsupanabhava cakkesu purimacakke avijjā ādi hoti. Pacchimacakke taṇhā. Ādi ca nāma mūlanti ca sīsanti ca vattum vaṭṭatīti pariyaṃ dassetum “athavā”tiādi vuttaṃ. “Āgamanasambhāresū”ti aṭṭabhavato imambhavaṃ āgamanasambhāresu. Taṇhā eva sīsam katvā vuttāti yojanā. “Tesam antare”ti avijjāsankhārānaṃ antare. Taṇhāya okāso natthīti kasmā vuttaṃ. Nanu avijjāya sati, taṇhā nāma ekantena sambhavatiyeva. Sā ca saṅkhārānaṃ balavapaccayo hoti. Tasmā sā avijjā paccayā taṇhā, taṇhā paccayā saṅkhārāti vattabbā siyāti. Taṃ pariharitum “ayañhi”tiādivuttaṃ. Paṭilomapañccasamuppādo nāma avijjānirodhā saṅkhāranirodhoti evaṃ pavatto pañccasamuppādo. “Jarāmaṇaṃ mucchayātiādi navattabbaṃ siyā”ti jarāmaṇaṃ mucchayātiādivacanaṃ anulomapañccasamuppāda sambandha vacananti katvā vuttaṃ. “Uparivaṭṭamūla dhammapaṭipādakānaṃ”ti upari dutīyānāgatabhāvādīsu avijjātaṇhā saṅkhātānaṃ vaṭṭamūladhammānaṃ niyajakānaṃ. “Te pī”ti sokādayo dukkhadhammāpi. “Āsavasambhūtā”ti āsavehi sambhūtā sañjātā. “Tesam”ti sokādīnaṃ dukkhadhammānaṃ. “Jarāmaṇaṅge gahaṇam”ti dvādasasu aṅgesu jarāmaṇaṅge saṅgahaṇam. “Pavaḍḍhatī”ti bhusam vaḍḍhati. “Āsavasamudayā”ti āsavasamuppādā. “Avijjāsamudayo”ti avijjāsamuppādo. “Avijjāpaccayāsankhārāti”ti ettha itisaddo ādiattho. “Nānābyasana phuṭṭhassā”ti nātibyasanaḍḍhi nānābyasanehi phuṭṭhassa, vihiṃsitassa. “Yato”ti yaṃ kāraṇā, avijjātaṇhānaṃ vaḍḍhanakāraṇā. “Vaṭṭam”ti saṅkhārādikaṃ bhavacakkaṃ. Saṃmuyhanaṃ sammoho. Pariyesanaṃ pariyetthi. Vipaccatīti vipāko. Vipāko eva vepakkaṃ. Sammoho vepakkaṃ assāti sammohavepakkaṃ. Tathā pariyetthive pakkañcāti imamattham dasseti “tadubhayaṃ”tiādinā. Tadubhayaṃ vipākaṃ etassāti katvā dukkham sammohavepakkanti ca pariyetthivepakkanti ca vuccatīti yojanā. Api ca, sammohaṃ vipāceti sañjanetīti sammoha vepakkaṃ. Evaṃ pariyetthivepakkanti yujjati. “Kiccam”ti kasiraṃ dukkham āpanno. “Miyati”ti marati. “Ca vatī”ti saṅkamati. “Upapajjati”ti bhavantaraṃ upeti. “Atha ca panā”ti evambhūtassa sato. “Jarāmaṇassā”ti jarāmaṇa saṅkhātassa imassa dukkhassāti sambandho. “Nissaraṇam”ti niggamaṇam. “Nappajānāti”ti ayaṃ loko nappajānāti. “Āgatiyā”ti imasmiṃ bhava paṭisandhivinnāṇupattivasena āgamaṇena. “Gatiyā cā”ti anāgatabhave jātipātubbhāvavasena gamaṇena ca. Ādisankhāto pubbapariyanto yassa atthītiādimantaṃ. Na ādimantaṃ anādimantaṃ. “Vaṭṭappavattassā”ti tividhavaṭṭasankhātassa pabandhappavattassa. Jātiyā vuttāya sabbāni tassā nidānāni vuttāni eva hontīti katvā “jātiyā eva vā”ti vuttaṃ. “Icevaṃ”ti iti evaṃ. Tattha avijjāpaccayā saṅkhārātiādinā nayena paṭṭhapesi mahāmunīti sambandho. Ācariya vādepana “icevaṃ”ti jarāmaṇa mucchayātiādināyena. Ābandham anādikanti sambandho. Idhapi tameva sambandham gahetvā yojeti “icevaṃ ābandhanti. La. Punappunaṃ ābandham”ti. Avijjā ādimhi vuttā. Tasmā sā sayam ahetu apaccayā hutvā vaṭṭassa ādipaccayabhūtā hotīti codanā. Taṃ pariharati “vaṭṭassā”tiādinā. “Vaṭṭakathāya sīsabhūtattā”ti vaṭṭassa ādināma natthi. Tassa pana pavatti nivattiyo atthi. Jānantehi tāsam pakāsanatthāya pañccasamuppādakathānāma vaṭṭakathā ekantena kathetabbā hoti. Kathentehi ca vaṭṭadhammānaṃ majjhe katamassa dhammassa kiccam vaṭṭappavattatthāya padhānataraṃ hotīti jānitabbaṃ hoti. Tadā kiccavasena padhānataraṃ ekaṃ dhammaṃ mūlam sīsam katvā vaṭṭakathā kathetabbāti. Idaṃ vaṭṭakathāya sīsam nāma. Tattha avijjā nāma moho. So ca muyhanakiriya. Andhabhāvakarāṇaṃcassa kiccam. Na ca paññā cakkhussa andhabhāvakarāṇa sadisaṃ aññaṃ vaṭṭassa pavattatthāya padhānakiccam nāma atthi. Tasmā avijjā evettha sabbappadhāna kiccattā vaṭṭakathāya sīsabhūtā hoti. Evaṃ vaṭṭakathāya sīsabhūtattā sā ādimhi vuttāti. “Anādikabhāvo eva dassito”ti anādikabhāvo

dassito eva. No na dassitoti attho. Iti etaṃ atthajātaṃ paccakkhato siddhaṃ. “Idhā”ti imasmimbhavhe. “Tassā”ti atīta bhavapariyāpannāya avijjāya. “Aññāya avijjāya evā”ti atītabhavatopi purimabhavhe siddhāya aññāya avijjāya eva. “Tassāpi”ti purimatarabhavhe avijjāyapi. “Attabhāvo”ti purimataro attabhāvo. “Padhāna paccayabhūtattā”ti pubbe vuttanayena andhabhāvakaraṇa kiccattā vaṭṭappavattiyā padhāna paccayabhūtā hoti. Evaṃ padhānapaccayabhūtattā. “Tassa tassāti niṭṭhānameva na paññāyeyyā”ti tassa paccayassa paccayo vattabbo. Tassāpi paccayassa paccayo vattabboti evaṃ vassasatampi vassasahassampi niṭṭhānameva na paññāyeyyā. “Vuttoyevā”ti avijjāya paccayo vuttoyeva. “Pañcanīvaraṇātissavacanīyaṃ”ti pañcanīvaraṇa dhammā avijjāya āhāroti vacanīyaṃ bhavēyya. Tattha “āhāro”ti balavapaccayo vuccatīti.

Paṭiccasamuppādanayānudīpanā niṭṭhitā.

167. Paṭṭhānanaye. “Hetu ca so paccayo cā”ti ettha lobho hetujātikattā hetu ca hoti. Ārammaṇānantarādi paccayena aññadhammassa paccayo ca hotīti atthassa sambhavato “hetu hutvā paccayo”ti vaṇṇeti. Evaṃ vaṇṇitepi “hetu hutvā paccayo”ti hetu honto paccayoti atthe sati, so yevattho sambhavatīti “puna hetubhāvena paccayo”ti vaṇṇeti. Ettha siyā, hetu ca so paccayo cāti ettha pada dvayaṃ ekadhammādhikaraṇattā tulyādhikaraṇaṃ hoti. Hetubhāvena paccayoti ettha pana padadvayaṃ tulyādhikaraṇaṃ na hoti. Purima padañhi dhamma bhāvappadhānaṃ, pacchimaṃ dhammappadhānanti. Evaṃ sante tulyādhikaraṇaṃ vākyaṃ bhinnādhikaraṇaṃ katvā vaṇṇetīti na yuttametanti. No na yuttaṃ. Mukhyopacāramattena nānatthattā. Pacchimavākyaṃhi mukhyavacanāṃ. Purimavākyaṃ upacāra vacanāṃ. Upacāravacane ca upacārattho yujjati. Mukhyavacane mukhyatthoti. “Heṭṭhāvuttamevā”ti pakiṇṇakasāṅgahe vuttameva. Hinonti etthāti hetu. Hinonti etenāti hetu. Tattha “hinontī”ti suṭṭhupatiṭṭhahanti. Ke patiṭṭhahantīti āha “sahajāta dhammā”ti. Kathaṅca suṭṭhupatiṭṭhahantīti āha “vuddhi viruḷhi vepullapattavasena”ti. Kasmā te suṭṭhu patiṭṭhahantīti. Patiṭṭhitatṭhānassa patiṭṭhitakāraṇassa vā thāmabalasampannattāti dassetuṃ “ārammaṇe dalhanipātīnā thāmabalasampannenā”ti vuttaṃ. Hetuvisesanañcetam. Ārammaṇe dalhanipātīmi thāmabalasampanne ettha dhammetipi yojetabbaṃ. Upakārakoti ca upaladdhiyevāti sambandho. “Yādisenasabhāvenā”ti hetubhāvādisabhāvena. “Upaladdhiyevā”ti kasmā vuttaṃ. Nanu upakāraka saddo kattāraṃ vā kāretāraṃ vā vadatīti. Vohāramattena vadati. Dhammato pana kattā vā kāretā vā natthīti dassetuṃ “na hi sabhāva dhammesū”tiādimāha. Yadi dhammato kattāvā kāretāvā natthī. Kasmā upakārakoti vuccatīti āha “tathā upaladdhiyaṃ panā”tiādiṃ.

Ārammaṇapaccaye. “Ajholambamānā”ti ārammaṇa karaṇavasena adhiolambamānā. “Ārammaṇabhāvenā”ti gocaravisayabhāvena.

Adhipatipaccaye. “Garukatā”ti assādanābhinandanādivasena vā saddhāpasādādivasena vā garukatā. “Sāmino viya dāse”ti sāmino attanodāse attanovase vattayamānā viya. Sahajātādhipati pana heṭṭhā samuccaya saṅgahe vuttoti idha na vutto.

Anantarapaccayadvaye. “Antaraṃ”ti chiddaṃ vivaraṃ. “Santānaṃ”ti cittasantānaṃ. “Santānānubandhavasenā”ti cittasantānaṃ punappunaṃ bandhanavasena. Uppādananti sambandho. “Dhammantarassā”ti nāmakkhandha dhammantarassa. “Anantara paccayatā”ti anantarapaccaya kiccanti vuttaṃ hoti. Yaṃ kiñci dhammantaraṃ. “Purimapacchimabhāgappavattānaṃ”ti nirodhassa asaṅgābhavassa ca purimabhāge ca pacchimabhāge ca pavattānaṃ. “Cittuppādānaṃ pī”ti nirodhassa pubbabhāge nevasaṅgānāsāṅgāyatana kusala kriya cittuppādānaṃ. Pacchābhāge anāgāmiphala arahattaphalacittuppādānaṃ. Asaṅgābhavassa pubbabhāge kāmaṃhave cuti cittuppādānaṃ. Pacchābhāge kāmaṃhave eva paṭisandhi cittuppādānaṃ. Tesu pana kathaṃ anantaraṃ nāma siyā. Dvinnāṃ dvinnāṃ purimabhāga pacchima bhāgānaṃ majjhe acittakassa kālassa acittakassa rūpasantānassa ca antarikkattāti codanā. Taṃ pariharitūṃ “na hi abhāvabhūto”tiādi vuttaṃ. “Tesaṃ”ti dvinnāṃ dvinnāṃ cittuppādānaṃ. Rūpadhammo antaraṃ na ca karoti nāma. Arūpadhammānaṃ anantaratā nāmātiādinā yojanā hoti. “Tathāpavattana samatthātā”ti ekībhūtānaṃ viya attano anantare dhammantaraṃ uppādane samatthātā.

Sahajātapaccaye. “Ye pana dhammā”ti paccayuppanna dhammā. “Attanī”ti paccaya dhammo

vuccati.

“Aññamaññaṃ upatthambhantaṃ tidaṇḍaṃ viyā”ti bhūmiyaṃ aññamaññaṃ nissāya ussitā tayodaṇḍā aññamaññaṃ upatthambhantā viya. “Purimenā”ti purimena sahaajāta paccayena. “Itarītarō patthambhanaṃ”ti aññamaññaṃ patthambhanaṃ.

“Sūdo”ti bhattakārako. “Ukkhalī”ti bhattapacanakumbhī. “Vuṭṭhidhārā”ti meghavuṭṭhidhārā. “Upanissayo”ti bhattupattiyā upanissayo. “Tāsu asatī”ti sālikkhetta vuṭṭhidhārāsu asatī. “Balavataratṭhena”ti balavataranissayatṭhena. “Pakatūpanissayo”ti ettha “pakato”ti bhusaṃ kato. Tenāha “suṭṭhukato”ti. Karaṇaṇca attano santāne suṭṭhuuppādanaṇca suṭṭhuupasevanaṇca daṭṭhabbanti sambandho. “Vuttappakārenā”ti ‘yathā kate satī’tiādinā vuttappakārena.

“Nissayārammaṇa dhammā evā”ti nissaya paccaya dhamma ārammaṇa paccaya dhammā eva. “Purejātatāmattavisitṭhā”ti ettha mattasaddena nissayārammaṇasattito visuṃ purejātasatti nāma natthīti dasseti. Visuṃ purejātasatti nāma atthītipi vadanti. Taṃ vādaṃ dassetuṃ “ācariyānandattherenā”tiādimāha. Ettha pañcavatthūni ca pañcārammaṇāni ca purejātattā eva suṭṭhubalavatāya pañcaviññāṇaṇaṃ vatthu kicca ārammaṇa kiccāni sādheti. Tathā hadayavatthu ca manodhātu manoviññāṇadhātū nantī. Ayaṃ visuṃ purejātasatti visesoti vadeyya. Saccaṃ. Suddhamano dvārepana idha ṭhatvā nirayesu evarūpāni nirayaggirūpāni atthi. Idāni devesu ca evarūpāni dibbarūpāni atthīti cintayantānampi, tesu pure evarūpāni uppajjimsūti vā, tesu anāgate evarūpāni uppajjissantīti vā cintayantānaṃpitāni rūpāni nibbisesāni hutvā manoviññāṇaṇaṃ ārammaṇa paccayattaṃ gacchantī. Tattha pure jātāni hutvā tadā vijjamaṇāni paccuppannarūpāni ārammaṇa purejātapaccayo. Itarāni ārammaṇa paccayo eva. Na cettha purejātānaṃ paccuppannarūpānaṃ purejātattena viseso atthi. Na ca tāni purejātapaccayo na hontī. Yadi visuṃ purejātasattiviseso purejātapaccayoti vadeyya. Tāni purejātapaccayo nāma na bhavēyyuṃ. Kasmā, tādisassa visesassa natthitāya. Na ca nabhavanti. Kasmā, purejātamattavisesassa atthitāya. Ettha vadeyyuṃ, pañcadvāresu pana pubbe vuttanayena visuṃ purejātasattiviseso dissatīti. Kiñcāpidissati. So pana bahuvīdhānaṃ nissaya paccaya ārammaṇapaccayānaṃ majjhe nissaya sattiviseso eva, ārammaṇa sattiviseso eva cāti. Api ca visuṃ purejāta sattiviseso nāma natthīti idaṃ yathāvutte suddhamanodvāre tabbisesābhāvaṃ sandhāya vuttaṃ. Visuṃ purejāta sattiviseso nāma atthīti idaṃ pañcadvāresu tabbisesassa atthibhāvaṃ sandhāya vuttanti. Yaṃ ruccati, taṃ gahetabbaṃ.

Pacchājātapaccaye. “Rukkhapotakānaṃ viyā”ti pacchā āsiñciyamānaṃ udakaṃ rukkhapotakānaṃ vuddhavirulhabhāvaṃ pāpetvā upatthambhanavasena upakārako viyāti yojanā. Āhāraṃ āsiṃ satīti āhārāsā. Jighacchā, pipāsā, taṇhā. Tāya sampayuttā cetanāti viggaho. Sā pana āhārāsā cetanā upatthambhati yevāti sambandho. “Ayamattho”ti ‘supākaṭena’tiādinā vutto ayamattho. Sabbācesāvīcāraṇā gijjhōpamāya upamāmattabhāvaṃ nīvāretā hotīti.

Āsevanti taṃ paccaya dhammaṃ paccayuppannā dhammāti āsevanaṃ. Etena bhuso paccayuppanna dhammehi āsevitābattā āsevananti vuccatīti dassētīti. “Taṃ”ti taṃ purimaṃ purimaṃ paccaya dhammaṃ. “Bhajantī”ti upenti. Ke bhajantīti āha “aparāparaṃ uppajjamānā dhammā”ti. “Dhammā”ti ca anantaruppannā cittacetāsikā dhammā. Kathaṇca taṃ tebhajantīti āha “suṭṭhusevamānā viya bhajamānā viya pavattantī”ti. Viya saddena loke kiñcijanaṃ kecijanā kenaci atthena suṭṭhusevantā viyāti dasseti. Kathaṃ suṭṭhuseviamānā viya hontīti āha “tassa purimassā”tiādim. Purimassa anantarassa cittuppādassatī attho. “Sabbaparipūraṃ ākāraṃ”ti javavegasahitehi vijānana phusanādīhi sāvajjāna vajjādīhi ca sabbehi javanaguṇehi paripūraṃ ākāraṃ. “Āsevetī”ti maṃ suṭṭhu sevathāti niyojentaṃ viya hoti. Tenāha “attano vāsaṃ”tiādim. Tattha “vāsaṃ”ti vāsaṇaṃ. “Suṭṭhu gāhāpetī”ti paripuṇṇaṃ detīti vuttaṃ hoti. Etena yathā loke eko paresaṃ yathicchitaṃ deti. Evaṃ detaṃ pana pare bhajantiyeva. Maṃ bhajathāti niyojanakiccaṃ natthi. Evameva idhapi suṭṭhuvāsādānameva bhajāpanaṃ nāmāti dasseti. “Vaḍḍheti vā”ti etena āsevanā bhāvanā vaḍḍhanāti imaṃpariyāyatthaṃ vadati. Purimābhiyogo nāma ādito patṭhāya sajjhāyanādikammesu yathāsatti yathābalaṃ vā yāmakaraṇaṃ. Tathā karontassa taṃ uggahaṇa kammaṃ uparūpari paṇaḥbhāvaṃ gacchatīti. “Āsevanatṭhena”ti vaḍḍhāpanatṭhena, upakārakoti sambandho. “Sajātīyānaṃ”ti kusalādibhāvena samānajātīkānaṃ.

Kāyaṅgābhisaṅkharāṇaṃ nāma kāyasañcetanākickaṃ. Vācaṅgābhisaṅkharāṇaṃ vacīsañcetanākickaṃ. Cittaṅgābhisaṅkharāṇaṃ manosañcetanākickaṃ. “Kiriyaḅbhāvenā”ti dassanasavanādikicesu gamanaṅhāna nisajjādikicesu saṃvidhānakiriyaḅbhāvena. “Vatthumhī”ti gabbhavatthumhi. Yathāvuttābhisaṅkharāṇakiccaṃ nāma kāyaṅgavācaṅga cittaṅgābhisaṅkharāṇa kiccaṃ. “Tadabhisaṅkharāṇavegajaniṭaṃ”ti tassa kāyaṅgādikassa abhisaṅkharāṇavegena janitaṃ kiriyaḅviseṣa nidhānakiccanti sambandho. “Santāne”ti cittasantāne.

Vipaccanabhāvo ca nāma pātubhāvoti sambandho. Nirussāha santabhāvo nāma kusalā kusalanāṃ viya kāyaṅgavācaṅgābhisaṅkharāṇa kicesu ca āyatim viyaccana kicesu ca nirussāhabhāvena santabhāvo. Na kilesu pasantabhāvena. Cittābhisaṅkharāṇa kicesupana sampayuttacetanāvasena yathopaṭṭhitesu ārammaṇesu sampayuttadhammānaṃ ekato sannipātagamanussāhamattaṃ atthi. Tatoparaṃ pana supina dassana kiccaṃpi natthīti. “Mandamandākārenā”ti mandato atimandākārena. Kiñcijānana cittaṃ nāma kammādi ārammaṇaṃ appamattakaṃpi jānanaṃ vīthicittaṃ. Tassa pavattiyā.

“Arūpino”ti arūpalakkhaṇa samaṅgino. Nāmalakkhaṇa samaṅgīnoti vuttaṃ hoti. “Janayantāpī”ti sahaḅjāta dhamme janentāpī. “Santānaṅṅhitiyā”ti pabandhappatiṅṅhānassa.

“Kasmāpanetthā”tiādīsu. “Bhāvindriya dvayaṃ”ti itthindriya purisindriya dvayaṃ. “Idhā”ti imasmiṃ indriyapaccaye. Kasmā na gahitaṃ. Nanu itthilingādīnaṃ pavattikāraṇattā idha gahetabbamevāti adhippāyo. Janakattaṃ nāma janaka kiccaṃ. Evaṃ sesesupi. “Etaṃtayampi natthī”ti janakattādikiccattayampi natthi. Evaṃsantekathaṃ lingādīnaṃ pavattikāraṇaṃ hotītiāha “kevalaṃ panā”tiādīṃ. “Dvayaṃ”ti itthibhāvapumbhāva dvayaṃ. Na indriya paccayattena indriyaṃ nāma hoti. Yathāhi eko rājā attano vijite gehāni karonti. Evaṃ karontūti gehasaṅṅhānaṃ paṭṭhapeti. Sabbejanā tatheva karonti, no aññathā. Tattha rājā gehuppattiyā ca gehatṭhitiyā ca kiñci kiccaṃ na karoti. Gehasāmikāvā gehavaḅḅhakino vā karonti. Karontā pana raññā paṭṭhapitaṃ saṅṅhānaṃ anatikkamitvāva karonti. Evameva midaṃ daṭṭhabbaṃ. Upagantvā jhāyanaṅṅthenāti sambandho. Upasaddo upanissaya padeviya upari attho. “Upari”ti ca thāmbalavuddhivasenāti āha “tasmiṃ vā”tiādīṃ. “Tasmiṃ”ti ārammaṇe.

“Sugati duggati nibbāna sampāpakaṅṅthenā”ti vuttaṃ. So attho abyākatamaggaṅgesu natthi. Evañcasati tāni kathaṃ maggapaccayattaṃ gacchantīti āha “ettha cā”tiādīṃ. “Sammādassanādīnā”ti sammādassana saṅkappanādīnā. “Tesaṃ”ti sammādiṅṅhīnaṃ. “Tesaṃ pī”ti abyākata bhūtānaṃ sammādiṅṅhīnampi. “Tenevaṅṅthenā”ti sammādassanādīnā lakkhaṅṅthena. Athavā. “Tenevaṅṅthenā”ti sugati nibbāna sampāpakaṅṅthene vāti attho. Evañcasati sahetukā vipāka kriyā byākatadhammāpi tenevaṅṅthena sabbaso kusalasadisā siyunti. Na siyuṃ, paccaya vekallattā. Vipākābyākatāhi kammavegena santāne patitamattattā nirussāhasantasabhāvato taṃ sampayuttā cetanā nānakkhaṅṅika kammaṃpaccayattaṃ na gacchati. Kiriyaḅbyākatā ca niranusayasantāne uppannattā taṃ sampayuttacetanāpi tappaccayattaṃ na gacchatiyeva. Tasmā tesu vipāka kriyābyākatesu sammādiṅṅhādīnīpi sugati sampāpakaṅṅthaṃ na sādheti. Kilesappahāna kiccassa abhāvato nibbāna sampāpakaṅṅthampi nasādheti. Sabhāva lakkhaṅṅavekallatāpana tesaṃ sammādiṅṅhādīnaṃ natthiyeva. Tasmā tāni maggapaccaye saṅgahitānīti. Indriya dhammesu arūpindriyānaṃ ādhippacca kiccaṃ arūpadhamme sveva pharati. Rūpadhammā pana taṃ samuṅṅhitattā eva tappaccayuppannesu vuttā. Tathā hetu kamma magga jhānesu. Tena vuttaṃ “esanayo kammindriyaḅhānapaccayesuṅṅpī”ti. Tattha kammāsaddena nānakkhaṅṅika paccayo gahetabbo.

“Sampayuttāsāṅkā sambhavatī”ti sahaḅjātā nāmadhammā taṃ samuṅṅhāna rūpehi, pacchājātā ca attano attano paccayuppannarūpehi, vatthu dhammā ca tannissitanāmadhammehi kālato ca ṅṅhānato ca eka sambandhattā tesu sampayuttāsāṅkā sambhavatī. “Vippayuttapaccayappaṅṅaṅgo natthī”ti ārammaṅṅanantarādīpaccayāpi attano paccayuppannehi sampayuttā na honti. Tasmā tepi vippayuttapaccaya bhāvena vattabbāti evarūpo vippayuttapaccayappaṅṅaṅgo tesu ārammaṅṅa paccayādīsu natthīti adhippāyo.

“Heṅṅṅhāvuttappaḅkāresu evā”ti ettha evasaddena paccayantaraṃ na hotīti dasseti. Yadi

paccayantaram na hoti, na vattabboyeva. Kasmā, desakassa punaruttiniratthakavāditā pattitoti. No na vattabbo. Kasmā, loke yo sayam natthi, vigato hoti. So kassa paccayo bhavitum arahatīti evarūpassa micchābhinivesassa pahānato. Tena imamatham nāpeti, loke kecidhammā sayam atthikāle eva aññesaṃ paccayā honti, no natthikāle. Keci dhammā sayam natthikāle eva aññesaṃ paccayā honti, no atthikāleti ayañcavibhāgo avassaṃ icchitabbo yevāti. “Okāsadānasāṅkhātenā” ti tassa aññassa cittuppādassa uppattiyā okāsadānasāṅkhātena.

Suttante, atthīti aya meko antoti sattānaṃ seṭṭhasārabhūto attānāma anamatagge saṃsāre niccakālaṃ atthi. Ucchedo vā vimokkho vā sabbaso natthi. Ayaṃ sassatavādo nāma ekovisamanto ekāvisamākoṭi. Natthīti sattonāma ekabhavaparamo hoti, maraṇato paraṃ natthi. Ekantena ucchijjati. Ayaṃ ucchedavādo nāma dutīyo visamanto dutīyāvisamakoṭi. Ime paṭicca samuppādaṃ ajānantānaṃ ubhovisamantā nāma. Jānantānaṃ pana tādiso attānāma natthi, yo atthīti vā natthīti vā vattabbo bhavēyya. Suddhadhammapbandho eva atthi. Tassa ca yāva avijjā appahīnā hoti, tāva ucchedo nāma natthi. Avijjāya pana pahīnāya tatoparaṃ na pavattati. Atthi nāma na hoti. Ayaṃ antadvayamutto majjhimañāyo nāma. Bahum nānattha sambhavaṃ vaṇṇentiyeva. Vaṇṇentānaṃ pi tesam bahu payojanaṃ natthi yevāti adhippāyo.

Paccayuddesānudīpanā niṭṭhitā.

168. Paccayaniddese. “Pañcadhā” ti pañcavidhehi paccayehi. “Ekadhā” ti ekavidhena paccayena. Evaṃ sesesupi. “Avicchedāyā” ti avicchedatthāya. “Paṭipādanāyā” ti yojanatthāya. Yo koci cittuppādo aviruddhassa yassa kassaci cittuppādassa paccayo na na hotīti yojanā. “Punuppannānaṃ” ti nirujjhivā puna uppannānaṃ. “Purimāni javanāni” ti ettha maggo gotrabhuto āsevana paccayaṃ labhati. Phalassa pana so bhinnajātikattā āsevana paccayo na hoti. Phalaṃ pana sabbaso āsevana muttam hoti. Tasmā tadubhayaṃ idha purimajavanasaṅkhyam na gacchatīti vuttam “magga phalajavanavajjāni” ti. Phalajavanavajjānaṃ pacchimānaṃ javanānaṃ. “Sabbākārapāriṇānaṃ” ti ettha kusalādijātipi saṅgahitāti vuttam “jātimattenapī” ti. Abhinnā eva siyūṃ. Na pana bhinnā honti. Kadāci keci bhinnā eva honti. Tasmā bhinnajātikā dhammā. La. Na sakkontīti yojanā. “Kāmāvacarabhāvato mahaggatānuttarabhāvapattī nāmā” ti cittasantānassāti adhippāyo. Gotra bhucittaṃ kāmabhūmi. Jhānacittaṃ mahaggatabhūmi. Maggacittaṃ lokuttara bhūmi. Kammacetanāya niruddhāyapi tassā pavattākāro nanirujjhati. Cittasantānaṃ anugacchati. So eva āyatim vipākadhammarāsi hutvā pātubbhavati. Tasmā so vipākassa bījasaṅkhyam gacchati. So ca yāva na vipaccati. Tāva saṃsārappavattiyā sati, antarā vinaṭṭho nāma na hoti. Tasmā kammacetanā uppajjamānā cittasantāne tassa bījassa nidhānatthāya uppajjati, nirujjhamānā ca nidahitvā eva nirujjhatīti vuttam “attano pavattākārasaṅkhāta bījanidhānañcā” ti. “Cetanāya hotī” ti cetanāya sādharmaṇaṃ hoti. Purejātā sālarukkhopotakā paccayā hotīti sambandho. Purimacittakkaṇesu uppannā catusamuṭṭhānikarūpadhammāti sambandhitabbaṃ. “Āhārajakāyo” ti evaṃ vuttāti pāṭhaseso. “Pacchā jātenā” ti pacchājātapaccayena payojanaṃ natthi. Jiṇṇapatarukkhasa udakāsiñcanaṃ viya hotīti adhippāyo. “Yadaggenā” ti yena kāraṇa koṭṭhāsena. “Vatthu rūpaṃ” ti nirodhāsannaṃ hadayavatthu rūpaṃ. “Evamayam pī” ti evaṃ ayaṃ pacchājātapaccayopi. Vividhena ākārena pharaṇaṃ kālantara desantara gamanaṃ vipphāro. Mahanto vipphāro yassāti samāso. “Vatthumhī” ti hadayavatthumhi. Pañcahi khandhehi vokiṇṇo sammissoti pañcavokāro. Kāma rūpabhavo. Vinā uppajjituṃ na sakkoti. Rūpavirāgabhāvanābalena rūpassa avikkhambhitattāti adhippāyo. “Purejātaṃ vā” ti ekacittakkaṇātīte purejātaṃ vā. “Vaḍḍhanapakke ṭhitaṃ vā” ti tato pacchā yāva aṭṭhama cittakkaṇā vaḍḍhanapakke ṭhitaṃ vā. “Uppannaṃ vatthū” ti uppannaṃ vatthurūpaṃ. “Etthā” ti imasmiṃ purejāta paccaye. Kiñcāpi dissatīti sambandho. “Paccanīye” ti paccanīya vāre. “Tama” ti ārammaṇapurejātaṃ. Tassa ārammaṇassa aparibyattattāvāti sambandho. Kāraṇaṃ vadanti paṭṭhānaṭṭikācariyā. Arūpabhavo maraṇāsannakāle kassaci gatinimittu paṭṭhānaṃ aṭṭhakathāsu vuttameva. Evañcasati, tattha ārammaṇa purejātaṃ laddhabbameva. Paṭṭhānepana tasmim bhavo sabbam purejātapaccayaṃ paṭikkhipati. Kasmā iti ce, vatthu purejātapaccayassa tattha aladdhabbattāti iminā adhippāyena “āruppeviyā” ti vuttam. Ettha ca paṭṭhāne arūpabhavo dvepi purejātapaccayā paṭikkhittā, tasmā sabbepi arūpa puggalā sabbampi rūpadhammaṃ ārammaṇaṃ na karontītipi vadanti. Evañca katvā ārammaṇa saṅgahadīpaniyaṃ ‘asaññībhavato cutānaṃ viya arūpabhavato cutānaṃ pi gatinimittabhūtaṃ kāmapaṭisandhiyā ārammaṇaṃ bhavantare kenacidvārena aggahitaṃ, kevalaṃ kammabaleneva upaṭṭhāpita’nti vuttam. “Gūthakuṇapādīni” ti

gūthañca matapūṭisarīrāni ca. “Evaṃ vuttehī”ti paṭṭhāne vuttehi. Te pana akusalā dhammā katham catubhūmika kusalānaṃ upanissaya paccayā hontīti āha “tatha ānantariya vajjānī”tiādiṃ. Tatha ānantariya kammakatānaṃ kilesāvaraṇa kammāvaraṇehi samannāgatattā jhānamaggappaṭilābho nāma natthīti vuttaṃ “ānantariya vajjānī”ti. “Tānī”ti rāgādīni akusalāni catubhūmika kusalānaṃ uppattiyā balavanissayā hontīti yojanā. “Samatikkamamukhenā”ti paṭṭhāne akusalo dhammo kusalassa dhammassa upanissaya paccayena paccayoti etassa pañhassa vibhaṅge pāṇaṃ hantvā tassa paṭighā tatthāya dānaṃ deti, sīlaṃ samādiyati, uposathakammaṃ karoti, jhānaṃ uppādeti, maggaṃ uppādeti, abhiññaṃ uppādetīti vuttaṃ. Tatha “tassa paṭighātathāyā”ti tassa pāṇātipātakammaṃ paṭihanantathāya pahānantathāya samatikkamanatthāyāti vuttaṃ hoti. So ce pāṇātipātī puggalo puna saṃvegaṃ āpajjitvā tassa kammaṃ samatikkamanatthāya dānaṃ deti, sīlaṃ samādiyati, uposatha kammaṃ karoti. Tadā taṃ pāṇātipātakammaṃ taṃ puggalaṃ dānakammeniyojati nāma. Tathā sīlakamme uposatha kammeti. Yathāhi rājā evaṃ vadeyya imasmim divase yo uposathaṃ nupavasati, taṃ ghātesāmmīti. Tadā sabbepi nāgarā uposathaṃ upavaseyyuṃ. Evamidam datṭhabbam. Rājāvīya hi tassa pāṇātipātakammaṃ. Nāgarā viya so pāṇaghātaṃ. Uposatha kamma kusalāni viya tassa dānasīla uposatha kamma kusalānīti. “Jhānaṃ uppādeti, maggaṃ uppādeti, abhiññaṃ uppādetī”ti padesupi esevanayo. Evaṃ samatikkamamukhena ekampi akusalaṃ sabbāni catubhūmika kusalāni upanissaya sattiya janeti pavatteti veditabbam. “Tāniyeva sabbāni”ti ānantariya kammahitānisabbāni akusalāniyeva sabbesaṃ akusalānaṃ abyākata dhammānaṃ uppattiyā balavanissayā hontīti yojanā. Dānasīlādayo kusalā dhammā. Suṭṭhu balavaṃ kammaṃ adhippetam, na dubbalaṃ. Upanissayaṭṭhānattā. Tesampi rūpadhammānaṃ balavanissayā nanuhontīti sambandho. Katham hontīti āha “bahiddhārukkhatīnādīnaṃ”tiādiṃ. Tatha pathavīrasa āporasavassodaka bījāni rukkhātīnādīnaṃ balavanissayā honti. Mūlabhesajjādīni ajjhataṃ santānaṃ balavanissayā hontīti yojanā. “Pakatassevā”ti pathamatarāṃ katassa uppādanādīkammasseva. “Na evaṃ rūpasantānena”ti evaṃ rūpasantānena uppādītā upasevitā dhammā natthi. “Taṃ”ti utubjādikaṃ. Kammādīkañca. “Pakataṃ”ti puretarāṃ uppādītānaṃ upasevitañca. Sacetanasseva cetanaṃ pakappanaṃ pakaraṇanti sambandho. Cetanaṃ pakappanaṃ pakaraṇaṃ nāmāti attho. “Pakappanaṃ”ti ca saṃvidhānaṃ. “Kiñcī”ti kiñcīkammādīkaṃ utubhojanādīkañca. Attano ca uppannā rāgādayo parassa ca santāne parassa ca uppannā rāgādayo attano ca santāneti yojanā. “Nidassanaṃ”ti udāharaṇaṃ hoti. Manopadosikadevā aññamaññaṃ disvā attano manam padūsentī. Bālham issādhammaṃ uppādeti. Tasmimyeva khaṇe cavanti. Tesam dve issādhammā aññamaññaṃ balavanissayā hontīti. Kāmāvacara kusalassa balavanissayā hontītiādinā yojetabbam. Vibhāvanipāṭhe. Jhāna magga phala vipassanādibhedam ālambaṃ paccavekkhana assādanādi dhamme attādhīne karotīti yojanā. “Attādhīne”ti attāyatte attābaddhe. Paṭṭhāne pañhavāre dānaṃ datvā sīlaṃsamādiyitvā uposathakammaṃ katvā taṃ garuṃ katvā paccavekkhati. Pubbe suciṇṇāni garuṃ katvā paccavekkhantītiādinā āgatattādāna sīla. La. Nibbānāni cevāti vuttaṃ. Rāgaṃ garuṃkatvā assādeti, abhinandatītiādinā, cakkhuṃ garuṃ katvā assādetītiādinā ca āgatattā “rāga diṭṭhi cakkhu sotādīnicā”ti vuttaṃ. “Parattha pī”ti parato nissaya paccayādīsūpi. “So evā”ti paccupatthambhako eva. “Kiñcī”ti kiñcimattampi. Mahābhūte kiñcī upatthambhetuṃ na sakkontīti yojanā. Nanu āhāra rūpaṃ mahābhūte upatthambhetuṃ sakkoti. Jīvitarūpañca kammajamahābhūte anupāletunti. Saccam. Idha pana sahaṃjātapaccaya kiccaṃ adhippetam. Tesañca dvinnam sahaṃjātapaccaya kiccaṃ natthi. Taṃ parato āvī bhavissatīti. “Vatthu vipākānaṃ”ti vatthurūpaṃ vipākānaṃ. Paṭṭhānapāṭhe. Ārammaṇaṃ, nissayo ca, purejātañca, vippayutto ca, atthi ca, avigato cā,ti chasupaccayesu ghaṭṭesu tīṇi visajjanāni labbhantīti yojanā. Tīṇi visajjanāni nāma vatthu kusalānaṃ khandhānaṃ cha hi paccayehi paccayo. Vatthu akusalānaṃ, vatthu abyākatānanti. Ettha ca attano ajjhataṃ vatthuṃ ārabha vatthu me aniccantiādinā sammasantassa vatthurūpaṃ kusalānaṃ khandhānaṃ chahi paccayehi paccayo. Etaṃ mama, eso hamasmi, eso me attā,ti upādiyantassa vatthu rūpaṃ akusalānaṃ. Ubhayatthapi āvajjanakkhaṇe abyākatānaṃ. Arahato pana taṃ aniccantiādinā sammasantassa kriyābyākatānaṃ khandhānanti. Tenāha “paccuppannaṃ vatthuṃ”tiādiṃ. Tatha “paccuppannaṃ vatthuṃ”ti attano paccuppannaṃ vatthuṃ. Adhiṭṭhānavidhāne pana ākāsa gamane rūpakāyaṃ ārabbhacittaṃ viya kāyaṃ lahukaṃ adhiṭṭhahantassa tappariyāpannaṃ vatthu abhiññācitta dvayassatīti yojetabbam. “Aniṭṭheṭhāne”ti javanacittassa āvajjanena vinā uppajjanaṃ nāma katthaci icchitabbam hoti. Katthaci anicchitabbam. Tatha nirodhasamāpattito vuṭṭhāne, maggavīṭhisu gotrabhuvodānaṭṭhāne, āgantuka bhavaṅgaṭṭhāneti idaṃ icchitabbatṭhānaṃ nāma. Ito aññaṃ anicchitabbatṭhānaṃ nāma. Evaṃ anicchitabbe ṭhāneti attho. “Pakatikāle”ti maraṇāsannakālo

aññasmiṃkāle. “Tānivā”ti attano attano nissayavatthūnivā. “Aññaṃ vā”ti vatthuto aññaṃ rūpādikaṃ vā. “Bhinnārammaṇāni nāmā”ti aññaṃ āvajjanassa ārammaṇaṃ, aññaṃ javanānanti evaṃ javanāni āvajjanena bhinnārammaṇāni vā. Tena vuttaṃ “pacchāuppannāni”tiādi. “Tesaṃ”ti vīthiccittānaṃ. “Tadevā”ti taṃ evavatthu rūpaṃ. “Vatthu cā”ti nissayo ca. “Tesaṃ”ti aṭṭhakathācariyānaṃ. Na hi gahetuṃ sakkontīti sambandho. Sesamettha subodhaṃ. “Kasmā vuttaṃ”tiādīsu. “Tassa yakkhassā”ti indakanāmassa tassayakkhassa. “Itaresampī”ti saṃsedajopapātikānaṃpi. “Duvidhenā”ti rūpajanana kiccaṃ rūpūpatthambhana kiccanti evaṃ duvidhena. Athavā “duvidhenā”ti ajjhatahārassa upatthambhanaṃ bahiddhāhārassa upatthambhananti evaṃ duvidhena. “Tathārūpānañcā”ti appanāpattakammavisesena siddhānañca. “Ajjhatahāropī”ti pisaddena yathāvuttajīvitindriyañca arūpāhāre ca sampiṇḍeti. “Vatthuvipākānaṃ”ti vatthurūpaṃ vipākānaṃ. “Sabbathā”ti abyāyapadaṃ. Tañca sabbavibhattiyuttaṃ. Idha pana paccattavacananti āha “sabbathā”ti sabbappakāraṇanti. Pakāro ca veditabboti sambandho. Kathaṃ veditabboti āha “tividho”tiādiṃ. “Sahajāte saṅgahetabbaṃ”ti paccayabhāvena saṅgahetabbaṃ. Sahajanaṃ nāma attanā saha janentassa sahajanaṃ. Tañca kammacittādīnaṃ viya viṣuṃ jananakiccaṃ na hoti. Attani uppajjante eva itarāni rūpāni uppajjanti. Anuppajjante na uppajjantīti evarūpaṃ jananakiccaṃ veditabbaṃ. “Vināva saḥappādanakiccenā”ti attanā saḥappādanakicce āhārassa byāpāro natthīti adhippāyo. Teneva saḥajātāni upatthambhantopi saḥajātapaccayattaṃ na gacchatīti. Esanayo rūpajīvitindriyepi. Tena vuttaṃ “jīvitampī”tiādi. “Tīsū”ti ārammaṇaṇca upanissayo ca atthiccāti imesu tīsu. Ārammaṇādhipatimhi purejātā rammaṇādhipatipi atthi. So purejātatthi paccayo evāti atthipaccaye saṅgahito. “Tasmim kate pavattamānānaṃ”ti tasmim kamme kate tassa katattā eva pavattamānānaṃ. Ārammaṇākāro gocaravisayākāro. “Santānavisesaṃ katvā”ti bījanidhānaṃ katvāti adhippāyo. “Te”ti ārammaṇapaccaya kamma paccayā. “Akāliko”ti maggacetanāvasena akāliko. Sohi attano anantarephalaṃ janeti. Tasmā āgametabbassa āyatikālassa abhāvā akālikoti vuccati. Avaseso nānakkhaṇikapaccayo kāliko. “Paccayaṭṭhenā”ti paccayakiccena. Lokappavattiyā kammahetukattāti sambandho. “Phalāhetū pacārenā”ti phalabhūtāya sabbalokappavattiyā hetubhūtassa kamma nāmaṃ phalaṃ āropetvā vohārena sabbepi tevīsati paccayā kamma sabhāvaṃ nātivattantīti yojanā. Kamma paccaya saṅkhyāṃ gacchantīti vuttaṃ hoti. “Vijjānā yevā”ti atthipaccayā evāti vuttaṃ hoti. “Sāsanayuttiyā viruddhamevā”ti ettha sāsanayutti nāma tīṇipīṭakāni. “Viruddhamevā”ti ārammaṇa paccayabhūtā sabbe pathavī pabbata nadīsamudda ajaṭākāsādayo ca sabbāpaññattiyo ca nibbānañca kamma saṅkhyāṃ gacchantīti vadanto ca, sabbe atītānāgata dhammā atthipaccayā evāti vadanto ca, tīhi piṭakehipi virujjhatiyeva. Paṭṭhānapāliyā pana vattabbameva natthi. Atthi saddohi paṭṭhāne paccuppannabhāvena vijjānānattho. Na paramattha dhamma bhāvena. Nāpiloka sammutivasena. Na hi paramattha dhamma bhūtāpi atītānāgatadhammā idha atthi saṅkhyāṃ gacchanti. Nāpipaṇḍatti hoti. “Aññaṃaññaṃpaṭibaddhaokāse”ti aññaṃaññaṃ nissayanissitabhāve na paṭibaddhe kāmarūpabhavokāse. “Yato”ti yamhāpaṭisandhi viññāṇato. “Yato”ti vā yamhāsīsato, yamhābījato nibbattīti yojanā. “Bījato viya mahārukkhasā”ti bījapaccayā kaḷīraṅkurādikassa mahārukkhasantānassa nibbattiviya. Pāliṇāthe. “Na okkamissathā”ti sace na okkameyya. “Samuccissathā”ti apinukho samucceyya, vaḍḍheyya. “Vokkamissathā”ti sace vigeameyya, vināseyya. “Abhinibbattissathā”ti apinukho abhinibbatteyya, pātubhaveyya. “Vocchijjissathā”ti saceucchijjeyya. “Āpajjissathā”ti apinukho āpajjeyya. “Yadidaṃ”ti yaṃ idaṃ. “Idaṃ”ti nipātamattaṃ. “Viññāṇaṃ”ti paṭisandhiviññāṇaṃ. Yaṃ viññāṇaṃ atthi. Eseva viññāṇa dhammoti yojanā. “Rūpuppattiyā”ti rūpuppādassa. Viññāṇaṃ paccayo etassāti viññāṇa paccayā. Rūpuppatti. “Rūpappaveṇiyā”ti kammajarūpasantatiyā. “Utuāhārāpi”ti ajjhata utuajjhata āhārāpi. Idañca sambhavayutti vasena vuttaṃ. Atthato pana purimuppannāya rūpappaveṇiyā asati, ajjhattaṃ te utuāhārāpi natthiyeva. Bahiddhā utupana asatipi purimuppannāya rūpappaveṇiyā rūpaṃ na janetīti na vattabbaṃ. Tīkāpāthe. “Arūpaṃ panā”ti arūpabhūmipana. “Yasmimrūpe”ti kammajarūpe. “Paccayabhāvo atthī”ti pacchimarūpuppattiyā paccayasatti atthi. Kasmā viññāyatīti ce. “Puttassā”tiādimāha. “Bījabhāvasaṅkhātaṃ”ti ambabījādīnaṃ bījabhāvasaṅkhātaṃ. “Niyāmarūpaṃ nāmā”ti utuvisesamāha. “Yathā vā tathā vā”ti aniyamatoti vuttaṃ hoti. “Yonibhāvasaṅkhātaṃ”ti taṃ taṃ gottakulajātīnaṃ jātibhāvasaṅkhātaṃ. “Niyāmarūpaṃ”ti utuvisesa saṅkhātaṃ niyāmarūpaṃ. Sadiṣāni rūpasanṭhānāni yesanti viggaho. “Paṭisandhirūpasseva ānubhāvo”ti kalalakālādīsu uppānassa paṭisandhirūpasseva ānubhāvo. Puna tamevatthaṃ visesetvā dassetuṃ “apicā”tiādimāha. “Samudāgataṃ”ti suṭṭhu uparūpariāgataṃ. Itthibhāvādirūpaṃ bījarūpañca niyāmetīti sambandho. “Niyāmakāṃ”ti nānāvaṇṇasaṅṭhānādīnaṃ niyāmakāṃ. “Tattha

imasmim bhave’’tiādīsu. Dhanañca dhaññañca tato avasesā sabbeupabhogaparibhogācāti viggaho. Vijjā ca sippañca nānābahussutañca pariyatti cāti dvando. ‘‘Anāgatānaṃ tāsama’’ti tāsama abhinavadhanadhaññādisampattīnaṃ. ‘‘Upānissaya paccayatā’’ti pubbayogakamma upānissaya paccayatā. Tattha dhanadhaññābhogānaṃ paṭilābhatthāya pubbayogakaraṇaṃ nāma kasikamma vañijjakammādīnaṃ karaṇaṃ. Tattha kasikamme tāva dhanadhaññābhogānaṃ paṭilābhatthāya kasikammakaraṇe dhanadhaññābhogā anāgatūpanissaya paccayo. Idāni kasikammakaraṇaṃ tassa paccayuppannaṃ. Dhanadhañña bhogānaṃ paṭilābhaparibhogakālesu kasikammakaraṇaṃ atītūpanissaya paccayo. Tesama paṭilābho ca paribhogo ca tassa paccayuppanno. Kasikammakaraṇakkhaṇe pana khetta, vatthu, bīja, meghavutthiyo ca naṅgalādīni kasibhaṇḍāni ca gomahimsā ca kammakāraka purisā ca paccuppannūpanissayo. Kasikammakaraṇaṃ tassa paccayuppannaṃ. Kammāsādhikassa mātāpitādayo pubbapurisā tassa kamma atītūpanissaya paccayo. Taṃ kammaṃ tassa paccayuppannanti. Evaṃ sesesupi. Sesama suviññeyyama.

‘‘Pañcavidha’’ntiādīsu. ‘‘Saṅghānattaṃ’’ti aṇu, tajjārī, rathareṇu, likkhādīni upādāya sabbesama rūpasāṅghānānaṃ bhāvo saṅghānattaṃ. ‘‘Bhāvo’’ti ca tesama pavatti vuccati. ‘‘Pavatti hetu’’ti ca paramattha rūpa dhammā eva. ‘‘Anupagamanato’’ti ettha sabhāvato atisukhumattā anupagamaṃ veditabbaṃ. Adhivacanasāṅkhātama nāmābhiddhānanti viggaho. ‘‘Adhivacanaṃ’’ti ca atthappakāsakattā adhiṅkaṃ vacanaṃ adhivacanaṃ. ‘‘Nāmābhiddhāna’’nti ca nāmapaññatti vuccati. ‘‘Gahetabba bhāvo’’ti idaṃ cittaṃ nāma, ayaṃ phassonāmātiādīnā kathentānaṃ santikā nāmābhiddhānaṃ sutvā tadanurūpassa sabhāvattassa jānāvasena ñāṇena gahetabbabhāvo. Nāma paññattānusārena jānitabbattā nāmantī vuccatīti vuttaṃ hoti. Ārammaṇe namatīti nāmaṃ. Ārammaṇika dhammā vā ettha namantīti nāmantipi yujjati.

Imasmim paccayaśaṅgahe paccayadhammesu paññattīnaṃpi saṅgahitattā paññatti saṅgahopi therena idha nikkhitto. Tattha ‘‘paññāvīyati’’ti ettha paññāpanaṃ nāma vohāraṭṭhapanama. Tañcaṭhapanama dvīhikāraṇehi sījjhati vadantānaṃ vohārena ca, suṇantānaṃ sampaṭicchana cāti dassetuṃ ‘‘ayaṃ pī’’tiādīmāha. ‘‘Sampaṭicchīyati’’ti yathā pubbapurisehi voharīyati, tathā pacchima janaparamparāhi voharīyati vuttaṃ hoti. Pakārena ñāpīyati paññattītipi yujjati. ‘‘Byañjanattho’’ti manussa, deva, pathavī, pabbatādiko saddattho. ‘‘Paññā pīyanti’’ti pakārena ṭhapīyanti. Saddapaññattim āhāti adhiṅkaṃ. Adhimattabhāvappakāro nāma pathavīpabbatādīsu pathavīdhātuyā adhimatta bhāvaviseso. Nadī samuddodakādīsu āpodhātuyā. Aggikkhandhesu tejodhātuyā. Vātakkhandhesu vāyodhātuyāti evama adhimatta bhāvaviseso. Vividhena pakārena pariṇamaṃ vipariṇāmoti āha tathā tathā vipariṇāmākāraṇanti. Pathavīpabbatādivohāro saṅghitākāraṃ nissāya pavatto na hoti. Pathavī nāma evama saṅghānā, pabbato nāma evama saṅghānoti saṅghānaniyamo natthi. Pamsulānaṃ rāsipuñjappavattimattena vohāro siddhoti vuttaṃ ‘‘na hi idha saṅghānaṃ padhānaṃ’’ti. ‘‘Kaṭṭhādayo eva vuccanti’’ti te evasaṅghānanānattaṃ paṭicca nānavohārena vuccanti. Pathavī pabbata nadī samuddādīsu viya bhūtānaṃ pavattivisesākāraṇanti vuttaṃ ‘‘na hi idha samūho padhānaṃ’’ti. ‘‘Upādāpaññatti’’ti pañcakkhandha dhamme upādāya tehi anaññaṃ ekībhūtaṃ katvā paññatti. Na ākāsa paññatti disādesapaññattiyo viya tehi khandhehi muñcitvā paññatti. ‘‘Yato’’ti yamhādisato. ‘‘Laddhappakāsattā’’ti laddhappabhāsattā. ‘‘Ahassā’’ti divasassa. Uddhumātakādīni ‘uddhumātakama paṭikūlaṃ’’tiādīnā paṭikūlavasena manasikarontassapi nimittaṃ upaṭṭhantaṃ bhūtavikārapakārena upaṭṭhantīti katvā bhūtanimitte saṅgaṇhāti. ‘‘Aṭṭhakathāyama’’ti puggalapaññatti aṭṭhakathāyama. ‘‘Tāsama’’ti bhūmipabbatādīkānaṃ attha paññattīnaṃ. ‘‘Tathā tathā’’ti ayaṃ bhūmi, ayaṃ pabbato, tiādīnā tena tena vohārena. Atthānaṃ paramatthānaṃ chāyāti atthacchāyā. ‘‘Chāyā’’ti ca nimittacchāyāyo vuccanti. Atthacchāyānaṃ ākāro atthacchāyākāro. ‘‘Ākāro’’ti ca nānāsamūha nānāsaṅghānādīko ākāro. Atthoti vā saddābhidheyyo vacanattho. Soyeva samūhākāraṇi nimitta mattattā atthacchāyākāroti vuccatīti imamatthama dasseti ‘‘saddābhidheyya saṅghātenā’’tiādīnā. ‘‘Dabbappaṭibimbākāraṇā’’ti dabbasaṅghātena paṭibimbākāraṇa. ‘‘Olambiyā’’ti avalambitvā. ‘‘Gaṇanūpagaṃ katvā’’ti aya meko attho, idamekaṃ vatthūti evama gaṇanūpagaṃ katvā. ‘‘Imechā’’ti ime chasaddapaññatti vohārā nāma nāmakammādi nāma. ‘‘Attani’’ti nāmapada saṅghāte attani. Attha visayama eva hutvā pavattati bhāsaññūnanti adhippāyo. ‘‘Nāme sati’’ti akkharasamūho padaṃ, padasamūho vākyanti evama vutte nāmapade vijjamāne sati. ‘‘Taduggaṇhantānaṃ’’ti taṃ taṃ nāmapadaṃ vācuggatakaṇa vasena uggaṇhantānaṃ janānaṃ. ‘‘Tadatthā’’ti tassa tassa nāma padassa atthā. ‘‘Āgacchanti yevā’’ti bhāsaññūnaṃ ñāṇābhimukhaṃ āgacchantiyeva. Etena attani atthassa nāmaṃ nāma atthajotana kiccamevāti dīpeti. ‘‘Suṇantānaṃ

ñāṇaṃ”ti ettha “ñāṇaṃ”ti upalakkhaṇa vacanaṃ, akusala viññāṇassapi adhippetattā. “Taṃ taṃ atthābhimukhaṃ nāmeti”ti ārammaṇa karaṇavasena nāmeti. “Nāmaggaṇa vasaṇā”ti ayaṃ asukonāma hotūti evaṃ nāmaggaṇavasena. “Dhāriyati”ti yāvajīvaṃpi appamussamaṇaṃ katvā dhāriyati. Nīharitvā vuccati attho etāyāti nirutti. “Etāyā”ti karaṇabhūtāya etāyanāmajātiyā. “Aviditapakke”ti nāmapadaṃ assutakāle aviññātapakke. “Tato nīharitvā”ti aviditapakkhato ñāṇena nīharitvā. “Kathiyati”ti taṃ sutakāle vadantena suṇantassa ācikkhīyati jānāpiyati. “Atthassā”ti aviditapakke thitassa atthassa. “Etsasā vā”ti nāmapadasseva. Nāmapadanti ca kriya padaṃpi, upasaggapadaṃpi, nipātapadaṃpi, pātipadikapadaṃpi, idha nāmapadantveva vuccati. “Visesaṇabhūtānaṃ”ti aññāpadatthasamāse samāsapadānaṃ atthā visesaṇā nāma. Evaṃ visesaṇabhūtānaṃ. “Puggalassā”ti aññāpadatthabhūtassa abhiññālābhī puggalassa. “Vadanti”ti ānandācariyaṃ sandhāya vuttaṃ. So hi dhammasaṅgaṇiyaṃ paññattidukaniḍḍese mūlaṭṭikāyaṃ tathā vadati. “Tabbhāvaṃ”ti akkhara padabyañjanaḥvaṃ. “Assā”ti nāmapaññattiyā. Akkharapadabyañjanaṃ gocaro ārammaṇaṃ assāti viggaho. “Anusāreṇā”ti anugamaṇena. “Lokasaṅketa nimmitā”ti lokasaṅketaññāṇena pavattitā. “Lokasaṅketaññāṇaṃ”ti ca idaṃ nāmaṃ imassatthassa nāmaṃ, ayamatto imassa nāmassa atthoti evaṃ puretaraṃ lokasaññāṇa jānanakaññāṇaṃ. “Atīta saddamattārammaṇā”ti sotaviññāṇa vīthiyā ārammaṇaṃ hutvā niruddhaṃ atīta saddamattaṃ kurumānā. “Tena vuttavacane”ti tena sikkhaṃ paccakkhantena bhikkhūnā sikkhaṃ paccakkhāmīti vuttavacane. Paccuppannaṃ saddaṃ sotaviññāṇa vīthiyā, atītaṅca saddaṃ manoviññāṇa vīthiyāti yojanā. “Tāni akkharāni”ti sikkhaṃ paccakkhāmīti vākye avayavakkharāni. “Ayaṃ akkhara samūho”ti idaṃ nāmapadanti vuttaṃ hoti. Etsasā atthassa. “Vinicchayavīthiṃ”ti akkhara padasallakkaṇavīthiṅca. “Ekakkhare sadde”ti ‘go’ iccāḍike ekakkhare paññatti sadde. “Yā”ti nāma paññatti. “Vadantassa manasā”ti sambandho. “Pubbabhāge”ti yaṃ kiñci atthaṃ paresaṃ vattukāmo vadanto tassa tassa atthassa nāmaṃ pathamaṃ manodvāravīthiyā niyametvā eva vadati, taṃ nāmaṃ pubbabhāge vadantena manasā vavattāpitā nāmapaññattīti vuccati. Paṭipāṭikathanaṃ pavattikkamakathanaṃ. “Vuttaṃ”ti aṭṭhakathāsu vuttaṃ. Tathā addhamattikanti ca vuttanti sambandho. “Vuttaṃ”ti ca saddasatthesu vuttaṃ.

Gāthāyaṃ. “Mattā”ti ekavijjuppādakkaṇaṃ vuccati. Ekā mattāyassāti ekamatto. “Dīghamuccate”ti dīgho nāma vuccate. “Pluto”ti nānappakāreṇa ruto gāyitoti paruto. So eva rakārasa lakāraṃ katvā pakāre ca saralopaṃ katvā plutoti vuccati. Gītanti vuttaṃ hoti. “Paramattha saddasaṅghāṇaṃ”ti paramparā pavattānaṃ paramattha saddarāsīnaṃ. “Anekakoṭṭisatasahasāni cittāni”ti javanavīthiṅca antarantarā bhavaṅgacittehi saddhiṃ anekakoṭṭisatasahasāni cittāni.

Paṭṭhānanayānudīpanā niṭṭhitā.

Paccayasaṅgahānudīpanā niṭṭhitā.

9. Kammatṭhānasaṅgahaanudīpanā

170. Kammatṭhānasaṅgahe. Vidito viññāto nāmarūpa vibhāgo yenāti viggaho. Yogī puggalo. “Kilese sameti”ti kāmacchandāḍike nīvaraṇakilese upasameti. “Tathā pavatto”ti bhāvanāvasena pavatto. Vūpasamanavasena vā pavatto. “Tāyā”ti tāyabhāvanā paññāya, passantīti sambandho. “Passitaṃ”ti samanupassitaṃ. Kathaṃ kasiṇabhāvanādikaṃ yogakammaṃ attāva attano thānaṃ hotīti vuttaṃ “ādimajjhāpariyosānānaṃhī”tiādi. Vibhāvanipāṭhe. “Padaṭṭhānatāyā”ti etena tiṭṭhāti anivattamānaṃ pavattati etenāti thānanti atthena padaṭṭhānameva thānanti vuccatīti dīpeti. “Sukhavisesānaṃ”ti jhānasukha maggasukha phalasukhānaṃ. “Dasakasiṇāni”tiādisu mukhyato vā upacārato vā dvidhāpi atthaṃ dassetaṃ “dasakasiṇāni”tiādi vuttaṃ. “Sesānipi”ti appamaññādīni sesakammattṭhānāni. Yaṃ yaṃ anurūpaṃ yathānurūpaṃ. “Samudācāraṇaṃ”ti punappanaṃ bhusaṃ pavattanaṃ. “Samsagga bhedo”ti ekamekassa puggalassa kassaci dvecariyā, kassaci tissotiādinā sammissa vibhāgo. Aṭṭhakathāyaṃ”ti visuddhimagga aṭṭhakathāyaṃ. “Sabbāyapi appanāyā”ti jhānappanāya ca maggappanāya ca phalappanāya ca. “Yā āsanne pavattā dūre pavattāti adhikāro. “Itarā panā”ti dūre pavattāpana. “Tāsaṃ panā”ti tissannaṃ bhāvanānaṃ pana. “Tesaṃ pi”ti dvinnaṃ nimittānaṃpi. “Vidatthacaturāṅgulaṃ”ti nāma vitthārato caturāṅguladhikaṃ vidatthippamaṇaṃ. Vidatthippamaṇaṃ vā caturāṅgulappamaṇaṃ vātipi yujjati. Tathāhi

visuddhimagge vāyokasiṇa vidhāne caturaṅgulappamāṇaṃ sīsaṃ vātena pahariyamānaṃ disvāti vuttaṃ. Khalamaṇḍalaṃ nāma kassakānaṃ kassamaddanabhūmibhāgamaṇḍalaṃ. “Kataṃ vā”ti nīlādivaṇṇavisesarahitaṃ aruṇavaṇṇaṃ mattikakkaṇḍaṃ udakena madditvā cakkamaṇḍalaṃ viya parimaṇḍalaṃ sumaṭṭhataṃ pathavimaṇḍalaṃ karonti. Evaṃ kataṃ vā. “Akataṃ vā”ti katthaci bhūmibhāge kenaci akataṃ sayam jātaṃ vā. “Kasiṇena jambudīpassā”ti ettha.

Buddhoti kittayantassa, kāye bhavati yā pīti;
Vameva hi sāpīti, kasiṇenapi jambudīpassāti.

Gāthāseso. Tattha jambudīpassa kasiṇato sāpītivārā evāti yojanā. “Kasiṇato”ti ca sakalamaṇḍalato. Sakalassa jambudīpamaṇḍalassa issariyādhipatito pīti vuttaṃ hoti. “Sannivīṭṭhā”ti samaṃ saṅṭhitā. “Saṅṭhāna paññatti”ti maṇḍalasaṅṭhānena upaṭṭhitā nimittapaññatti eva vuccati. “Phuṭṭhaṭṭhāne”ti kāyevā rukkhaggādīsuvā vātena pahataṭṭhāne. “Vāyu vaṭṭi”ti vātaparimaṇḍalaṃ. Candasūriyānaṃ aggissa ca obhāseṇa visiṭṭhāti samāso. “Visiṭṭhā”ti visesitā.

“Dhūmātaṃ”ti dhūmāyitaṃ. Dhūmapūritapaṭaṃ viyāti vuttaṃ hoti. Tenāha “sūnabhāvaṃ gataṃ”ti. Ante kakāro nindatthajotakoti vuttaṃ “kucchitattā”ti. Jegucchi tabbattāti attho. “Chavasarīrassā”ti lāmakasarīrassa. “Tadevā”ti chavasarīrameva. Vipubbakaṃ vicchinnakaṃ nāmāti sambandho. Tattha visesena nīlantivinīlaṃ. Tameva kucchitattā vinīlakaṃ. “Tadeva puna paccitvā”ti vinīlakaṃ sarīrameva puna kālātikame paccitvā. Pūtilohitānaṃ paripakkabhāvaṃ patvāti attho. Tato tato dvāracciddato. Yuttaṃ tadeva sarīranti sambandho. Vicchinnakaṃ nāma, vicchiddakantipi paṭṭhanti. “Apakaḍḍhitvā”ti khaṇḍāni sarīrato mocetvā taṃ taṃ padesaṃ kaḍḍhitvā. “Paggharitalohita sarīraṃ”ti chinnaviddhaṭṭhānesu vaṇamukhehi paggharitalohitasarīraṃ.

“Buddhānussatī”ti ettha buddhasaddo guṇyūpacāra vacanaṃ hoti. Guṇino dabbassa nāmena guṇānaṃ gahetabbattāti vuttaṃ “buddhaguṇassa anussati buddhānussatī”ti. Esanayo dhammānussatādīsū. “Arahatādi”ti arahatādiguṇo. Vigatāni dussilyādi malāni ca maccheraṇca yassa taṃ vigatamalamaccheraṃ. Tassa bhāvoti viggaho. “Attanā adhigatanibbānaṇcā”ti etena ariyapuggalānaṃ kilesānaṃ accantavūpasamo vutto. “Yaṃ ārabbhā”ti yaṃ puggalaṃ ārabbhā. Hitūpasamhāro nāma ayaṃ puggalo avero hotu, abyāpajjo hotūtiādinā averatādīni hitasukhāni tasmim puggale cittaṇa upasaṃharaṇaṃ. Karuṇā, muditā, heṭṭhā cetasikasaṅgahe vuttatthā eva. Hitūpasamhāro ca hitamodanā ca ahitāpanayanaṇcāti dvando. Tattha hitūpasamhāro mettāya kiccaṃ. Hitamodanā muditāya. Ahitāpanayanaṃ karuṇāya kiccaṃ. Tattha paraṃ hitasukhasampannaṃ disvā tena parahitena attani pītipāmojjavaḍḍhanaṃ hitamodanā nāma. Paraṃ dukkhitaṃ disvā ayaṃ imamahādukkhā muccatu, mākilamatūti evaṃ cittaṇa parasmim ahitassa dukkhassa apanayanaṃ ahitāpanayanaṃ nāma. “Tesaṃ”ti parasattānaṃ. Sassa attano idanti sakaṃ. “Idaṃ” sukhadukkhakāraṇaṃ. Attanā katakammaṃ eva sakaṃ yesaṃ te kammassakā. Parasattā eva. Tesaṃ bhāvo. Tassa anubrūhananti viggaho. “Sīmasambhedo”ti attā ca piyapuggalo ca majjhappuggalo ca veripuggalo cāti catasso sīmā. Sambhindanaṃ sambhedo. Sammissanaṃ anānattakaraṇanti attho. Sīmānaṃ sambhedo sīmasambhedo. Sabbā itthiyo, sabbepurisātiādinā odhiso paricchedato pharaṇaṃ odhisopharaṇaṃ nāma. Sabbesattā, sabbepāṇā, sabbabhūtātiādinā anodhiso aparicchedato pharaṇaṃ anodhisopharaṇaṃ nāma. Puratthimāyadisāya sabbesattā averāhontūtiādinā disāvibhāgavasena pharaṇaṃ disāpharaṇaṃ nāma. “Taṃ samaṅgīno cā”ti tāhi appamaññāhi samaṅgīno puggalā. “Niccaṃ sommahadayabhāvenā”ti sabbakālaṃ santasītala hadayabhāvena. Brahmasaddo vā seṭṭhapariyāyo ‘brahmaṃ puññaṃ pasavatī’tiādīsū viya. Asitabbaṃ bhuñjitabbanti asitaṃ. Pañcabhojanaṃ. Pātabbanti pītaṃ. Atṭhavidhaṃ pānaṃ. Dantena khāyitabbaṃ khāditabbanti khāyitaṃ. Pūvakkhajjaphalakkhajjādikaṃ nānākhādānīyaṃ. Aṅgulīhipi gahetvā sāyitabbaṃ lehitabbanti sāyitaṃ. Madhupphāṇitādikaṃ sāyanīyaṃ. Sarasappaṭikūlatā nāma attano sabhāvato paṭikūlatā. Catubbidhopi hi āhāro bhājanesu vā hatthamukhādīsū vā yattha yattha sammakketi, laggati, limpati. Taṃ udakena dhovitabbaṃ hoti. Adhotam pana tampi jegucchanīyaṃ hoti. Āsayato paṭikūlatā nāma tassa ajjhoharīyamānassa kaṇṭhādīsū ṭhitehi pittasemhādīhi āsayehi sammissanavasena paṭikūlatā. Nidhānato paṭikūlatā nāma nidhānato paṭikūlatā. “Nidhānaṃ”ti ca āmāsayo vuccati. Pakkato paṭikūlatā nāma tassa nidhānagatassa paripakkakāle gūthamuttādibhāvapattito paṭikūlatā. Apakkato paṭikūlatā nāma tasmim aparipakke ajiṇṇe sati sarīre

nānāroguppattivasena paṭikūlatā. Phalato paṭikūlatā nāma tassa paripakkakālato paṭṭhāya sarīre kesalomādīnaṃ paṭikūlarāsīnaṃ vaḍḍhanavasena paṭikūlatā. Nissandato paṭikūlatā nāma tassa na vahidvārehi vā lomakūpehivā aññehi nānāvaṇamukhehi vā uggharaṇa paggharaṇādivasena paṭikūlatā. “Tatthā”ti tasmim catubbidhe āhāre. “Nikantippahānasaññā”ti kantāramagge mātāpitūnaṃ kantāranittaraṇatthāya putta maṃsakhādane viya ati manuññepi āhāre rasatanhā pahānavasena pavattā saññā. “Salakkhaṇādivasena”ti salakkhaṇasasambhārādivasena. “Rāgena caratī”ti ettha “rāgena”ti karaṇatthe, itthambhūtalakkhaṇevā karaṇa vacanaṃ. Tattha karaṇatthetāva “rāgena caratī”ti catūsu iriyāpathesu yebhūyena rāgacittena carati. Rāgacittena niyyamāno vicarātīti vuttaṃ hoti. Itthambhūta lakkhaṇe pana “rāgena caratī”ti tesu rāgaketu rāgadhajo hutvā vicarātīti vuttaṃ hoti. “Assā”ti tassapuggalassa. “Ussanno”ti uggato pākaṭataro. Bahutarotipi vadanti. “Pahānāyā”ti ettha itisaddo ādi attho. Tena karuṇā bhāvetabbā vihiṃsāya pahānāya. Muditā bhāvetabbā aratiyā pahānāyāti imaṃ pālisesaṃ saṅgaṇhāti. “Nissaraṇatāvacaṇato”ti nissaraṇañhetam byāpādassa yadidaṃ mettāceto vimutti. Nissaraṇañhetam vihesāyayadidaṃ karuṇā cetovimutti. Nissaraṇañhetam aratiyā yadidaṃ muditā ceto vimuttīti evaṃ nissaraṇa bhāvavacaṇato ca. Catasso appamaññāyo. La. Dosa caritassāti vuttaṃ. “Dosa vatthutābhāvato cā”ti dosuppattiyā vatthu bhāvassakaraṇa bhāvassa abhāvato ca. Nīlādīni cattāri kasiṇāni dosa caritassāti vuttaṃ. Kasmāpanettha dosa caritassa upekkhā sappāyakāraṇaṃ visuṃ na vuttanti. Aññakāraṇatā na vuttanti dassento “ettha cā”tiādīmāha. “Tisso”ti tisso appamaññāyo. “Manāpiyarūpānī”ti manāpiyavaṇṇāni. Vikkhittacitto ca hotīti adhikāro. “Tassā”ti pamāda bahulassa vikkhittacittassa ca puggalassa. Vuttaṃ siyā. Visuddhi magge pana evaṃ vuttaṃ natthīti adhippāyo. Vibhāvanipāthe. “Buddhivisaya bhāvenā”ti vuttaṃ. Yadi buddhivisayattā mohacaritassa sappāyaṃ. Buddhivisayabhūtāni maraṇa upasamasaññā vavattānānīpi mohacaritassa sappāyāni siyunti vuttaṃ “evañhisatī”tiādīm. “Bhūtakasiṇānī”ti pathavīkasiṇādīni mahābhūtakasiṇāni. “Tatthāpi”ti vā tesu cattālīsa kammaṭṭhānesupi. Evaṃsati vaṇṇakasiṇānaṃ puthulakhuddakatāpi ettha saṅgahitā hotīti. “Mahantaṃ”ti vidatthi caturaṅgulato mahantaṃ. Yadi evasaddo yathārutameva yujjeyya. Evaṃsati khuddakaṃ vitakkacaritasseva sappāyaṃ, na buddhacaritādīnanti evamatthopi gaṇheyya. Atha buddhacaritassa pana asappāyaṃ nāma natthīti aṭṭhakathāvacaṇena virujjheyyāti iminā adhippāyena “khuddakanti padeyujjātī”ti vuttaṃ. Athavā, puthulaṃ mohacaritassa, khuddakaṃ vitakkacaritasseva, namohacaritassāti atthe sati, buddhacaritādīnaṃ pana puthulampi khuddakampi anuññātaṃ hotīti datṭhabbaṃ. “Sabbāñcetaṃ”ti sabbāñca etaṃcaritavibhāgavacaṇaṃ. Ujuvipaccanīkavasena tīsu akusala caritesu puggalesu. Vitakka carite ca atisappāyatāya saddhābuddhi caritesūti adhippāyo. Tenāha “rāgādīnaṃ pana avikkhambhikā”tiādīm.

“Buddhadhamma. La. Guṇānaṃ”ti ettha guṇasaddo pubbapadesu yojetabbo buddhaguṇānañca dhammaguṇānañcātiādīnā. “Tatthā”ti tasmim guṇapade. Na tappetīti atappanīyo. Tappanaṃ santuṭṭhiṃ na janetīti attho. Saṃvejanaṃ saṃvegaṃ janetīti saṃvejaniyo. “Dhammo”ti sabhāvo. Saṃvejaniyo dhammo yassāti saṃvejaniya dhammaṃ. Maraṇaṃ. “Pañcamajjhānasamādhissā”ti rūpāvacara pañcamajjhāna samādhissa. “Udayamattānī”ti vaḍḍhitamattāni. “Tatthā”ti paṭikūlārammaṇesu. “Pubbacchaṭṭakassā”ti purāñacchaṭṭakassa. Gūthamuttavissajjana kassāti vuttaṃ hoti. Tenāha “gūtharāsi dassane viyā”ti. Na te kadāci somanassena vinā appanaṃ pāpuṇanti. Byāpādavihiṃsā aratīnaṃ dūribhāvena somanassuppattiyā atisukarattā pañcamajjhāne viya sukkhasomanassānañca avikkhambhanaṃ. “Udāsinapakkhe”ti ajjupekkhanapakkhe. “Dalhaṃ”ti bhusaṃ. “Vibhūtaṃ”ti pākaṭaṃ. Nimittaṃ dalhavibhūtaṃ katvā gahaṇaṃ dalha vibhūtaggahaṇaṃ. “Kassaci ārammaṇassā”ti buddhaguṇādi ārammaṇassa. “Paṭibhāganimittaṃ”ti ettha paṭibhāgasaddo tassa dise pavattoti āha “tādise”tiādīm. “Tamaṣaṇṭhāne”ti etena pathavimaṇḍalādīsū viya saṇṭhānākārena ṭhitesu sabhāva dhamma puñjesu eva tassadisam paṭibhāganimittaṃ nāma sijjhatīti dasseti. “Eva”nti samathasaṅgahe tāva dasakasiṇāni, dasaasubhātīādīnā vuttana vacanakkamena. “Uggahakosallaṃ”ti bhāvanākammaṃ ārabhitukāmena bhikkhunā ācariyassa santike sabbassa kammaṭṭhāna vidhānassa uggahaṇaṃ uggaho. Tasmim kosallaṃ uggahakosallaṃ. Apicettha. Sabbaṃ uggahitaṃ asakkontena yaṃ attanā ārabhissati. Tassa ekassa vidhānaṃ paripuṇṇaṃ uggahetabbaṃ. “Uggaṇhantassā”ti ettha ukāro upari attho. “Gahaṇaṃ”ti ca yathā citte avinassamānaṃ hutvā labbhati, tathā katvā cittaṃ gahaṇanti dassetuṃ “uparūpari”tiādi vuttaṃ. “Samanupassantassā”ti sammā punappunaṃ cakkhunā dassanasadisam karontassa. Parito samantato karaṇaṃ parikammaṃ. Tasmim nimittaggahaṇakammaṃ yaṃ yaṃ kattabbavidhānaṃ atthi, taṃ taṃ paripuṇṇaṃ katvā gahaṇanti vuttaṃ hoti. Bhāvanāti vaḍḍhanāti imamatthaṃ dassento

“punappuna”ntiādimāha. “Nirantaram padahantassā”ti rattidivam nirantaram ārabhantassa. Uggaha nimitte saṅghānam gaṇhantopi vaṇṇarūpādīnā sabhāva dhammena saheva gaṇhāti. Paṭibhāganimitte pana sabhāvadhammam muñcivā tassa disam nimitta paññatti sankhātam suddhasaṅghānameva gaṇhāti. Ettha siyā, paṭibhāganimittepi vaṇṇo nāma sandissati yevāti. Saccam. So pana paṭibhāgamattam hoti. Na ekantavaṇṇo. Tenāha “tappaṭibhāgam vattu dhammavimuccitam”ti. “Sannisinnam”ti acalam. “Pavesitam”ti bhāvanācittassa abbhantare pakkhittam viya hotīti adhippāyo. Obhāsati obhāso. Obhāso hutvā jātanti obhāsajātam. Obhāsanam vā obhāso. Jāto obhāso assāti obhāsajātam. “Pātentī”ti paṭipātentī. Puna uppajjanavasena uttātum na denti. “Etāyā”ti kattu atthe karaṇavacanam. “Nimittarakkhaṇavidhānam”ti samuppannassa nimittassa anassanattāya sattavidhehi palibodha dhammehi rakkhaṇattham. Katame pana tesattavidhā palibodhadhammā nāmāti. Idha amhehi vattabham natthi. Visuddhi magge eva te vuttāti dassetum gāthamāha. “Āvāso”ti asappāyāvāso. “Gocarō”ti asappāyagocaragāmo. “Bhassam”ti asappāyavacanam. Evaṃ puggalādīsu. “Sevethā”ti seveyya. “Evañhipaṭipajjato”ti evaṃhivajjitabbe vajjanavasena sevītabbe sevanavasena paṭipajjantassa. “Kāmatanāya visayabhāvam atikkamitvā”ti etena kāmabhūmi kāmabhavasamatikkamo, rūpabhūmirūpabhava okkamo ca vutto. Vasanam vasī. Satti. Sāmatthiyanti attho. Vasim bhūtam pattanti vasibhūtam. Vasī eva vasitā. Yathā pāramitāti. “Tato vicāranti” ettha itisaddo ādiattho. Tena tato pītiṃtiādim saṅgaṇhāti. Icchantānam tesam sabbaññubuddhānam. “Yatthā”ti yesudvīsubhavaṅgesu. “Bhavaṅgacāre”ti bhavaṅgappavattiyam. “Dandhāyitattam”ti dandham hutvā ayati pavattatīti dandhāyitam. Tassa bhāvo dandhāyitattam. “Ṭhpetum”ti adhiṭṭhānam katvā ṭhpetum. Tato anatikkamitum. “Yatthicchakam”tiādīni kriyāvisesanapadāni. “Yatthicchakam”ti yattha yattha ṭhāne icchānu rūpam. Yadicchakantiyasmim yasmim khaṇe icchānu rūpam. “Yāvatichchakam”ti yattakena pamāṇena icchānu rūpam. “Vitakkādikam oḷārikaṅgam pahānāyā”ti ettha kassa balena pahānam hoti. Tam tam virāga bhāvanā balena pahānam hoti. Kāca tam tam virāgabhāvanā nāma hoti. Ajjhāsaya visesa pariggahitā upacārabhāvanā evāti imamattham dassetum “pathamajjhānam tāvā”tiādī vuttam. “Ātāpavīriyam”ti yena vīriyena yogino attānam vā kilesa dhamme vā ātāpentī paritāpentī. Tam ātāpavīriyam nāma. Ugghāṭiyamānampi ākāsameva hoti. Tam ārabha uparijhanantaruppattiyā bhāvanam karontassapi punappunam tameva pañcamajjhānam uppajjati. Ārammaṇe ca anatikkante jhānampi anatikkantameva hotīti. “Tatthā”ti tasmim ākāsakaṣiṇe. “Tadatikkamanasambhavo”ti kaṣiṇa nimittātikkanasambhavo. “Yathādiṭṭhe”ti jhānacakkhunā diṭṭhappakāre. “Sambhāvetvā”ti thometvā. Sammā anussaraṇam samanussaraṇam. “Itaresampi vā”ti puthujjana paṇḍitānampi vā. Maraṇa saññā vavatthānesu parikkammaṇca samādhīyati, upacāro ca sampajjati yojanā tikkhapaññānam pana puthujjanānampi satam buddhaguṇādīsūpi upacāra sambhavo aṭṭhakathāyam vuttoyeva. “Samathajjhānesū”ti idam adhiṅgārasena vuttam. Vipassanā kammampi gahetabbamevāti daṭṭhabbam. Pubbedānam datvā iminā puññena āyatim jhānābhīññāyo vā maggaphalāni vā paṭilabhissāmīti patthanam katvā āgatopi katādhikāro evātipi vadanti. Katamo pana katādhikāro nāmāti āha “āsannabhāve”tiādīm. Aṭṭhavidhesu catukkanayavasena, navavidhesu pañcakanayavasena vuttoti tesam vādīnam sādhakavacanam. Vicāretvā pana gahetabbam. Ākāsa kaṣiṇena vinā arūpajjhānāni labhitvā puna abhiññatthāya parikkammekate ākāsakaṣiṇepi kattabbattā tassa abhiññāpādakatā sambhavo vuttoti atthassa sambhavato. Pubbe abhāvita bhāvanoti ca akatādhikāroti ca atthato ekam. “Ādikammiko”ti abhiññākamme ādikammiko. “Tādisānam”ti pubbe akatādhikāranam abhāvītabhāvanānam idāni iddhivikubbanam karissāmīti ārabhantānam abhiññākamme ādikammikakulaputtānanti sambandho. “Iddhivikubbanam”ti ca upalakkhaṇavacanam. Dibbāya sotadhātuyā saddam savanam karissāmītiādīkampi gahetabbam. Idāṇca ādikammikavidhānādhikārattā vuttam. Abhiññāsu vasipattānampi tam pañcamajjhānam chasuārammaṇesu yathāraham appetiyeva. “Adhiṭṭhātabbam”ti yathicchita nipphattatthāya satam hotu sahasam hotītiādīnā citta abhividhātabbam. Abhinīharitabbanti vuttam hoti. “Satham homi, sahasam homīti vā”ti attānam satam vā sahasam vā nimminanavasena vuttam. Sesam pana aññathānimminanavasena. Sotum vā saddam, passitum vā rūpam, jānitum vā paracittam. Anussaritum vā pubbenivuttam. Aṭṭhakathāpāṭhe. “Adhiṭṭhātī”ti abhiññāya adhiṭṭhātī. Abhividhātī nibbatetīti vuttam hoti. Duvidhamhi adhiṭṭhānam parikkamma adhiṭṭhānam abhiññāya adhiṭṭhānanti. Idha pana abhiññāya adhiṭṭhānam vuttam. “Adhiṭṭhāna cittenā”ti abhiññācittenti vuttam hoti. “Parikkammacittassā”ti pubbabhāge āvajjana parikkamma adhiṭṭhānaparikkammacittassa. Pacchīnam pana pādakajjhāna samāpajjanam. Parikkammacittassa samādhānatthāyati vuttam. Parikkammacitte samāhite kiṃ payojananti āha “tathāhī”tiādīm. “Sesābhīññāsupi yathāraham

vattabbo’’ti dibbasotaparikamme tenevaparikamma samādhiññāṇasotena āsanne dibbavisayampi saddaṃ suṇātītiādinā vattabbo. “Iti katvā’’ti iti manasikatvā. “Taṃ’’ti pacchimaṃ pādakajjhāna samāpajjanaṃ. “Idha nagahitanti daṭṭhabbaṃ’’ti therassa matena daṭṭhabbanti adhippāyo. Idha pana ādikammikavidhānappadhānattā pacchimaṃ pādakajjhāna samāpajjanaṃ vattabbamevāti. “Kāyagatikaṃ adhiṭṭhahitvā’’ti ayaṃ kāyo viya idaṃ cittaṃ dandhagamaṇaṃ hotūti evaṃ cittaṃ kāyagatikaṃ karaṇena adhiṭṭhahitvā. “Dissamānena kāyena’’ti dandhagamaṇena gacchantattā bahujaṇānaṃpī dissamānena rūpakāyena. Tabbi parītena sīghagamaṇaṃ veditabbaṃ. “Ārammaṇamattaṃ hotī’’ti anipphannarūpaṃ sandhāya vuttaṃ. “Ārammaṇa purejātaṃ’’ti nipphannarūpaṃ. Itaraṃ pana hadaya vatthurūpaṃ sandhāya vuttanti daṭṭhabbaṃ. Paracitta vijānanaṭṭhāne aṭṭhakathāṭīkācariyānaṃ vicāraṇā atthīti taṃ dassetuṃ “ettha ca aṭṭhakathāyaṃ tāvā’’tiādi vuttaṃ. “Aṭṭhakathāyaṃ’’ti dhammasaṅgaṇi aṭṭhakathāyaṃpī visuddhimagga aṭṭhakathāyaṃpī. “Khaṇikavasena’’ti khaṇikapaccuppannavasena. Āvajjane niruddheti sambandho. “Ekaṃ cittaṃ’’ti parassa cittaṃ. Tadeva atītaṃ cittaṃ gaṇhanti. “Tānī’’ti javanāni. “Tesaṃ’’ti javanānaṃ. “Tenā’’ti āvajjana. “Itarathā’’ti aññathā santati addhāvasena vuttanti gahite sati. Vutto siyā. Kasmā, santati addhāvasena paccuppanne gahite sati, sabbāya ekajavanavīthiyā ekapaccuppannattā. “Sabbāni cittānī’’ti javanacittāni. “Sahuppannānī’’ti idaṃ sahuppannānaṃpī atthitāya vuttaṃ. Āvajjanādīni pana khaṇabhedam nagaṇhanti. Sabbam parassa cittaṃ ekacittamiva gaṇhanti. Tasmā kālabhedopi natthīti daṭṭhabbaṃ. “Nibbānañcā’’ti vuttaṃ, katham nibbānaṃ pubbenivuttham nāma siyāti. Atīte parinibbutānaṃ maggaphalāni anussaraṇakāle tesam ārammaṇabhūtaṃ nibbānaṃpī anussaratiyeva. Tattha tesam maggaphalānaṃ atītattā nibbānaṃpī pubbenivuttham nāma hotīti.

“Yaṃ yaṃ adhiṭṭhātī’’ti yaṃ yaṃ satādikaṃ saṃvidhātī. “Yathā yathā adhiṭṭhātī’’ti yena yena āvibhāvādikena pakārena saṃvidhātī. “Pakativaṇṇaṃ’’ti pakatisaṇṭhānaṃ. “Tassevā’’ti pakativaṇṇasseva. Devānaṃ pasādasotanti sambandho. “Ārammaṇa sampaṭicchana samatthaṃ’’ti ārammaṇassa upaṭṭhānaṃ sampaṭicchana samatthaṃ. Tadeva cetopariyaññāntipi vuccatīti sambandho. “Ceto’’ti cittaṃ. “Paricchijjā’’ti idaṃ sarāgacittaṃ, idaṃ virāgacittantiādinā paricchinditvā. “Gocara nivāsavasena’’ti gocaraṃ katvā nivāsanavasena. Sabbaññutaññānagatikaṃ sabbaññubuddhānaṃ anāgataṃ saññāṇanti adhippāyo. Anāgate sattadivasato orimā cittacetāsika dhammā cetopariyaññāṇassa visayoti katvā anāgate sattadivasatoti vuttaṃ. Paṭṭhāya pavattamānāti pāṭhaseso. Imasmiṃ divase ca anāgatapakke sabbam pī ārammaṇaṃ pakatiññāṇassa visayoti katvā “dutiyadivasato paṭṭhāyā’’ti vuttaṃ. “Etaṃ’’ti etaṃ anāgataṃ saññāṇaṃ. “Yathā cetam’’ti yathā ca etaṃ imasmiṃ bhava anāgata dhamme jānāti. “Asādhāraṇakālavasena’’ti aññenaññāṇena asādhāraṇa kālavasena. Paccuppannabhavohi aññāññāṇasādhāraṇoti.

Samathakammaṭṭhānānudīpanā niṭṭhitā.

171. Vipassanākammatṭhāne. “Yathādiṭṭhaṃ’’ti sakkāyadiṭṭhiyā yathādiṭṭhaṃ. Niccanimittam nāma sattapuggalādinimittameva. Sattanimittañhi paññatti dhammattā khaṇekhaṇe khayavayabhedābhāvato so evagacchati so eva tiṭṭhatītiādinā niccākārasaṇṭhitam hotīti. “Dhuvanimittam’’ti thiranimittam. Idampi so gacchantopi nanassati, tiṭṭhantopi nanassatītiādinā thirākārasaṇṭhitam sattanimittameva. “Sukhanimittam’’ti khaṇekhaṇe khayavayabheda dukkhānaṃ abhāvato sukhito niddukkho nibbhayotiādinā sukhākārasaṇṭhitam sattanimittameva. “Attanimittam’’ti gantuṃ icchanto gacchati, ṭhātuṃ icchanto tiṭṭhatītiādinā vasavattanākāra saṇṭhitam sattanimittameva. “Kiriya’’ti bhāvanākiriya.

Visujjhatīti visuddhi. Visodhetīti vā visuddhi. Sīlameva visuddhi sīlavisuddhīti imamattaṃ dassento “niccasīlamevā’’tiādimāha. Tattha niccasīlameva uparijānādivisesānaṃ adhiṭṭhāna kiccāsādhakattā idha adhippetanti vuttaṃ “niccasīlamevā’’ti. Samādhi adhippeto. Vakkhatīhi “duvidhopi samādhi cittavisuddhi nāmā’’ti. Etena visujjhati etāyāti visuddhi. Cittassa visuddhi cittavisuddhi. Samādhi evātipi dīpeti. Visujjhanam vā visuddhi. Cittassa visuddhi cittavisuddhi. Atthatopana visuddhacittameva vuccatītipi yujjati. Visuddhisadda sampanne hi sati, cittavisuddhi icceva vuccati. Na samādhivisuddhīti. “Soḷasavidham kaṅkham’’ti ahoṣiṃ nu kho aha matītamaddhānantiādinā suttanteāgataṃ soḷasavidham vicikicchaṃ. “Aṭṭhavidham vā kaṅkham’’ti sattharikaṅkhatītiādinā abhidhamme āgataṃ aṭṭhavidham vicikicchaṃ. Visamahetudīṭṭhi nāma

sattānaṃ uppattiyā akāraṇameva kāraṇaṃ katvā gahaṇadīṭṭhi. “Manasikāraavidhī”ti aniccalakkhaṇādīsu manasikāraavidhi. Anupāyabhūto manasikāro nāma niccādivasena manasikāro. Adhimānavatthu nāma obhāsādīni. “Maggato”ti maggabhāvena. “Amaggato”ti amaggabhāvena. “Dassanañcā”ti tesamādhimānavatthūnaṃ aniccatādidassanañca. Tameva visuddhināmāti sambandho. “Sammohamalato”ti catusaccappaṭicchādaka sammohamalato. Nanu dassananti ñāṇameva. Evaṃsati, ñāṇanti vutte siddhe katvā dassanasaddena saha ñāṇadassananti vuttanti āha “etthacā”tiādīṃ. “Sutamayādivasenā”ti sutamaya cintāmayavasena. Tattha yathāsutassa pālīdhammassa atthamattajānaṃ sutamayaññāṇaṃ nāma. Atthaṃ ñatvā atthānurūpassa sabhāvalakkhaṇassa cintanāvasena uppannaṃ ñāṇaṃ cintāmayaññāṇaṃ nāma. “Anumānādīñāṇaṃpī”ti nāmarūpa dhammesu sabhāvānumānaññāṇa sabhāvājānaññāṇaṃpī. “Attapaccakkhaññāṇamevā”ti attanā paccakkhakarāṇaññāṇameva. “Sabbatthā”ti maggāmaggaññāṇadassanādīsu sabbesu ṭhānesu. Ettha ca dasasu vipassanāññāṇesupi vipassanā vacanena paccakkhadassanameva adhippetanti katvā sabbatthaggaṇaṃ katanti daṭṭhabbaṃ. Sammasanaññāṇato paṭṭhāya hi dassanameva adhippetam. Na sabhāvājānaṃattam. Yato cakkhunā passantasveva suṭṭhu paccakkhato dassanattāya punappunaṃ bhāvanā kammaṃ nāma tattha icchitabbaṃ hoti.

“Dhammā”ti saṅkhata dhammā. Aniccatā eva lakkhaṇanti aniccalakkhaṇaṃ. Aniccānaṃ vā saṅkhata dhammānaṃ lakkhaṇanti aniccalakkhaṇanti yujjati. “Abhiṇhasampañippīlanākāro”ti yathā sīghasotāyaṃ nadiyaṃ nāvāya uddhaṃ gacchantaṃ sāvā abhisāṅkharaṇadukkheṇa abhiṇhaṃ suṭṭhu paṭippīleti. Kasmā, asati abhisāṅkhāre taṅkhaṇe eva adhovuṃyhanato. Adhovuyhanañhi nāvāya pakati kiccaṃ. Uddhaṃ ārūhanaṃ abhisāṅkhāra siddhaṃ. Evamevaṃ sīghasote saṃsāre attabhāvena uddhaṃ khaṇato khaṇaṃ divasato divasaṃ gacchantaṃ puggalaṃ ayaṃ attabhāvo abhisāṅkharaṇa dukkheṇa abhiṇhaṃ suṭṭhu paṭippīleti. Kasmā, asati abhisāṅkhāre, paccayavekalle ca sati, taṅkhaṇe eva vipariṇamanato. Vipariṇamañhi attabhāvassa pakati kiccaṃ. Uddhaṃgamaṇaṃ abhisāṅkhāra siddhaṃ. Evaṃ abhiṇha sampañippīlanaṃ veditabbaṃ. Ettha ca saṃsārassa sīghasotatā nāma attabhāvapariyāpannānaṃ nāma rūpadhammānaṃ pavattinivatti sīghatā vuccati. Ettha ca maraṇaṃ duvidhaṃ sammuti maraṇaṃca paramattha maraṇaṃca. Tattha sammuti maraṇaṃ nāma sammuti saccabhūtassa sattassa maraṇaṃ. Taṃ ekabhāvapariyante sandissati. Paramattha maraṇaṃ nāma paramattha saccabhūtānaṃ nāmarūpa dhammānaṃ maraṇaṃ. Idameva ekantamaraṇaṃ, saccamaraṇaṃ, sabhāvamarāṇaṃ hoti. Imasmīṃ vipassanā kamme idaṃ paramattha maraṇaṃ eva aniccatāti ca vuccati. Dhammānaṃ susānakkhattanti ca susānabhūmīti ca vuccatīti. Sā ca susānabhūmināma sattānaṃ paṭisandhito paṭṭhāya santānaṃ anubandhatiyeva. Anubandhattā ca sattānaṃ paṭisandhito paṭṭhāya so nāma samayo natthi, yattha sattā na marantīti. Idañca anubandhanaṃ sattānaṃ abhiṇhasampañippīlanaṃ eva hoti. Tesam sabbiriyāpathesu jīvitassa ca aṅgapaccaṅgānañca kāyavacīmano kammānañca sambādhapattito. Avavattanākāro pana abhisāṅkhāra dukkhaṃ abhiṇhaṃ paccanubhavantaṃ pākaṭoyeva. Vasavattanehi sati, abhisāṅkharaṇa kiccassa okāso natthi. Vasavattaneneva yathicchi tassa kiccassa sampajjanato. Lokasmīñhi sabbampi abhisāṅkhāra kiccaṃ nāma antamaso assāsanapassāsana kiccaṃ upādāya dhammānaṃ vasavattanābhāvato karontīti.

Aniccassa dhammassa anuanupassanāti sambandho. “Anuanupassanā”ti ca ñāṇacakkhunā punappunaṃ nijjhāyanā olokanā. “Dhammānaṃ”ti pañcakkhandha dhammānaṃ. “Yattha yatthā”ti yasmiṃ yasmiṃ sarīraṅge. “Purāṇa dhammānaṃ”ti purāṇānaṃ pātubbhūtānaṃ, vaḍḍhitānañca dhammakotṭhāsānaṃ antaradhānaṃ vayo vuccati. Vipassanā kammaṃ patvā khaṇikavasena ekekadhammavibhāgavasena ca anupassanā kiccaṃ natthīti āha “samūha santativasena panā”ti. Ekekadhammavibhāgavasena anupassanāpi pana pakatiyā supākaṭesu cittavedanādīsu icchitabbāyeva. “Aniccatāya paramākoṭī”ti tato uttari aniccatā nāma natthīti adhippāyo. Dhammānaṃ tathā tathā bhāyitabbappakāro nāma pañcakkhandhe ‘aniccato, dukkhato, rogato, gaṇḍato, sallato, aghato, ābādhatto, tiādīna vutto bhāyitabbappakāro. Tassa samanupassanāññāṇaṃ bhayaññāṇaṃ. Etena apāyadukkha saṃsāra dukkhabhīrukehi janehi bhāyitabbanti bhayaṃ. Te vā bhāyanti etasmāti bhayaṃ. Bhayassa samanupassanāññāṇaṃ bhayaññāṇanti imamattaṃ dasseti. “Kiñcibhayavatthuṃ”ti sīhabyagghādikaṃ bhayavatthuṃ. “Paṭissaraṇe”ti guhāleñāḍike paṭissaraṇe. “Tesaṃ”ti bhijjanasabhāvānaṃ dhammānaṃ. “Tehī”ti bhijjanasabhāvehi. Ukkaṇṭhatā nāma cittassa viruddhatā nikkhamābhimukhatā. “Cattālīsāya ākārehi”ti pañcakkhandhe ‘aniccato,

dukkhato, rogato, gaṇḍato, sallato, aghato, ābādhato, parato, palokato, itito,. Upaddavato, bhayato, upasaggato, calato, pabhaṅguto, addhuvato, atāṇato, aḷeṇato, assaraṇato, rittato,. Tucchato, suññato, anattato, ādīnavato, vipariṇāma dhammato, asārakato, aghamūlato, vadhakato, vibhavato, sāsavato,. Saṅkhatato, mārāmisato, jātidhammato, jarādhammato, byādhidhammato, maraṇadhammato, sokaparidevadhammato, dukkhadomanassa dhammato, upāyāsa dhammato, saṅkilesika dhammato, passanto suññato lokam avekkhatīti evaṃ mahānidde moghapañhanidde āgatehi cattālīsāya ākārehi. Tattha pañcakkhandhe aniccato passantotiādinā yojetabbam. “Aniccato”ti ca aniccabhāvenāti attho. Sabbepi pañcakkhandhā aniccā evāti passantoti vuttam hoti. Katham pana aniccato passanto suññato lokam avekkhatīti. Niccagaṇa suññatāya suññato pañcakkhandhabhūtam lokam avekkhati. Sesapadesupi esevanayo. Tattha “aniccā evā”ti paṭisandhikkhaṇato paṭṭhāya yadākadāci maraṇa dhammattā aniccā eva. “Dukkha evā”ti anicca dhammattāyeva dukkhā eva. Yadaniccaṃ, tam dukkhamtihi vuttam. Dukkha saccadhammattā vā. “Rogā evā”ti rogajātikattā rogā eva. Yehi keci loke cakkhu rogādikā anekasahassā rogā nāma sandissanti. Sabbete imepañcakkhandhā eva. Ito aññokoci rogo nāma natthi. Tasmā te ekantena rogajātikā evāti. Api ca, dukkhasacca dhammattātihi dukkhatāhi catūhi dukkhaṭṭhehi ca abhiṇhasampatipīḷanato rujjanaṭṭhena rogā eva. Tattha “tīhi dukkhatāhi”ti dukkhadukkhatā saṅkhāra dukkhatā vipariṇāma dukkhatāti imāhi tīhidukkhatāhi. “Catūhi dukkhaṭṭhehi”ti dukkhassa pīḷanaṭṭho, saṅkhatatṭho, santāpaṭṭho, vipariṇāmatṭho,ti imehi catūhi dukkhaṭṭhehi. Dukkha kiccehīti attho. Esanayo gaṇḍādīsu. Tattha gaṇḍonāma pīlakābādho. Sallam nāma vijjanaṭṭhena kilesa sallaṅca dukkhasallaṅca. Aghanti niratthakam. Ime ca khandhā vipattipariyosānattā niratthakā eva hontī. Sabbāsampattiyo vipattipariyosānāti hi vuttam. Avissāsikaṭṭhena pare eva. Na hi te etaṃ mama, eso hamasmi, eso me attāti evaṃ vissāsam arahanti. Tathā vissāsam karontassa nānādukkhehi niccam vihiṃsanato. Paṭisandhito paṭṭhāya yadākadāci palujjanadhammattā palokadhammā eva. “Iti”ti antarāyo vuccati. Khandhā antarāya jātikā evāti vuttam hoti. Ajjhatabhāvaṃ upagantvā dutattā vibādhakattā upaddavā eva. Bhāyitabbattā bhayā eva. Anattā eva samānā ajjhatabhāvaṃ upagantvā sajjanato lagganato dummo cayato upasaggā eva. Niccakālam lokadhammehi calanattā vipphananattā calāeva. Nānappakārena bhaṅganadhammattā pabhaṅguno eva. Khaṇamattampi athirattā addhuvā eva. Jarāmarāṇādito apāyavinipatanādito bhayato tāyati rakkhatīti tāṇam. Te ca khandhā kassacitāṇā na hontī. Tesaṅca kiñcitāṇam nāma natthi. Tasmā atāṇā eva. Bhayato bhīrukā janā līyanti nilīyanti etthāti leṇam. Te ca kassacileṇā na hontī. Tesaṅca kiñcileṇam nāma natthi. Tasmā aḷeṇā eva. Bhayaṃ saratīhiṃsatīti saraṇam. Te ca kassacisaraṇam na hontī. Tesaṅca kiñcisaraṇam nāma natthi. Tasmā assaraṇā eva. Niccatādīhi sabbehi sobhaṇaguṇehi sabbaso rahitattā tucchattā suññattārittā eva. Tucchā eva. Suññā eva. Attā vuccati yassakassaci koci sārabhūto paṭissaraṇo. Te sayaṅca kassaci attāna hontī. Attano ca koci attānāma natthi. Tasmā anattā eva. Aniccatādīhi ādīnavehi dosehi sampuṇṇattā ādīnavā eva. Vipariṇāma sabhāvattā vipariṇāmā eva. Sārabhūtassa kassaci adhiṭṭhānassa abhāvā asārāeva. Aghassa sabbaniratthakassa patiṭṭhānattā aghamūlā eva. Te sayam maraṇa dhammasamaṅgīno hutvā tena maraṇasatthena maraṇāvudhena saṃsāre sattānaṃ niccam mārakattā jīvitindriyupacchedakattā vadhakā eva. Niccasukkhahita vuḍḍhivigatattā vibhavā eva. Āsavehi pariggahitattā sāsavā eva. Niccakālam paccayāyattavuttikattā saṅkhatā eva. Kilesamāramaccumārānaṃ āmisāhārattā mārāmisā eva. Anicchantasseva sato cakkhurogādibhāvena apāyabhavādibhāvena jātasabhāvattā jātidhammā eva. Anicchantasseva sato hāyanamaraṇasabhāvattā jarāmarāṇa dhammā eva. Sokādīnaṃ vatthubhāvena dhāraṇattā sokādi dhammā eva. Taṅhā saṅkilesa diṭṭhisamkilesa duccharita saṅkilesehi niyuttattā saṅkilesika dhammā evāti. Tena vuttam “cattālīsāya ākārehi”ti. “Paṭisaṅkhānavasena”ti parivīmaṃsanavasena. “Nikantiyā”ti nikantitaṅhāya. “Pariyādinnāyā”ti sukkhabhāvapattāya. “Bhayañcā”ti bhayañānavasena uppannam ottappabhayañca.

Loke attajīvā nāma sattānaṃ ajjhata dhammesu sāraddhammā hontī. Tesu vigatesu sesadhammā nissatta nijjīvabhāvaṃ patvā pheggubhūtā kacavarabhūtāti lokassa abhimāno. Te ca attajīvā nāma sabbaso natthīti diṭṭhe khandhesu kacavarabhāvadassanaṃ attajīva suññatā dassanaṃ nāma. “Vimuccamāno”ti etena vimuccatīti vimokkhoti attham dasseti. Vimuccanti etenāti vimokkhotipi yujjati. “Nimittāni”ti vipallāsadhammehi nimittāni niccanimitta sukhanimitta attanimitta jīvanimittāni. Satta puggala itthi purisa hattha pāda sīsa gīvādīni nimittāni ca. Tattha saṅkhārānaṃ khaṇika dhammattā aniccānaṃyeva satam santati ghanena paṭicchannattā hiyyopi so eva, ajjapi so evātiādinā niccākārena upaṭṭhānaṃ niccanimittam nāma. Kilesamalehi pariggahitattā

asubhānaṃyeva satam avijjāya paṭicchannattā idam iṭṭham, kantaṃ, manāpaṃ, piyarūpa, ntiādinā subhākārena upaṭṭhānaṃ subhanimittam nāma. Bhayaṭṭhena akhemaṭṭhena dukkhānaṃpi satam tāyeva paṭicchannattā idam sukham, nibbhayaṃ, khemaṃ, satarūpa, ntiādinā sukhākārena upaṭṭhānaṃ sukhanimittam nāma. Paccayā yattavuttikattā paccayena vinā kevalam attano vasāyattavuttiā bhāvato anattānaṃyeva satam attano icchāvasena karoti, katheti, cinteti, gantum icchanto gacchati, ṭhātuṃ icchanto tiṭṭhati, tiādinā vasavattanākārena upaṭṭhānaṃ attanimittam nāma. Tathā sattonāma sattāhampi jīvati, māsampi jīvati, saṃvaccharampi jīvati tiādinā jīvākārena upaṭṭhānaṃ jīvanimittam nāma. Nanu cettha attano icchāvasena karotītiādisu icchānāma taṇhāvāchando vā. Tadubhayampi cittasampayuttaṃ. Karaṇaṅca nāma kāyikakriyābhūtaṃ cittaajarūpakalāpānaṃ pavattiviseso. Evañcasati tesam cittavasena pavattattā attano icchāvasena karotīti idam abhidhammaviruddham na hotīti. Na na hoti. Attanoti ca karotīti ca vuttattā. Na hi attānāma atthi, yo attanoti vucceyya. Na ca kattānāma atthi, yo karotīti vucceyya. Idha pana tasmim samaye pavattam khandhapañcakameva attāti ca kattāti ca gahetvā attanoti ca karotīti ca vuttam. “Avassayo hoti” ti patiṭṭhā hoti. “Vidhamitvā” ti ñāṇena antaradhāpetvā. Sabhāvato vijjamānāni na hontīti dassanañāṇena vinicchayaṃ pāpetvāti vuttam hoti. Bhāvadassanaṃ nāma sokadukkhādīnaṃ abhāvadassanaṃ.

“Taṃ taṃ ghanavinibbhujanavasena” ti samūhasantati ghanādīnaṃ bhindana chindanasena. Tatha samūhaghanabhindanaṃ ādito dhammavavattānāñānakiccaṃ. Tadā attadiṭṭhi vikkhambhitā hoti. Jivadiṭṭhi ca nāma sukhumatārā attadiṭṭhi eva vuccati. Maggakkhaṇam patvā eva tadubhayampi sabbaso samucchindatīti daṭṭhabbam. “Pañhitaguṇassa” ti patthitaguṇassa.

“Pātimokkha” nti ettha “patī” ti jeṭṭhako vuccati. “Mukham” ti mūlakāraṇam. Pati ca so mukhañcāti patimukham. Patimukhameva pātimokkhanti imamattam dassento “taṃ hī” tiādimāha. Sabbalokiyasīlāni nāma catupārisuddhisīlāni. Tesam majjhe. “Jeṭṭhakattā” ti jeṭṭhakasīlattā. “Tamevā” ti vinayapaññattisīlameva +. “Yesam dhammānaṃ” ti uddhacca muṭṭhassaccādi dhammānaṃ. “Vipphanditāni nāmā” ti vipphaññāni nāmāti adhippāyo. Tenāha “lolāni nāmā” ti. “Tadanubandhā” ti tānivipphanditāni indriyāni anugatā. “Buddhappaṭikuṭṭhehi” ti buddhenabagavatā paṭikkosītehi nīvāritehi. “Micchāpayogehī” ti aṭṭhakuladūsanakammehi ceva ekavīsātiesanānakammehi ca. “Tividhakuhanavattūhī” ti paccayappaṭisevanañca, sāmantaṃjappanañca, iriyā patha sannissitañcāti imehi tividhehi kuhanavattūhī. Tividhehi acchariya kammavidhānehīti vuttam hoti. Parisujjhatīti parisuddhi. Parisuddhi eva pārisuddhi. “Sammohassā” ti dhātumanasikārādīsu sammuyhanassa. “Gedhassā” ti sammohattāyeva paccayesu bhattanikkhittakā kassaviya gedhassa, abhikañkhassa. “Madassā” ti lābhasakkārā dimūlakassa mānamadassa. “Pamādassā” ti kusalesu dhammesu pamādassa muṭṭhassaccassa. Taṃ taṃ payojana mariyādo nāma cīvarapaccaye tāva sītappaṭighātādiko payojanamariyādo. “Mariyādo” ti ca yāvadevāti padena dassito sītappaṭighātādiko cīvarappayojana paricchedo. So ca cīvarapaccaye sammohādike sāvajjapakke apatanatthāya ṭhapito. Tena vuttam “sammohassa gedhassa madassa pamādassa pahānattham” ti. Esanayo piṇḍapātapaccayādīsipi. Etena paccavekkhanāpāthesu ayamatto dassito. Idha bhikkhu cīvaraṃ paṭisevati yāvadeva sītassa paṭighātāya uñhassa paṭighātāyātiādisu yāvadeva sītassa paṭighātāya paṭisevati. Na tato uttari sammohatthāya gedhatthāya madatthāya pamādatthāya paṭisevatītiādi. Evañcasati, yaṃ cīvaraṃ paṭisevantassa sammohagedhamadappamādā uppajjanti. Taṃ na sevittabbam. Itaram sevittabbanti dassitam hotīti.

“Paccattasabhāvo” ti paccakasabhāvo. “Kāriyasañkhātam” ti kātabbam abhinipphādetabbanti kāriyam. Āsannapphalam. Tenāha “aggissadhūmoviyā” ti. Āsannakāraṇam padaṭṭhānaṃ nāma aggikārako viya. Pajjati gacchati pavattati phalam etenāti padaṃ. Tiṭṭhati phalam etthāti ṭhānaṃ. Ubhayampi kāraṇa pariyāyo eva. Tena atissayatthopi sijjhatīti āha “āsannakāraṇam” ti. “Saddhim saññā citta vipallāsehī” ti diṭṭhisampayuttehīti adhippāyo. Diṭṭhivippayuttā pana saññā citta vipallāsā vikkhambhituṃ sakkotīti na vattabbā. “Sāsana dhamme” ti anattalakkaṇa suttantādike suññata dhammappaṭisaṃyutte desanādhamme. “Diṭṭhivipallāso vikkhambhito” ti tādisam dhammadesanaṃ sutvā desake satthari ca desite dhamme ca saddham paṭilabhitvā saccameva bhagavā āha, aham pana etaṃ mama, esohamasmi, eso me attā, ti gaṇhāmi, micchāvātāyaṃ mamagāhoti evaṃ vikkhambhito hoti. Tato paṭṭhāya eso me attāti vadantopi diṭṭhisampayuttacittena na vadati. Diṭṭhivippayuttacittena eva vadatīti adhippāyo. Idampana dalhaggāha vikkhambhanamattam eva. Na attadassana

vikkhambhanam. Tam pana dhammavavattānaññaṇe siddhe eva sījjhatītipi vadanti. Catunnam āhārānam vasena catudhā nāmarūpaṃ pariggahetabbameva. Kasmā, cattāro āhāre pariggahetvā tesveva lakkhaṇattayaṃ samanupassantassa ante lokuttaraññaṇadassanappaṭilābhakiccassa siddhattāti adhippāyo. Pañcadhātīādīsu esanayo. Ādikammikānam avisayo, viṣuṃ viṣuṃ lakkhaṇa rasādīhi pariggahetuṃ asakkuṇeyyattā. Pariggahaṇe sakkontassapī vipassanā kamme viṣuṃ viṣuṃ passituṃ asakkuṇeyyattā ca. Tathāhi vakkhati “kalāpavasena saṃkhipitvā”ti. “Aññaṣsa kassaṭī”ti attajīvādikassa. So karoti kusalākusalaṃ kammaṃ. So paṭisaṃvedeti bhavantaraṃ patvā tabbipākaṃ. Saṃsarati bhavato bhavaṃ. Sandhāvati kammavegena khitto. Suddhe nāme eva vā rūpe eva vā īhābyāpārānaṃ abhāvadassanatoti yojanā. Puggalasattānaṃ kriyāyoti saññitāti viggaho. “Attāti pavattā diṭṭhī”ti kāraka diṭṭhī. “Tadatthā bhinivesavasenā”ti satto, puggalo, tiādī vohārassa sabbhāvato tassa atthabhūto sattapuggalādikopi sabbhāvato atthiyeva. No natthīti evaṃ dalhaṃ hadaye sannidhānakaṛaṇa vasena. “Atidhāvanañcā”ti vohāra paññattimatte aṭṭhatvā taṃ atikkamitvā pañcakkhandhe sattādibhāvena gahaṇaṇcāti adhippāyo.

“Kammacittotukāhāravasenā”ti ettha kakāro sandhi vasena āgamo. Kammavasena cittavasena utuvasena āhāravasenāti attho. Anurūpānaṃ paccayānaṃ sāmaggīti viggaho. “Aññathā pavattiyā”ti aññaṇa pakārena pavattanassa. “Hetusambhārapaccayehī”ti hetupaccaya sambhārapaccayehi. Janaka paccayā hetupaccayā nāma. Parivārapaccayā sambhārapaccayā nāma. “Kammappavattiyā”ti kammappavattito. “Vipākappavattiyā”ti vipākappavattito. Ekassa sattassa anamatagge saṃsāre saṃsarantassa rūpakāyopi atthi nāmakāyopi atthi. Tato aññaṇo kocisabhāvo nāma natthi. Dve ca kāyā pañcavokāre saṃsarantassa ekato pavattanti. Asaññaṣatte saṃsarantassa rūpakāyo eva pavattati. So eva tattha ekosattoti saṅkhyāṃ gacchati. Arūpe saṃsarantassa nāma kāyo eva pavattati. So eva tattha eko sattoti saṅkhyāṃ gacchati. “Saṅkhyāṃ gacchati”ti ca paññattimattaṃ gacchatīti adhippāyo. Tesu ca kāyesu rūpakāye cuti paṭisandhīnaṃ aññaṃaññaṃ anantara paccayatā nāma natthi. Ekamekasmim bhava ekameko hutvā cutikāle bhijjati. Rūpasantati chijjati. Paṭisandhirūpena saha paccaya paccayuppannatā pabandho nappavattati. Nāma kāye pana cuti paṭisandhīnaṃ aññaṃaññaṃ anantarapaccayatā atthi. Cutikālepi nāmasantati na chijjati. Paṭisandhi nāmena saha paccaya paccayuppannatā pabandho pavattatiyeva. Tattha paṭiccasamuppāda kusalo bhikkhu paṭiccasamuppādaññaṇe ṭhatvā ekasmimbhave ekassa sattassa pavattim passanto sattaṃ nāma na passati. Puggalaṃ nāma na passati. Ahantipi na passati. Parotipi na passati. Ahaṃ atītesu bhavesu ahosintipi na passati. Imasmimbhave asmītipi na passati. Anāgatesu bhavissāmītipi na passati. Atha kho avijjā paccayā saṅkhārā pavattanti. Saṅkhārā paccayā bhavantare viññaṇaṃ pavattaṭītiadinā nayena nāmarūpa dhammānaṃ hetuphala paramparāvasena avicchedappavattimeva passati. Ekasmimbhave pavattim passante sati, anamataggesaṃsāre antesu bhavesu tassa sattassa pavatti diṭṭhā eva hoti tatthapi evameva, tatthapi evamevāti. Tadā tassa soḷasavidhā kaṅkhā pahīyatīti imamatthaṃ “dassento anamatagge saṃsāre”tiādīmāha. Tattha katamā soḷasavidhā kaṅkhāti. Ahoṣiṃ nu kho ahaṃ atītamaddhānaṃ. Na nu kho ahoṣiṃ. Kiṃ nu kho ahoṣiṃ. Kathaṃ nu kho ahoṣiṃ. Kiṃ hutvā kiṃ ahoṣiṃ nu kho ahaṃ atītamaddhānanti evaṃ pubbante pañcavidhā kaṅkhāvuttā. Bhavissāmi nu kho ahaṃ anāgatamaddhānaṃ. Na nu kho bhavissāmi. Kiṃ nu kho bhavissāmi. Kathaṃ nu kho bhavissāmi. Kiṃ hutvā kiṃ bhavissāmi nu kho ahaṃ anāgatamaddhānanti evaṃ aparante pañcavidhā kaṅkhā vuttā. Ahaṃ nu kho smi. No nu kho smi. Kinu nu kho smi. Kathaṃ nu kho smi. Ahaṃ nu kho satto kuto āgato. So kuhiṃ gāmī bhavissāmīti evaṃ paccuppanne chabbidhā kaṅkhā vuttā. Imā soḷasavidhā kaṅkhāti. Tattha ahoṣiṃ nu kho, na nu kho ahoṣinti iminā padadvayena atītakāle attano atthi natthibhāve kaṅkhati. Sace atthi, kiṃ nu kho ahoṣinti kaṅkhati. Kenaci hetunā paccayena vā ahoṣiṃ. Kenaci iddhimantena vā nimmito ahoṣiṃ. Ahetu apaccayā vā animmito vā sayamjāto ahoṣinti attho. Yadi tesupakāresu aññaṭarena ahoṣiṃ. Kathaṃ nu kho ahoṣiṃ. Apādakovā ahoṣiṃ. Dvipādako vā. Catuppādakovā. Bahuppādakovā. Rūpīvā. Arūpīvā. Saññīvā. Asaññīvā iccādi. Atha tesu apādakādīsu aññaṭaro ahaṃ ahoṣiṃ. Kiṃ hutvā kiṃ ahoṣiṃ. Pathamabhava kiṃ hutvā dutīya bhavādīsu kiṃ ahoṣinti idaṃ bhavaparamparāvasena vuttaṃ. Esanayo aparantepi. Paccuppanne “ahaṃ nu kho smi, no nu kho smī”ti yathā khuddakavatthu vibhaṅge aṭṭhasatatanhāvicaritesu. Satasmīti hoti. Sītasmiṭi hotīti vuttaṃ. Tattha “satasmī”ti ahaṃ sassato vā bhavāmi. “Sītasmi”ti ahaṃ ucchinnovā bhavāmīti attho. Yathā ca. Atthīti kho eko anto. Natthīti kho dutīyo antoti vuttaṃ. Tattha “atthī”ti attānāma bhavābhavesu niccakālaṃ atthi. “Natthī”ti tathā natthi, ucchijjati. Na hoti parammaraṇāti attho. Tathā idhāpi ahaṃ nu kho smi. No nu kho smīti kaṅkhati. Tattha “ahaṃ nu khosmi”ti ayaṃ ahaṃ

nāma bhavābhavesu niccakālaṃ asmi nu kho, mama attānāma sassato hutvā sabbakālaṃ atthi nu khoti vuttaṃ hoti. “No nu kho smī”ti tathā no asmi nu kho. Mama attā tathā natthi nu khoti attho. Ettha ca “bhavābhavesū”ti pavattepi paccuppanne vattamānaṃ attānaṃ gahetvā pavattā paccuppanne saṅgahitanti daṭṭhabbaṃ. “Kiṃ nu kho smī”ti ahaṃ nāma santo jāto kiṃ nu kho asmi. Kenaci hetunā paccayena vā asmi nu kho. Kenaci iddhimantena vā nimmito bhavāmi nu kho. Udāhu ahetu apaccayā vā kenaci animmito vā sayamaṃ nu kho bhavāmi nu khoti attho. “Kathaṃ nu kho smī”ti ettha pana apadādīhi ayojetvā ahaṃ nu kho kiṃ gotto bhavāmi. Gotmagotto vā vāsetṭha gotto vā tiādinā yojettabbaṃ. Ādi kappakāle tāni gottāni etarahi sambhedaṃ gacchanti. Tasmā tesu kaṅkhanto kaṅkhatiyeva. “Ahaṃ kuto āgato”ti ahaṃ atīte kutobhavato āgato asmi. “Sokuhimḡāmī bhavissāmī”ti so ahaṃ āyatim bhava kuhimḡāmiko bhavissāmīti kaṅkhati. “Kaṅkhāya atikkamo”ti so bhikkhu paṭiccasamuppāde avijjādikaṃ atītaheṭu pañcakaṃ passanto tasmim bhava sabbampi paṭiccasamuppādaṃ passatiyeva. Evaṃ passanto na tattha ahaṃ nāma koci atthi, yaṃ paṭicca atīta visayā pañcavidhā kaṅkhā uppajjati. Dhamma mattameva tattha atthīti evaṃ atīte kaṅkhā vatthussa abhāvadassanena pañcavidhāya kaṅkhāya atikkamo hoti. Nanu tathā passantassapi kathaṃ nu kho smi, kiṃ hutvā kiṃ ahoṣim nu khoti ayaṃ kaṅkhā atthiyeva. Tathā passantopi hi vinā pubbenivāsaññāna atīte bhava ahaṃ dvipādako ahoṣintivā catuppādako ahoṣinti vā tato cuto asukabhava uppannoti vā na jānāti na passatīti. Vuccate. Sā pana kaṅkhā dhamma mattappavatti dassanato paṭṭhāya antarāyika kaṅkhā na hoti. Vicikicchā paṭirūpikā eva. Sā hi ariyānaṃpi labbhati yevāti. Tathā anāgate phalapañcakaṃ passanto aparante pañcavidhaṃ kaṅkhaṃ atikkamati. Paccuppanne phalapañcakaṃca hetupañcakaṃca passanto paccuppanne kaṅkhā chakkaṃ atikkamati. Sesamaṃ sabbamaṃ pubbante vuttanayamevāti. Aṭṭhavidhāya kaṅkhāya atikkamane pana paṭiccasamuppādaṃ anulomappaṭilomaṃ passanto desanā dhamme ca lokuttara dhammesu ca kaṅkhaṃ atikkamati. Dhamme kaṅkhātikkamanena saheva desente satthari ca, yathānusiṭṭhaṃ paṭipanne saṅge ca, tīsu sikkhāsu ca, yathāvutte pubbante ca, aparante ca, pubbantā parantesu ca, paṭiccasamuppādena saha paṭiccasamuppannesu dhammesu ca sabbamaṃ kaṅkhaṃ atikkamatiyeva. Tenāha “sabhāva dhammappavattiyā”tiādim. Tattha “sabhāvadhammappavattiyā cā”ti paccayaparamparāvasena sabhāvadhammānaṃ paramparappavattiyā ca. Dhammasu dhammatā nāma desanā dhammassa svākkhātātādibhāvena sundara dhammatā. Anavajjadhammatā. Buddhasubuddhatā nāma taṃ dhammaṃ desentassa buddhassa sabbaññubuddhatā.

Pariyuṭṭhitānaṃ diṭṭhivicikicchānaṃ vikkhambhanaṃ nāma heṭṭhā dhammavavattāna vasena paccayapariggahavasena ca sijjhati. Vipassanā kammaṃ pana anusayabhūtānaṃ diṭṭhivicikicchānaṃ sallikhanatthāya karīyatīti vuttaṃ “anusaya samūhananattañcā”tiādi. “Tattha panā”ti tasmim paṭisambhidā magge pana. Vibhatesūti pāṭhaseso. “Yassā”ti yogī puggalassa. “Yaṃ dūre santikevā”ti yaṃ dūre pavattaṃ rūpaṃ vā, santike pavattaṃ rūpaṃvāti pāṭhaseso. “Tadatthassa panā”ti sammāsītadhammuddhāratthassa. “Ñānaṃ daḷhaṃ gahetvā”ti dhammavavattānaññānaṃ suṭṭhuvibhūtaṃ katvāti adhippāyo. Idāni yaṃ yaṃ daḷhaṃ gahetabbaṃ. Taṃ taṃ sarūpato dassetuṃ “tatthā”tiādimāha. Puna daḷhaṃ gahitassa rūpassa aniccalakkhaṇaṃ dassetuṃ “sā ca kriyā”tiādi vuttaṃ. “Nassantī”ti bhijjanti. Aniccataṃ gacchanti. “Vitthambhana kriyā”ti ettha vividhena thambhanaṃ vitthambhanaṃ. Nānādisābhimukhavasena thambhanaṃ vahananti attho. “Imāsañcā”ti catunnaṃ mahābhūtānaṃca. Visuṃ visunti vuttatā tāsamaññāmaññānaṃca saha jātesu gahaṇaṃ sambhavatīti vuttaṃ “āpādīnaṃ”ti. Āpādīnaṃ sesamahābhūtānañcāti attho. Santatīyā sarīrāni santatī sarīrāni. “Tathā tathā kappetvā”ti rūpadhammānaṃ santatī parivattī nāma abhikkamantassa evaṃ bhavēyya, paṭikkamantassa evaṃ bhavēyya, tathā samīñjantassa pasārentassātiādinā parikappetvā. “Sesakhandhesupi taṃ taṃ santatī nānattaṃ”ti vedanākkhandhe tāva kāye kāyikasukhasantatī dukkhasantatīnaṃ nānattaṃ. Citte somanassa domanassa santatīnaṃ. Upekkhā santatī pana avibhūtā hoti. Kappetvā gahetabbā. Yadā citte somanassa domanassāni na sandissanti, tadā idāni upekkhā me vedanā pavattatīti vā, yadā tāni sandissanti, tadā sā nirujjhatīti vā evaṃ takketvā sammāsītābātī vuttaṃ hoti. Saññākkhandhe rūpasaññāsaddasaññādīnaṃ vasena. Saṅkhārakkhandhe rūpasāñcetanā saddasañcetanādīnaṃ vasena, nānāvītakkā vicārādīnaṃ vasena, lobhālobha dosādosa mohāmohādīnaṃ vasena ca. Viññānaṃkkhandhe cakkhuvīññānādīnaṃ, kusalā kusalaviññānādīnaṃca vasena santatī nānattaṃ veditabbaṃ. Vissāsaṃ karotīti vatvā tadattaṃ vivarati “etaṃ me”tiādinā. Tattha tayovissāsā taṇhāvissāso, mānavissāso, diṭṭhivissāso. Tattha etaṃ mamātī taṇhāvissāso. Esohamasmīti mānavissāso. Eso me attāti diṭṭhivissāso. “Pariharatī”ti bhavābhavesu pariggahetvā harati vahati. “Paramajjhatabhāvenā”ti padhānaajjhatabhāvena.

Ajjhattasārabhāvenāti vuttaṃ hoti. “Pariggahito”ti eso me attāti diṭṭhipariggahena pariggahito. Tayo hi pariggahā taṇhā pariggaho, mānāpariggaho, diṭṭhipariggahoti. Vase sabbaso vattanto nāma kevalaṃ vasāyattavuttiko eva siyā, na paccayāyattavuttikoti dassento “yathāvuttehi”tiādimāha. Tatha “yathāvuttehi”ti sabbasaṅgahe vuttappakārehi kammābhisaṅkharāṇādīhi. “Tathāpariggahetabbo”ti eso me attāti evaṃ paramajjhatabhāvena pariggahetabbo. Tathā hi yo attano vasena vattati, tasmim attano sāmibhāvo natthi. Yasmiṅca sāmibhāvo natthi, tasmim rūpādike dhamme attānaṃ sāmikaṃ katvā eso mama attāti pariggaho nāma micchā eva. Tathā yo ca khaṇika dhammo hoti, khaṇe khaṇe bhijjati, taṃ rūpādikaṃ khandhapañcakaṃ attano sāraṃ katvā tathā pariggahopi micchā eva. Ettha ca “micchā evā”ti paramattha saccaṃ patvā micchā eva. Vipallāso evāti vuttaṃ hoti. “Sukhaṃ viddhaṃseti”ti kāyikasukhaṅca cetasika sukhaṅca viddhaṃseti. Vināseti. “Nānādukkhaṃ janeti”ti kāyikadukkhaṅca cetasika dukkhaṅca janeti uppādeti. “Idaṅca rūpaṃ edisameva hoti”ti kathaṃ hoti. Manussattabhāve ʘitānaṃ sattānaṃ yathāpavattaṃ manussa sukhaṃ viddhaṃseti, jīṇabhinnabhāvaṃ pāpeti, nānādukkhaṃ janeti. Sayāṃ apāyattabhāvaṃ gahetvā tesāṃ nānāpāya dukkhaṃ janeti. Tathā devattabhāve sakkattabhāve brahmattabhāve ʘitānantiādinā vattabbaṃ. Tathā manussattabhāve ʘitānaṃ nānāvipariṇāma kiccehi yathāpavattaṃ sukhaṃ viddhaṃseti, nānāpaccayābhisaṅkharāṇakiccehi nānādukkhaṃ janeti. Tena vuttaṃ “idaṅca rūpaṃ edisamevā”ti. “Sāronāma thāmaḃalaviseso vuccati”ti etena thāmaḃalavisesena sampannaṃ vatthuppi saṅgaṇhāti. “Asāraḃaṭṭhenā”ti ettha sāro eva sārakaṃ, na sārakaṃ asāraḃanti imamatthaṃ sandhāya “rūpaṃ pana sayāṃpi evarūpo sāro na hoti”ti vuttaṃ. Sattānaṃ attasāro jīvasāro na hotīti attho. Natthi sāro etassāti asāraḃanti imamatthaṃ sandhāya “na ca evarūpena sārena vuttaṃ”ti vuttaṃ. Attasārena jīvasārena saṃyuttaṃ hotīti attho. Tatha purimo attho rūpaṃ attato samanupassatīti idaṃ sandhāya vutto. Pacchimo rūpavantaṃ vā attānaṃ, attani vā rūpaṃ, rūpasmiṃ vā attānaṃti imāni sandhāya vutto. Etena asāraḃaṭṭhenāti asārabhāvena, asārayuttabhāvena vāti ca. Anattāti etthapi na attā anattā, natthi attā etassāti vā anattāti ca dvidhā attho sijjhati. “Yaṅcā”ti yaṅca rūpaṃ. “Pīḃeti”ti taṃ samaṅgī puggalaṃ pīḃeti. Etena anattabhāve siddhe dukkhabhāvopi siddhoti dasseti. “Tiṇṇaṃ vayānaṃ vasena addhābhedo yojetabbo”ti pathamavaye pavattaṃ rūpaṃ dutīyavayaṃ na pāpuṇāti, pathamavaye eva nirujjhatītiādinā addhāpaccuppanne antogadhabhedo yojetabbo. “Sabhāgekasantānavasena”ti sabhāgānaṃ dhammānaṃ sabhāgaṭṭhena ekībhūtā santati sabhāgekasantati. “Sabhāgānaṃ dhammānaṃ”ti ca cittajesutāva nirantarappavattena lobhasampayuttacittena sahaḃatā rūpadhammā sabhāgarūpadhammā nāma. Tathā nāma dhammā ca. Evaṃ dosasampayuttādīsipi. Utujesu nirantarappavattena sītautunā samuṭṭhitā rūpadhammā sabhāgarūpa dhammā nāma. Tathā uṇhautunā samuṭṭhitā. Esanayo āhārajesupīti evaṃ sabhāgekasantativasena. “Sampāpuṇitum”ti ṇāṇena sampāpuṇitum. “Addhāsantativasena”ti ettha santativasena sammasanaṃ visesato adhippetāṃ. Evaṅca katvā heṭṭhā aniccaṃ khayattṭhenaṃti pade catunnaṃ mahābhūtānaṃ santati vibhāganayo suṭṭhu dassitoti. “Aniccaḃakkhaṇa dassanameva padhānaṃ”ti imasmim ṇāṇepi udayabbayaṅṇāṇepi bhaṅgaṅṇāṇepi aniccaḃakkhaṇa dassanameva padhānaṃ. Bhayaṅṇāṇe ca ādīnavaṅṇāṇe ca nibbidāṅṇāṇe ca dukkhalakkhaṇa dassanaṃ padhānaṃ. Upari catūsu ṇāṇesu anattalakkhaṇa dassanaṃ padhānanti. “Samuditesū”ti aññaṃaññaṃ avinābhāvasahāyabhāvena samuppannesu. Idaṅca avijjāsamudayā rūpasamudayo. Taṇhāsamudayā upādāna samudayo. Āhāra samudayā rūpasamudayoti pālivasena vuttaṃ. Appahīna vasenāti pālīpade pana avijjā taṇhā diṭṭhānusayānaṃ appahīnaṭṭhena santāne vijjamaṇatā eva pamāṇanti daṭṭhabbaṃ. “Samudenti”ti paṭisandhito paṭṭhāya ekato udentī. Uparūpari enti. Āgacchantīti attho. Ekabhāvabhāvena pātubbhavantīti adhippāyo. Tenāha “yāvamaṇakālā”tiādim. “Pasavanti”ti pavaḃḃhamānā savanti, pavattanti, sandanti. “Tesu panā”ti avijjā taṇhupādāna kammesu. “Nirujjhanti”ti tasmim bhāve eva nirujjhanti. Tasmim bhāve nirodho nāma bhavantare puna anuppādo yevāti vuttaṃ “bhavantare”tiādi. “Taṃ santatiyaṃ”ti tasmim paccuppanna bhaveti vuttaṃ hoti. “Puna anuppādasāṅkhātaṃ nirodhaṃ”ti santati nirodho nāma vutto. Na nibbāna nirodho. Etāhi paccaye satī, bhavantare uppajjissanti yevāti. Idāni yathāpavatta santatīsu pariyaḃannaṃ sabbapaccimānaṃ nāmarūpānaṃ khaṇikanirodhavasena atthaṃ vadanto “yathāpavatta santatiyo vā chijjanti bhijjanti”ti vuttaṃ. “Udayabbayaṃ samanupassantassa cā”ti ettha katamo udayo nāma, katamo vayo nāma, kathaṅca tadubhayaṃ samanupassatīti āha “udayabbayaṃ passantassāti ettha yathā nāmā”tiādim. Tatha “tamo khandho”ti tamorāsi. “Veti”ti vigacchati. Antara dhāyati. “Udayo”ti uppādo ceva vaḃḃhi ca. “Vayo”ti vigamaṇaṃ, antaradhānaṃ. “Nānāpayogavasena vā”ti samīṇjanappasāraṇādi nānāpayogavasena vā. Udayapakkhānaṃ nānāsantatīnaṃ udayaṅca udayato. Vayapakkhānaṃ nānāsantatīnaṃ vayaṅca vayatoti yojanā.

Bojjhaṅga dhammehi sampannattā ārādheti attano cittaṃti āraddho. Tuṭṭhacittoti attho. Vipassatīti vipassako. Āraddho hutvā vipassako āraddhavipassako. Duvidhohi vipassako taruṇa vipassako ca āraddha vipassako ca. Tattha khandhānaṃ udayabbayaṃ suṭṭhu apassanto dubbalavipassako taruṇa vipassako nāma. Khandhānaṃ udayabbayaṃ suṭṭhu passanto vipassanā kamme ārādhita citto balavavipassako āraddhavipassako nāma. Yaṃ sandhāya vuttaṃ.

[Ka]

‘Suññāgāre pavīṭṭhassa, santacittassa bhikkhuno;
Amānusi ratī hoti, samma dhammaṃ vipassato,ti ca.

[Kha]

‘Yo ca vassasataṃ jīve, apassaṃ udayabbayaṃ;
Ekāhaṃ jīvitaṃ seyyo, passato udayabbayaṃ,ti ca.

Ayamidha adhippeto. Vipassanaṃ upecca kilesenti, malīnabhāvaṃ gamentīti vipassanupakkilesā. Paribandhanti nīvārentīti paribandhakāti heṭṭhā vuttameva antarāyika dhammānaṃ nāmaṃ. ‘‘Sarīrobhāso’’ti sakalasarīrato nikkhanto obhāso. ‘‘Pañcavidhā pīṭī’’ti khuddikā pīṭi, khaṇikā pīṭi, okkantikā pīṭi, ubbegā pīṭi, pharaṇā pīṭīti. ‘‘Duvidhā passaddhī’’ti atibalavanti kāyapassaddhiceva cittaṃpassaddhi ca. Vipassanā kamme okkappaṇākārapavattā saddhāeva adhimuccanaṭṭhena adhimokkho saddhādhimokkho. ‘‘Vīriyaṃ’’ti tasmīṃ kamme anikkhittadhuraṃ paggahitasīsaṃ vīriyaṃ. ‘‘Sukhaṃ’’ti cittaṃsukhaṃ. Tenāha ‘‘somanassaṃ’’ti. ‘‘Vipassanāñāṇaṃ’’ti indavissaṭṭhavaṃjirasadisāṃ balavavipassanāñāṇaṃ. ‘‘Satī’’ti tasmīṃ kamme appamuṭṭhā sati. ‘‘Tatramajjhattupekkhā’’ti cittaṃsa līnuddhaccādīhi visamantehi vimuttā tatramajjhattatāsāṅkhātā upekkhā. ‘‘Āvajjanupekkhā’’ti vasibhāvapattā āvajjanasāṅkhātā upekkhā. ‘‘Ālayaṃ’’ti taṇhālayaṃ. ‘‘Kurumānā’’ti karontī. ‘‘Sukhumā taṇhā’’ti kusalehi missakattā idaṃ akusalantīpi jānitaṃ asakkuṇeyyā sukhumataṇhā. ‘‘Na vatame’’ti mama na uppannaṃpubbovatāti yojanā. ‘‘Assādasahitā’’ti obhāsādīsu assādatāṇhā sahitā. ‘‘Adhimāna vasaṇā’’ti adhikataṃ maññānāvāsena. ‘‘Tāvadevā’’ti nikantiyā uppattikkhaṇeyeva. ‘‘Nikāmanākāro’’ti icchanākāro. Assādanākāro. ‘‘Nikāmanassavattū’’ti nikantiyā vattu. ‘‘Addhā’’ti ekantena. ‘‘Handā’’ti cittaṃvissaṭṭhakaraṇe nipātapadaṃ. Idāneva naṃ visodhemi, na ciraṃ pavattitaṃ dassāmīti imamatthaṃ dīpeti. ‘‘Tesevā’’ti tesuobhāsādīsu eva. Aṭṭhakathāya na sameti. Aṭṭhakathāyaṃ nikanti vikkhambhanassa viṣuṃ vuttattāti adhippāyo. Vipassanāparipāko nāma viṣeṣantarappavattena pākaṭoti dassetaṃ ‘‘saṅkhārupekkhābhāvaṃ pattā’’tiādimāha. Vuṭṭhānagāmini vipassanābhāvapattenāti vuttaṃ hoti. ‘‘Dve vipassanā cittaṇī’’ti upacārānulomacittāni. So hi vuṭṭhānanti vuccatīti sambandho. Saṅkhāra nimittato vā vuṭṭhāti. Nibbānaṃ ārabha pavattito. Yadi evaṃ gotrabhupi vuṭṭhānaṃ nāma siyāti. Na siyā. Maggassa āvajjanamate ṭhitattā. Paṭivedhakiccassaca sammoha samucchadakkicassa abhāvato. ‘‘Sayāṃ’’ti maggasaṅkhāto sayāṃ. ‘‘Taṃ samaṅgīpuggalaṃ vā’’ti tena maggena samaṅgīpuggalaṃ vā. ‘‘Vaṭṭappavattato cā’’ti āyatīṃ bhavesu apāyavaṭṭappavattato vā, aṭṭhama bhavato paṭṭhāya kāmasugati vaṭṭappavattato vā. Avassaṃ vuṭṭhānaṃ gameti sampāpetīti vuṭṭhānagāminīti vacanatto. ‘‘Avassaṃ vuṭṭhānaṃ gacchantī’’ti idha ṭhitānaṃ vuṭṭhānato nivatti nāma natthīti adhippāyo. Idaṅca paccekabuddhānaṃ buddhasāvākānaṅca vasena daṭṭhabbaṃ. Sabbāññu bodhisattā pana pubbabuddhānaṃ sāsane pabbajitvā vipassanā kammaṃ ārabhantā anulomaññāṇaṃ āhacca ṭhapentīti aṭṭhaka thāsu vuttaṃ. Tattha ‘‘āhaccā’’ti idaṃ saṅkhārupekkhāñāṇassa matthakapattidassanattaṃ vuttanti daṭṭhabbaṃ. ‘‘Āvajjanaṭṭhāniyaṃ’’ti tato pubbabhāge kenaci cittaṃ aggahite nibbānā rammaṇe āvajjanaṭṭhāniyaṃ. ‘‘Taṃ’’ti gotrabhuññāṇaṃ. Gottāṃ bhavati abhibhavati chindatīti gotrabhu. Gottāṃ vā abhisambhuṇāti pāpuṇātīti gotrabhūti vacanatto. Kathaṃ pana gotrabhu cittaṃ gotrabhuññāṇaṃ puthujjanagottaṃ chindati, ariyagottaṃ pāpuṇātīti yujjeyya, sohi puggalo tasmīṃkhaṇe puthujjanagottapariyāpannoevāti. Saccāṃ. Attāni pana chinnattā sayāṃ chindati nāma. Nibbānassa ca ariyagocarattā taṃ ārammaṇa karaṇavasena ariyagottaṃ pāpuṇāti nāmāti daṭṭhabbaṃ. Paccayasattivisesena attano anantare ariyagottaṃ bhāveti, pātubhāvetīti gotrabhūtipi yujjati. ‘‘Paricchijjā’’ti paricchinditvā. Diṭṭhivicikicchādīhi sabbavipphandanehi muñcitvāti vuttaṃ hoti. Sammohassa pahānameva daṭṭhabbaṃ. Na te dhamme ārammaṇa karaṇa vasena jānaṃ. Kathaṃ te

dhamme ārammaṇaṃ akaronto maggo te dhamme parijānāti nāmāti. Kiccāsiddhi vasena. So hi sammohaṃ pajahanto ārammaṇaṃ karontānīpi hi pubbhāgāññāṇāni tappahānakiccassa asādhakattā dukkha saccaṃ parijānantānīti na vuccanti. Maggo pana ārammaṇaṃ akarontopi tappahānakiccassa sādhakattātaṃ saccaṃ parijānātīti vuccati. Kasmā. Tato paṭṭhāya tassapuggalassa sabbakālaṃ tasmimsacce parijānana kiccassa siddhattā. Yathāhi eko puriso cakkhumhi pittasemhādidosēhi palibuddhattā andho hoti. Na kiñci passati. Yadā pana so ekaṃ tejavantaṃ añjanaṃ labhitvā cakkhum añjayanto sabbarattiṃ niddāyati. Tassa niddāyantasēva cakkhumhi sabbadosā nassanti. Cakkhu vippasannaṃ hoti. Tañkhaṇato paṭṭhāya so niddāyantopi rūpāni passatīti vuccati. Kasmā, andhabhāvavigamena dassanakiccassa siddhattā. Evamevamiḍaṃ daṭṭhabbanti. Ekadesena vā heṭṭhimamaggesu, anavasesena vā arahattamagge. “Apacchāvattikaṃ”ti ettha pacchato āvattanaṃ pacchāvattaṃ. Natthi pacchāvattaṃ assāti apacchāvattikanti viggaho. “Puna anuppādadhmatāpattivasena nirodhasaṅkhātāṃ”ti maggakkhaṇe eva tānivaṭṭāni puna anuppādasabhāvaṃ āpajjanti, nirujjhanti. Tathā nirodhasaṅkhātāṃ. “Uppādanasaṅkhātāya bhāvanāyā”ti etena maggassa ekacittakkhaṇikattā vaḍḍhanasaṅkhātāya bhāvanāya okāso natthīti katvā vuttaṃ. Ariyamaggaṃ paṭilābhatthāya pana pavattitā pubbhāgabhāvanāpi maggabhāvanā eva. Sā ca ariyamaggaṃ patvā matthakapattā hoti. Tasmā ariyamaggo eva matthakapatto bhāvanānuttaro hotīti imināpariyāyena vaḍḍhana saṅkhātāya bhāvanāyātipi yujjatiyeva. Attano anantare pavattaṃ ānantarikaṃ. Ānantarikaṃ phalaṃ etassāti viggaho. Tassa ca tatoparaṃ dve vā tīpi vā phalacittāni pavattantīti iminā sambandho. Apanīto aggi etasmāti apanītaggiko. “Nibbāpento viyā”ti etena paṭippassambhanappahānakiccena maggānukulappavattiṃ dasseti. “Tesaṃ”ti tesaṃ cakkhūnaṃ. Taṃ rūpaṃ tassa pākaṭaṃ na tāva hotīti sambandho. “Tassā”ti tassa puggalassa. “Paccavekkhanavāresū”ti ettha pasādacakkhūnaṃ diṭṭhe pavattā anubandhaka vīthiyopi saṅgayhanti.

Uparimaggehi vadhitabbā māretabbāti uparimaggavajjhā. “Kilesavibhāgesū”ti asukamaggena asukākilesā pahīyantīti evaṃ kilesavibhāgesu. “Pāḷiyam”ti paṭisambhidā maggapāḷiyam. Vuccamāne pana vattabbanti sambandho. Maggaṅgabojjhaṅgādīnaṃ paccavekkhanaṃ nāma maggapaccavekkhanaṃ. Tathā pacchā vā pavattatīti siddhaṃ. “Aviruddhā hoti”ti visuddhimaggena asamentāpi paccavekkhantānaṃ icchānurūpasambhavatoti adhippāyo. “Adhimānaniddesa aṭṭhakathāsū”ti vinaye catutthaparājike adhimānapadaniddesa aṭṭhakathāsū. “So”ti ariyabhūto bhikkhu. “No laddhuṃ na vaṭṭati”ti aladdhuṃ na vaṭṭatīti attho. Laddhuṃ no na vaṭṭatīti vā yojanā. Catubbidhaṃ maggaññāṇaṃ gahitaṃ. Nāṇadassanavisuddhi nāmāti vuttattā.

“Abhinivisaṇaṃ”ti ajjhattaṃ daḷhataṃ patiṭṭhānaṃ. “Nikhātasinerupā dassaviyā”ti tassa pavattanaṃ viya. “Kevalaṃ paccayāyatta vuttitāya adiṭṭhattā”ti etena eso me attā, na parassa attāti evaṃ attānaṃ attassa sāmikaṃ katvā gahaṇakāraṇaṃ vadati. Tattha kevalasaddena paramattha saccaṃ patvā attasseva abhāvato khandhapañcakassa attanovasāyatta vuttitaṃ nivatteti. Sammuti saccaṃ pana patvā attassa vijjāmānattā mahājano attano khandhapañcakaṃ attano vasāyatta vuttiṃ maññamāno eso me attāti gaṇhāti. “Khaṇabhaṅgassa ca adiṭṭhattā”ti etena eso me sārattṭhena attā. Eso mama sāro. Etaṃ mama sarīraṃ. Yāva vassasataṃpi vassasahassampi etaṃ khandhapañcakaṃ na bhijjati, na vinassati. Tāva ahaṃ na marāmi. Yadā etaṃ bhijjati, vinassati. Tadā ahaṃ marāmi. Ahañca mama khandhapañcakañca advayaṃ anānattanti evaṃ gahaṇakāraṇaṃ vadati. Tattha “khaṇabhaṅgassā”ti nāmarūpadhammānaṃ khaṇe khaṇe bhañjanassa bhijjanassa maraṇassa. Idampanamaraṇaṃ sammuti sacce natthi. Paramattha sacce eva atthi. Tasmā taṃ apassanto mahājano attano khandhapañcakaṃ attanosāraṃ maññamāno eso me attāti gaṇhātīti. “Taṃ dvayaṃ sudiṭṭhaṃ katvā”ti khandhapañcakassa kevalaṃ paccayāyatta vuttitañca khaṇabhaṅgañca ñāṇa cakkhūnā suṭṭhudiṭṭhaṃ katvā. Tattha pañcannaṃ khandhānaṃ paṭiccasamuppādaṃ suṭṭhupassanto kevalaṃ paccayāyatta vuttitañca avasāyatta vuttitañca suṭṭhu passati. Yo ca attano vasāyattavutti na hoti. So paramatthasaccaṃ patvā eso mama santakantipi vattum nārahati. Kuto mama attāti. Api ca, satto nāma sabhāvato natthi. Paññattimattaṃ hoti. Yo ‘ahanti vā, meti vā, mamāti vā, gayheyya. Asante ca attasmiṃ ko mama attā nāma bhaveyyāti. Khaṇabhaṅgo hoti. Khaṇe khaṇe bhijjati. Satto ca nāma ekasmiṃbhave ādimhi sakiṃ eva jāyati. Ante sakiṃ eva marati. Antarā vassasataṃpi vassasahassampi maraṇaṃ nāma natthi. Aññāhi khaṇikadhammānaṃ gati. Aññā sattassa. Evaṃsante kathaṃ khaṇikadhammā sattassa sārattṭhena attānāma bhaveyyunti. Tasmā te avasavattanaṭṭhena asārakaṭṭhena ca anattā eva. Apica “avasavattanaṭṭhenā”ti ettha vaso nāma sattasantāne eko padhānadhammo. Sace attānāma atthi. So eva padhānabhūtassa vasassapi attā bhaveyya. Evaṃsati,

yo vaso, so attā. Yo attā, so vasoti bhavēyya. Tathā ca sati, rūpaṃ attāti gaṇhanto rūpañca vasañca attānañca ekattaṃ katvā gaṇhāti nāma. Tathā vedanaṃ attāti. Saññaṃ, saṅkhāre, viññānaṃ attāti gaṇhantepi. Evañcasati, satta ca khandhapañcakañca vaso ca attā ca sabbametaṃ ekattaṃ gacchati, eko sattoti saṅkhyāṃ gacchati. Na hi imasmiṃ vasavattanaṭṭhe ekassasattassa dve attā tayo attā bahūattāti sakkā bhavituṃ. Atha yathā yathā sattassa vaso vattati, icchā pavattati. Tathā tathā khandhapañcakampi niccakālaṃ sattassavasāṃ anugacchēyya. Kasmā, sattassa ca khandhapañcakassa ca vasassa ca nānattābhāvato. Evaṃ anugacchante sati. Rūpaṃ me attā, vedanā me attātiādiggahaṇaṃ vaṭṭēyya. Sabhāvato aviruddhaṃ bhavēyya. Na pana tathā anugacchati. Na hi dubbaṇṇo durūpo puriso attano rūpakāyaṃ attano vaseneva suvaṇṇaṃ surūpaṃ kātuṃ sakkoti. Tathā dussaddovā susaddaṃ, duggandhovā sugandhaṃ. Na ca andhovā anandhaṃ. Badhirovā abadhiraṃ. Rogīvā arogaṃ. Kuṭṭhīvā akuṭṭhaṃ. Gaṇḍīvā agaṇḍaṃ. Jiṇṇovā taruṇaṃ. Ajaraṃ vā amaraṇaṃ vā kātuṃ sakkoti. Nāpi apāyesu ca apatantaṃ. Patitvā vā tato vimuttaṃ kātuṃ sakkoti. Tathā devo vā devattā acāvetuṃ. Sakkovā sakkattā, māro vā mārattā, brahmā vā brahmattāti. Esanayo sesakhandhesupi. Tathā pana avasānugamanato paramattha saccaṃ patvā khandhapañcake attano sāmikiccaṃ issarakiccaṃ nāma natthi. Asāmikameva taṃ hoti, anissaraṃ. Tathā ca sati, attānaṃ tassa sāmīṃ issaraṃ katvā rūpaṃ me attāti gahaṇaṃ micchāgahaṇaṃ nāma hotīti. Loke pana mahājano dhammānaṃ paṭiccasamuppādaṃ na jānanti, na passanti, na paṭivijjhanti. Tesāṃ parampara paccayavasena pavattamāne khandhasantāne sammuti saccavasena nānāvasavattanaṅkāra nāma santi. Nānāsāmi issarādhipativohārā ca loke sandissanti. Te sammuti saccavasena uppannesu tesu sāmīissarādhipati vohāresu vohāramatte aṭhatvā sabhāvasaccaṃ maññantā micchāgahaṇaṃ gaṇhanti. Ettha siyā. Na nu vasonāma icchā. Satta ca gantuṃ icchanto gacchati. Tḥātuṃ icchanto tiṭṭhati. Evaṃsati. Tassa khandhapañcakaṃ tassa vasāyatta vutti eva hotīti. Na hoti. Kasmā, paccayāyatta vuttittā eva. Tathāhi gantuṃ icchānāma bahiddhā dhanahetuvā uppajjēyya. Nānābhogahetu vā. Aññaena vā nānākāraṇena. Tattha yesāṃ dhane asati, yaṃ yaṃ dukkhaṃ āgacchēyya kāyikaṃ vā cetasikaṃ vā. Tesāṃ taṃ taṃ dukkhapaccayā dhanicchā nāma uppajjati. Dhanicchā paccayā ganticchādayo uppajjanti. Tathā nānābhogicchā nānākammicchāsu cāti. Nānādukkhabhayupaddavamūlikāsu icchāsu vattabba meva natthi. Tathā nānārammaṇānaṃ palobhana dukkhamūlikāsu ca nānāvītakkānaṃ vipphandaṇamūlikāsu ca icchāsu. Evaṃ vasopi paccayāyatta vuttiko eva hoti. “Gamaṇaṃ”ti gamaṇākāreṇa pavattaṃ khandhapañcakaṃ. Yenayenadhanādihetunā so so vaso uppajjati. Gamaṇampi tena teneva uppajjati āhārupatthambhanādipaccayena ca. Vaso pana gamaṇassa paccayeka desamattaṃ hoti. So hi tadaññapaccayehi vinā sayāṃ uppajjituṃ na sakkoti. Kuto gamaṇaṃ uppādetuṃ. Evaṃ tḥānādīsu. Evañca sati, idaṃ khandhapañcakaṃ paccayāyatta vuttikanticceva vattuṃ arahati. No vasāyatta vuttikanti. Api ca gantuṃ icchanto gacchatiṭi paññatti mattabhūto satta gacchati. Khandhapañcakaṃ pana khaṇika dhammattā na gacchati. Uppannuppannaṃ tattha tattheva bhijjati. Santati vasena gamaṇākāra nimittaṃ paññāyati. Evaṃ avasavattanaṃ hotīti. Hotu tattha tattheva bhijjanaṃ. Avicchedappavattiyā sati, gamaṇaṃ sampajjatiyeva. Gamane ca sampajjamāne khaṇikabhijjanena doso natthīti ce. Atthi. Khaṇikamaraṇāñhi sattassa susānabhūmi nāma hoti. Antarāyevā āgate pakkhalante vā sati, gacchanto satta yadā kadāci maraṇaṃ vā nigacchati maraṇa mattaṃ vā dukkhanti. Kilese nimināti pavattetiṭi nimittanti vacanatto. “Vipallāsanimittaṃ”ti ca vipallāsa dhammānaṃ vasena upaṭṭhitaṃ kicca nimittaṃ. Taṇhā eva paṇidhīti sambandho. Mahantānaṃ ādīnavānaṃ rāsi mahāādīnavarāsi. Khandhesu suññatalakkhaṇaṃ nāma ati gambhīraṃ hoti. Nānasseva visayabhūtaṃ. Suññata dassanañca diṭṭhiyā ujuppaṭipakkhanti āha “saṅkhāresu suññatadassanavasena”tiādiṃ. Tattha “attha siddhi nāmā”ti maggaphalappaṭilābhasaṅkhātassa atthassa siddhi nāma. Attāti abhiniveso attābhiniveso. Gaṇhātīti gāho. Upādīyati attho. Diṭṭhisāṅkhāto gāho diṭṭhiggāho. Atthābhiniveso ca so diṭṭhiggāho cāti viggāho. Tassa paṭipakkhaṃ anattānupassanāññaṃ. Anu anu bhavanaṃ ānubhāvo. Paramparato vaḍḍhananti attho. “Tathā samanupassitvā”ti suññatā kāreṇa samanupassitvā. Vimūñcantassa ariyapuggalassa. “Aniccalakkhaṇaṃ nāma nāti gambhīraṃ hoti. Saddhāyapi visayabhūtaṃ. Unnatilakkhaṇo ca ahaṃ māno khandhesu niccadhuvavipallāsamūlako saddhāya ca paṭipakkhoti āha “aniccadassanavasena”tiādiṃ. “Nimittābhinivesabhūtassā”ti niccadhuvanimitābhinivesabhūtassa. “Mānaggāhassā”ti mānasāṅkhātassa gāhassa. “Saddhāya pī”tipisaddena nānaṃ sampiṇḍeti. Dukkhalakkhaṇaṃ nāma bhayaṣaṃvega janakaṃ hoti. Ārammaṇesu taṇhālolaṣsa taṇhāvīpphandanassa paṭipakkhaṃ. Visesato samādhissa anurūpanti āha “dukkhadassana vasena”tiādiṃ. “Tiṇṇaṃ dhammānaṃ”ti paññindriya saddhindriya samādhindriya saṅkhātānaṃ

tiṇṇaṃ indriya dhammānaṃ. “Vipassanā gamanavasene vā”ti vuṭṭhānagāmini vipassanā saṅkhātassa āgamana kāraṇassa vaseneva.

Idāni pubbe yaṃ vuttaṃ ‘sattaariya puggalavibhāgassa paccayabhāvaṃ pattiya cā’ti. Tattha satta ariyapuggalavibhāgaṃ dassetuṃ ‘‘tatthā’’tiādi vuttaṃ. Dhammānusārī nāmāti ettha ‘‘dhammo’’ti paññā vuccati ‘saccaṃ, dhammo, dhīti, cāgo,ti ettha viya. Tikkhataṃ dhammaṃ anussarati dhammānusārī. Paññābalānusārena ādimhi maggaṃ labhatīti vuttaṃ hoti. Athavā. ‘‘Dhammo’’ti nissattanijjivaṭṭhena saṅkhāra dhammo vuccati. Suññatadassanañca nāma visesato suddhadhamma dassanaṃ nāma. Iti suddhadhammaṃ anussarati, ñānagatiyā anugacchatīti dhammānusārī. Diṭṭhipattoti ettha diṭṭhināma dassanaññānaṃ vuccati. Ādīto paṭṭhāya parisuddha dassanasampannattā diṭṭhibaleneva sukhena taṃ taṃ maggaphalaṃ pattoti diṭṭhipatto. Teneva dassana paññābalena kilesabandhanato vimuttoti paññāvimutto. Saṅkhāra dhammānaṃ khaṇika dhammabhāve suṭṭhu saddhanaṃ aveccappasādo saddhā nāma. Tattha ‘‘aveccappasādo’’ti ñānasampayuttappasādo. ‘‘Ñānaṃ’’ti ca saṅkhāra dhammānaṃ khaṇikabhāvanimittānaṃ dassanaññānaṃ. Tādise hi ñāne sati, tattha aveccappasādo nāma jāyati, no aññathāti. Saddhaṃ anussarati saddhānusārī. Saddhābaleneva ādimhi ariyamaggaṃ pāpuṇāti vuttaṃ hoti. Saddhābalena vimuttoti saddhāvimutto. ‘‘Kāyasakkhi nāmā’’ti ettha sakkhamti sandiṭṭhaṃ. Yaṃ sādhaṅkanti vuccati. Attano kāye eva laddhaṃ sakkhaṃ yassāti kāyasakkhī. Dukkhaṇu passi puggalo hi saṃvega bahulo hoti. Saṃvego ca padhāna vīriyassa padaṭṭhānaṃ. Saṃviggo yoniso padaṭṭhāti hi vuttaṃ. Tasmā so saṃvegavasena bhāvaṃ anuyūñjanto yaṃ yaṃ purisathāmena pattabbaṃ hoti. Taṃ taṃ pāpuṇāti. Pāpuṇanto ca attano kāye eva sakkhaṃ labhati. Sandiṭṭhaṃ jhānasukhaṃ vā maggaphalasukhaṃ vā labhatīti vuttaṃ hoti. ‘‘Ubhatobhāga vimutto’’ti arūpajjhānehi rūpakāyato arahattamaggaphalehi nāmakāyatoti evaṃ ubhoḥi kāyabhāgehi vimutto. Ettha ca tayo ariyapuggalā paññādhiko ca saddhādhiko ca vīriyādhiko ca. Tattha dhammānusārī ca diṭṭhipatto ca paññāvimutto ca paññādhiko nāma. Saddhānusārī ca saddhāvimutto ca saddhādhiko nāma. Kāyasakkhī ca ubhatobhāgavimutto ca vīriyādhiko nāmāti daṭṭhabbaṃ. Ayañca puggalavibhāganayo paṭisambhidāmagganayena vutto. Abhidhamme pana puggala paññattiyāṃ saddhāvimutto ca kāyasakkhī ca dvepuggalā sekkhesu eva vuttā. Arahattaṃ pattā pana ete dvepi paññāvimuttā evāti daṭṭhabbā. Ettha siyā, saṅkhāra dhammānaṃ khaṇika dhammabhāve suṭṭhu saddhanaṃ aveccappasādo saddhā nāmāti vuttaṃ. Kiṃ pana tādiseṇa saddhāmatteṇa sotāpatti maggaṃ pāpuṇāti. Ettha amhehi vattabbaṃ natthi. Bhagavatā eva vuttaṃ. Yathāha mahāvagge okkanta saṃyutte cakkhu bhikkhave aniccaṃ vipariṇāmī aññathābhāvī, yo evaṃ saddahati, evaṃ adhimuccati. Ayaṃ vuccati saddhānusārī. Okkanto ariyabhūmiṃ. Atikkanto puthujjanabhūmiṃ. So yenakammena apāyaṃ duggatiṃ vinipātaṃ uppajjeyya. Na taṃ kammaṃ karotīti. Sotaṃ bhikkhave aniccaṃ. Vipariṇāmī aññathābhāvītiādinā dvādasāyatanaṇi vitthāre tabbāni. Tattha ‘‘vipariṇāmī’’ti vipariṇāmo yassa atthīti vipariṇāmī. Vipariṇāmoti ca khaṇe khaṇe jīraṇatā bhijjanatā vuccati. ‘‘Aññathābhāvī’’ti tasseva vevacanaṃ. ‘‘Evaṃ adhimuccati’’ti etena ñānasampayuttasaddhaṃ dīpeti. Sā eva sotāpattiyāṅesu buddhe aveccappasādena samannāgato, dhamme, saṅghe aveccappasādena samannāgatoti vuttā. Tattha ñānasampayuttasaddhā nāma cakkhādīnaṃ aniccanimitta dassanaññāneṇa sampayuttā okappanasaddhā. Aniccanimittañca nāma rūpaṃ aniccaṃ khaṇaṭṭhenātipade vuttanayena cakkhādīnissayānaṃ mahābhūtānaṃ santati parivattanādikaṃ vuccati. Tañhi passanto cakkhādīnaṃ aniccabhāve saddahati, adhimuccati. Tānipi khaṇe khaṇe ekantena bhijjati yevāti saddhādhimokkhaṃ saddhāvinicchayaṃ paṭilabhatīti attho. ‘‘Buddhe aveccappasādenā’’ti ettha pana arahatā sammāsambuddhatādīnaṃ buddhaguṇādīnaṃ dassanaññāneṇa sampayutto pasādo aveccappasādo nāma. Ariyabhūmi nāma diṭṭhānusaya vicikicchānusayehi parisuddhā avatthābhūmi vuccati. Tehi sahītā avatthābhūmi puthujjanabhūmi nāma. Kathaṃ pana tassa puggalassa puthujjanabhūmiṃ atikkantatā ariyabhūmiṃ okkantatā ca viññāyatīti āha ‘‘so yenā’’tiādiṃ. Yo attano jīvitahetupi kiñci kammaṃ pathapattaṃ apāyagāmi kammaṃ na karoti. So ekantena puthujjanabhūmiṃ atikkanto, ariyabhūmiṃ okkantoti viññāyatīti vuttaṃ hoti. Idaṃ saddhānusārisuttaṃ. Aparāṃpi vuttaṃ cakkhu bhikkhave vipariṇāmī aññathābhāvī. Yassa evaṃ mattaso nijjhānaṃ khamati. Ayaṃ vuccati dhammānusārī tiādi. Tattha ‘‘mattaso nijjhānaṃ khamati’’ti saddhānusārīviya saddhanaṃ matte aṭṭhatvā cakkhādīnaṃ tādissaṃ aniccataṃ samanupassanto thokaṃ thokaṃ dassanaṃ labhatiyeva. Evaṃsati, cakkhādīni tassa puggalassa nijjhānaṃ olokanaṃ mattaso khamanti nāma. Idaṃ dhammānusārisuttaṃ. Aparāṃpi vuttaṃ cakkhu bhikkhave aniccaṃ vipariṇāmī aññathābhāvī. Yo evaṃ pajānāti passati. Ayaṃ

vuccati sotāpanno tiādi. Tattha “pajānāti passatī”ti dhammānusārīviya mattaso nijjhānakkhamamatte aṭṭhatvā paññāya pajānāti, fīṇacakkhuno paccakkhato passatīti attho. Idaṃ diṭṭhipattādīnaṃ suttaṃ.

“Yathā sakam phalaṃ”ti ettha sassa attano idaṃ sakam. Yaṃ yaṃ sakam yathāsakanti atthaṃ dasseti sotāpannassatīadinā. Phalasaṃpatti vīthiyaṃ pana anulomajavanāni eva phalānaṃ āsannakāraṇāni, na maggajavanānīti āha “na maggāgamanavasena”ti. “So”ti maggo. Santo saṃvijjamaṇo sabbhāvo. “Assā”ti maggassa.

Aniccānupassanā kiccato animittā hoti. Sabhāvato sanimittāeva. Niccanimittasahitāeva. Yato sā esohamasmītiggaṇaṃ labhati. Idaṃpi vipassanāññāṇaṃ aniccaṃ khayāṭṭhenāti samanupassitabbā ca hotīti. Tattha ca abhidhammaṃ patvā sabhāvappadhānaṃ hoti, na kiccappadhānaṃ. Tasmā abhidhamma nayena vipassanā attano nimitta nāmaṃ maggassa dātuṃ na sakkoti. Ayaṃ aṭṭhakathāya adhippāyo. Kilesa dhammā nāma yassa uppajjanti, taṃ puggalaṃ palibundhanti. Sambādhaṃ karonti. Tasmā palibodhakarānāma. Taṃ puggalaṃ niccanimitta subhanimitta sukhanimitta attanimittāni gāhenti. Tasmā nimittakarānāma. Taṃ puggalaṃ ārammaṇesu bhusaṃ nihitam nivīṭṭhaṃ karonti. Tasmā pañidhikarānāma. Te ca maggaphalāni ārammaṇaṃ na karonti. Maggaphalehi ca sampayogaṃ na gacchanti. Evaṃ ārammaṇakaraṇā divasena maggaphalesu tesam abhāvo. Abhāvattāeva ca tāni maggaphalāni attano dhammatāya tīṇināmāni labhanṭīti dassetuṃ “ārammaṇa karaṇavasena”tiādi vuttaṃ. “Attano sabhāvenā”ti attano dhammatāya.

“Attadiṭṭhiyā uppannāya uppajjanti”ti idaṃ tāsam diṭṭhivicikicchānaṃ attadiṭṭhiyā avinābhāvaṃ dīpeti. Na pana attadiṭṭhiyā tāhi avinābhāvanti daṭṭhabbaṃ. Vipaccantīti apāyesu vipaccanti. Apāyapaṭisandhiṃ janenti. Diṭṭhasaccānaṃ ariyapuggalānaṃ. Diṭṭhivicikicchāsampayuttā akusaladhammā diṭṭhivicikicchāggahaṇena gahitāti āha “diṭṭhivicikicchā vippayuttā”ti. “Akusaladhammāce vā”ti paccuppannabhūtā dasākusalakammaṃ patha dhammā ceva. “Sattahi bhavēhi”ti kriyāpavagge karaṇavacanāṃ. Yathā sattahi māsehi vihāraṃ niṭṭhāpetīti. Kriyāpavaggotica kriyāyasīghataraṃ niṭṭhāpanaṃ vuccati. “Sattakkhattuṃ”ti sattavārā. Tīṇi saṃyojanānāma ‘sakkāyādiṭṭhi, vicikicchā, sīlabbataparāmāsasaṃyojanāni, . “Avinipāta dhammo”ti virūpaṃ hutvā patanaṃ vinipāto. Apāyanipātoti vuttaṃ hoti. “Dhammo”ti sabhāvo. Natthi vinipāto dhammo yassāti viggaho. “Niyato”ti sugatibhavesu niyata gatiko. Sammā bujḥatīti sambodhi. Maggaññāṇaṃ. “Parāyanaṃ”ti parabhāge gantabbatṭhānaṃ vuccati. Sambodhisankhātāṃ parāyanaṃ assāti sambodhiparāyano. “Aniyamattho”ti vāsaddatthoti vuttaṃ hoti. Vā saddatthesu ca aniyamattho. Na vikappattho. Vikappatthehi sati dve eva sattakkhattuparamā labbhanti. Missakabhavona labbhanti. Aniyamatthe tayopi labbhanti. Aṭṭhakathāyaṃ pana samuccayatthassa gahitattā eko missakabhavo eva labbhanti. Nanu ca saddo nāma samuccayatthe pākaṭo, na aniyamatthe. Tasmā samuccayatthova idha yuttoti ce. Na yutto. Kasmā. Dvinaṃ asaṅgahitattā. Aṭṭhakathāyaṃ pana samuccayattham gahetvā te dve puggalā imasmiṃ pāṭhe asaṅgahitāti vuttaṃ. Yadi te imasmiṃ pāṭhe asaṅgahitā. Katthate saṅgahitā bhavēyyuṃ. Na hi koci sattakkhattu paramo nāma idha asaṅgahitoti yuttoti. “Assā”ti tassapālīpāṭhassa. “Ettha ca yasmā. La. Paramo nāma vutto”ti idaṃ upari ‘ye kāmabhavē yevā’tiādinā ‘yediṭṭha dhamme vā’tiādinā ca yojetabbaṃ. So ca sukkhavipassako vā parihīnājjhāno vā daṭṭhabboti sambandho. “Pāliyaṃ”ti puggalapaññatti pāliyaṃ. “Idha niṭṭhā”ti imasmiṃ kāmaloke āsavakkhayaṃ patvā khandhapariniḥḥānapatti vasena niṭṭhā. Niṭṭhānaṃ pariyoṣānanti attho. Kulato kulaṃ gacchatīti kolaṃkolo. Bhavato bhavaṃ gacchatīti attho. Ekameva paṭisandhisankhātāṃ bhavabijam assa atthīti ekabijī. Yo ca diṭṭheva dhamme arahā. Tassa ca idha niṭṭhāti yojanā. Kena pana tiṇṇaṃ sotāpannānaṃ viseso katoti. Sattakkhattu paramo tāva kevalaṃ pathamamagga sampayuttehi indriyehi kato. Itare dve uparimaggatthāya pavattitehi vipassanindriyehi katoti. Tattha sattakkhattu paramo sabbamuduko hoti. Tato kolaṃkolo tikkho. So pana cha bhaviko, pañcabhaviko, catubhaviko, tibhaviko, dvibhavikoti pañcavidho. Tattha pañcabhaviko tikkho. Sesā anukkamena tikkhatarāti daṭṭhabbā. Ekabijī pana ekabhaviko sabbatikkhō. Tattha sattakkhattu paramo kevalena pathamamaggānubhāvena siddhattā sabbamuduko hoti. Itare dvepakatiyā sattakkhattu paramabhāve ṭhatvā uparimaggatthāya vipassanā kammaṃ paṭṭhapenti. Tadā tesam indriyāni puna visesa pattāni honti, tikkhāni. Tasmā te sattakkhattu paramato tikkhānāma hontīti. “Sattavārato oraṃ vā”ti idaṃ kolaṃkolo ekabijīno sandhāya vuttaṃ. “Upari tiṇṇaṃ maggānaṃ vipassanā niyāmetī”ti idaṃ

uparime dvesotāpanne sandhāya vuttaṃ. Sattakkhattu paramopana pathamamaggeneva niyamitoti daṭṭhabbaṃ. Tathāhi soyeva saṅgahapāṭhe sarūpato āgato sotāpatti maggaṃ bhāvetvā diṭṭhivicikicchāpahānena pahīnāpāyagamano sattakkhattu paramo sotāpanno nāma hotīti. Itare pana dve pāḷiyaṃ sotāpanna puggalavibhāgaṭṭhānesveva āgatāti. “Ye panā”ti ye sotāpanna puggalāpana. Gāthāyaṃ “itosattā”ti imasmiṃ manussaloke satta saṃsarāni. “Tatosattā”ti tasmīṃ devaloke sattāti attho. Aṅguttarapāṭhe “tenacittappasādenā”ti mahāsahassilokadhātuṃ sarena viññāpetuṃ samatthassa satthuguṇe cittappasādo jāyati. Tena cittappasādena. “Tena pariyāyena”ti sace so devesu eva saṃsarati. Sattakkhattuṃ opapātika paṭisandhiyo gaṇhitvā tattheva parinibbāyissati. Yadi manussesu eva saṃsarati. Sattagabbhaseyyaka paṭisandhiyo gaṇhitvā ettheva parinibbāyissati. Evaṃ desanā vārena cuddasa katvā desitena pariyāyenaṭi attho. “Taṃ vīmaṃsitabbaṃ”ti vadantena ṭikācariyena sayāṃ cuddasapaṭisandhiyova icchatīti dīpeti. Idāni taṃ cuddasapaṭisandhiyadaṃ paṭikkhipanto “vibhaṅge panā”tiādimāha. “Vibhaṅge”ti abhidhamme ñāṇavibhaṅge. Natthi ṭhānamassāti aṭṭhānaṃ. “Ṭhānaṃ”ti mūlakāraṇaṃ. Natthi avakāso assāti anavakāso. “Avakāso”ti paccayakāraṇaṃ. “Yaṃ”ti kriyāparāmasanaṃ. Yaṃ nibbatteyya, taṃ nibbattaṃ aṭṭhānaṃ. So nibbattana dhammo anavakāsoṭi yojanā. “Abhisāṅkhāra viññāṇassa”ti sattabhavato uddhaṃ kāmaṃbhava paṭisandhijanakassa kusalā kusalakamma viññāṇassa. “Nirodhenā”ti sotāpatti maggakkhaṇe eva nirodhanena. Nirujjantīti sambandho. “Nāmaṅca rūpaṅcā”ti ye nāma rūpadhammā uppajjeyyuṃ. Ete nāma rūpadhammā ettha etasmiṃ abhisāṅkhāra viññāṇa nirodhakkhaṇe nirujjantīti yojanā. “Yathāvuttanayenevā”ti tena pariyāyenaṭi vuttappakāranayeneva. “Tadekaṭṭhamohassā”ti tena rāgena tena dosena ekasmiṃ citte ekato ṭhitassa mohassa. Na diṭṭhivicikicchā sampayuttassa mohassa. Tassa pathamamagge eva pahīnattā. Nāpi uddhaccacittasampayuttassa mohassa. Tassa catutthamagge eva pahātabbattā. Uppajjantā rāgadosamohā. “Dhammikesū”ti dhammena samena uppanesu. “Yato”ti yaṃkāraṇā. Balavantakāraṇāti attho. “Tesaṃ”ti sotāpannānaṃ. “Sallikhana vasaṇā”ti bahalapakkhaṃ thūlabhāgaṃ suṭṭhulikanavasena. Adhiccuppatti nāma pubbe yathāpavattaṃ kālaṃ adhicca atikkamma uppatti. Uppajjantānampi rāgadosamohānaṃ. “Tesaṃ pi”ti sakadāgāmīnampi. “Methunavatthu samāyogo icchito”ti jāyampatīnaṃ methunakammasamāyogo nāma sakadāgāmīnaṃ atthīti icchito. Therohi adhiccuppattimattaṃ icchati. Pariyuṭṭhānamandataṃ na icchati. Sakadāgāmīnaṃ puttadhītaropi sandissantīti vadati. “Mahāaṭṭhakathāyaṃ paṭikkhitto”ti therassa manorathamattaṃti vatvā paṭikkhitto. Idaṃ sabbāṃ aṭṭhasāliniyaṃ vuttaṃ. “Chakkanipāte”ti aṅguttare chakkanipāte. “Migāsālavatthumhī”ti migāsālanāmikāya upāsikāya vatthumhī. Keci imaṃ vatthuṃ disvā mahāaṭṭhakathāvādaṃ na rocentī. Mahāsivattheravādaṃ rocentī. “Abrahmacāriṇo”ti methuna dhammā appaṭiviratassa. “Sakadāgāmītaṃ byākataṃ”ti tasmīṃ kālaṅkate so brāhmaṇo idha sakadāgāmībhāvaṃ patvā tusitākāyaṃ upapannoti evaṃ tassa yaṃ sakadāgāmītaṃ bhagavatā byākataṃ. “Adhigamavasaṇā”ti sakadāgāmībhāvaṃ paṭilābhavasena. Na pana abrahmacāriṇo sato adhigamavasaṇeṭi adhippāyo. Maraṇāsannakālepi hi sikkhāpadādhīṭṭhānena saha uparimaggaphalādhigamaṇaṃ nāma tikkhapaññaṃ ariyasāvakaṃ na dukkaranti. Etena kesaṅci theravādarocanaṃ paṭikkhittoṃ hoti. “Sakīṃdeva imaṃlokaṃ āgantvā”ti etena ito paralokaṃ gamanassa ca tato puna idhāgamanassa ca siddhattā ayaṃ puggalo suddhena magganīyāmena kāmaṃbhava dvikkhattu paramonāma hotīti siddho. Kathaṃ. Idha patvā tattha nibbattitvā idha parinibbāyī, tattha patvā idha nibbattitvā tattha parinibbāyīti. Sesāpana cattāro vipassanānīyāmena siddhā hontīti viññāyati. Katame cattāro. Idha patvā idha parinibbāyī. Tattha patvā tattha parinibbāyī. Idha patvā tattha parinibbāyī. Tattha patvā idha parinibbāyīti. Ettha ca tīsu sotāpannesu ekosattakkhattu paramo eva magganīyāmena siddho. Sesā pana dve sotāpannā vipassanānīyāmena siddhā. Cha sakadāgāmīsu dve eva magganīyāmena siddhā. Sesā pana cattāro vipassanānīyāmena siddhā. Tattha maggasiddhesu sotāpanna sakadāgāmīsu saṅkaro natthi. Vipassanāsiddhesu pana saṅkaro atthi. Atthato aviruddhe sati, vohāramattena saṅkare doso natthīti daṭṭhabbaṃ. Āgantvāti pāṭhavasena āgamanatoti vuttaṃ. Āgantāti pana pāṭho yutto. Āgamanasīlo āgamaṇa dhammo hutvā sakadāgāmī nāmāti attho. Anāgantvā itthattanti etthapi esevanayo. Arahato bhāvo arahattaṃ. Arahatta maggaṃ. Dakkhiṇāya vipattikarānāma appapphala appānisamsakarā. Sampattikarā nāma mahapphala mahānisamsakarā. Sīlakkhandhādiguṇā nāma sīlakkhandha samādhikkhandha paññākkhandha vimuttikkhandha vimuttiññāṇa dassanakkhandhaguṇā. “Dakkhiṇeyyesū”ti dakkhiṇāraha puggalesu. “Dhuraṃ”ti padhānasīsaṭṭhāniyaṃ vuccati. Saddhā eva dhuraṃ assāti saddhādhuvo. Evaṃ paññādhuvo. Kasmā panettha vīriyadhuro na gahitoti. Pāḷiyaṃ saddhāvāhī maggaṃ bhāveti, paññāvāhī maggaṃ bhāvetīti vuttaṃ. Na pana vuttaṃ vīriyavāhī

maggam bhāvetīti. Tasmā na gahitoti. Kasmā pana vīriyavāhī maggam bhāvetīti na vuttanti. Vuccate. Maggam bhāventassa nāma ādimhi diṭṭhivicikicchānaṃ pahānāya kammaṃ mahantaṃ hoti. Kasmā, apāyamūlakatā. Tattha saddhā ca vicikicchā ca dve ujuṇṇapakkhā honti. Yasmim ārammaṇe saddhā nivisati, tasmim vicikicchā natthi. Yasmim vicikicchā nivisati, tasmim saddhā natthi. Tathā paññādiṭṭhiyo ca ujuṇṇapakkhā. Yattha paññā, na tattha diṭṭhi. Yattha diṭṭhi, na tattha paññāti. Api ca saddhā attano visaye diṭṭhim vidhamatiyeva. Paññāya vicikicchāvidhamane vattabbameva natthi. Tasmā āradha vipassako aniccādīsu aveccappasādamattenapi diṭṭhivicikicchāyo pajahitvā saddhānusāribhāvaṇca suṭṭhutarāṃ pasīditvā saddhāvimuttabhāvaṇca pāpuṇāti. Paññāya aniccādīni nijjhānakkhamaṃ katvā dhammānusāribhāvaṇca suṭṭhutarāṃ passitvā diṭṭhipattapaññā vimuttabhāvaṇca pāpuṇāti. Vīriyaṃ pana diṭṭhivicikicchānaṃ paṭipakkhamattampi na hoti. Atha kho tāsāṃ sahāyopi hoti, dhurabhūtaṇca. Paggahalakkhaṇaṇhi vīriyaṃ. Taṃ saddhampi paggaṇhāti, paññaṃpi paggaṇhāti, diṭṭhiṃpi paggaṇhāti, vicikicchampi paggaṇhātiyeva. Kutopana attano sabhāvena diṭṭhivicikicchāyo pajahitum sakkhissati. Tasmā imasmim ṭhāne vīriyavāhīti ca vīriyadhuroti ca na vuttoti. Kāyasakkhimhi pana saddhā ca paññā ca samabalā honti. Vīriyaṇca sayāṃ sammappadhānaṭṭhāne ṭhatvā tadubhayaṃ upabrūheti. So ca puggalo tadubhayabalena diṭṭhivicikicchādayo pajahitvā kāyasakkhibhāvaṃ pāpuṇāti. Aṭṭhavimokkhe vā uppādetvā ubhatobhāga vimuttabhāvaṃ pāpuṇāti. Imesu pana dvīsu puggalesu vīriyassa thāmo suṭṭhu pākaṭo. Tasmā ime dve vīriyādhikāṭveva vattabbā. Na vīriyadhuroti. Catuppaṭipadā nāma dukkhāpaṭipadā dandhābhīṇṇā. Dukkāpaṭipadā khippābhīṇṇā. Sukhāpaṭipadā dandhābhīṇṇā. Sukhāpaṭipadā khippābhīṇṇā. Tividhavamokkho nāma suññato vimokkho. Animitto vimokkho. Appānihito vimokkho. “Tayo antarā parinibbāyino”ti ettha āyukappaṃ pariyantaṃ apatvā antarā eva kilesaparinibbānapattā antarāparinibbāyī nāma. So tividho. Āyukappaṃ pathamabhāge parinibbāyī, dutiyabhāge, tatiyabhāgeti. Ime tayo antarā parinibbāyino nāma. Upahaccaparinibbāyī nāma āyukappaṃ pariyante parinibbāyī. Uddham mukho vaṭṭasoto etassāti uddhamso. Akaniṭṭham avassaṃ gamissatīti akaniṭṭhagāmī. Vipassanā kammaṃ sasaṅkhāraṃ sappayogaṃ katvā parinibbāyī sasaṅkhāra parinibbāyī. Saṅkhārahitena sukheṇa vipassanā kammaṃ parinibbāyī asaṅkhāra parinibbāyī. “Dvādasa sotāpannā”ti ekabījīkā tayo. Te eva catūhi paṭipadāhi guṇitā dvādasa. Dvādasa sakadāgāmino pubbe vuttanayā eva.

Ekaccānaṃ eva anāgāmi arahantānaṃ eva. “Ajjhositassā”ti adhiṣṭitassa. Mamevidanti niṭṭhānaṃ katvā ṭhapitassa. Gilītvā ṭhapitassāti vuttaṃ hoti. Bahalena thūlena kāmarāgena vimuttā bahalarāgavimuttā. Āruppesu ca tasso arūpasamāpattiyo eva atthi. Na catasso rūpasamāpattiyo. Tasmā tattha anupubbanirodho na labbhati. “Ādito paṭṭhāyā”ti aṭṭhasu samāpattīsu pathamajjhāna samāpattiādi. Tato paṭṭhāyā. Anupubbanirodho nāma pathamajjhāne paṭighasaññānānattasaññānaṃ nirodho. Paṭighasaññā nāma pañcaviññāṇasaññā. Nānattasaññā nāma kasiṇa nimittato aññesu nānārammaṇesu pavattamanoviññāṇa saññā. Dutiyajjhāne vitakka vicārānaṃ nirodhotiādinā anupubba nirodho. “Tato pañcamajjhānaṃ”ti pañcakanayena vuttaṃ. Aṭṭhasamāpatti vacanaṃ pana catukkanayena vuttaṃ. Tadubhayaṃpi puggalānurūpaṃ labbhatiyeva. Yuganandham nāma dvandabandhanaṃ, samathavipassanānaṃ yuganandhanti viggaho. “Samāpajjana vuṭṭhāna vipassanāvāsenā”ti ettha vasibhāvapattaṃ samāpajjanaṇca vuṭṭhānaṇca gahetabbam. Attano sarīrā baddhesu parikkhāresu samāpattibaleneva antarāyābhāvato visum adhiṭṭhātabba kiccaṃ natthīti vuttaṃ “attano sarīrābaddhe parikkhāre ṭhapetvā”ti. “Nānābaddhāni”ti nānāṭṭhānehi ābaddhāni. Nānāṭṭhānesu ṭhapitānīti vuttaṃ hoti. “Parissayenā”ti antarāyena. Māvinassantūti vā nānābaddha avikopanaṃ adhiṭṭhātabbam. Tadā vuṭṭhahāmīti vā saṅghappatimānaṃ adhiṭṭhātabbam. Evaṃ satthupakkosanaṃpi. “Addhānaparicchedo”ti attano jīvitakālassa upaparikkhaṇaṃ. Maraṇaṇhi nāma samāpattibalenapi paṭibāhitum na sakkāhoti. Anto samāpattiyaṇca maraṇe sati sabrahmacārīsu kattabbavattaṃ na kareyya. Etaṇhi vattaṃ yaṃ ariyasāvakaṇaṃ maraṇāsanne sabrahmacārīnaṃ vā upaṭṭhākānaṃ vā appamādakathānu sāsānikammaṃ. Samāpattiyaṃ vā aññatitthiyānaṃ garaḥā vivajjanattham. Evaṇhi te garaheyyum. Gotamasāvakaṇaṃ nirodhasamāpatti nāma ekaṃ maraṇamukham. Yaṃ samāpajjanto asuko bhikkhu maraṇaṃ gacchati. Anariya kammaṃ hetanti.

“Yadattham”ti paṭipatti rasassādattham. “Tadatthe”ti tasmim atthe. Nirāmisā sukhaṃ nāma āmisarahita sukhaṃ. Duvidhaṇhi sukhaṃ sāmīsasukhaṇca nirāmisāsukhaṇca. Tattha ye loke iṭṭha kanta manāpiyā pañcakāmaguṇā nāma atthi. Te kilesehi āmasitabbatā āmisā nāma. Yañcasukhaṃ te āmise paṭicca uppajjati, taṃ sāmīsasukhaṃ nāma. Yaṃ loke dibbam sukhaṃ mānusaṃ sukhaṇti

mamāyanti. Yañca anubhavantaṃ mahājanaṃ sabbāni apāyabhaya vaṭṭabhayāni samparivārenti. Jhānasukha maggasukha phalasukha nibbānasukhaṃ pana nirāmisasukhaṃ nāma. Yaṃ nekkhammasukhanti ca pavivekasukhanti ca upasamasukhanti ca sambodhisukhanti ca vimuttisukhanti ca ariyasukhanti ca anavajjasukhanti ca vuccati. Yañca anubhavantaṃ ariyajanaṃ sabbāni apāyabhaya vaṭṭabhayāni samparivajjanti. “Assāditabbaṭṭhenā”ti kilesapalibodhehi vimuttattā vipula gambhīra santa paṇītarasattā ca ahosukhaṃ ahosukhanti udāharantenapi assāditabbaṭṭhenāti.

Kammaṭṭhānasaṅgahānudīpanā niṭṭhitā.

Nigamagāthāsu.

262. Caritabbanti cārittaṃ. Dasakusalakamma pathadhammajātaṃ. “Kulācārenā”ti kulaparamparato āgatena ācārena. “Nāti mitta dhana bhogasampattiyā”ti hetuatthe karaṇavacanāṃ. “Visāle”ti vipule. “Tenā”ti tassapadassa vibhatyanta dassanaṃ. “Saddhāyā”ti ratanattaye aveccappasādasaddhāvasena. “Abhivuḍḍhānaṃ”ti hānabhāgiya ṭhitibhāgiyabhāvaṃ atikkammavisesabhāgiya nibbedhabhāgiya bhāvapattivasena atissaya vuḍḍhānaṃ. “Parisuddhānañcā”ti attukkaṃsana paravambhānādi dosehi parisuddhānañca. Naṃ naṃ janaṃ pātirakkhatīti nampo. Diṭṭhaditṭhesu mettāvihārīti vuttaṃ hoti. Āvhatābboti avhayo. Nāmaṃ. Nampo itī avhayo assāti nampavhayoti vacanattho. “Paṇidhāyā”ti patthetvāti atthaṃ nivatteti “bhusaṃ nidhāyā”tiādīnā. “Upādāya paṭiccā”ti tassa padassa pariyāyadassanametaṃ. “Attano mandabuddhīnaṃ”ti paccakkhe dharamānānanti adhippāyo. Tenāha “pacchima janānaṃ vā”ti. Anukampanaṃ anukampo. Kathaṃ nu kho ime janā abhidhammatthesu sukkena ājāneyyunti evaṃ pavatto cittabyāpāro. Atthato anudayaśākhātā karuṇāyeva. Tenāha “anudayaṃ kāruṇṇaṃ”ti. “Patthitaṃ”ti vā sādhuvatassa yaṃ thero evarūpaṃ pakaraṇaṃ kareyyāti evaṃ cirakālaṃ patthitaṃ āsimsanti attho. “Khuddasikkhāṭikāyaṃ”ti porāṇaṭikaṃ sandhāya vuttaṃ. Somavīhārotveva paññāyittha tasmīṃ dīpeti adhippāyo. Gāthāyaṃ “athā”ti tasmīṃkāle. “Etthā”ti etasmīṃ nagare. “Saddo”ti kasmā rājā evarūpaṃ maṅgalaṭṭhiṃ brāhmaṇānaṃ adāsi. Netāṃ patirūpaṃ yaṃ raññā katanti evaṃ pavatto amanāpasaddo. “Bheravo”ti bhīrutājanako bhayānako. “Sivīnaṃ”ti siviraṭṭhavāsīnaṃ. “Raṭṭhavaḍḍhane”ti raṭṭhaṃ vaḍḍhetīti raṭṭhavaḍḍhano. Hatthināgo. So hi lakkhaṇasampanno ājāniyo hoti. Yasmiṃ raṭṭhe taṃ abhimaṅgalaṃ karonti, tasmīṃ raṭṭhe devo sammā vassati, nānābhayupaddavā tasmīṃ nuppajantīti lokasammato maṅgalaṭṭhī hoti. Tena vuttaṃ “sivīnaṃ raṭṭhavaḍḍhane”ti. “Vitthiṇṇo”ti vitthārito. Ativithāroṭi vuttaṃ hoti. Dhanīyanti mahājanehi daṭṭhuṃ patthīyanti dhaññā. Mahiddhikā. Adhivasanti etthāti adhivāso. Dhaññānaṃ adhivāsoti samāso. Ajjhāvasimsu etthāti ajjhāvutthaṃ. Kittiguṇavasena udentī ugacchantīti uditā. Uditānaṃpi uditoti viggaho. Tenāha “nabhamajjhe”tiādīṃ. Sārajjanaṃ sārado. Vigato sārado yassāti visārado. Visāraddassa bhāvo vesārajjāṃ. Pariyattiyaṃ vesārajjāṃ pariyattivesārajjāṃ. Tepiṭakapariyattiyaṃ veyyattiyāññānaṃ. Taṃ ādi etissā paññāyāti pariyattivesārajjādi paññā. Pāpato lajjanasīlāti lajjinoti āha “pāpāgarahino”ti. Pāpaṃ dhammaṃ garahantiādīnavaṃ kathayanti sīlenāti pāpāgarahino. “Anussarantū”ti punappunaṃ sarantu. Visesena bhavanti vepullaṃ gacchantīti vibhavā. Puññāni ca tāni vibhavācāti puññāvibhavā. Vipulapuññānīti dassetaṃ “vipulānaṃ”tiādīmāha. Anuttariya dhammā nāma dassanānuttariya savanānuttariyādayo. Loke bahūsu dassanesu ito uttaraṃ aññaṃ dassanaṃ nāma natthīti dassanānuttariyaṃ. Ratanattayadassanaṃ. Catusaccadassanañca. Ratanattayaguṇakathāsavanaṃ, khandhāyatana dhātu saccapaṭiccasamuppādakathāsavanañca savanānuttariyaṃ nāma. Tesu ratanattayādīsu saddhā paṭilābho lābhānuttariyaṃ nāma. Tesameva punappunaṃ saraṇaṃ anussatānuttariyaṃ nāma. Ratanattaye catūhi paccayehi vā vattappaṭivattakaraṇena vā paricaraṇaṃ pāricariyānuttariyaṃ nāma. Buddhapaññattāsu tīsu sikkhāsu samādāya sikkhanaṃ sikkhānuttariyaṃ nāma. Tādise paññāvadātaguṇasobhādike guṇe avassaṃ bhajanti pāpuṇantīti tādisaguṇabhāgiṇo. “Bhavissāmā”ti bhavituṃ ussāhaṃ karissāmāti vuttaṃ hoti.

Dīpaniyā nigamagāthāsu.

“Bashyusuññacammekamhī”ti ettha “bashyū”ti aṭṭhasaṅkhyāya saṅketa vacanaṃ. “Cammaṃ”ti dvisaṅkhyāya. Ekañca dukañca suññañca aṭṭhacāti gaṇanakkamo. Sahassa dvisata

aṭṭhasaṅkhāte sāketa attho. Esanayo parato “navapañca cammekamhī”ti padepi. Gāthavaṇṇanāsu. Nagarati na cavatīti nagaraṃ. Thāvāriyanti vuttaṃ hoti. “Rañjēti”ti rameti. Khemasubbhikkhatādiguṇehi anāgate jane gamāpeti, āgate aññattha gantūṃ na detīti vuttaṃ hoti. Rohitamigā nāma suvaṇṇavaṇṇamigā. “Sāke”ti sākanāmena raññā puna saṅkhatattā imaṃ kaliyugaṃ sākanti vuccati. Yaṃ etarahi sākrarājantipi voharanti. Sākarājā ca nāma uttarāpathesu eko gandhārarājā. Yaṃ jeṭṭhakaṃ katvā bhinnaladdhikā vajjībhiṅkhū imaṃ dhamma vinayaṃ mahāsaṅghikaṃ nāma saṅgahaṃ āropenti. So ca dhammavinayasaṅgaho uttarāpathesu vattati. Vesāliyaṃ yasatthera saṅgaho pana dakkhiṇāpathesūti. Cattāriyugāni nāma loka paññapenti satyayugaṃ, dvāparayugaṃ, tetrayugaṃ, kaliyugaṃ. Yuganti ca āyuparimāṇaṃ vuccati. Idānipana kaliyugaṃ vattati. Tena vuttaṃ “sāketa kaliyuge”ti. Pāpayugeti attho. “La tī”ti sālikkhetānaṃ sodhanaṭṭhānattā evaṃ mrammadesavohārena laddhanāmaṃ araññaṃ. Taṃ pana muṃrvānagarassa esanne pañcadhanusatike padese jātaṃ. “Vissute”ti visesena kittite. Sārañca asārañca vivecenti vicāretvā jānantisīlenāti sārāsāra vivekinoti vacanatthoti.

Iti paramatthadīpaniyā anudīpanā niṭṭhitā.

1. Paramatthadīpanī nāma, yena therena sā katā.

Teneve sā katā hoti, ayaṃ tassānu dīpanī.

2. Aṭṭhasattadvayekamhi, sāke sā jeṭṭhamāsake.

Kāle navamiyaṃ divā, majjhanhike niṭṭhaṃ gatā.

Anudīpanī niṭṭhitā.